



日本漢文史

籍叢刊

第四輯

傳記

二



上海交通大學出版社
SHANGHAI JIAO TONG UNIVERSITY PRESS

圖書在版編目(CIP)數據

日本漢文史籍叢刊. 第4輯, 傳記 / 周斌, 孫錦泉,
栗品孝主編 — 上海: 上海交通大學出版社, 2014

ISBN 978-7-313-12132-5

I. ①日… II. ①周… ②孫… ③栗… III. 日本—
歷史—史籍—叢刊②歷史人物—傳記—日本 IV. ①K313-55

中國版本圖書館 CIP 數據核字(2014)第 225726 號

日本漢文史籍叢刊 第四輯 傳記

主 編 周 斌 孫錦泉 栗品孝

副主編 陳小法 尤 佳

上海交通大學出版社出版發行 北京人天書店有限公司經銷

(上海市番禺路 951 號 郵政編碼 200030)

電話:64071208 出版人:韓建民

北京中獻拓方科技發展有限公司印刷

開本:889mm×1194mm 1/16

印張:1021 字數:14611 千字

2014 年 10 月第 1 版 2014 年 10 月第 1 次印刷

ISBN 978-7-313-12132-5/K

定價:26350.00 圓(全三十一冊)

版權所有 侵權必究

統 籌 陳建華 施 維 劉邦權

責任編輯 陳建華 劉邦權

裝幀設計 陳燕靜

第四輯目錄

第一冊目錄（總第90冊）

傳記

別傳

聖德太子傳曆

一

右大臣吉備公傳纂釋

四三

朱舜水記事纂錄

二三三

義公行實

三八七

津輕藩祖略記

四〇三

藩祖盛烈記

四一七

仙臺藩祖實錄

四六五

第二冊目錄（總第91冊）

先考行狀

一

櫻老加藤先生年譜

一五

中洲三島先生年譜

三七

津田永忠君年譜

七五

欽仰錄

八九

佐倉宗吾義民傳

一〇九

福島安正君小傳及紀行梗概	一二五
--------------	-----

蕃山先生年譜	一四一
--------	-----

蕃山先生行狀	一五九
--------	-----

松岡先生年譜	一六五
--------	-----

箕山浜野先生行實	一八三
----------	-----

加藤清正傳	二一一
-------	-----

水戶烈公行實	二二九
--------	-----

惺窩先生行狀	二四七
--------	-----

羅山先生年譜	二六九
--------	-----

羅山先生行狀	三〇五
--------	-----

鵝峰先生林學士自叙譜略	三二九
-------------	-----

自叙譜略	三四七
------	-----

煉霞翁年譜	三九五
-------	-----

先師澹齋長沼君行狀集成定本	四一一
---------------	-----

國史館日錄 (卷一—卷二)	四三三
---------------	-----

第三冊目錄 (總第92冊)

國史館日錄 (卷三—卷十一)	一
----------------	---

第四冊目錄 (總第93冊)

國史館日錄 (續) (卷十二—卷二十二)	一
----------------------	---

日間瑣事備忘錄 (卷一—卷五)	三八七
-----------------	-----

第五冊目錄 (總第94冊)

日間瑣事備忘錄	續（卷六—卷二十五）	一
第六冊目錄（總第95冊）			

日間瑣事備忘錄	續（卷二十六—卷四十六）	一
---------	--------------	-------	---

第七冊目錄（總第96冊）			
--------------	--	--	--

日間瑣事備忘錄	續（卷四十七—卷六十七）	一
---------	--------------	-------	---

第八冊目錄（總第97冊）			
--------------	--	--	--

日間瑣事備忘錄	續（卷六十八—卷八十七）	一
---------	--------------	-------	---

第九冊目錄（總第98冊）			
--------------	--	--	--

日間瑣事備忘錄	續（卷八十八—卷一百七）	一
---------	--------------	-------	---

第十冊目錄（總第99冊）			
--------------	--	--	--

日間瑣事備忘錄	續（卷一百八—卷一百一十二、後編卷一—卷十四）	一
---------	-------------------------	-------	---

第十一冊目錄（總第100冊）			
----------------	--	--	--

日間瑣事備忘錄	續（後編卷十五—卷三十一）	一
---------	---------------	-------	---

第十二冊目錄（總第101冊）			
----------------	--	--	--

日間瑣事備忘錄	續（後編卷三十二—卷四十四）	一
---------	----------------	-------	---

第十三冊目錄（總第102冊）			
----------------	--	--	--

日間瑣事備忘錄	續（後編卷四十五—卷五十四）	一
---------	----------------	-------	---

義魁清河正明傳	三七九
---------	-------	-----

叢傳

本朝言行錄	四七一
-------	-------	-----

第十四冊目錄（總第103冊）			
----------------	--	--	--

本朝言行錄 續(卷三—卷四、跋) 一

皇朝言行錄 附: 巡覺日記、枕上閑課 三五

名賢言行略 一二五

本朝名臣言行錄 一九七

先正傳 二二一

尾張名家誌初篇 二七一

仙臺人物史 三〇一

本朝遯史 三二九

扶桑隱逸傳 三七五

隱逸全傳 四四一

皇和表忠錄 四八七

三名家略年譜 四九九

第十五冊目錄(總第104冊)

今世武臣傳 一

明治史傳 二一

近古史傳 四五

南部五世傳 一〇九

足利將軍傳 一二一

豐臣四將傳 一五三

前賢故實 一七三

第十六冊目錄(總第105冊)

赤穂義人錄 一

補正赤穂四十七士傳 三七

本朝孝子傳 一六三

本朝列女傳 二六一

烈婦傳 四四七

大東列女傳 四六一

近世佳人傳 四八九

第十七冊目錄（總第106冊）

近世佳人傳 續（二編卷之上——三編卷之下） 一

婦女明鑒 六三

新譚 九七

先哲叢談 一一七

先哲叢談後編 一二七

先哲叢談續編（序、凡例、目錄、卷之一——卷之十） 三八一

第十八冊目錄（總第107冊）

先哲叢談續編 續（卷之十一——卷之十二） 一

近世先哲叢談 三七

南木誌 一四三

三楠遺規 二四五

三忠傳 二七一

日本義烈傳 三一七

日本忠臣錄 三六九

尚友小史 四〇九

師友志 四三七

續浪華鄉友錄 四五五

大日本中興先覺志 四七五

第十九冊目錄（總第108冊）

河內名流傳 一

義勇芳軌 四三

高山正之傳 蒲生秀實墓表 七九

學古剩議 九一

近世人鏡錄 一二九

近世偉人傳（一編—五編卷之上） 三〇三

第二十冊目錄（總第109冊）

近世偉人傳 續（五編卷之下、義集初編—義集五編、禮集初編） 一

明哲純義典 三三五

名節錄 三四九

三名士傳 四〇七

明徵錄 四一九

第二十一冊目錄（總第110冊）

日本藩史（菊地序、自序、例言、引用書目、目次、卷之一—卷之七） 一

第二十二冊目錄（總第111冊）

日本藩史 續（卷之八、正誤）……………一

柏原藩史……………六九

津輕藩史……………二五九

鹿島外史……………三六九

求麻外史 （卷一—卷二）……………四七九

第二十三冊目錄（總第112冊）

求麻外史 續（卷三—卷四、跋）……………一

橘山遺事……………四三

日本古今人物史……………一三一

本朝武林傳 （序、凡例、卷一—卷八十八）……………二二五

第二十四冊目錄（總第113冊）

本朝武林傳 續（卷第八十九—卷第九十五）……………一

系譜

擊壤錄……………二七

帝王御譜……………一一三

帝皇略譜……………二一三

本朝皇胤紹運錄……………二五三

本朝紹運續錄……………二九七

帝王譜略國朝記……………三〇九

皇親譜略……………三四一

皇國姓族誌……………四四九

京都將軍家譜 四七一

織田信長譜 五一三

第二十五冊目錄（總第114冊）

豐臣秀吉譜 一

鎌倉將軍家譜 七七

聿修錄 九五

伊達世臣家譜略記 一三三

諸家知譜拙記 一六七

源平系圖 二四一

訂正增補百家系譜 二五五

系圖綜覽（例言、目次、第一） 四四三

第二十六冊目錄（總第115冊）

系圖綜覽（第一、第二） 一

第二十七冊目錄（總第116冊）

系圖綜覽（第二） 一

新編纂圖本朝尊卑分脈系譜雜類要集（卷第一—卷第二） 三六七

第二十八冊目錄（總第117冊）

新編纂圖本朝尊卑分脈系譜雜類要集（卷第二—卷第六） 一

第二十九冊目錄（總第118冊）

新編纂圖本朝尊卑分脈系譜雜類要集（卷第七—卷第十四） 一

第三十冊目錄（總第119冊）

新編纂圖本朝尊卑分脈系譜雜類要集 續（卷第十五—卷第二十、索引）……………一

柏原織田家臣系譜……………三三三

茶人大系譜……………四五—

華族鑑……………四七七

第三十一冊目錄（總第120冊）

平安人物志……………一

南山小譜……………四五

日本外史系譜……………八三

日本外史補系譜……………一〇九

詠史詩

國詩史略……………一二五

近世詩史……………一六一

東洋詩史……………一九三

詩史……………二一九

弔楠公詩編……………二四三

佛山堂詠史絕句鈔……………二五一

日本詠史百律……………二五五

日本詠史新樂府……………二六九

讀史雜詠……………二九一

征清詩史……………三二九

讀正續日本外史……………三九一

日本外史樂府	……	四四一
北總詩誌	……	四七三
瀛史百詠	……	四九三
海外詠史百絕	……	五二一

第二冊目錄（總第91冊）

先考行狀	一
櫻老加藤先生年譜	一五
中洲三島先生年譜	三七
津田永忠君年譜	七五
欽仰錄	八九
佐倉宗吾義民傳	一〇九
福島安正君小傳及紀行梗概	一二五
蕃山先生年譜	一四一
蕃山先生行狀	一五九
松岡先生年譜	一六五
箕山浜野先生行實	一八三
加藤清正傳	二一一
水戶烈公行實	二二九
惺窩先生行狀	二四七
羅山先生年譜	二六九
羅山先生行狀	三〇五
鵝峰先生林學士自叙譜略	三二九
自叙譜略	三四七
煉霞翁年譜	三九五

先師澹齋長沼君行狀集成定本	四一
國史館日録 (卷一 卷二)	四三

青山勇 著

先考行狀

明治二十八年（一八九五）東京鉛排本

據明治二十八年（一八九五）
東京鉛排本影印

先考行狀

尚



德



右二大字。烈公嘗為文明夫人所書。夫人
裝潢。揭居室有年。晚徙水戶。忝賜諸先臣。
今謹縮寫并卷首。以代題辭。

舊藩臣青山勇謹識

春夢先生肖像



原寫明神二年北七小川一眞復寫之

海濤聲歇曉

一日斬飛臺

鐘傳仰見雲

劍尚依然

同旭乾妍

甲寅元日
也光

寶祚千春如

右先考真蹟。甲寅即安政元年。前歲米船
始至。國內騷然。結末蓋寓感慨之意。
不肖勇識

先考行狀

先考青山氏諱延光字伯卿通稱量太郎致仕稱春夢號佩絃齋又號晚率其先六郎諱延久天文中事佐竹義篤爲常陸水來城主及佐竹氏移封秋田孫五兵衛諱延孚退隱多賀郡議原村曾孫五兵衛諱延友玄孫長四郎諱道親並不仕長四郎君實先考高祖也曾祖諱興道字子誠稱清內號一溪又西塢少好學以篤實謹厚爲鄉里所稱後徙水戶主管舜水祠堂尋補彰考館生員兼祠堂教授祖諱延舜字子好稱一之進號瑤溪本姓小泉氏幼好讀書彊記過人一溪先生愛其才

○ 先考行狀

養爲嗣以女妻之寬延初補館員後管勾舜水祠堂兼大日本史編脩脩神祇考六十餘卷爲人質直端厚居常用心誠意之學考諱延于字子世稱量助號雲龍又拙齋性剛直長於史學文章著皇朝史略明徵錄等妣佐野氏以文化四年丁卯十月廿三日生先考於水戶上市田見小路邸先考幼而喜讀書不好遊嬉屹如成人祖考深憂其生病叱之出外令與他兒遊乃出嬉遊少頃而還讀書如初年十一爲近體詩數十首祖考欣然賦詩有四世箕裘幸得汝讀書慎勿墜家聲之句年十二觀傀儡演忠臣藏者曰吾他日必作義士傳文政

中祖考爲彰考館總裁移居礪川邸內先考時年十七從而徙祖考素好武修史之暇創佐分利流槍術於邸中教授子弟先是先考在水戶亦受業三橋先生至是又往寓其塾數月終業而還如弓馬拔刀游泳亦皆就學有師年十八著赤穗四十七士傳是歲爲彰考館定傭賜五口俸嘗患勞咳哀公謂侍臣曰儒者少善繼者延于子延光幼而才敏聞罹病甚可憂因懇諭加療養東湖先生嘗示四十七士傳於土浦藩大久保要云青山氏弱冠有是著可謂水藩第一才子而方今求諸六十餘州蓋指不多屈其爲先生所推如此尋爲東藩文

○ 先考行狀

獻志編輯掛文獻志祖考爲之總裁而諸傳多係先考所草十二年哀公薨烈公襲封天保元年三月從祖考還水戶無幾祖考外補罷史職先考即日補大番爲彰考館編修攝總裁事又兼垂統大記編輯掛大記楓軒小宮山先生總裁之先考所草僅二三傳云天保庚子烈公創弘道館祖考爲小姓頭兼弘道館總教先考爲小姓頭取兼教授癸卯歲四月烈公從愼德公如日光先考扈從作從駕紀事九月祖考易簀翌月先考進小姓頭兼弘道館總教食祿三百五十石弘化甲辰烈公獲罪幕府屏居駒籠邸先考與書佐藤一齋云寡君之

所以負謗於世者二。曰講武也。曰闢佛也。而寡君之意則莫非所以輔衛幕府者。寡君之心。先生知之。先生之言。天下信之。願念寡君禮遇之厚。爲寡君一言。以解光等之憂。自公致仕。順公襲封。國事一變。閭藩分黨相爭。甲黨仆。乙黨弄權。乙黨仆。甲黨又起。而爲二。又互起仆。而乙黨亦再起而又仆。以至藩廢。蓋朋黨之分也。有所由來。然其爭至此益熾。而公薨後。流弊滔々。遂不可復回焉。先考嘗竊嘆曰。近來清流末派。論涉刻薄。曰彼與某往來。彼必爲奸。某與彼爲姻家。某亦爲奸。此疾小人之甚。其弊至此也。先考爲人。溫厚恭謙。不求名。不矜

○ 先考行狀

三

能。不與世競。不與人爭。以澹泊寧靜自處。凡於交際。善惡黑白不甚分。群而不黨。且不容易談時事。惟以春風和氣接人。其風采超然。如野鶴在雞群也。平生恪勤奉公。不以風雨寒暑少懈。而居教官。常讓會澤先生。兼史職。則常推豐田天功。若夫進退出處。自以爲可退焉。則斷之方寸。未嘗與人結托。又不敢抗議切論。稱病辭職。前後凡三。嘗有云。凡天下之事。有大勢在。非智力可得。而制才如東湖。或可以有爲。至餘子。適足以擾之耳。故雖遭至難。從容不迫。以至誠應之而已。世或笑其無策。而先考固厭人之多策也。甲辰之後。政府頗忌烈公英

明。一舉一動。竊猜防之。適先考自中寄合。遷史館勤。於是公以蒐集書籍爲名。每封書冊。下付諸先考。而加親書於其中。曰與延光。曰授石河幹忠。曰戶田忠敬。曰藤田彪。曰某某。又或賜一通。曰汝傳示之。先考大抵託諸石河。以傳諸子。諸子上答。亦由先考呈之。而其郵送必係小姓頭取管理。如此者二三星霜。有司竟不之覺。乃雖同志者。亦少知之者。此雖由公之措置得宜。然亦未嘗不由先考及石河之用意縝密。以致忠悃也。安政初。邊警屢動。先考上書曰。癸丑以來。已經四歲。而天下人心。偷安依舊。一朝變起。追悔靡及。爲今之計。不復用他

○ 先考行狀

四

奇策。以戰端已啓爲慮。而宜節用。節用宜自減後宮始。昔池田參議領二州。而給仕女兒。止三十人。上杉鷹山侯嘗斥出女使五十餘人中。留者九人。請今速命有司。適宜處分。先考上書極多。而謹敕不泄。少存稿者。四年五月。弘道館有開校式。先考草定其議。有銀帛之賜。凡以勞受賞者。前後不可勝計。萬延元年正月。先考在礪川邸。順公舉爲側用人。兼總教。班馬廻番頭。食祿五百石。是月與白井肥田兩執政。受命還水戶。甲黨數十輩。要之長岡驛。即黨中過激者。呼謂激徒。執政陽容其言而去。先考獨曰。已受公命。豈容他議。衆不可曰。先生請

留此。會日暮。先考以爲衆皆不可說。惟有野口某似稍可談。翌朝獨往訪某。曰兩執政已去。留吾何益。適增卿等之罪耳。卿幸傳此意於衆。某諾之。先考即還。二月烈公時在藩。命若年寄渡邊超及先考。率弘道館文武師範及諸生。往討長岡激徒。嚮執政烏居某。奉命往諭。遇激徒於途。喧擾格鬪。執政空還。而迨先考至。聚者皆散。無有一人抗者。先考信宿而還。當是時。幕府傳朝旨。使順公納戊午勅書。物議爲之沸騰。先考之遷。側用人。人或危之。先考曰。今國家多事。固非儒生所能堪。然臨難苟畏避。非人臣大節。此吾所以不敢辭也。順公嘗

○ 先考行狀

五

顧先考曰。水戶之士太剛。欲使之柔。何如。先考曰。凡爲士者。患柔而不憂剛。猶刀劍之嫌鈍而不厭利。利者或有以自傷。自傷者用之失方也。故養士使剛者。不至於狂與亂。顧在於駕御如何。伏請公之留意於此。會澤先生聞是對。深稱嘆之。自其爲側用人。得入大奧。故烈公屢召見。每屏人諮詢。眷遇尤至。數月公薨。文明夫人素憂國事。文久慶應間。陰賜親書於先考。以下問時事者數矣。夫人能體烈公遺志。而終始不渝。以繫衆望者。雖其天資聰明仁恕所致。然先考冥贊之力。蓋不少焉。戊辰十月乙黨作亂。來據弘道館。先考登彰考館。聞城中

議決。舉衆進擊。先考曰。余亦將出戰。館僚皆從。先考烏帽道服。杖佐分利槍。出自城門。向學校。賊放銃拒之。適有一丸穿先考左袖而斃。後人先考神色自若。徐步而進。館僚皆服先考沉勇云。先是距義公薨百五十年。而大日本史紀傳刻成。烈公爲之跋。使先考作稿。稿成。豐田天功評云。以大友後醍醐二帝發論的的當當。可謂良史之才。宜哉。校刊其紀傳。以成義公之遺志也。時會澤先生及天功皆未復職。先考獨力擔當。以了校刊之事。其勞蓋亦大矣。明治中興。徵任中博士。叙從六位。賞其能受家學。用力國史。特賜綿五把。嗚呼。先考之

○ 先考行狀

六

爲總教。前後凡二十年。上之蒙烈公殊遇。下之負一藩重望。可不謂榮哉。立乎黨派紛擾之間。處乎國步艱難之際。可不謂不幸哉。數蹈危機。而不罹奇禍。雖既老矣。得遭聖代。浴皇恩者。庸詎知非天眷其德量而佑之乎哉。先考之拜朝官也。在明治二年。先是患中風。乃力疾奉職。以四年庚午九月廿九日。沒於東京本郷弓町邸舍。享年六十四。翌月歸葬於水戶常磐原先塋。先考繼箕裘。好著書。其意蓋欲網羅古今而無所遺。著國史紀事本末四十卷。始於神武東征。終於南北一統。續史紀事本末三十三卷。自室町衰弱。至大坂役。未脫

稿。又著野史纂略五卷。自台德公至俊明公。特如東照公事蹟。讓諸烈祖成蹟。有德公以後爲續編。而不果。又著三藩事略。三藩年表各一卷。又嘗云。海外之史。吾不得而知。唯本邦附近諸島。未見有輯錄之者。可謂闕典矣。於是手自抄寫者若干冊。名曰諸島事略。蓋有刪修之意。而又不果。其他雜著亦極多。其於文章。少時尤好論文。嘗作策論。曰慎好尚。曰正人心。曰勵大臣。曰養士氣。又有擇相尊賢勵士求才制遠等諸論。後多史論。有國史紀事本末論贊。其論神武東征云。帝以武定中洲。尚武之基立矣。而歸其功於天祖。尊神之誠至矣。尊

○ 先考行狀

七

神尚武。遂爲萬世之大本。此實祚之所以傳無窮歟。又曰。神州以武立國。西土以文立國。以文立國。故尚禮讓。方其盛也。固爲至治。及其衰也。繁文縟節。變爲虛僞。奸雄篡奪。文以禪代。而天下不敢議其非。神州則不然。祖宗以武立國。所以震讐四夷。而神器尊嚴。上下之分一定不移。威武有餘。而禮讓存其間。然則西土尚文而文則微。神州尚武而文自存。此神州之所以變軼萬國。嘗著神道論。其畧云。天地如此其大也。萬物如此其多也。夫孰能知其初哉。宇宙之間。何處無國。何國無人。或爲神國。或爲文明之國。或爲蠻夷戎狄者。豈有它哉。國

先考行狀

體不立。不可以爲國。彝倫不叙。不可以爲人。國體立。彝倫叙。然後天地之常道行焉。道之所存。謂之神國。謂之文明之國耳。然立國體。叙彝倫。非奇偉非常之人。則不能也。天下之人。或聚或分。或奪或爭。而不相統壹。夫然後天生奇偉非常之人。以定之。國體於是乎立。彝倫於是乎叙。斯之謂天地之初。斯之謂生人之初。而後世論之。以爲天地果關於斯時。万物果生於斯時。牽合傅會。想像摸索。無所不至。遂謂上古之人。騰雲駕霧。履虛馭風。變幻詭異。靈異不測。故其名爲神。其時爲神代。其道爲神道。嗚呼。是說也。萬世傳之。以爲信然。殊不知神亦

○ 先考行狀

八

人。而神道即天地之常道也。夫神者奇偉非常之人耳。與天地合其大。與日月合其明。故天下事之如天地。仰之如日月。而天位之嚴。天胤之尊。亦猶天地日月也。君臣之分定。上下之名立。而天下定矣。亦猶天地各得其宜。而不易其所也。神之於人。固未嘗異。而言其德。則天地日月也。是以謂之神。神國之所以爲神國者。以此。而天位之所以不廢。天胤之所以不絕。亦以此。然則神之所以立國體者。固在嚴君臣之分。君臣之分嚴。則上下之名定。夫然後四海之內。皆歸于一。故曰國體立。彝倫叙。而天地之常道存焉。又有六雄八將論。自書

九

其後云。我邦人作論。動援引海外人物。而海外人作論。何嘗引我邦人物。然則今論海內人物。何用海外爲。余既以此作論。世必有笑其隘者。文集十六卷。分爲本集別集外集。其於詩。飄逸不涉理路。戊午秋。士民數百人。發水戶。至小金驛。先考受命鎮之。宿驛賦詩云。中夜眠醒起彷徨。樹林蕭颯露爲霜。西風一掃纖雲盡。仰見滿天秋月光。明年夏奉命。抵礪川邸。賦一絕云。國步艱難日。揮鞭到武城。却逢微月夕。風笛送清聲。當時人心恟恟。殺氣縱橫。而從容閒雅如此。嘗有櫻花二百詠。名曰名花有聲畫。東湖先生跋之云。日出之域。冠絕萬國。鍾

先考行狀

九

其神秀者富岳也。發其英華者櫻花也。蘊其精氣者寶劍也。吾友青山伯卿。嘗著刀劍錄。又賦櫻花得二百首。它日伯卿攀富岳。踞其巔。御萬里之風。餐千秋之雪。洋洋發諸詞藻。與斯卷及刀劍之錄並行。則日域三絕。盡入青山氏機軸。先考實有登岳之意。而不果行。殊爲遺憾也。其書好楷。常臨歐陽詢醴泉銘。如四十七士傳刻本。如祖考及東湖先生碑。皆先考所手書也。畫則寫竹寫菊。寫蘭或葡萄。又寫櫻花。歲首試毫。必畫富岳於扇面爲例。而畫竹最多。自贊曰。余詩既拙。書亦醜惡。欲知余妙。視斯墨竹。又曰。東坡於文。極古今之能事。故人重

其畫。余文既拙惡。故人賤余畫。此余之所以用力於文。而畫亦未嘗廢也。抑先考志在脩國史。以報義公。故專攻家學。兼通文藝也。而天資近道。其可稱道者。蓋不一而足。先考閑居讀書。必危坐。未嘗箕踞。雖炎暑如燬。未嘗袒裼露膚。居官則如有威。在私則若無能也。其容貌有如此者。先考兄弟相聚。仲叔季時或論文不決。即曰。伯兄以爲如何。先考徐曰。吾意如此。三弟皆服。凡對人不問則不言。言則簡而盡。其言語有如此者。先考出入必拜家廟。朔望四仲必祭。又參拜產土神社。忌日必展墓。其敬神追遠有如此者。先考於典籍。不務記誦。而

先考行狀

十

如孝經論語學庸。皆暗記之。其他如孟子。如韓文。如歐蘇文。能成誦者數篇。其強記有如此者。先考衣食器具。務從儉素。家事一切。委之吾母氏。然至於貨幣出納權。未嘗許其干涉。其治家有如此者。嘗在礪川邸。一夜僕盜七十餘金去。明晨從者請申官。速追捕之。先考笑曰。莫爲煩。彼若旅行。恰好天氣也。其雅量有如此者。門生某某夜歸。時見街上有二士死骸。一被斬。一自殺。某等不辨其爲誰而過。翌朝聞其爲友人。先考深責其不善驗之。其重士道有如此者。豐田天功屏居貧甚。先考懷二十金往訪。竊置諸烟盤中而去。家人發見告天功。天

功曰。此伯卿憫吾窮也。後天功復職。其返金亦如先考之爲。其篤交友有如此者。先考常慨朋黨有害。曰。吾不欲黨君子黨。況小人黨乎。其獨立不倚有如此者。甲子六月。將赴江戶。聞武田耕雲齋自屏居中。潛出南向。曰。兵氣既迫。吾輩無復進說之地。宜俟命而動。遂止。其見機有如此者。慶應中。一日聞政府有祿結城寅壽後議。曰。吾可以退焉。即日稱病不出。遂致仕。其進退有如此者。先考於古今人。未嘗容易貶之。而又少深稱許者。唯武將則加藤清正。義士則大石良雄。儒者則伊藤仁齋。於異邦則唐裴度。宋韓琦。此等所常稱也。其評論有如此者。

○ 先考行狀

十一

此者平生尤崇尚孝經。歲首必試讀之。嘗命勇日一誦之。授門童亦自是書始。然有人持大學來請教者。不復拒之。常云。論語首篇第一章說學。第二章說出孝弟。故人宜以學爲先。學宜以忠孝爲本也。晚年好易。將有事焉。必先筮之。且手摸六十四卦。細書爻辭於卦中。彖辭於卦傍。名曰周易便覽。常置諸座右。嘗云。亢龍有悔。盈不可久。是周易開卷。既戒盈滿。盈滿之不可不畏也。如此而六十四卦中。唯謙一卦。純然吉利。此可以見謙德之不可不尚也。又嘗有慎獨說示三弟。曰。余觀孔子之語顏淵以仁。蓋慎獨之要也。視聽言動。不可須臾去禮。

先考行狀

則冥冥之中。安可萌一毫輕慢之心。此非慎獨之第一義耶。人能敬君父於人之所見。而不能敬君父於人之所不見。其患必至獲罪於鬼神。而致辱於君父。故冥冥之中。不可無禮。不可不敬君父。不可不畏鬼神。斯之謂慎獨。慎獨豈非學者之第一義耶。先配前木氏。後配服部氏。男一人。即勇。女三人。長適朝比奈泰交。次適梅村清紀。次爲梅村清晴所養。適齋藤襄。皆前木氏所生。先考於三弟。友愛怡怡。有壺篋小集。既刊行。仲曰。延昌。冒佐藤氏。叔曰。延之。冒佐佐木氏。皆已亡。季曰。延壽。天保中。別賜俸。爲弘道館訓導。今尙嬰鑠。齡七十有五。自先

○ 先考行狀

十二

考捐館舍。已二十有五年。不肖勇已耳順。乃謹述先考平生大槩。以爲行狀。而此狀所未盡者。將別錄以示子孫。明治二十七年。先考忌辰前一日。披淚書之。

戊辰秋。勇有故亡命。至庚午秋。潛入東京。覬先考於某所。且呈拙稿。茲遊奇絕一卷。乞正。先考乃賜之跋。其文曰。茲遊奇絕者。某生時勇潛居。故先考呼某生有所歸也。遊歷之詩也。某生去鄉。遊歷諸州。天下奇勝。悉在目前。取以名其詩。亦可。昔東坡以罪戾之餘。有此語。先儒固嘗議之矣。然此語雄壯。不失詩人之本色。故至今。膾炙人口。今某生有罪乎否。吾不得而知也。然不幸去鄉。出

萬死而入一生。單身跋涉。看覽奇勝。以洩其不平。乃取東坡之詩。以自命。吾謂之不平之鳴。其果能膾炙人口乎否。非吾所知也。勇拜受之。感泣不禁。時藩情未平。乃又去遊加州。僅踰月。得母君報云。先考溘焉靡及。喪儀既了。汝幸自愛。嗚呼。勇何人。而遭此大艱。以負罔極之恩矣。爾來竊以爲。曾祖瑤溪先生碑文。祖考雲龍先生所撰。雲龍先生墓表。先考撰之。至於先考碑文。勇雖不肖。自以爲吾責。然而淹滯至今者。有事係機密。雖既往不可輒言。且勇不文。難輒下筆也。今姑成行狀一篇。以寓優慨之感。嗚呼哀哉。

先考行狀

十三

○重野成齋云。青山氏三世碑志行狀。皆成于其子孫。除幕府儒員古賀氏外。世罕其匹。蓋父祖言動志意。唯子孫尤能知之。但累世能文。如青山氏者。不多有。假他人筆寫出。不免隔牒搔痒。此篇點出春夢先生懿行軼事。朗如列眉。不止傳先生性行於不朽。亦可以補史傳之逸。

季父云。伯兄天資謹冲。其於文極精。壽等文字有不妥。乃問曰。古人有此句法乎。又無他語。郵送一文。請是正。伯兄付箋於欄外。一二問其出所。別有所意。乃曰。

某作某可。未嘗塗抹原本。於吾文如此。如他人文。則一覽置諸坐右。無復他語。門人某生爲教官。會澤先生嘗出一文。示館僚。某生剽剽其文。付箋如蛸足。伯兄見之。顧壽顰蹙。竊嘆生言不讓。猥議先輩文。其性度蓋如此。

又云。先人雲龍先生天資峭直。伯兄寬弘。是父而有此子。世固怪之。烈公亦以爲言。蓋伯兄性度似外家。乃先妣佐野氏。資性幽靜貞婉。吾幼也狂恣。然未嘗蒙訶責。若有過。力掩蔽回護。不使先考知之。其性如此。吾外叔佐野某。即先妣弟也。數年前尙存。其在衆人

先考行狀

十四

廣坐中。終日嘿嘿。殆如木偶。然扣之則答。固非愚者。故云伯兄性質似外家。固非可怪者。唯其學問則肖先人。其博大過之。猶如東涯於仁齋。東坡於老泉。伯兄冲退自守。要之伯兄小事糊塗。大事不糊塗者。可爲趙魏老。不可爲滕薛大夫矣。

明治廿八年一月十五日印刷
全年全月十八日發行

發行
者

茨城縣士族

青山勇

東京市本郷區弓町
壹丁目十八番地

印刷者
島連太郎

東京市牛込區市夕谷
加賀町二丁目十二番地

印刷所
株式會社 秀英舍工場

東京市牛込區市夕谷
加賀町二丁目十二番地



馬杉繫 編

櫻老加藤先生年譜

明治二十四年（一八九一）東京鉛排本

據明治三十四年（一八九一）
東京鉛排本影印



孤雄悲
同者難忘

高山流水
遺者永新

歌加藤梅吉の北



加藤梅吉



遺

女芳

丁亥初夏
毛利元德題



一




樂

名

大

貞寧



貞

序

下
衣
林
通
補
書



序

櫻老加藤翁笠間世臣。好與子。又嗜音樂。為人慷慨義烈。勤王之志。自幼至老。終始如一。嘗憤於正權。藩政日非。訴之宗藩。遂為勅臣。所陷。廢黜間居。時余訪之。其十三山亭。翁歎接。痛飲快談。醉後吹笙達曉。月色皎然。山岳如

煙。殆有世和之思。翁無婢僕。兒子幼。聖蛭自汲水。余乃助翁炊飯。亭舍蕭然。紙破几塵。積翁不以為意。悠然自得。論南世之務。鹽一不倦。余乃賦十三山亭古詩一篇而去。爾後不知其逢者二十餘年。明治中興後。余奉職於京都府。重訪翁

年譜來請余序書中舉翁事
實細大不遺。身人躍如。觀之誰
不感奮。起慷慨義烈之氣。況鼻
翁久交於余者乎。嗚乎。明道
隔。欲與翁重舉杯酒。話舊。不可復
得。臨序黯然沾襟。

明治二十年三月南府經紀

張大

明治二十年三月南雁徂紀



二人各在薩之牧勢也。外宣
与薩同禁之害也。初事嬖相
末言懷一儀相时论海二省乃
授篆。其书富之子。时邪情成
深吊又叙水户藩之意义。二心
一夙。其能之藩者。士明大家。其
名分之为。其子乃其父在藩。其
治子军家。其书为山口藩之。其

力子子誠是通子子子家如
お見之何やとて麻家一葉七
つ出衆中お家世理し子則海
ふ原ふし子禁網同江中興
出之誠子お家子後家國雖
四来得府は出内と家何と家
成を誠由乞ふと家為おとと
免るお西来は子家父如とと

之為子水増家又とと家しと
子有煮おととと十三とと特
家は東神しお家家又とと家
而隆屋をはとと動海膠家十八
とと可事一ととととととと一
寺誠家しととと家とととと二
とと友和久ととと和情とと足半
家し親とと家和子ととととと

和亞父也未事家又先家とと
汲家之免汲ととととととと
手議也必免佳ふ受津ととと
等ふとと家何とととととと
世和親ふととととととと
明江二十一とと十二月

丸山竹楽



大英 子と

序

不刊之物

慶應中予在京師聞東國有慷慨憂國之士曰加藤有隣不為俗論所容西抵長州滋事毛利侯今來在京予想慕其風采欲見而不果明治中興久不聞其名清國公使何如璋之始至也聞加藤按先家先伯文予與重野成齋為馬以見何


氏至是知櫻老弟有隣始定交屢過予與論文蒼顏鬚髮漙漙然儒雅之君子人也每言愛孫酒後則合奏笙簧琴瑟嬉說古樂之當興又深尊信孔子欲建廟崇祀誘羣子弟入其道游說四方慕同志蓋初也歎皇室之式微憤外夷之猖獗故激昂如此彼今也王政

興復外蕃就按願遂望足無復所憂故欲興禮樂以文太平也無奈時好任逐新君所主張不免為齊門之等不暇及之願不行以致雖然清使朝鮮使皆聽君奏古樂歎美先聖王之遺音獨存日本以為君子國之稱果不虛君功亦多矣西京馬杉君繫以君舊文為撰

其年譜考按精審無一虛辭君老子伯陽將梓之向序於予因為題之
明治二十一年二月 海南藤野成識



叙



余嘗聞水戶人士崇文學、尚氣節、故慷慨好古之士、徃而步其間、豈非源氏彰考館之流風餘韻、有以教之者耶、庚辰春、余游東京、親釋菜於昌平館、見儼然

道貌而奏雅樂者、知為櫻耆加藤先生、傾蓋論交、懽然如故、其後屢相遇、從商、推今古、並出所著衆教論略見示、余曰、教之岐出也久矣、儒之外、有老莊楊墨、後有釋氏耶蘇、就皆倚於一偏、而不得

其正、至於明天道、正人倫、致至治之成法、歷千古而不易者、其惟儒乎、先生首肯、故所論與余夙所持論相合、嗚呼、今歸道山已數年矣、世風又為之一變、使今日尚立、其感慨更當何如也、茲藉嗣以先生年

譜屬序、執筆書此、悵然久之、先緒戊子仲秋、浮查散人張謇
昉相序於海園天空室



櫻老加藤先生年譜

友人 平安 馬杉 翳 選

繫曰：觀乎天文以察時變，觀乎人文以化成天下。聖人用賁之，道至矣哉。夫天文之與人文，猶陰陽寒暑不可偏廢也。古者自天智開，周孔之道，風化大行，品物咸亨，庠序學校之於州郡，經史子集之於府庫，莫一不備具焉。故禮樂和正，士民淳厚，抑示天祖天照，太祖神武之遺意也。然則以斯文，詔天與人者，非聖人用賁之道也。櫻老加藤先生，夙講禮樂，至老益精，蓋欲興起天祖太祖之遺意而覺斯民也。作櫻老先生年譜。

文化八年七月二十八日，先生生於常陸水戶城東下市濱田邑宅。幼名日出吉，父曰佐藤政祥，實熊谷氏也。母佐藤氏。

先生本姓佐藤，其先稱大隅，世居常陸，仕佐竹氏，慶長七年佐竹氏徙封秋田，一族隨之。獨先生之祖某留守墳墓，降在民間者，凡八世二百餘年矣。及政祥君始仕水戶藩，佐藤氏有孕，適見旭光，赫灼澤室，生先生，因名云。

文化十四年，先生甫七歲，出養於外祖父加藤惣藏君。君諱信義，常陸笠間藩士也。

先生幼而讀書，懷悍，常聚群兒，自稱將帥，分隊成軍，陳坐作之狀，或為戰國之狀，動輒士大夫之子，父母愛之，相謂曰：此兒不凡，然在本藩，則或貽禍於父母，亦不可測。外祖父在笠間，笠間風俗溫柔，此兒習而化，則必得其宜。因遣焉。外祖父信義君曰：日出吉與豐太開同名，不可不避，也改名稱日出太郎。

文政七年，先生始就學，師事於森田櫻園，信義君無子，是歲以

先生為義嗣，制名曰熙字伯敬，時歲十三。

先生學劍鎗，亦以是歲為始。

文政十一年正月，先生始仕，班中小姓，賜命專修儒術，兼藩學時習館都講，時年十八。

加藤氏之先，信濃人，稱有國，初住京都，學伊藤園老，游學近衛公，後游江戶，仕笠間侯，自是子孫繼家學，世為低侍讀，以故，先生亦專修儒業。

天保元年，先生以館務妨文學，上表辭職，負笈游水戶，入於會澤伯民之門，時年二十。

先是先生擬武藏殿坊辨慶經命詞作文，森田櫻園大歡美，傳播江戶諸儒，聞者皆奇之，以神童稱。

是歲九月，生母佐藤氏歿於江戶。

先是，生父政祥君，總居江戶藥川邸，生母佐藤氏從之，生三弟，至此先生聞其病篤，晝夜兼程赴省看護，然水漿不入口，藥石無驗，終經六日而逝焉。先生哀慟過禮，乃與父謀葬於本鄉三念寺，後歸水戶，史館總辦青山延光遷墓，先生既返笠間，得水戶藩田由谷所著二遠異稱於會澤伯民，而讀之，家居服喪如禮。

天保二年，先生主藤田東湖家，時年廿一。

是歲，會澤伯民以參與幕政，例不許他藩人寓留，故先生主藤田東湖家，為師友之交，謝斷事于伯民，贈益如故。

天保七年，先生自春至夏游學於下毛足利。

此行也，自足利至上毛一宮，探新田氏遺跡，終經日光，至會津仙臺，游松島，轉途過土浦，訪藤森弘菴，並東西數百里，獨步往返，乃著獨步紀行一卷。

天保八年九月，先生娶結解氏，是歲始開家塾，授生徒，屢屢常

盈門，時年二十七。

○以上神陰年譜、獨步紀行節取

繫曰：先生博接碩學名士，以求良師友，游跡殆遍關左，然後結婚開業，故其講道也精矣，與世之優游不斷，起臥園房，管見蠡測，自以爲至者，豈可同日而語哉？昔者仲尼自周還魯，學大進焉，宜哉！先生齡未至而立，生徒盈其門，然先生之志不止於此也矣。

天保九年正月、先生微行赴水戶、謁其老臣山野邊兵庫頭、辭國事、旣而游江戶、

是夏先生入於林遠齊之門，寓昌平校，與河田入之助結交。歷接佐藤一齋羽倉簡堂、學罪樂於紅葉山俗官東嶺山野井二氏，尋從清水赤城學兵法及砲術，就古賀洞卷刊刊論語、與平田篤胤謀、藏建設鹿島學校之事。

是歲十月、長男麟太郎生、後稱興太郎、又改名復

先是、先生弟山崎順慶、及次弟德雪夜、獨存季弟常吉、是歲先生歸國、乃憂佐藤氏血胤將絕、歸筑波山神、至是得男、先生喜甚、未幾又對於江戸、

天保十年六月、先生從生父佐藤政祥君、始謁宗家佐藤源右門於江戸下谷秋田藩邸、尋還笠間、

源右門秋田壽老也、慶長中從佐竹氏、自常陸徙秋田、今既十世矣、是爲佐藤氏宗家、他日先生謀王政恢復、以勸王事、蓋基於此云、

天保十一年九月、先生次男虎次郎生、後稱勇雄、又改名淳風

天保十四年二月先生三男鶴三郎生、閱十一年而天

弘化元年四月、先生重黨議獲免、屏居十日、

先是笠翁書主、早世相贈、先生憂之、上劾主輔導策然、潘綸紛紜、動至爪牙相磨、先生益憂之、是歲三月、與同士族人私赴江戶、將請執定於宗藩長岡侯、侯時爲幕府困老、不肯受理、書定以主命、與先生及同志三十餘人、

弘化二年五月、義父加藤惣藏君卒、因承其後、改通稱曰隣時
年三十五、

先生爲義父服喪如禮、哀慟過禮、葬於笠岡岡尾村原臺院先塋、既而除服、刈馬廻班、

是歲十月、先生四男鳳吉生、後稱司馬、又改名直

先是水戶烈公、以事命屏居也、先生特專囑其宛、作寄遺水
傷山園并板等諸士、時水落義士義民、万人一辭、唯雪充之
者、亦甚多、先生與士潘藩士大久保、要人、俱戮力以政事
老、是歲十一月、事傳全、稱公之屏居、然未許關內外政事何
以得保國家慰宸憂、又遺書於牙根吉成、及大久保等諸士
遂訪龜州銑子演、邀次過水戶、誦義士辨論太力、至嘉永元
年、幕府起公開政事、先生喜、曰、雲集全散、使公再拜青天白

○以上水城秘簡節取

弘化三年二月、義母齋藤氏卒、

先生爲義母服喪如禮，是歲幕府小監察長田小太郎者，奉
事老內命，探水戶舊情，途次過笠岡，訪先生，贈之以水
戶景山公所告忠著篇一卷，且告之曰，反聽之兩聰，心視之
清明，遠翻途說不足取信也，乃詳論國事，小太郎領而去。

嘉永二年二月、先生上封事於幕老長岡侯、訴藩情、已而再上

書曰、外夷覲覲邊備不可緩、皆弗報、

自弘化三年夏，至是歲，先生謝病閉門，退居讀書，既三年矣。先生乃出，處處退士者三十餘人，書主存，君臣大義亦關焉。進而取容，狂道從衆，則有不可自忍爲者，退而得戾命也。念戾暴動，或至犯上，則其罪在我，且誘衆而進退，是要上也。同志之士，宜皆應書命，服務我將，調退而成志焉。然舊老有

司曾不許於是先生與衆俱出而服務凡五十餘日復討病
退居還其志在自全道也

嘉永三年正月先生五男春五郎生既而殤

嘉永四年九月先生以藩命致仕改通稱曰有隣時年四十一

自嘉永二年夏至是月亦既二年先生猶病退居曾謂
余自七歲受父母命離膝下茲外祖父母還歸他處仕宦
然類聚貴戚眷屬自應歸外祖父母何幼主嗣生大
有司事相藩情日非力盡則外祖父母何能歸而
此必在考近矣余爲加意家訓之直道而獲罪則老
亦所不忍故百折自屈以至於今日今既老耄則
生也死也人之常耳如兄子結髮區區家事未足以
今也生父老之常耳如兄子結髮區區家事未足以
命也安知吾志在天若天下生大變則以身殉之
自出而服未幾而病所居不病有長嗣之命一且
今削仕籍且幽閉不許出家門先生承命自謂如漢士則

三雖而去可矣我邦則不可然也故延至於今日今有此
命是所自期焉因閉門塞窓閑室默處既過十日再賜命曰
宜解幽閉而終身不許離藩境外出

是歲十月先生配結解氏歿藩侯侍醫風所翁之季女也

安政二年十月先生請告得赴江戶尋還笠間

是月勘地大豐江戶藩諸先生聞季弟常吉罹災未審其狀
得時不能自色乃欲赴江戶省老父而身不許離藩境於是
哀訴百方辭色殆動人江戶有司咸其孝誠特下命許出藩境先
生乃星馳到江戶老父幸免災而季弟創痍殊劇治術無
効遂卒是時外夷事情切迫先生慨然獻策論於要路則施
大力不報先生慷慨長息而歸藩

安政三年二月十三山書樓成

樓在笠間郭南遙望十三山因名焉時藩主牧野貞明君
十三山書樓五大字賜之先生自作十三山書樓記五篇以
表其旨意及景勝且多載友人詩文成卷所附十三山者曰
筑波曰草穗曰我國曰翠屏曰梓曰鏡曰鹿園曰徑蓋曰加

波曰草穗曰我國曰翠屏曰梓曰鏡曰鹿園曰徑蓋曰加
敷餘波倚天拔地岡連嶺接崎奇盤旋宛如列屏如波濤洶
湧於數十里間而顯蟠尾遙起伏綿亘東屬於海云

歸曰先生才學奇俊非庸官俗吏所窺知也故不與世相容
退而築書樓於笠間郭外南郊靜觀優游蓋亦足以卒歲焉
然才學之奇俊有所不可已乃記之於文乃賦之於詩其所
去就趣舍之微意亦非庸官俗吏所窺知也傳曰君子費而
隨先生之意其在於此歟

是歲先生著侯國小典獻於笠間侯

安政五年十月先生赴江戶時年四十八

先是先生聞與朝廷幕府生隙紛紜塞於天下慨然不能自
止然笠間藩吏嘗疑先生生事不許出於境外至是始解外

行之然先生乃曰余病廢成癯十餘年矣不能伸屈足外
夷窺隙以來奮發之念不已而徒切齒於今也雖得外
行然朝暮合一天下匡濟之大機會已去矣無復奈之何
雖然君父之病難治藥而不藥者是不孝也知不可爲而爲
之余既托命於上天何問功之成否因會諸藩舊故開別
宴於十三山書樓自願詩曰烈士類年氣益衰難爲笑黃龍
山高水遠然釋去君休問猶佩靈忠報國刀且語曰靈忠報國
刀者水戶老臣兵部頭山野邊君所作銘刻靈忠報國圖
字以賜余故未旬及之是時先生行李之所備畫像一幅圖
行銀刀一口靈忠報國刀一口五條合領樂律管卷一零
橫笛千秋九一管琴三卷八景一景一景二卷大學校全圖大
兵書八卷孝子象求三卷義人錄增補二卷大學校全圖大
成敗圖各一葉而已先生又謂曰後人視余所携帶可以觀
其志也余此行期必死焉先赴水戶而後人視余所携帶可以觀
師尊遺德之士所輔漢且大坂有土浦侯而志不成則於京師
子信友也子信與大坂相公協侯而志不成則於京師
歸也還發第四子信與大坂相公協侯而志不成則於京師
某等送到送川此夜投宿土浦書畫壯元順東尋入江戶自
是博交志士周旋國事或游水戶或還笠間南北往來殆五

萬延元年三月生父政祥君卒於江戸駒込水戸邸

先是佐藤政祥君老而無嗣先生深憂之因以長子與太郎為政祥嗣與在駒込邸政祥君已七十四然如服而卒然自是決然專意國事不肯顧身○以上神橋年譜節取

是歲十月先生游筑波

筑波山下多古城址皆建武元之際勳王將士所築以拒兒賊云先生有感而游探其遺跡得十二日小田曰大買日明寺曰伊佐曰駒馬曰其發曰中郡曰駒日志筑日笠岡日西明寺曰南畝乃製之圖據舊誌而錄之考證名曰常陸對王十二城圖記○已以筑波周遊日記節取

文久二年先生有東奧之行時年五十二

是歲幕府太將軍朝京師公武合一之策以越前侯為政事總攝以會津侯為京都守護先生聞之竊以為是國事振興之大計也雖然會津侯若恃兵力則保而振或為後則與西南諸大藩戰然則內訌必矣余先往說會津侯彼若不納余

說則制會津者莫如仙臺藩余且往說會仙二藩遂登

是歲十一月先生復自東奧還尋赴江戸應藩命也

室國侯生父曰布施侯是時老於江戸屬侯邸期先生訪東奧以會津藩命為待賓先生已欲往說會仙二藩不果而遂還會長州藩大岡布政之助(後改淺田公輔)使同藩士大野修藏(本姓世居在室國)侍先生往乃謂曰長州藩子之乎於是約面江和示先生身動與先生俱從行不知先生歸志已決為約而違江和先是長州藩曾板口上忠輔與先生舊交已決居約而其上達至先生曾與古田以明野王大典其機兆今日是余三十餘年讀書萬卷日無用亦其効也時水戶藩士藤田小四郎及關西某字都宮書士廣田忠太夫等來訪因問留別安報咸門生芝沼某等而登

○已上關西日記節取

是月先生應長州侯聘徙居長州藩邸

先生已赴江戸寓室國藩邸長州侯遣使請室國侯曰我藩欲聘貴藩士加藤有隣為文學教授許之室國侯曰我藩是日長州侯世子長門守元德君延見先生及擊劍師齋藤篤信齋其子新太郎等且賜宴使邸吏山田某來島某等接件○以上喉鳴日記節取

文久三年正月先生應長州侯命發江戸赴京師時年五十三

先生到京師寓長州侯本營德藏天龍寺吳士維咨不可脫食因歸寓東山某田口屬藩署司公三條公上王政復古策或為長州侯屬製軍機處草案初先生入京師之日白布約願制揮鞭而躍步揚々其喜可以想也其過三條橋之時兼顧布揚鞭而北向俯伏進拜禁圍拉還拜後再冷三條橋上驚遽至此感慨長今朝孤客拉還拜後再生泣九郎○近光日記節取

繫曰余追憶往事想我京師志士首唱尊攘或謀廢幕復古然大率微力往々敗壞動陷奇禍非藉四方志士精銳之

八

力未足以有為也先生遠生長於關左而夙察天下生大變百折不屈千挫不撓欲拋身勤于王事乃游事毛利氏謁三條公以佐京師志士之力其志之達也有所由來焉先生深慕京師蓋宿昔素志也嘗曰吾事不成則橫骨原野事若成則為京師千歲之土而已矣其欣慕如此余昔者邂逅先生於京師其人雄偉魁梧儼然武夫也而其所語詩書禮樂居然文士也余期其必有為矣嗚呼毛利氏之達尊王素志三條公之輔翼天業先生果與焉豈獨余曹京師志士之喜抑亦天下萬姓之所景仰也

是歲八月先生拉第四子畢吉自京師西奔長州

勞

侯賜手書曰、衛應毛利家請、使往而從事其番學、爾後竭力、功勞不勝、今奉職朝廷、是不獨其身之令譽、亦吾藩之榮事也、因解州康春所製關刀以贈、聊慰平生之勞云、
○已上堀川日記節取

是歲九月、朝議廢皇漢學所、先生罷職、十二月、先生更拜京都大學准中博士、

明治三年八月、朝議廢京都大學、先生罷職、

先生辭職、即、管理笠岡藩務、是歲自十一月至十二月、先生辭大和、拜火山院春日神廟、自是、遍探京洛諸名勝、優游數載、
○以上堀川日記大學日記節取

繫曰、先生踪跡既及東西數百里、其間詩文詠歌著書之多、固追逐古賢、建議獻策及子弟教育之功、亦不讓前哲也、可

謂勤矣、而其卜宅於京師堀川、亦有以也、其宅有樓、四顧開豁、北愈近仰、禁闕、南窓遠望雄德金剛諸峯、東則天台如意諸山、嶺峨、西則鞍馬愛宕嵐山、善峯、遍遙、前古盛衰之蹟、歷々可指而語也、先生誠慕京師、乃卜此宅、將以終身、豈其偶然乎哉、雖然、明治維新之始、國事倥傯、晨令暮改、停其職、斥其人、廢置未定、先生際其變、而老益矍鑠、有堅忍不可拔之氣象、是其平素所養、使然也已、

明治四年三月、先生發京師赴東京、廢通稱有隣、更以名熙、別號櫻老、時年六十一、

是春、先生開華甲遊、其於京師、自說曰、徒耳、過留月日、能徵來天、六十年安寧、老仁氣、果幾六十、佳、一年免其留老

乃身波、又緣子耳、加邊、和、又曰三人男子及三孫、六十一歲、安自、多福、從來、因、免、珠、至、矣、祝、瓦、全、存、一、晚、自、開、萬、壽、轉、此、三、子、又、三、孫、續、繼、松、竹、段、和、祝、報、邦、家、百、世、思、先生、住、京、師、已、四、年、然、察、志、不、遠、舊、門、生、守、其、家、遠、赴、東京、寓、於、濱、町、笠、岡、藩、邸、
○東京日記節取

明治五年五月、先生拜教部省九等出任、六月轉任安房神社少宮司兼大講義

是歲十月、先生始赴任地、竭力社務、教導、且、謀、房、總、民、物、便、宜、起、東京、住、復興、航、航、水、更、津、縣、令、紫、原、和、氏、頗、探、之、六、年、八月、遷、川、神、社、宮、司、折、田、年、秀、等、創、建、補、同、於、東京、兩、國、矢、之、會、街、先生、偶、在、東京、竭力、助、其、事、自、是、或、赴、任、地、或、寓、補、祠、境、內、

明治七年二月、先生轉湊川神社權宮司、以病未赴任、五月轉加茂別雷神社少宮司、兼大講義如故、六月、赴任京師、再住於

二條堀川宅、

是歲九月、乞官暇、游近江、歷觀琵琶湖諸勝、十月、以社務來東京、寓于神田於玉池、

明治八年二月、先生上表辭加茂別雷神社少宮司、專任大講義、是月轉教部省十等出任、

先生自是復住東京、

明治九年二月、先生任教部省中錄、

先生第四子加藤直孝、奉職廣島縣、是歲四月、遷居於任所、年三十二、

明治十年一月、朝議廢教部省、先生罷職、時年六十七、

是歲、先生始著乘教論略、表孔孟導民之大旨、爾後累編及七十餘卷、先是、先生屢獻著書於宮內省、至是、獻乘教論略、是冬、復曾賞其篇、志、賜、索、絹、一、匹、
○東京日記節取

明治十一年五月先生繼配弘中氏卒、

明治十二年十二月先生創建大同學會於東京礪川上富坂街、

先生自創三光大同說曰、三光者何、日月星是也、人道與三光同其明、乃與於時、立於禮、成於樂、是所以稱之、三光大同者也、在皇國則曰神典、在漢土則曰聖典、聖典之興、傳百王、神典之興、傳百世、帝王所相承、聖典所相傳、和漢一致其道、一也、其義一也、其教一也、施實際、以成救世之大業、先答神宮、文明之隆、化、是所以吾與衆、同戮力、神會也、先建神宮、一字、崇祀夫子、稱曰神典、蓋所以合神之大道、爲名教大本也、

先生著書紀武考、此日奏大詔大武業、以祭學神、

十三

明治十四年七月先生開古稀壽筵於兩國萬八樓、時年七十

一、

先生自說曰、十年前華甲筵、偶在東京會群賢、十餘年後、七秩壽、更任東京、祝瓦全、看水看山、身尚健、講文講武、與傳、一家聊有琴棋具、三選剩見松菊、先憂曾、是百端集、後計、奈無一事宜、風樹徒、酒老萊、桑海空、重、何、自、笑、直釣、迂、潤、更、週、期、重、揚、于、九、天、此、日、內、外、諸、名、家、贈、文、詩、聯、及壽、壽、賀、壽、者、殆、數、百、人、而、俗、人、奏、樂、清、客、級、滋、勝、王、治、本、探、庭、供、極、精、歡、焉、

○古稀賀宴錄節取

明治十五年一月改稱所創建學神社、曰礪川神社、

先生自謂、雖樂不可、廣、孔、盡、不、可、不、肥、也、乃、上、寄、於、三、條、公、及、參、議、佐、々、木、山、田、兩、氏、是、冬、毛、利、公、嘉、先生、老、獨、無、二、貨、與、金、壹、千、圓、以、資、其、學、明、年、冬、三、條、公、亦、傳、內、旨、賜、內、幣、金、貳、百、圓、先、是、先、生、大、同、學、校、之、矮、陋、至、是、第、二、子、律、風、以、恩、賜、金、爲、資、本、改、造、校、舍、先、生、諸、之、自、是、經、營、築、造、自、督、工、日、以、爲、樂、○以上礪川日記節取

櫻老加藤先生年譜

明治十七年十一月十二日先生卒於東京湯島新花町佐藤復家、時年七十四、葬東京谷中村共葬地、

先生已臨七秩、鶴髮童顏、身被鶴衣、體步遒邁、未嘗屈其志、歷甲子、所履之門、皆禮樂、不可不謂焉、其於新道、非當今生、徒、所、能、及、也、先、是、礪、川、神、社、已、成、大、同、學、會、亦、已、舉、行、先、國、事、一、日、不、衰、雖、然、老、健、不、可、待、長、子、佐、藤、復、家、而、談、學、事、自、宅、日、夜、奉、養、恭、敬、不、忘、第、二、子、加、藤、淳、風、率、復、在、和、迎、於、非、國、之、堂、程、來、侍、焉、先生既、彌、留、或、睡、或、起、坐、把、案、書、如、磨、石、者、殆、成、矣、一、笑、如、遊、其、意、蓋、本、於、維、石、磨、今、民、其、爾、之、磨、也、至、明、日、晏、然、如、眠、而、遊、矣、先生所、曾、著、精、古、經、典、稽、古、實、典、一、時、天、文、萬、國、修、身、圖、休、歌、奏、御、莊、子、孟、子、拙、議、管、氏、牧、民、評、記、樂、圖、說、三、體、詩、經、解、學、術、論、大、小、學、建、議、管、氏、要、山、歌、樓、集、冰、物、百、首、求、低、國、小、典、孫、子、戰、策、小、學、建、議、管、氏、要、片、始、應、以、集、冰、物、百、首、求、低、國、小、典、孫、子、戰、策、小、學、建、議、管、氏、要、始、未、考、具、增、補、邪、說、百、首、求、低、國、小、典、孫、子、戰、策、小、學、建、議、管、氏、要、

十四

增補文藝典寶、官志稿、述草稿、詔武考、今松樂譜、學問、今苦、已上五十部、二百四十五卷、或刻、或謄、諸世、或藏、諸家、其他有、明治年譜、日記、節取等四十餘卷、

黎日、憂、災、論、寇、者、無、賞、而、焦、頭、爛、額、者、詩、其、功、古、今、之、通、美、也、先生夙憂國事、建議百端、東奔西走、至老不渝、其間屢際、危難、殆無寧日矣、然不肯求賞、又不伐功、以全吾道、垂教後、昆、易、日、勞、謙、君、子、有、終、先、生、之、謂、也、歟、

明治十九年十月、屬稿於東京不忍池上雲外草廬、此日陰雨、慘懷、襟袖皆濕、

跋



余嘗作擬泰西人上書文世之儒者或以余為助異端者譁而攻之然其實敬仰孔子始終不變且深願孔子之道行於上等社會為治平大本也櫻左加友翁以耆儒

名海內乃辱下文屢臨弊廬蓋知余之衷情心善察時勢者歟夫仲尼不為己甚老攻乎異端斯害也已攻字古人有訓較字若余善其說孔子之道浩如天豈如區區自畫者比哉嗚乎翁逝矣誰

可與語此者今讀翁年譜不免涕泗之橫流也翁子淳風請余跋言遂書以還之

明治二十一年一月

元老院議官中村正直



今茲已丑之春余以公事在東京一日筵
間加藤淳風齋一小冊而未謂曰此僕之
先人櫻老之年譜係馬杉繫著者也而先
人與君之先君子文詩唱酬交誼最渾然
而壽夭有命前後相踵而逃不得見先君
子三十餘年墓木既拱矣感愴何堪焉抑
水戶者先人素梓之地今欲得先君子之
文以為此編之榮而不可望故推斯心所
以請於君也余受而閱之則先生畢生之

志業詳悉不遺淋漓溢於紙表其報國盡
忠之誠終始如一雖身在外乃心王室
至誠慷慨使後人觀感興起者不一而足
何其盛也固知不待余輩之言詳而傳於
後也雖然余亦嘗辱忘年之交者豈可以不
敬辭乎我遂書以為之跋

明治二十二年夏至之日

水戶 藤田健撰



哀子 佐藤 隼

加藤 淳風

哀孫 加藤 正生

小堤 多氣松

門人 武石 信徵 校

三村 邦功

石岡 吾老

高野 子俊

十五

(非賣品)

明治二十四年四月十四日印刷
明治二十四年四月五 出版

編輯人 馬 杉 繁

東京下谷區花園町四番地

發行人 加藤 正生

小石川上富坂町十四番地

印刷人 松本 秋 齋

本郷區湯島一丁目十三番地

正誤

一葉表七行	抑示	抑亦誤
四葉表十行	其宛	其宛誤
同裏七行	所告志著	所著告志倒植
同十五行	念	忍誤
六葉裏七行	釋去	辭去誤
同十五行	軸	輻誤
同十八行	送川	逆川誤
九葉裏五行	軍艦	軍監誤
同裏十二行	曾卷	曾巷誤
同裏十四行	論頗俗	俗論頗倒植
十二葉表十行	紫原	柴原誤
十三葉裏六行	事宜	事宜誤
同七行	直釣	直鈎誤
十四葉表七行	不可特	不可恃誤

門人 編

中洲三島先生年譜

明治三十二年（一八九九）東京鉛排本

據明治三十二年（一八九九）
東京鉛排本影印

中洲三島先生年譜

門人輯

天保元年庚寅十二月九日黎明先生生于備中窪屋郡中島村。

先生名毅字遠叔小字廣次郎後稱貞一郎號桐南更中洲源姓三島氏其先出于新羅三郎義光義光三世孫長清稱小笠原二郎叙從四位下任信濃守數傳至宗親稱三村任備中守永正中從信濃狹江移備中成羽子家親任紀伊守歷燭大內尼子毛利三氏永祿三年滅庄隆資據松山城九年伐宇喜多直家次于美作興善寺爲賊所狙擊死長子元親稱修理進承家次曰實親稱孫次郎實爲先生始祖爲鬼身城主上田近江守家資所養配以其孫女遂冒上田氏十二年從毛利元就與大友氏戰于赤間關有功旣而兄元親與毛利氏有隙天正三年正月廿三日毛利氏將穴戶隆家福原貞俊來攻鬼身實親拒戰不利廿九日自及城遂陷實親一子據窪屋郡中島村上河原砦者稱澳傳次郎吉親遂隱于農吉親無子養備前兒島郡黑石村三島行範子配以女是爲九郎左衛門勝利因冒三島氏子孫世襲不改勝利五世孫爲十郎右衛門吉光爲里正吉光四世孫

爲九郎右衛門吉長。讓家於弟十郎右衛門。分產別居。至子九郎右衛門吉次。大興家產。攝里正。是爲先生高祖。曾祖曰傳右衛門諱正直。祖曰傳太郎諱正武。爲里正。祖妣同族女。父曰壽太郎諱正昱。試里正。未爲真而歿。母小野氏。同國淺口郡大谷村大里正小野光右衛門以正女。父祖並好學。受業于丸川松隱。先生兄妹各一。兄舒太郎諱繩正。承宗家。襲里正職。妹嫁備前兒島郡藤戶村日笠榮顯。先生別成家。

二年辛卯。先生年二歲。

三年壬辰。先生年三歲。

四年癸巳。先生年四歲。

五年甲午。先生年五歲。

六年乙未。先生年六歲。

七年丙申。先生年七歲。

十二月。父正昱以里正見習。代祖父正武督租米。祇役于江戸。
八年丁酉。先生年八歲。

二月十日，父正昱病歿于江戶，年三十三。佛諡曰純孝院觀空淨阿居士，葬于淺草須賀街華德院。建原墓于中島。母氏追慕不措，又能教導先生兄弟，慈而嚴，恒夙起，手爲授衣理髮，促就師傅，讀書學字，且戒曰：汝莫以無父而後人子。先生奉教惟愼，且深體母氏追慕之情。手記小冊子曰：成人後必奉母謁父墓。

九年戊戌，先生年九歲。

十年己亥，先生年十歲。

不喜紙鳶竹馬之戲，常嗜繪事，忘寢食。鄉人請畫紙鳶旗幟者甚多，又尊敬神佛，朝夕焚香誦經，終以藝術揚名於天下，人以爲異。

十一年庚子，先生年十一歲。

就隣鄉西阿知村九川龍達，受四子五經句讀。初，父正昱與山田方谷俱學于九川松隱，而以父老歸，輔理家事。方谷遂遊學江戶，舉松山藩士。正昱常憾己不卒業，故母氏日夕獎先生以繼其遺志。

十二年辛丑，先生年十二歲。

十三年壬寅，先生年十三歲。

十四年癸卯，先生年十四歲。

八月，往松山入山田方谷塾，苦學得疾。九月歸養。方谷名球，爲人英邁有智略，議論多出人意表。藩主板倉侯勝靜任用，釐革藩政，有名于一時。後勝靜爲幕府老中，方谷輔佐之，功績極多。其學奉餘姚良知說，以經濟爲主，又邃禪理。先生學術實淵源于此。

弘化元年甲辰，先生年十五歲。

疾愈，春再遊學松山。○是歲歸省，遊玉島圓通寺。寺有假山，倚曉巖築之。近鄉所罕觀，作記示方谷。方谷激賞，先生自此銳意於文章。

二年乙巳，先生年十六歲。

在松山。○請方谷撰名字，名曰毅，字曰遠叔。

三年丙午，先生年十七歲。

在松山。

四年丁未，先生年十八歲。

在松山。○四月從方谷遊美作津山，寓本源寺數旬。

嘉永元年戊申先生年十九歲

在松山○學術大進舉爲塾長聞隣邑有才子善讀書屬文就訪即獲江川田剛也自此源源來往交懽終生不渝

二年己酉先生年二十歲

兄繩正督租米祇役于江戸命先生歸鄉守家○八月遊讀枝拜金毘羅廟

三年庚戌先生年二十一歲

三遊學松山時方谷映掌藩政多不在家先生代授徒○是歲稱貞一郎

四年辛亥先生年二十二歲

在松山

五年壬子先生年二十三歲

三月去松山遊伊勢津藩師事齋藤拙堂是時藩主藤堂氏勵精圖治尤用心學政文庫舊有二酉之名又多購清儒著書藏書之富冠列藩故先生遊於此典籍川北長頤字有孚號梅山與先生善爲卜寓其隣借覽藩庫諸書汎獵博涉大長識見後常語人曰余之學半成于津藩○九月遊山田謁大廟

六年癸丑先生年二十四歲。

在津藩。○二月遊伊賀上野。觀大和月瀬梅。遂探南都笠置諸勝而還。著探梅日記。

安政元年甲寅先生年二十五歲。

在津藩。○時米艦來神奈川。飛報旁午。人心洶洶。先生憂之。正月如江戶。探邊事。竊觀米使應接。時幕府造一大板屋於橫濱蒔葭之間。延米使。置衛兵于四面。先生乃窺笠置役丁窺之。則所曾識吉田寅次郎先在。相目。不接言而別。三月還津藩。著探邊日錄。世人傳寫。頗行于時。

二年乙卯先生年二十六歲。

在津藩。○正月二日。清國漂船至志摩鳥羽。土人訛傳賊船至。藩兵蒼黃出城。先生有感。作屯兵策。

三年丙辰先生年二十七歲。

三月辭津藩歸鄉。先生在津凡五年。日夕涉獵。隨讀隨筆。所著十五種。曰時書輯說二卷。禹貢圖一卷。三天圖一卷。尙書今古文系表一卷。漢書百官志圖一卷。明

史職官志圖四卷。溫史通論一卷。明史名臣及宰相品第各一卷。古今人文集十七卷。涉獵日記十卷。權輿雜錄三卷。問津稿二卷。及探梅日記探邊日錄各一卷。此行經京攝。淹留一月。在京主家里松嶠家。在攝主安藤秋里家。歷訪池內陶所家長。韜菴與野小山。藤澤東咳等諸儒。小山書問津稿後云。連篇雄麗。才氣溢筆端。僕嘗評少年文豪云。高松有片山冲堂。福山有濱野以寧。今又添一句云。備中有三島遠叔。○五月。奉母氏遊讚岐。拜金毘羅廟而歸。○是歲。家居讀書。書齋在古桐樹南。因號桐南精舍。

四年丁巳。先生年二十八歲。

六月六日。友人松山儒官進鴻溪奉君命。且齋方谷書。來勸仕。先生不即奉命。謀之母兄宗族。反覆熟思。凡一月。遂作書答鴻溪。其略曰。僕有四請。見允則奉命。一曰。筮仕後遊學五年。二曰。歸藩後有時出疆。三曰。四十歲前。除儒職外。不任他官。四曰。講經不必奉朱注。鴻溪復命。盡允之。乃奉命。受學資三口糧。○九月。歷遊播磨諸藩。寓京師。偕家里松嶠巽遜齋等。具舟泝嵐峽。抵丹波龜山。宿與平小太郎家。唱和終夕。又訪川田甕江於近江大溝寓居。傳方谷意。勸其來仕松山。遂相携。

遊竹生島。○十月。出京訪津藩舊師友。遂之江戶。寓藩邸。歷訪安積良齋。安井息軒。塩谷宕陰。藤森弘菴。諸儒請益。

五年戊午。先生年二十九歲。

四月。執贊祭酒。林復齋門。入昌平黌。受業佐藤一齋。及良齋等諸儒。江戶水本成美。會津高橋彰。廣澤安任。佐賀長森敬斐。伊豫藤野正啓。仙臺岡千仞。富山岡田信之。肥後梶原知定。龍野股野琢。加賀野口之布。大村松林漸。長門高杉晋作等。一時在寮。

六年己未。先生年三十歲。

三月。辭昌平黌歸鄉。○五月。遊備後福山。訪濱野以寧。遂共俱訪森田節齋於藤江僑居。○六月廿四日。應召赴松山。新賜祿五十石。班大小性。任有終館會頭。因寓城外智導寺。○十二月。娶三宅氏。岡田藩士叢亭女。

萬延元年庚申。先生年三十一歲。

四月。再遊江戶。寓昌平黌。選爲詩文掛。

文久元年辛酉。先生年三十二歲。

時藩侯再爲寺社奉行。在江戶。先生上書論學政。侯命歸藩革之。乃陸吟味格。晉有終館學頭。許平常服肩衣。肩衣朝衣也。四月。歸松山。寓進鴻溪家。○六月。賜宅一區於小高下。新構家移居焉。號虎口溪舍。蓋以小高下與虎口溪邦音相近。且溪亦似虎口也。諸生從遊者多。因新築塾。名曰南舍。

二年壬戌。先生年三十三歲。

是歲西國通逃喇聚京師。出入搢紳諸家。唱尊王攘夷說。刺殺議論異己者。名曰天誅。世因稱之天誅黨。遂要朝廷。勅幕府促攘夷。海內洶洶。時藩侯爲閣老。密命先生。託漫遊探西國情狀。十月中旬發松山。歷遊藝備防長諸藩。十一月。歷豐前筑前肥前諸藩。達長崎。與清人林雲逵筆談成冊。題曰瓊浦筆談。十二月。經筑後肥後諸藩。踰米良山。達日向清武。

三年癸亥。先生年三十四歲。

在清武迎歲。遂歷遊日向豐後諸藩。再抵馬關。倩舟達備後。二月初旬歸松山。此遊與西國諸儒應酬。或題詠山川名勝。詩積成冊。名曰觀風餘稿。○是月十四日。夫人三宅氏誕女。分娩後衰弱成病。遂以二十七日歿。享年二十有四。葬城東賴

久寺後山。佛謚曰幽閑院貞靜婉淑大姊。○三月七日。女殤。葬亡母墓側。○是月。先生兼軍艦掛。蓋昨冬藩購洋製軍艦。故有此命。○四月朔。應君召入京師。蓋是歲二月。大將軍奉勅入朝。藩侯以閤老從在京師。勸大將軍奉勅令諸藩鎖港攘夷。而江戶留守諸吏。陽奉令而實沮之。於是朝廷及諸藩唱攘夷者。促之益切。而所謂天誅黨者。跋扈更甚。或有乘此時圖滅幕府復王政者。物議騷然。藩侯甚憂之。故召先生等參謀帷幄。及應接諸藩周旋方。當時諸藩臣奉君命遊都下議時務者曰周旋方。以其周旋於列藩之間也。先生乃往來論議。百方欲行侯志。而大將軍少弱。幕吏恬熙。侯一人之力不可救之。先生因與同志謀勸辭職。侯可之。而忠愛之情。不忍潔一身。棄弱君於危難之間。隱忍在職。此時天誅黨欲暗刺先生。不得機幸免。○六月。大將軍海路還江戶。侯從焉。先生乃陸路馳驛。四晝夜達江戶。則侯既在。督促諸吏。遵奉勅旨。議論不協。上表辭職。閉居不出。凡二月。大將軍及諸吏懇諭不已。至八月始出。而其志不行如故。先生無復望於天下。厭聞時事。欲請暇歸藩。偶轉吟味役。行度支事。乃上書辭之。蓋以筮仕時有四十前不任他官之請也。侯乃召見燕室。親諭曰。今也世事多難。不如前時。縱使天下不如意。富

國強兵以盡藩屏之任。是爲急務。汝姑屈志安吾心。先生乃奉命。○九月。命歸藩。將發。侯手賜九巴徽章舊朝服及金若干。蓋賞其積勞也。○十一月。娶美作勝山藩喜多村前後女。○是月以度支事至大坂。十二月歸。

元治元年甲子。先生年三十五歲。

四月。先生巡視鑄長山鐵爐山。在備北實村。係幕府所管。今茲村民乞本藩鐵官資採鑄。故有此行。○七月。兼學頭及隣好掛。使岡山藩修隣好。遂巡視備中海岸七村。七村係幕府管轄。至是命本藩防禦之。故有此行。○九月。使福山藩修隣好。謁藩侯而歸。○十一月。西海南海山陽山陰四道諸侯。奉幕命征長門藩主毛利氏。藩侯爲山陽道先鋒。以是月三日發松山。先生以小荷駄奉行兼陣塲奉行從軍。時藩侯既去。閣老職。八月歸藩閱兵。至是而發。十日達廣島。分兵屯于佛刹。十二。先生督芻粟在某寺。總督尾張前大納言。令諸軍。以十八日攻岩國城。十三日。先生巡視藝防境界。預布陣營。以待藩兵。十四日。長門藩主父子屏居。謝罪。於是總督令諸軍緩攻期。先生乃歸廣島。既而總督使長門藩毀山口新城。出七卿。因令四道撤兵。實十二月二十八日也。

慶應元年乙丑先生年三十六歲

正月元日在廣島侯賜紅鰯魚。二月侯歸藩。留先生理後事。先生以十三日發。二十日歸。○四月中旬祇役于大坂。五月中旬歸。○閏五月京都守護職會津藩主所司代桑名藩主并奉後見職一橋公旨。密書勸侯再出執閣務。侯乃使先生奉復書入京。謁兩藩主。謝菲才不能救時艱。兩藩主懇諭不已。終固辭達侯志而歸。侯善之。賜金若干。○九月使福山藩。○十月侯奉幕命入京。先生以道中納戶從焉。十五日發松山。二十日達京。翌日侯再拜閣老。時幕府再興征長之兵。大將軍駐牙於大坂城。會諸外國使來促踐開港約。遂勅許開橫濱長崎箱館三港。而兵庫港則未許。而大將軍年尙少。閣職乏人。真爲德川氏危急之秋。故有此命。侯謂時艱如此。而以菲才自逸。豈臣子之分乎哉。乃復職。而朝幕議論矛盾。諸政不如侯意。先生乃獻言曰。開港既經勅許。公及臣輩又何言。唯處長事。則今爲好機會。宜討則當速進伐。如疾雷不暇掩耳。宜宥則當速寬宥。如雷雨一瞬無迹。若夫優柔不斷。則將至不可復奈何。侯嘉納之。而幕議因循。言遂不行。先生因不復言天下事。會得藩報曰。同僚某罹疾。遂辭京邸歸藩。時十二月上旬也。

二年丙寅先生年三十七歲。

四月九日長門連賊百許人航海而來襲倉鋪縣廨燒之而去時縣令櫻井某從幕軍在越留守諸吏及衛兵狼狽遁匿先生姪時正在衛兵中獨力防戰死之十日賊屯井山寶福寺遂圖侵松山藩出兵守封疆賊知有備十二日轉襲淺尾藩取而據之十三日松山藩進兵備前藩兵來會因相約以十四日朝合圍屠之賊知力不敵侵曉南走我兵覺之追躡不及而歸此時先生在廨舍掌運糧不歸家者數日○五月朔吊亡姪時正墓於中島○是月下旬奉藩命使勝山津山諸藩○六月中旬使岡山蓋四月淺尾之役我兵與備前兵生隙五月備前藩主使近臣某來解之先生特奉藩命答之益修隣好藩主將延見先生會小恙使老臣日置帶刀代延見先生於後園有美酒豐膳之饗○是月兼武備掛○下旬以度支事入京謁侯七月下旬歸○晦藩兵出守西疆先生在內掌運糧以幕府征長之軍失利有長軍乘勝東上之勢也會大將軍薨朝廷因勅休戰於是藩亦徹守兵時閑老留大阪者藩侯一人遂定策奉一橋公承德川氏後時本藩諸老臣竊議曰近年征長之舉幕府亦不爲無失何則在去年十月勅許開港以後唱攘夷者

是明遠勅命也。而以前則攘夷天子所命。幕府因循不能循奉。而長則專主張之。憤志之不行。遂動兵。輦下雖粗暴之罪難遁。而其主張攘夷。則宜行賞典之不暇。乃遺其賞而行其罰。長固不心服。而征討諸藩亦不懌於中。以不懌之兵。伐不心服之敵。宜其趙趙失機。連戰不奏効也。雖然既往不可復咎。今也橋公入繼幕統。公實水府景山公子。而近代攘夷之說。公實首唱之。橋公宜奉遺旨主張攘夷。而開港既係勅許。時固不可。但景山公以下至長父子。唱攘夷者。盡行賞典。然後正長藩暴舉之罪。彼惡不奉命。賞罰公平如此。而長猶強梁不服。天人共怒。以天人共怒之師伐之。蕩平之功如指諸掌。遂使先生密白此議於藩侯。二十日。發松山。馳驛二日而達大阪。侯嘉之。而幕議既有所決。藩議不行而歸。○十一月中旬。以度支事祇役于大阪。時一橋公已拜大將軍在京。藩侯亦從焉。先生遂入京謁見。賜雙龜。十二月中旬。歸藩。

三年丁卯。先生年三十八歲。

三月。賜賞金若干。蓋去秋風雨。年穀不登。四隣諸藩。窮民嘯聚。或乞減租。或毀富豪之家。掠奪貨財。物情洶洶。從冬至春未止。松山則先是或開官庫。或諭富豪賑

濟封內安靜。先生與有力焉。故有此賞。○是月。使岡田藩。○六月十五日。赴山田村華先寺點睛法會。蓋本寺安先生遠祖鬼身城主上田公神牌。歷年既久。牌殆毀。因與同族謀。融金造新牌。更捨金若干。供永世香火資。故設此法會。○七月中旬。幕吏杉浦龍八郎過松山。贈先生以物若干。蓋今春倉鋪縣令闕。屬吏攝縣政。會哲多郡幕邑民訴村吏賤。村吏先賂屬吏。反捕邑民。一郡騷然。時龍八郎來監縣政。使人就先生探事情。問鎮撫之策。遂黜罰村吏。一郡帖然。故有此贈。○九月廿九日。陞奉行格。兼洋學總裁。時候參酌洋制。釐革文武諸政。故使先生兼此職。先生遂建議。道奉孔孟。技採西洋。允可。○十月。大將軍當職殆一年。欲處征長後事。開兵庫港。而朝廷諸藩論議紛紜不一。遂謂方今政出朝幕二途。故有此弊。乃請反政權於朝廷。勅許之。於是藩侯使密使歸藩問重臣。以德川氏善後之策。先生亦與焉。先生嚮已屢論幕政。而一不行。非可復贅言。遂謝無策。○十二月。使岡山。益修隣好。是月。管度支諸務。賜職祿十石。○先是。先生喜清儒考證精確。遂奉漢儒古注。厭宋明道學。及躬歷世途艱險。疑古學無益于事。質二學得失於方谷。方谷沈吟。徐對曰。道學哉。道學哉。於是豁然有悟。遂復奉道學。折衷朱王二氏。務

就公平而專主實用。

明治元年戊辰先生年三十九歲。

正月十五日岡山藩奉勅與近隣數藩兵來問罪先生從老臣大石如雲迎之美袋村謝罪乞降十八日王師入城鎮撫封內藩士屏居于城外蓋客冬十二月前將軍退在大阪所率會桑二藩兵與京軍構隙戰端將開事聞于藩藩士愛之使某等急赴阪諫侯侯允可而衆論固結不可解至本月三日兩兵接鋒於伏見東兵大敗前將軍航海還江戶侯亦從焉故有此問罪之師侯既達江戶密使命藩士恭順待罪亦與藩論暗合○三月王師問罪於關東前將軍恭順謝罪時藩侯與世子屏居於日光山王師又臨之則謝罪軍門幽於宇都宮藩既而幕府亡命之徒襲宇都宮侯爲亂兵所擁去流寓於奧羽諸藩之間不知所在事聞於藩藩士微行探其蹤迹者不少而道路梗塞多不能達○八月藩士迎公族勝弼於江戶而歸令先生傳之○是月十五日男生名曰桂字天香側室赤木氏出夫人養爲子○九月奧羽諸藩盡歸順殘賊遁蝦夷侯又爲其所擁去而世子則遁匿於駿河事至歲尾始聞於藩藩議使兩三輩微行駕外艦航蝦夷

二年己巳先生年四十歲

二月世子自首於東京。幽於宇都宮藩邸。○二十九日夫人喜多村氏舉次女名梅子。○是月微行蝦夷者始達而賊兵嚴守不能拔矣。至四月侯始脫賊中乘外艦而歸自首於東京。幽於安中藩邸。○八月有朝裁侯及世子終身禁錮於安中邸。使勝弼承先祀。○九月鎮撫使撤兵而去。藩士始歸住城中。○十月勝弼始朝東京。謝恩朝廷。乃叙從五位。任高梁藩知事。削先封五分之三。更管轄二萬石之地。賜廩米二千石。高梁松山更稱也。○十二月先生上書乞致仕。其畧曰。臣蒙先君之知遇。始列仕籍。歷任顯官。寵恩至大。而非社稷舊臣。戊辰之難。宜挺身奔君。所致微節。而任大責重。不暇致區區一身之節。且無社稷則不可救君。君不救而潔一身之節。臣無爲也。是以隱忍屈節。與舊臣共百方哀訴。爲社稷謀。而數年間鞠躬盡瘁。不能一日安寢食。今也有朝裁。社稷建而先君亦宥矣。臣所以報大恩萬一。於是乎成矣。雖然先君父子猶受禁錮之苦。而臣輩不可依然居顯要。願賜骸骨歸草廬。終微節。則幸甚。謹俟進止。

三年庚午先生年四十一歲

正月二十日。藩知事允先生請。令幼子桂襲祿。因賞先生曰。汝筮仕以來。屢建議國家急務。干格不行。果有戊辰之難。汝挺身當難。參謀密事。或艸哀訴狀。或應接鎮撫使。或掌四方文書應酬。或百方拮据金穀。以內救屏居諸士之窮餓。外資給微行多士。以救君命。二年間鞠躬盡瘁之勞。不可縷述。今日建社稷救君命之功。職是由。故分家祿二口糧以賞之。廿一日。更賜中刀一口。小把刀金筭各一。曰。汝任度支以來。軍國多難。費用不貲。而未嘗告乏。今日猶有餘贏。以備國家不虞。其功不少。而我家不幸削祿。不能優褒。聊賜此以報勞耳。於是先生改姓曰上田。稱中洲。○二月晦。知事囑先生以家令。給廩米十五苞。○三月廿二日申牌。女梅子薨。○四月。知事將置權大參事兼公議人。使一藩諸士射選。先生中選。固辭不就。○五月。新塾落成。時四方來學者數十人。舊塾填溢。故有此築。名曰北舍。○閏十月廿八日酉牌。夫人喜多村氏病沒。年二十八。

四年辛未。先生年四十二歲。

正月廿三日。娶妹尾氏。美作市瀬村里正與太郎妹。名澤子。年三十一。○晦。次男生。名廣。字子胖。亦側室赤木氏出。夫人養爲子。○二月。又新築塾。名曰西舍。時諸

生凡六十人。係三備因播作泉讚豐九國之人。○三月。朝廷命舊藩侯父子。從安中邸移居其邸。蓋寬典也。○七月。朝廷廢藩置縣。令諸藩知事解職移東京。先生乃辭家令。○九月十日。視母氏病於中島。百方醫治無効。以二十四日酉牌歿。年六十三。佛證秀貞勤惠大姊。葬于本村實際寺。二十八日。歸家居喪。○十月。朝廷特恩。免舊藩侯世子禁錮。○十二月。先生辭賞典祿。

五年壬申。先生年四十二歲。

二月。舊藩侯特免禁錮。○三月二十一日。夫人妹尾氏舉第三女。名曰藤乃。○七月二十日。朝廷徵先生。先生謂嚮老公父子幽囚。余不忍獨居顯榮。是以致仕分憂。而今也。兩公蒙恩赦。宜應徵爲兩公報天恩。因謀之方谷及親戚朋友。皆以爲然。遂以八月中旬東上。先生留別同志詩云。一掃隱憂心始閑。鶴書恰見下柴關。重恩好代舊君報。休笑山人再出山。既入都。寓湯島板倉邸。九月十三日。拜司法省七等出仕。掌我判所聽訟之事。蓋舊友玉乃世履鶴田皓等所薦。當時不知之。後年始聞知云。先生既出仕。復本氏三島。○十一月二十四日。改掌東京裁判所聽訟之事。○是月中旬。家屬來京。

六年癸酉先生年四十四歲。

是歲始行大陽曆。一月五日。張賀宴於紫宸殿。先生亦陪班。賜天杯。○三月三十一日。任司法權少判事。○四月十日。省命赴任於足柄裁判所。未發。五月四日。更爲新治裁判所長。十三日。舉家上程。十四日。抵土浦。寓于塚本氏。○六月二十五日。叙正七位。○七月。始賜百官避暑之休。八月二十五日。先生携長子桂。泛舟於霞浦。拜香取祠。下刀根川。抵銚子港。遊覽三日。復泝刀根川。拜息栖鹿島兩祠。捨舟遊磯濱。謁大洗祠。抵水戶。滯留三日。歷觀弘文館偕樂園諸勝。九月二日。歸土浦寓。○十一月十一日。携家登筑波山。

七年甲戌先生年四十五歲。

在土浦。○五月六日。訪萬里小路藤房卿遺迹於藤澤村。北畠親房卿遺迹於小田村。後皆有建碑者。並囑先生撰文。○八月。携家遊日光山。謁東照大猷二廟。觀中禪寺湖華嚴瀑諸勝。坐溫泉。以二十八日上程。九月十日歸寓。

八年乙亥先生年四十六歲。

四月二日。省命掌東京裁判所聽訟之事。乃歸京。先生在新治凡二年。常陸自古

稱健訟。且方幕末騷亂。王政新施之際。訟獄不決者。案牘滯積。囹圄填溢。先生乃盡聽訟獄。夜閱案牘。期雪冤讎。廢眠食而決之。至一日斬兇魁八人。凡一年而訟庭稍閑。每暇日探傍近古跡名勝。屬詩文。積成卷。曰霞浦游藻。○五月四日。任七等判事。十日。進六等判事。○六月。購壹番街四十六番邸。十一日移住焉。○是月。賜

天皇

皇后寫真像。○九月二十日。陞從六位。○十月。兼掌民事課。艸訴訟規則。○是歲先生移貫籍於東京。○先生歸京後。與舊友中村敬宇。重野成齋。川田甕江。鷺津穀堂。阪谷朗廬等結文社。互相評議。而川北梅山。南摩羽峯居最近。故每詩文成。必使二子先評之。

九年丙子。先生年四十七歲。

二月十日。轉掌大審院民事課。○廿七日。朝廷特選判事七員。聽流船衝突訟。先生亦與焉。

十年丁丑。先生年四十八歲。

六月廿八日、廢大審院判事、先生亦罷。○八月九日、携家歸、展中島先塋、訪親戚、遂吊山田方谷墓於西方村、方谷以本年六月廿七日病歿。○九月十三日歸京。○十一月、賣高梁舊宅、蓋以先生以東京爲終焉地也。○是月、修史館一等修撰長松幹來勸先生出仕、撰討薩實錄、先生固辭不就。○十二月、新築塾於邸內、庭有二松樹、因名曰二松學舍、先生既罷官閑居、四方書生問業者陸續來集、殆五十人、故有此土木。

十一年戊寅、先生年四十九歲。

二月、東京師範學校長秋山恒太郎來、請先生授徒、餘暇教授其校生徒、先生諾之。○四月、偕同街城井氏邸容書生、書生殆一百人、後名之曰第二外塾。○是月、養大石如雲長女嫁杉本重遠。○六月、又購同街四十四番邸容書生、名曰第一外塾、書生殆二百人。○八月、奉舊藩老侯命、撰山田方谷碑銘。○十一月、餞富士見街豐原氏邸容書生、名曰第三外塾、合四塾書生、凡二百五十人。○十二月二十日午前五時、夫人妹尾氏舉第三男、名曰復字一陽。十二年己卯、先生年五十歲。

一月二日入朝賀正拜

天顏後以爲例。○二月東京大學綜理加藤弘之來請先生教授其漢學部生徒先生諾之。

十三年庚辰先生年五十一歲。

一月又新築塾于四十四番邸名曰柳塾廢第二外塾。○二月購四十五番邸移居焉名曰寒流石上一株松舍稱舊邸四十六番邸曰本塾置講堂又寓諸生。○七月廿八日携長子桂遊浴于上野伊香保温泉八月廿五日歸著澡泉餘事。○九月新築塾二字于四十四番邸廢第三外塾。

十四年辛巳先生年五十二歲。

五月五日先生兄繩正携妹來東京遂留宿先生日導兄妹歷觀都下名勝。○六月四日購地十五步于下谷天王寺側與兄妹共遷淺草華德院先考墓于此蓋以院內湫隘也。○十五日購富士見街三十三番邸寓諸生名曰梅塾合三郎書生殆三百人。○廿九日兄妹歸國。○八月十一日任東京大學教授。○卅一日大學射選列諮詢會員。○九月廿四日陞正六位。

十五年壬午，先生年五十三歲。

四月，使長子桂從學進祥山于橡木縣。○八月，携桂廣二子及女藤乃，浴于伊香保温泉，凡二旬而歸。

十六年癸未，先生年五十四歲。

二月十六日，陞叙從五位。○三月七日，命長子桂遊學備中興讓館。○八月十日，遊上總鹿野山，遂歷覽岩船村奇岩、八幡岬、大東岬諸勝，遊千葉，十七日歸京。著小園南錄。○是月，養神崎貞三郎第二女，嫁小野靜雄。

十七年甲申，先生年五十五歲。

八月四日，門人齋藤良一奉先生及次子廣，觀橫須賀造船場，遂歷遊浦賀金澤、浴富岡海潮，六日歸。著三日文詩。○是夏，作銷夏漫言數十首示諸生，今摘二首。曰：千秋不易是彝倫，文物典章追世新。吾要公平折衷學，斟今酌古適經綸。曰：要識聖賢經世心，讀書泥古是書淫。周時宜講周時禮，孔子生今亦學今。可以窺其學識一斑。○九月二日，長子桂自備中歸。

十八年乙酉，先生年五十六歲。

二月，長子桂應東京大學古典科漢書課試，及第入學。○四月三日，先是桂欲游學海外退大學，是日發橫濱，赴米國桑港。○七月五日，午後二時，女藤乃患盲腸炎，兼腹膜炎，用神式葬谷中先兆，私諡曰藤乃稚郎姬命。○八月四日，東京師範學校教授囑托罷。○十一月十五日，中東京學士會院射選，列會員。十九年丙戌，先生年五十七歲。

三月廿五日，蒙非職命。○是日，南總市原郡今富村千葉禎太郎迎先生遊其鄉，乃携次子廣往，宿其梅花村莊，又觀町田桃林，觴詠數日而歸，著南總應酬詩錄。○八月二日，應下野佐野須永元及諸門人招，遊其鄉，訪傍近金山，行道山，唐澤山，磯山諸勝，觀足利學校，遂遊日光山而歸，實十九日也，著叩須日錄。○十月十日，講義利合一論于學士會院。

二十年丁亥，先生年五十八歲。

二月十三日，講會人所聚，曰道解于學士會院。○四月廿二日，應甲斐都留郡人招，赴谷村文墨會，宿西涼寺，廿九日歸，著南峽詩錄。○七月一日，有故罷長子桂戶主，先生再爲戶主。○十五日，應甲府人招，赴文墨會，遂遊巨摩溪，登身延山，下

富士川、踰國嶺、歷觀七湯、浴塔澤溫泉而歸。實三十一日也。著北峽詩錄。○十二月廿八日、携廣復二子、遊浴熱海溫泉。○先生罷官閑居、嗜讀釋典、作詩數十首。今摘二首、曰：儒論現有老論無、釋氏兼無有與無、至竟皆歸勸善術、區區三道本來無。曰：比較異同真理生、由來學問貴公平、老莊儒佛兼洋教、後聖誰能集大成。可以見其學之不偏於一。

二十一年戊子、先生年五十九歲。

一月十九日、歸自熱海。○三月七日、任檢事、叙奏任官三等、直大審院、專修正新選民法。○八月、司法省優命、避暑於熱海、修正民法。二日、携廣復二子往熱海、暇浴海潮或溫泉。九月一日、發熱海遊檜島。二日、歸京。○先是文部省革學制、專尚洋學、都下講儒術者皆撤帷、其巋然獨存者有二松學舍耳。時先生雖在官、每日早起講書、未曾一日廢課、是以書生日進、自始開塾及此、殆乎三千人。○十二月廿九日、乞休、浴池上溫泉。

二十二年己丑、先生年六十歲。

一月六日、從池上歸。○紀元節、陪憲法發布式。○二月、清國書生張文成唐家楨

馮國勳來學。至明年七月歸國。○八月六日。携季子復。遊覽橫須賀鎌倉。遂浴熱海海潮。廿八日。遊覽韭山蛭島。浴修善寺溫泉。三十日。觀佐野瀑。夜歸京。○九月。養大石如雲第六女。十月。嫁大城戶宗重。宗重加賀人。○十一月廿九日。賜憲法發布紀念章。

二十三年庚寅。先生年六十一歲。

四月。養山田方谷孫女。嫁熊田鐵次郎。鐵次郎舊高梁藩人。○五月。養妹尾武太郎妹信子。即夫人女姪也。○八月十七日。嫁養女信子兒島獻吉郎。獻吉郎備前人。○十月十二日。講古禮。即今法說于學士會院。先生久爲判事。聽訟獄。又修正民法。在漢學者中。頗解法律。故有此說。○十六日。轉判事。職掌如故。○廿二日。受休職命。以民法成也。更受法律委員會囑。修正民法理由書。先生從是自號風流判事。作詩曰。致仕依然帶吏名。千秋竊比巨源榮。風流判事自吾始。審花問月終一生。○十一月二日。門人設先生華甲賀宴於淺草鷗遊館。會者凡二百人。編壽言一卷。先生自壽詩云。六十年來何所爲。世途經盡幾欹側。遠階流水迂而直。出屋長松老益奇。學不遇時聊自樂。仕唯爲祿豈嫌卑。斯文猶喜未全墜。弟子三千

誤喚師能盡其平生矣。○三日，東宮賜千歲菊一部，蓋以昨冬獻立太子賀詩也。

二十四年辛卯，先生年六十二歲。

春，先生患腸半月而愈，是歲始蓄頤鬚。○七月四日，長子桂自米國歸，其在米國凡七年，歷遊桑港、密斯岸小中學校，終入華盛頓法律大學，卒業爲法律學士。○九月，嫁養女辰子於柳井貴三，貴三舊高梁藩人。○十一月十五日，爲桂娶大隈重信養女實武富氏。

二十五年壬辰，先生年六十三歲。

一月，新婦大隈氏琴瑟不諧，大歸。○十五日，講勤王在勤民論于學士會院。○五月八日，講孔子自釋仁說于學士會院。○七月，爲長子桂娶小永井小舟女。十二月，有故大歸。○九月，受國學院囑，往教。○十月，携季子復遊大磯及小田原，著遊湘小稿。

二十六年癸巳，先生年六十四歲。

七月，携廣復二子歸備中，展先塋及山田方谷墓，訪兄妹諸親故，遂遊讚岐。九月

歸京著歸展日誌○十二月十日講性說于學士會院。

二十七年甲午先生年六十五歲。

七月十八日携季子復遊越後三十日從門人數輩航佐渡翌日抵相川觀鎮山俄患腦溢血八月八日還越後赤倉浴溫泉疾殆愈九月九日歸京著赤倉二十勝記擬陸遊誌○十二月廿六日舉家產分與三子先生有詩曰吾少耽斯文不事家人產學也祿在中釋褐入藩選又辱鶴書徵尸素負榮顯老餘下董帷束脩函丈滿性唯慣寒素衣食嫌豐腆餘貲過三萬懷玉罪難免一朝分三兒遺言苦勸勉不伎又不求守此戒暴殄清貧復故吾灑然心如澗猶有養老俸天恩澤不淺不飢且不寒優遊保餘喘此一詩可以知平生清儉矣。

二十八年乙未先生年六十六歲。

五月養神崎貞三郎第三女配久保雅友雅友攝津人先生至此有七養女皆得佳婿自喜賦詩曰養得螟蛉幾麗姝視爲眞子愛何殊更添玉潤七良婿不恨掌中亡一珠結句謂曾失愛女也客歲又爲亡友柩原知定子孫藏假父娶高島嘉右衛門養女今歲舉兒先生往訪賦詩云夫妻侍坐勸杯酒更喜嬌兒珠在手誰

識恩情假作真。七良壻又一良婦。先生厚於親戚故舊。可以類推矣。平生推穀人才。亦不下百許人。徃徃有顯達者。○十月。帝國大學囑托講師。

二十九年丙申。先生年六十七歲。

一月一日。携季子復遊大磯。六日歸。著避寒小草。○三月二日。宮內省命東宮御用掛。準勅任。辭大學講師。先生作詩告山田方谷靈曰。經綸道載在遺書。萬物象容似太虛。泉下有靈應感泣。傳君學術獻皇儲。九日。赴沼津。宿靜浦保養館。十日。始謁東宮于桃鄉御用邸。賜午餐。午後發沼津。抵國府津。下瀛車。遊小田原。觀小峰梅林。一宿而歸。○四月十四日。徃沼津。寓保養館。每朝侍講於東宮。廿五日。扈謁歸京。賜金若干慰勞。後以爲例。○六月十六日。任東宮侍講。叙勅任二等。賜三級俸。○是月。

天皇

皇后及東宮。各賜夏衣一領及金若干。○七月十日。陞正五位。○廿八日。扈從東宮。避暑于日光山。○八月廿六日。賜休沐于鹽原溫泉。九月十七日。歸京。○十一月。東宮賜少尉舊軍服及菊章舊衣裳。○十二月。

天皇

皇后及 東宮各賜冬衣及金若干。每年冬夏例賜之。○廿四日。東宮避寒沼津。先生扈從。

三十年丁酉。先生年六十八歲。

一月八日。東宮行開講式於沼津行宮。講畢。賜酒饌。每年以爲例。○三月廿二日。扈從歸京。此行著沼津十六勝記。○六月十三日。講孔子非守舊家辯于學士會院。○廿六日。叙勳四等。賜瑞寶章。○七月下旬。乞休避暑伊香保溫泉。八月下旬。歸京。○是月。撰舊藩主板倉松叟碑文。松叟勝靜號也。○八月三十一日。當東宮第十八回誕辰時。東宮在葉山。往賀。賜酒饌及物。留待旬日而歸。○十一月。東宮賜久保田米僊畫幅。○是歲。板倉本支兩家囑顧問。先生明治四年雖辭家令職。參與板倉氏本支家政如故。至此與名耳。

三十一年戊戌。先生年六十九歲。

一月二日。侍講。東宮于葉山。○四月。侍講于沼津。五月十二日。扈從歸京。○是月。撰川田甕江碑文。○六月。先生爲龔祖上田公撰碑文。建之備中山田村墓側。

○七月十九日。扈從于沼津。八月八日歸京。此行。乞暇詣大宮淺間神社。歷探傍近名勝。著嶽麓吟草。○八月十四日。兒島信子病歿。火化。葬骨於三島氏谷中先兆。○九月八日。往侍 東宮於沼津。廿八日歸。○十月十日。 東宮拜西京先陵。先生送到大磯驛而歸。○是月。中洲文稿第一集開彫。自序曰。七十年來。七轉遷。未嘗干仕。儘隨緣。黃泉若起。老泉問。許我平生不藝天。是余述懷近作也。余齡近古稀。門人勸刻文稿。乃釋此詩。自序履歷曰。余以天保紀元生。畎畝。幼好學。從方谷山田先生于松山。拙堂齋藤先生于津。又游昌平黌。歲三十。始應板倉侯聘。任松山藩校督學。是一轉遷也。既而自度支副官。進度支。專經理財政。是二轉遷也。時候任幕老。會內外多難。獲罪朝廷。失封土。余與同志鞠躬盡瘁。立新主。再興之。而老侯猶禁錮。不忍恬然居官。致仕授徒。新主囑以家令。兼侍讀。是三轉遷也。居三年。老侯免禁錮。余亦徵爲司法判事。時歲四十三。是四轉遷也。明治十年。革制罷官。創建二松學舍。與生徒講學。未幾拜大學教授。是爲五轉遷。既而任大審院檢事。尋爲判事。專修正新撰民法。是爲六轉遷。民法成。休職凡六年。老病頻犯。無復意仕途。不意昨拜東宮侍講。禁閣之任。不忍背恩。力疾就職至今。是爲七轉遷。

嗚呼余菲才淺學叨仕于藩于朝無尺寸効不免尸素之譏是洵可慙矣然耿耿自信之厚未嘗干仕待薦應命隨緣轉遷幸免褻天之譏是則竊所自喜也因歷敘梗概於稿首以誥讀者○十一月十一日東宮歸京賜土宜數種

三十二年己亥先生年七十

一月七日

天皇

皇后出御 鳳凰殿開講筵先生進講周易泰卦賜酒饌及物退而著講義錄又有詩云泰平過處要艱貞恰命儒臣講易經無限恩榮忘不得芻蕘微諷達

天聽○八日往侍 東宮于沼津○三月九日請子爵板倉勝達第三男勝輝爲假子更爲備前野崎武吉郎次女壻○十三日先生兄繩正病歿先生遣次男廣會葬自居喪於旅館 東宮賜美饌慰問先生感謝獻詩云客裏居喪獨斷魂何思憫問拜慈恩老吾老以及人老即是平生啓沃言二十日宮內省命除服出仕○二十七日文部省授文學博士學位○四月一日扈 東宮移葉山館于長蛇園○二十一日扈從歸京○五月獻中洲文稿於

天皇

皇后 皇太子○ 東宮賜寫眞像○六月十八日門人開先生古稀壽筵于上
野公園梅川樓

中洲三島先生年譜

明治卅二年六月十四日印刷

同年九月十八日發行

非賣品

編輯兼
發行人

山田 準

東京牛込區原町三丁目八十番地

印刷人

平島 曠

東京日本橋區上槇町十六番地

木畑道夫 著

津田永忠君年譜

明治二十一年（一八八八）岡山鉛排本

據明治二十一年（一八八八）
岡山鉛排本影印

津田永忠君年譜引

寬永九年。我芳烈公自因伯移封此土。擇賢舉能。銳意圖治。當此時也。挾才學。翼贊政務者。彬々輩出。藩廷不乏其人矣。而其最冠者。爲熊澤先生津田君。先生抱不世出之才。應明君諮詢。立要路。獻替可否。良弼之名。一時藉々海內。惜哉。其參政纔十有餘年。而掛冠焉。踵而起者。爲津田君。々生岐嶷。幼被公拔擢。後受綱政公任用。委身政廷。裨補藩治者五十年。是以我備之盛舉偉事。往々出於二子畫策。其益國澤民。今猶受其餘蔭焉。蓋公之明眼善鑒識二子。二子亦賴公之信任。展其驥足。可謂明良之遇。千載罕比矣。熊澤先生既有事蹟考行狀等書。其偉勳盛業著于世。而津田君之事蹟。以其家深秘之世。鮮知者。或至有混淆二子事歷。

者。余太憾之。頃日承舊君之旨。檢閱古史。涉獵之際。遺事係君之動作者。輒揭其槩。繫以年紀。編成一書。欲使視者。窺虎豹之一斑。若夫性行之美。事蹟之詳。及學術言議等。行狀中悉之。今不復贅焉。明治十有五年六月。芳烈公二百年祭前一日。

東備舊臣木畑道夫撰

津田永忠君年譜

津田氏系係平氏。資盛之子親真。爲織田津田二家鼻祖。其十五代出羽守信勝始稱津田。其子左京亮政景生于尾張國。初仕織田右府。後筮仕我信輝公。公薨。輝政公嗣。慶長五年。公出征上杉氏。留夫人及諸公子于大阪邸。使左京護之。會石田三成作亂。左京百方保護幸得免。公賜腰刀賞其功。晚年退老號友心。元和四年沒。其第二子曰久右衛門。其子曰又左衛門。後稱內藏助。承乃祖後祿仕忠雄卿。輝政公後轉仕加藤嘉明。先是友心長男彌次右衛門政長仕輝政公于參州吉田。別受祿六百石。慶長十二年沒于播州姫路。男左源太貞永襲後。歷仕公家四世累被任用。爲人謹勸終身無過失。延寶四年告老。使長男八左衛門永守襲祿。貞永天和三年沒。齡

八十八。配下方覺兵衛女。先沒。後娶土州藩士安藤傳左衛門長重女。生永忠君。初名又六。後改八大夫。又重二郎。及考沒襲其稱。永忠其諱也。今略叙其事歷如左

寬永十七年庚辰

君某月某日生。于備前國岡山

承應二年癸巳

君歲十四。二月十五日始謁我公。左少將賜本俵米每石三

拾苞四口。列兒小性。其月從公之江戶。八月進側兒小性

全 三年甲午

君歲十五。五月先于公反備前

明曆元年乙未

君歲十六。四月扈駕之江戶

全 二年丙申

君歲十七。五月扈駕反備前

全 三年丁酉

君歲十八。九月扈駕之江戶。是歲熊澤助右衛門讓家祿于八之丞。公第三子中稱主我後爲支君。退隱蕃山改稱蕃山了介萬治元年戊戌

君歲十九。九月扈駕反備前

全 二年己亥

君歲二十。三月扈駕之江戶。四月爲兒小性橫目。兼掌典籍藥餌等之事

全 三年庚子

君歲二十一。六月扈駕反備前。十月更賜祿百五十石。其月加

元服

寬文元年辛丑

君歲二十二。八月扈駕之江戶

全 二年壬寅

君歲二十三。七月扈駕反備前。八月補步士頭。加祿百石。付銃手步士二十人于部下。出入公所如兒小性之時。賜居邸于內山下

全 三年癸卯

君歲二十四。三月扈駕之江戶。六月公詣晃山以假橫目扈

駕

全 四年甲辰

君歲二十五。五月扈駕反備前。九月補大橫目。加祿五十石。更

全 十一年辛亥

君歲三十二。正月創工井田。不幾而成。井長百間。三町七畝。每一畝。五步。稱之上井。收租擬古法。貞享元年再起工下井。至元祿初年全成。九井共九町三反八步。每一井十月葬備後守。州兵栗郡主。君于和意谷執其役。藩庫有付本多氏室人主下野守本多忠平。湯沐銀千貫目。年送付五拾貫目爲定約。君建議借之。換米若干。做朱文公社倉法。每春薄息分貸鄰村。年尾收其母子。增殖以備于凶荒扶助。公可之。使君處分焉。後年各地開墾。大抵資經費於此蓄積餘贏云。且與畝麥之法。麥秋節。使民戶每畝出麥貳升。貯之藩庫。有窮民貯蓄以充救恤。民便之。十二月召到江戶。

全 十二年壬子

〇五

君歲三十三。八月八日 公告老。世子侍從綱襲封。承旨同水野三郎兵衛山內權左衛門瀧波與兵衛服部與三右衛門長等。豫算 老公及二公子信濃守君用度年額而上之。十月大夫人榊原氏武州薨于江戶邸修其葬儀。其二十八日公及 老公同座命君曰。從今免汝督學與評席列座。專使管掌和意谷塋城閑谷學校井田社倉鄉學及葬祭式等之事。凡此數件汝善體寡人開設之意。須銳意從其事。使寡人之意徹底焉。汝職無事于岡山。移居鄉中亦可矣。其日 大夫人極發江戶。護反國。道中兼判形橫目兩職。十一月葬 大夫人于和意谷。執其役。十二月老公賜所服外套賞其功勞。

延寶元年癸丑

君年三十四。七月請移居木谷村。見允。因還嘗所賜邸宅而移。

焉。翌月免其所私有御野郡中村園地之稅。

全 二年甲寅

君歲三十五。三月有旨割和氣郡木谷村貳百七拾八石貳斗五升八合。付閑谷學校以爲學資。九月 老公祀先塋于和意谷。拜聖位于閑谷。視井田。宿片上。召君旅館。賞其處置得宜。

全 三年乙卯

君歲三十六。頻年凶歉窮民告饑。君建議散貯蓄救之。共八萬五千七百八十八石。計米壹萬八千三百九拾六石。九月廢郡中習字所併于閑谷學校。移屋舍典籍什器等于此。

全 五年丁巳

君歲三十八。正月葬豐前守諱元。播州赤松。君于和意谷。執其役。

〇六

全 六年戊午

君歲三十九。三月 老公狩于和氣郡鹿喰島。命爲總督。獲鹿四十三。賜其一。其月 公召君及服部長良喻密旨。巡按管内。四月始服役。九月執政傳命曰。這回使諸有司議儉約之制。可暫停國中巡視而參與議場焉。其月執政復傳旨曰。曩者汝所計畫國中墾田之舉。須與郡宰協議以明年從其事。而方今用度有制限。宜以汝所管社倉米供其經費矣。十一月葬 夫人本多氏光政公子于和意谷。執其役。尋築墳墓。

全 七年己未

君歲四十。正月葬新八郎諱尹。公庶子。君于和意谷。執其役。二月上塋關上道郡湊圓山海面等諸村沿海斥鹵之地。側開溝渠。從吉井村引東川支派于西川處。設閘以供灌溉。兼通舟楫。又

創鑿寺山內原二村中間山厓別開一支流之議。老公可之。尋起工。八月告成。豐田貳百九拾五町六畝餘。分之三村。此歲二月。老公狩于鹿喰島。命爲總督。獲鹿百六。賜其一。是日。老公獵三石。賜所服外套賞其功勞。八月開牧場于和氣郡梶島鴻島鹿喰島而蓄馬。分社倉米充其經費。

全 八年庚申

君歲四十一。二月。老公狩于鹿喰島。公及信州君亦從焉。命督其役。獲鹿四十五。賜其一。五月。嚴有廟訃至。公遣君于京兆尹戶田越前守。問當祇候幕府否。即日上途。不滿五日而復命。公賞其速矣。六月。公召君賞其和意。谷閑谷經營至斥鹵壘關溝渠開鑿等處。置得宜。賜暑衣。九月。公召君及服部長良面命曰。永忠雖居劇職而無厭倦之意。勉有年于茲。

〇七

以故善練熟事務。宜述其所見于議場而莫顧慮焉。且曰。二人視察郡邑其裨補不少。若有少間輒出察知閭巷之疾苦。使無顛沛流離之民焉。二十五日更賜居邸于鷹師町。因請納蠹所除園地之稅。公不可曰。此汝固有之地。宜作別墅維持之。十月。老公放鷹上道郡。賜其所獲壘田之屬于君。以賞其新壘規模宏壯且完全矣。十一月。老公狩于半田山。十二月復狩于熊山。君每爲總督。

天和元年辛酉

君歲四十二。正月與長良分隊巡按郡村。客歲不登。管內多饑。君承旨發倉廩。專用心于賑給。貧民因得免于凍餒。其八員千三百八拾八人。計米五千四百七拾壹石餘。麥四千貳百三拾六石餘云。此歲幕府派遣巡檢使于諸州。公命君及長良接待焉。九月三日巡檢使至。按檢管

內。君與長良隨之以備顧問。十六日竣事而還。十二月。公召二人。賜所服小袖。賞其用心民事之厚矣。

全 二年壬戌

君歲四十三。正月。公召君及長良曰。邦國之廣。人民之衆。大樹不能自爲之政。分隸侯伯。而侯伯亦不能獨治。擇吏員以委之。抑察幕府派遣巡使于四方之意。蓋止于視察民庶安否耳。汝等固有牧民之能。自今專任民事。莫敢有懈。若夫永忠所帶和意谷閑谷及其他擔當職務。須依舊兼行焉。各加賜俸祿。君增二百石。二人固辭。不可。二月與長良承旨收馬場某居邸。建營廨舍爲郡會所。使郡奉行治于茲。蓋依郡吏散居各地。近郡就其所轄郡中設廨。往々失便宜矣。其月。公同。老公狩于金移居執行事務。三月。狩于天神山。君每爲總督。各有所獲。此月遷和氣

〇八

郡木谷村于同郡福浦開田。舊地名閑谷村矣。饑民多聚城下。君承旨造茅屋于旭水沙磧居之。養以糜粥。至麥熟而止。先是。老公公有疾。五月朔召君等數人于臥內。有顧命。其二十二日竟薨。公命君總裁其襲歛殯葬建碑等事。六月十二日發引。君扈從到和意谷而執事。是歲朝鮮聘使來。到牛窓執接待之役。九月。賜。老公遺物數種。

全 三年癸亥

君歲四十四。十月。公賞牧馬蕃息之功。賜所服外套。貞享元年甲子。君歲四十五。正月。承命總括管內關門橋梁等之事。二月。倣載于邑久郡幸島壘田。築隄三千三百九拾五町。田三百九拾壹町。反九畝餘。三月。君建議請移和意谷閑谷之民于新壘地。和意谷地高五拾三石三

斗壹升五合。閑谷新田地高百七拾貳石九斗壹合。及附屬山林以社倉貯蓄銀購之於民。永付二谷。以其收租充塾城學校諸費。公許之。使君擔任焉。十月兼統普請方廣方事務

全 二年乙丑

君歲四十六。正月幕使小官山傳三郎來于備前。檢飯河平四郎之屍。蓋信州君因幕命錮於居第者。以故命君接待焉。八月受命同長良管掌國中林藪。十二月圖上道郡南部沿海可墾關之地形而上。公可之

全 三年丙寅

君歲四十七。二月承命編輯諸士父祖及現世勤仕事歷。藏諸文庫。三月蓄馬百匹于郡中。開草萊收其賦供廩養之料。不敢費倉粟。蓋頻年有儉約之制。以諸士不能自蓄而備不虞也。其

〇九

月承自今每秋可行釋奠于閑谷贊之旨。八月五日始執行之。譯孝子傳。尋編續善人記併上焉

全 四年丁卯

君歲四十八。五月製陶器于閑谷。就製講堂屋瓦之窰而試之。今猶傳稱閑谷燒而上之。十二月與後園土工下御野七百三拾步而定區域。元祿三年再加之。五千貳百八拾三歩。

元祿元年戊辰

君歲四十九。二月有命城代組步士以下至山廻凡二十八人與長良統轄之。三月以上道郡高濱墾田屢就損壞其主不能維持也。承旨修繕。以社倉米充其費途。共廣袤十五町其月使君爲閑谷村田地山林之主。免諸課役及私伐採竹木

全 三年庚午

君歲五十一。三月被允放鷹。九月經營後園茶亭。以社倉米充其費

全 四年辛未

君歲五十二。六月 公面命曰。汝得先君信任。其所負擔素不輕。寡人亦繼遺志。或加汝職務。而日夕竭力不嘗顧身家。是人情所難。况康健耐事。余之所最爲幸也。今加祿五百石屬郡宰于部下。其勉旃。八月轉賜邸于內山下。九月受勅所建議上道郡南部沿海之地墾關起工之命

全 五年壬申

君歲五十三。正月創工墾田。七月告成。築堤六千五百三拾八間。五反八畝餘。其經費米額壹萬五千四百三拾八石。十月有命綜理平物成貸米湯沐銀京銀郡銀町銀等出納增殖之事

〇十

全 六年癸酉

君歲五十四。正月修繕旭川三橋及外下馬橋。七月除騎將。付隊士二十二入于部下。曩所隸屬郡宰及管理事務凡如故。承旨更名佐源太。其月補簡略奉行。處分諸士儉約方法。其法諸士苦負債不能服公役者。收祿于官。計口身給衣食之資。以其贏餘充償還。若債額過多。其俸祿不足償者。役之公事。別付給料使自資給。又作官舍數宇。居極貧者。使自炊省減用度。謂之簡略邸。其他有催合者。集合諸士餘金。賤息貸與。人皆便之

全 七年甲戌

君歲五十五。正月備中國松山城主出羽守水谷勝美卒。無嗣家絕。幕府使內匠頭淺野長矩收其城。此地以接我西境也。公使君帥隊士銃卒到封境潛備不虞。君屯部屬于備中安栗。

單騎到松山。面幕使通旨。無幾事竣。四月修理伊庭某故宅。以爲評定所。

全 八年乙亥

君歲五十六。二月築石隄。共長二百間餘于邑久郡牛窓港。以備于風浪洶涌。

全 九年丙子

君歲五十七。二月督吉備廟造營之役。六月起工。七月有旨許肩輿。

全 十年丁丑

君歲五十八。正月吉備廟成。十六日行遷座之儀。公賜章服賞其勞。六月承旨製備前國全圖上諸幕府。是歲美作國津山城主美作守森長成卒。無嗣家絕。十月幕府遣右京大夫田村

某收其城地。公使君帥統卒護衛國境。

全 十一年戊寅

君歲五十九。起土工于和氣郡大漂島。爲船艦碇泊之處。鹿喰島爲罪人流竄之處。是歲備後國福山城主水野松之丞夭。無嗣家絕。六月幕府遣播磨守青山某收其城地。公使君到備中淺口郡口林村受幕使之旨而進退。君帥統卒而往焉。事竣面幕使于片上驛而還。

全 十二年己卯

君歲六十。是歲幕府有丈量備後國水野氏舊領地之舉。命諸我公。公使上阪藏人及君總裁其役。五月發岡山向福山。十月竣事而還。備中備後兩國共九郡二百四拾三畝。新檢地壹萬五千九百五拾四町五反七步。舊高拾五萬五拾貳石三合。新舊比較。加地五百三拾三町五反五畝五步。

高五萬五拾貳石三合。舊檢地每間六十一月朔賜饗饌及時尺五寸。新檢六尺壹步。故有此差云。服二領。以酬其勞。

全 十三年庚辰

君歲六十一。二月同池田親實檢地上阪藏人檢地奉行七人。携丈量簿册赴江戶。二十七日。上諸幕府。三月二十三日幕府召親實以下十人于牙城檢閱。閣老傳台旨賜衣金以酬服役之勞。君領時服四領白銀五十錠。即日上途將還。遣公東觀于駿州沼津。公賜謁客館。特賞其功。六月簿册繕寫告成。其九日同諸職員携到福山。告示社寺所私有田地山林除稅仍舊之旨。延村吏于客館。授地租改正簿册而還。

全 十四年辛巳

君歲六十二。播磨國刈屋城主內匠頭淺野長矩有罪賜死。幕

府遣淡路守脇阪某肥後守木下某等收其城地。刈屋接壤于我備東部。公在江戶。飛檄命君先到國境偵其動靜。三月晦帥部下之士屯片上以備不虞。四月十九日刈屋諸士開城而退。二侯亦去。君迎謁而還。

全 十六年癸未

君歲六十四。十二月特旨加賜祿五百石。且命曰。自今免汝郡代職。若夫閑谷和意谷社倉井田等事。須綜理如故。移居閑谷。退老以養餘年。若有大事。重煩汝之拮据焉。且賜親書。

寶永元年甲申

君歲六十五。三月上疏請曰。願還家祿與屬士。拜受閑谷墾田貳百七拾餘石。納府下第宅于官。移居閑谷。單督學事。若夫閑谷和意谷井田社倉四項事務。先公遺命使臣負擔。且有客臘。

嚴命之在。管理仍舊固矣。唯所屬統卒臣有微意之在。請如故隸諸部下。公使執政傳旨。其書曰。永忠之言猶似早矣。而以老者志願亦不可已也。允其請焉。其二十八日更賜祿七百石。長子永恭三百石。次子永倫。四月移于關谷。

全 三年丙戌

君歲六十七。冬有疾來于永恭家而保護焉。

全 四年丁亥

君歲六十八。二月五日卒于岡山。興尸歸關谷。葬之和氣郡吉田村溫谷山中。其在職也。每歲四時廟祭忌日祀典無不干與。且和意谷墓祭。關谷釋典每執其役。是以其爲定例。每歲不記載焉。

〇十三

語曰。雲從龍。風從虎。我 芳烈公之股肱羽翼。前有蕃山先生。後有津田君。二君風雲際會之鴻業。可傳可記。而無完全備具之書行于世者。我備操觚者之責也。本年友人片山孟卿有蕃山先生年譜之著。今又有此盛舉。於是雙美兩全。無遺憾矣。然而蕃山先生之事既顯於天下。津田君之蹟天下之人知者蓋鮮矣。此書一出。併讀兩書。始有知其彼此功業之優劣難易。

壬午八月念五

辱知 西 綴一妄評

聞東備名臣有津田佐源太君久矣。然未有詳其功蹟也。及今閱年譜始得知大梗。起校舍也。營塋域也。畫井田也。創社倉也。墾斥鹵也。是其事功之尤彰著者矣。其他內之諫輔之美。外之牧治之術。其詳雖不可得而聞。亦可以類推而想見。

也。蓋君有幹事之材而尤長於經濟。加之以練達。行之以忠誠。故能獲任用於二代。遺惠澤於後世。余嘗拜備侯墳塋於和意谷。寓所謂關谷費一年。當時惟駭其規模宏雄結構壯麗。而不知出於君之營爲也。今而憶之。二谷山翠邈迤在眼。而君杖策往來跋涉之狀恍然於想像間。嗚呼君豈止東備名臣哉。稱謂本邦名臣無不可也已。

明治十五年九月中浣

阪田丈妄評

丈又識

〇十四

津田叔子行狀

津田叔子諱永忠。自少有大節。而慨然志于道義矣。時儒士泉仲愛熊澤正典歎賞於其秀逸焉。十四歲而奉仕于備前國侯故羽林君侯。君奇其材異于群兒。而眷遇殊渥矣。及年稍長。而勤仕之餘力。則必讀書學問。以致思於窮理。若其有發揮則隨筆記。以備于他日之遺忘矣。夙夜致忠於所事。以期大裨補于國家。故君允其忠容其言。以使之拾遺補闕焉。後來遂命監職。以使之司諫諍。叔子進思盡忠。退思補過。而不敢有其身焉。直言正諫。而不少回互矣。故君嘗欲興建學校。又改葬先塋也久矣。叔子逢迎君意。而裨成之。乃與泉仲愛共承命。裁制古法。以新造學校。又特巡檢于封內。相改葬之攸。歸以告之。故君乃躬詣于和意谷。以卜其地。因命叔子塋築焉。其墳碑誌表之制。亦無不竭其心矣。又稟命試井

〇十五

田于和氣郡友延。模倣九一以垂諸後昆矣。故君嘗欲營學舍于鄉里。附以學田。使學者講道修德。以永垂于不朽矣。叔子承其命。而剪草萊夷崎嶇。號之閑谷。殿宇堂舍棟柱椽屋致堅極確。經營百方。深慮憊々無不竭其心力矣。當君繼世之初。國內荒歉。而民間艱食。君深憂之。而使叔子與服部某巡撫郡邑焉。於是叔子一盡心於民事。具告于上。而改紀其政矣。先是郡官各居郡邑。以治事。而多害于民者。故使郡邑官皆移居于城府。置郡監數員。及農監數十人。更設官廨。而數會郡吏及郡監。以議政事。聽獄訟。故君嘗賑恤窮民。以惠政無不至。故每歲頒施救米壹萬五千餘斛于郡邑。小民貪一時之救濟。而不勤業。惰游之民。或媚官吏而求利己。而官吏亦或相附托。以私于其所親。其餘害政事亦多矣。故叔子以救米壹萬五千有餘石。歸其半於官。而留其半以修其溝洫。

以備旱澇。貸銀米于民。以使之買牛雇力。備糞壤。或利農器。使民專勤力于根本。以戒其懈惰。是以民力足而賦亦不減。歲時却稍倍他日。所謂惠而不費者也。先世嘗每鄉麥秋。日使民戶每畝出麥二升。以貯之官。春間蠶食之時。假之民。至麥熟。則收之。謂之畝麥。而中廢弛矣。至是再興。而大利于民。又故君嘗有伯姬君之銀二千貫目。叔子乞而借之。買現米二萬石。準朱文公社倉之法。以周旋數歲之後。母子相倍。而為四萬石。乃歸納千貫目之元利于姬君。假其息米二萬石。民間以救其窮乏。利其農力。每年使郡吏及築吏。議檢郡鄉水旱損亡之地。詢堤防灌漑之利。或鑿沼池。決溝洫。或通渠以運漕。夷險阻以舟行。是以瘠磽不毛。悉為良田。又山林蔽澤。嚴有厲禁。而不猥剪伐。且使民宅地植桑麻。或樹果實。以利其生矣。初民或疑是為欲增其賦。而今不然。是民信從而懷

〇十六

其惠。故山林暢茂。民居潤澤。而無旱乾水溢之患矣。嘗又免民間之役。而不遽農時。若役使則隨其役。而予之米錢。嘗數戒里長及郡會。若有窮民。則使伍家食之。伍家不能。則使一村養之。一村不能。則告于郡官。以給其食。故郡邑無饑寒。而一人無墮產。離土之民。每歲使郡吏及郡監。審考戶籍。點檢民數。以驗其實焉。而每歲貢稅。不待督責。而刻期上納。以無少遲滯。又無敢欠逋者矣。郡邑民力略足。以不必待濟救。是故散社倉米。雇民興役。築堤防於上道。郡海中以停潮。新墾田堤。防長四里許。其地高凡五萬石餘。又作廩。飼馬百餘疋。使役夫五十餘人。養之以備不虞。且常使諸士之子弟。習馳驅焉。是每鄉預開田。收其賦。以給秣料。而不敢用官米。又諸士多借金。而不能官仕者。隨其所謂。而收取其祿。計其家口。以給衣食。以其餘償借金。若借金甚多。而祿不足者。使其人勤

公役。以別給其料。又作廨舍而各隔其房。使極貧者居焉。使與妻子自炊以節費用。而隨其借金之多寡以作其簡略之年數。其制有數條而便於諸士之貧者矣。又隨諸士之所欲。使之各出其銀以聚之。而賤其息以稱貸之。其官仕之勤。或婚姻營作。凡吉凶之費不能自給者貸之。謂之催合。其簡略人每年隨米價之貴賤而所償之銀。額外有餘亦取之入催合。以稱貸之。簡略人之借銀有高息。則易之以催合或社會。是以其借金償之亦速矣。簡略年數已滿。則反其催合銀以給公務或營居之費。故士家免其債以官仕者多矣。先世賑恤窮民以惠政無不至。是以每歲郡邑之救米。殆壹萬五千石矣。叔子承郡縣以來。告官以反納其半。而受其半以供民間溝洫田畝築作之費。或耒耜耕牛之具。而不苟事賑濟。以使民各專力于農業也。先是惰游之民苟利救米而不勤力者

〇一七

多。故抑節之矣。惠而不費也如此。然百姓足而賦稅不減於曩時。却比舊年稍增益其數矣。又新造大小船凡三十餘艘。以備不時之用。又獻銀數千貫目。以待國家不虞之需。是皆郡縣或社會其餘之所出也。其志專欲富國敦本使士民各得其所。以正風教矣。及其終也。主君賞叔子之勳勞以增五百石。賜祿都千有五百石。免其職事以使之優游休養焉。然以先君閑谷之命甚重。故辭其厚祿。以乞閑谷學領地高二百七十餘石。退居于閑谷以守學舍。其志專守故君之命。重任于閑谷。而欲傳永世而不退轉。以無不盡其術。雖至瞑目之際而不敢忘矣。叔子嘗建聖堂奉聖牌以修釋菜。立東堂以納故君之衣冠弓矢書及什器。又託洛下仲村惕齋。以鑄聖像。躬召鑄師某以鑄故君之尊影。竊藏之於學庫。而欲以時告主君以安置于兩堂。而未果矣。市浦惟直蒙閑職之日。乃

審達之公聽。而賜許允。得奉兩尊以安置各殿。又賜大成芳烈之篆額。乃遂成叔子之志矣。可謂其堅志徹金石也。日置老革也嘗言。津田永忠可謂剛直忠良之士。當其處官議政之際。苟有害理之言。則雖執政重權而爭之不少枉。及往復三回而未止矣。如故者未嘗有之。若有之而與永忠共同其事。則裨補於國家爾。惜乎永忠一人而無保助之者。又或曰。叔子墾田野修堤溝利民生之功亦大也。然有人或爲之者乎。其司郡務以來循々田野治民業饒而國中無一人破產失所者。然賦稅漸增而國用不乏者。最非人之所及焉。可謂民政之龜鑑國家之基本矣。故東武巡撫及郡宰之履歷本邦者。無不稱美邦治嘆賞叔子者。而其名譽才幹亦達于武都城臺。以愛其退居者間有焉。其事親亦有孝。若依官務出經宿。則必使人問安否。或寄珍羞佳味以慰親意矣。親以天年

〇一八

終。擇墳墓于采地。而其棺槨石碑盡心以安措之。買墓田以寄附之。又築祠堂于宗子家。以使宗子節時祭祀矣。平生以忠孝爲踐履之要。而教誨諸子亦必以之爲要爾。叔子嘗言。人能奉行父母之遺體以不辱則臨其死而可喜悅矣。可謂格言也。臨其將終而書。唯恐身體手足失其正焉。乃遺命于諸子。棺槨衣衾致其誠信。以配葬于和氣郡之采地溫谷先塋云

余之編永忠君年譜也。會津田永央見示此冊。受而閱之。敘事懇到詳備可據以槩見其爲人矣。此書雖不詳係何人之撰。而就行文際推測之。其成于當時舊藩文學諸子之手又不容疑。因繫諸年譜後以備參考焉。永央永恭之後而君六代之孫云


木畑道夫識

明治二十年十二月五日御届

全 二十一年一月二十日出版

岡山縣士族

著作兼出版人 木 畑 道 夫



岡山縣下備前國岡山區岡山

西中山下百九十四番邸

岡千仞 著

欽
仰
錄


明治四十一年（一九〇八）東京三省堂鉛排本

據明治四十一年（一九〇八）
東京三省堂鉛排本影印



欽仰錄

丁未秋
元昭敬書



豐禾



普賢

藏

也處富才生不遠以北叙

殿下不曾輕行矜項局于學川

今在發自注式錄生之院王

江田氣甘不編其行名殿下

島勵學常飽人華一班也德

海軍業是已者胃以使所歛

兵學矣其逸豫自長其舍仰

校則不豫自長其舍仰

其及

習

習

習

習

習

習

明治四十年



異曰大成可期而竣也凡宋人致舍者
必亦將有大可觀者焉嗚乎是豈獨哉
明舍也榮也矣時習舍長丈邨德敏謹識

王木亭敬書



美とりなる竹のみそのゝ萬代に。

なほもときはのかけそまけらん。

民部卿爲家

欽仰錄

初毛利元德公留心於教育。常憂其一族子弟教育未洽。父兄長上指導不得其宜。凡我一族。勤學修業。紹述先德。莫或失墜。相與戮力。庶幾不墜家聲。可以報國恩之萬一矣。元昭公嗣立。乃遵遺訓。設家塾。命曰時習舍。蓋取之論語。而時習之語也。

元昭公謂我一族子弟。與他人群居。輯睦觀和。切劘學業。長短相濟。此所謂他山之石。可以攻玉者。使人皆櫛修身行道。齊家報國之基。於是貴族富家子弟。欲入舍者。許之。不必限

欽仰錄

一

欽仰錄

二

一族子弟。明治三十年十二月。舉開校之式。委一切監督非

上侯爵。以大村子爵爲舍長。寺島榮太郎爲舍監。而岡百世。山淵友彥。渡邊世祐。春日井佐五一。鈴木鐵藏等爲之教授。

生員多名。門子弟。晝學於學習院。若他校。夜則溫習所學。而舍規所重。特在去傲慢忘惰。奢侈淫靡之習。修節儉質樸。勤勉謙讓之德。以養成其性格高潔之風。今揭舍規一班。令以知其概。

每晨五時三十分起。手鐵啞鈴行體操。凡十五分時間。五時四十五分至六時。浴於冷水。掃除居室。六時十五分振鈴爲號。上講堂以行朝禮。禮畢就食堂。各携行廚。登學習

院若他校。

午後三時。給茶及點心。四時至五時。上講武堂學柔道。五時三十分入食堂。食後取浴浴畢。散步近街。限以七時。七時至九時。溫習。或豫講明日所學之業。九時聞鈴上講堂。以行宵禮。九時三十分就寢。

井上侯爵每晨浴水。其間五十年。未嘗一日廢。其行血脈。強皮膚。大資健康。乃使學生倣之。學生皆名門子弟。其在家也。出入乘車。及入舍。使之徒步。食必麥飯。朝一菜一羹。晝肴一皿。夕一肴一蔬。每週日洋食二次。其行厨一日。糖果麵包。一日肉麵。侯爵曰。浴水徒步麥飯此三者。皆富豪子弟動所不

欽仰錄

三

堪。然使其堅忍心情。強壯軀幹。無過此者。

欽仰錄

四

北白川宮輝久王殿下。故能久親王第三子也。明治三十五年三月十四日。入時習舍。時年甫十四。班學習院中學第二年級。殿下在舍凡四年。拮据勉勵。不敢一日懈。學藝之茂。品行之嚴。衆仰爲模範。咸曰。若殿下。自有此舍以來。未嘗見之。可以知其爲人矣。

當今學生不論男女。節儉質樸。勤勉謙讓之風。蕩然掃地。漸流傲慢怠惰。奢侈淫靡。牧野文部大臣嘗憂之。特出令飭之。殿下入舍以來。浴水徒步麥飯。以至彼行厨諸事。一遵舍規。大村子爵以下大嘉之。學生使丁莫不贊歎。皆曰。殿下猶然。

況吾輩微賤乎。殿下年猶弱冠。德器夙成。按其風采者。皆薰若德。而俊邁之氣。毅然不可犯。非上侯爵一見偉之曰。苟得其殿下其人者。以爲皇室藩屏。實國家之福也。

學習院距舍凡二十餘町。殿下必徒步而登校。其登校也。未嘗失時。其勵精刻苦。不獨於學事。如柔道之技亦然。鈴木柔道教師屢稱殿下善其技。殿下常曰。柔道強壯其身。且可以備不虞。殿下在舍四年。未嘗一日廢其課。三十九年六月九日。卒學習院中學第六學年之業。以成績優等受賞。同年秋將入海軍兵學校。凡皇族入學者。不須考試。其不須考試。而入學者。或謂殿下曰。旣得無考試而入學。何苦勉強。殿下不

欽仰錄

五

欽仰錄

六

肯曰。余將同他學生受考試。於是專攻英語數學。且曰。漢文習字二科亦不可忽。則溫習加一時間。以學漢文習字。其勵精率此類。殿下自持甚嚴。遵守舍規。每晨早起。終日勉學。餘力運動。疲極就寢。學生當直者。先起時。巡呼各室促起。至起時再振鈴巡呼。間有不起者。殿下入舍以來。聞巡呼之聲。而後起者。止兩三次。當直者每至其室。殿下旣已起。不復煩呼起。

殿下儉德。亦可以爲模範矣。舍規有勤儉貯蓄之條。殿下遵守匪懈。凡舍生諸費一月定爲三圓。每旬給一圓。衆皆苦其不足。殿下每旬所費不過五分一。其餘以充貯蓄。此固雖由

邸更給日常需用品。自非殿下儉德。安能如此乎。一日中央新報記者。隨寺島舍監。觀溫習室。時有一少年端坐。手簿記數字。素朴不飾。服銘仙衣。穿小介袴。衣袴既皆經潛濯者。一意勉強。如不知人至者。渡邊教師語記者曰。此爲輝久王殿下。殿下徐起禮之記者。惶恐失措。出語人曰。今日謁殿下。追憶能久親王。鑒于臺灣之役。涕泗交頤。不能自禁。蓋悼能久親王不及見殿下之成立也。聞者皆泣。

舍規曰。整頓寢具。掃除室內。必躬親之。殿下室無點塵。其洗布巾。濯幘。必亦親之。有不得已者。則婉辭以命使丁。使丁有不解。則反覆丁寧申喻。將有所托。會使丁操他事。則曰。俟事

欽仰錄

七

了而後可。未曾以威嚴臨之。使丁復命。則必謝之。平生溫顏

接人。不如他人役使丁。是以使丁皆樂爲之用。殿下每出舍。整頓物件。值休課日。出入嚴守時。未嘗失之。憐病者特深。嘗渡邊教師有寒疾。殿下望其顏色曰。先生方病。請速就寢。乃不終教課。辭而入室。方今諸生傲惰自放。一聞殿下風。可以少愧也。殿下聰明。綜核諸學藝。凡諸生之於學。好惡任意。且欲速成。殿下則不然。日夕溫習諸科。盡力之所及。其最所熟

習者爲數學。未嘗參考他書。了解數理之大意。其敷算命題乘除。不復煩師傅。他科亦然。常謂。學藝進步之法。要虛心聽教師之言。傾耳默記。不敢一日忽。則有所漸進。積漸彌久。而

後學業可成也。一日與渡邊教師散步郊外。一問一答。悉操英語。其用心於學事。概皆如此。夜間溫習。不欲妨他人之質問。在傍端坐。得間則請教。學科諸書。率背誦之。應酬來牘。國字英文。各從其來書答之。搦管立書。未嘗滯滯。又謂人在學校。勉強匪懈。固無論耳。假令學已成。器局不可不大。氣魄不可不厚。品性不可不高。而處世之法。亦不可不講。蓋其意以爲。他日立朝廷。參大政。可以當皇族之任。何以盡輔弼之責。始終以此爲念。故其發於外者。和顏溫容可親。可愛。而大山巖巖之氣象。不可得而近狎也。殿下身體壯健。入舍以來。未嘗服湯藥。每日午後歸舍。未嘗失時。運動不忘。夜必溫習。起

欽仰錄

九

欽仰錄

+

臥飲食。浴水體操。一行一動。皆有常度。不失尺寸。舍良嘗聞殿下自持之嚴。及親接音容。殆過所聞。世之學生。鑑於殿下之言行。人誰不興欽仰景慕之念乎。

舍規每晨課水浴。浴室所引水。冬時鐵管冰結。烈火暖之半時。水始噴出。而入浴槽也。再復堅凍。生徒晨起。割冰而浴。殿下。則四年之久。未嘗一日廢也。

膏粱子弟。動輒羞飲食之奉。不若人。夫君子食無求飽。聖訓具存。而舍生往往以飲食粗薄爲言。高貴之家。食膳豐美。子弟輩習慣成性。一旦入舍。朝夕麥飯蔬菜肉一盂。其所不耐。動則爲不平言。殿下四年之久。而無難色。人皆不知殿下食

嗜好。耶吏亦不言殿下飲食之所嗜。天性淡食味。可以知也。世以喜怒不形於色。爲聖賢之事。殿下接人溫乎。和氣可掬。舍生德川義親。四年間與殿下同起居。未嘗見殿下之愠色云。

命規冬夏二季之休日。不許諸生之歸家。夏則舍長教師率之。爲修學行旅。就實從物。一一講說。且使貴族子弟通於下情。備嘗辛酸。以養成其忍苦耐辛之性。冬則會集於非上侯爵興津別業。日夕親炙。情如父子。元且舉杯互祝。且就事試其人格。每年爲例。侯爵謂。嗜于算數者。不爲世用。算數不必究深奧。適實用而已。故算數首試利息算。如英語。先使讀外

欽仰錄

十一

國新報。皆爲供其實用也。諸生不能答其問者。至夜答之。或俟明答之一日。侯爵問諸生曰。卿輩異時欲爲何事。蓋各言其志。其答有不明者。侯爵變色叱曰。蓋過去爲乞丐。其聲如雷。衆皆戰慄而退。故學術不進。言行不正者。一念憶起興津訓戒。不寒而栗。不暑而汗。既而侯爵溫顏謂曰。叱卿輩如此。亦所以警懼親愛之也。富家權勢者。願使而命。使人低頭至地。今使貴族子弟而無人色。侯爵之一喝。可謂對症藥石也。親炙於侯爵。被其薰陶如此。宜矣在舍者。品行之正。學藝之進。爲他校之所推重也。

殿下在舍。不待以皇族。冬日避寒興津。夏日旅行。皆與衆無

異。其試考期至。衆皆孜孜矻矻。唯觸非上侯爵。譴是恐。而殿下綽綽有餘裕。不異平日。其考試成績。常爲優等。暇日或撥銃乘艇。出獵。鳬鷗出沒波間。風起艇動。激道不定。殿下照射一發。卽中。衆皆服絕技。非上侯爵以智德體三育法獎勵之。殿下用心於此。常曰。此三者缺一不可。平日講柔道。暇時出遊運動。服膺弗措。尤巧庭球之技。夏季春秋二季旅行。健脚徒步。不後他人。其遠行駕汽車。則常三等。殿下旅裝草靴革幣。人不識其爲貴人。其儉素如此。忠言逆耳。人情之常。況貴族子弟乎。殿下虛己從人。方正自律。無過失可舉。時有告非微過者。則微笑立改之。臨事勇決果斷。胆氣超人。嘗登妙義

欽仰錄

十三

山。路甚險阻。石稜嚙蹠。殿下信足而進。無少畏難色。又嘗夜攀函嶺。行故道。道極峻隘。會風雨晦冥。使丁把松明者。跌且仆。殿下列先登班。衙暗而前。又嘗登晃山。自足尾至中禪寺一條樵徑。頑石橫道。利侔劍戟。殿下先衆而進。不一蹉跌。殿下入舍。年甫十四。與衆遊鎌倉。宿某氏別業。別業在光明寺

欽仰錄

十四

畔。一夜天暗。潄聲洶湧。松杉皆吼。鬼氣逼人。衆曰。蓋各試其膽之勇怯。乃拈鬮定次。登寺背山。殿下次登。寺島舍監虞其顛墜。竊從其後。不令殿下知。夜暗咫尺不辨。行十數步。殿下俄止。舍監追至。殿下顧曰。先生歸矣。不然余不復進矣。舍監驚而止。忽聞山上有聲。殿下既在其所擬之地。衆皆聳懼。蓋

殿下體之壯。氣之勇。加之以健脚。是非所勉。強得爲也。殿下嘗語人曰。余所得於時習舍。極多矣。明年將入海軍兵學校。必能堪困苦。何則。學課之嚴。規律之正。所素養也。殿下勇決果斷。一往勇進。既驗乎拊闔之時。他日造詣。果爲如何。殿下嘗欲同田淵教師。德川義親二人。往觀宮內省之雅樂會。會則必携票片爲證。殿下爲二人多方求之。一年之後。得三票大書。會他海軍大學校教授進講之日。卽與其票上野伯。不復顧惜。自非好學之深。安能如此。

殿下至孝。出於天性。凱旋觀艦式日。教員舍生乘舟往觀焉。王妃在高島。嘉右衛門邸。有旨召殿下。此日士女闐咽。海陸

欽仰錄

十五

觀望。無立錫之地。陸眺不若自舟中之近接。而殿下聞召上陸。侍王妃。且殿下夙志海軍。而此日觀艦式。千歲之一遇。一聞妃命直赴。此一事可以類推。其至孝也。王妃教訓甚嚴。殿下休日有事。不得歸舍。則必遣使告故。蓋舍規不許外宿。是以王妃乃爾。殿下入海軍兵學校之期。旣迫。王妃欲殿下在邸小住。寺島舍監亦然之。殿下謝舍監曰。在舍四年。凡百訓誡。自今不得數之。幸有所匡正。其言惻切。出自肺腑。殿下反躬自視。歉然。率此類。舍監感泣久之。

殿下在舍。如前所記。其在學習院亦然。山口院長。和田教授皆曰。殿下在學習院也。起居動作。學生皆取法於殿下。殿下

之意謂。我皇族也。學藝不可不超卓。品性不可不高潔。躬行

實踐。德日加進。與殿下同級者。凡四十人。殿下自就學至卒

業。其席次不下第三。皇族諸王。與殿下同級者。曰。鳩彥王。曰。

稔彥王。曰。載仁王。曰。成久王。凡五人。而鳩彥王以下。或入陸

軍幼年學校。或入海軍兵學校。皆半途退院。其卒中學之業

者。獨有殿下。一人而已。凡考試設甲乙丙丁四等。以定其學

術品行之差。檢定之法。自百點以下。八十點以上。爲甲。謂之

優等。殿下卒業。每學課皆八十點以上。院長特呈贊詞。不獨

卒業之時爲然。其學年考試。莫不皆然。殿下平生勤勉溫習。

其在講堂。應教師之不時呼名。一一答辯。不少差誤。學術品

欽仰錄

十七

欽仰錄

十八

行。爲一院學生之模範。凡考試優等者。擢爲班長。請殿下爲

之。院有勤務學生之制。每操練。殿下掌小隊長之任。乃上級

生徒指揮之幹部也。每有行軍等事。命高等學生爲之。以殿

下爲學生模範。特請任之。與殿下同級者。自薰其德。情義親

密。常勝他級生徒。殿下在時習舍。修學行旅。爲一學生。在院

則不能爲學生微行也。沿道縣官人民。聞之奉迎。特定旅館。

其他悉與學生同。

殿下學德行爲。實爲學習院時習舍模範。雖由其天資之美。

抑亦有所原焉。蓋基於故能久親王之庭訓有素也。親王爲

近衛師團長。其征臺灣時。方盛夏。炎威鑠金。而親王與士卒

分勞苦。革鞋帶劍。攀斷崖。捫絕壁。蠻虜懼其威。三軍泣其恩。而教其子弟。嚴肅不假。不幸陣歿。王妃殿下性聰明。體親王之遺訓。而十數年間。膝下訓育。欲使殿下與他子弟相與切劘。乃使男爵松平正直。請非上侯爵入時習舍。共在舍也。與華族平民子弟。切劘勤勉。學德日進。超然拔群。世稱親王及王妃之德。良有以也。

邸西北數百間。樹木蒼鬱。中有一小屋。環竹垣。長廊接大屋。垣內庭園數間。鋪沙爲體操場。親王爲大阪師團長時。命家宰恩地某築之。以爲讀書之室。是稱學問所。惜親王不及見其成而薨。是時恒久王十四歲。成久王九歲。殿下八歲。其他

欽仰錄

十九

欽仰錄

二十

二王子。一爲二荒伯爵。一爲上野伯爵。王妃繼親王遺志。居三王子兩伯爵於學問所。乃請學習院教授齋藤恒太郎氏專任教育之責。朝夕定省之外。不許其歸邸。如食膳朝夕饋餉。飲食起居。自幼時皆離婦女之手。王妃慈愛嚴肅如此。後恒久王入士官學校。成久王入近衛砲兵聯隊。兩伯爵各成長。殿下將以明年秋入海軍兵學校。邸內學問所。今無所用。唯留五脚徽標椅子以爲紀念。蓋王妃善繼遺志。教育諸王。使其至成立。親王可以無憾也。

王妃聰明仁慈。教諸子有法。恒久王在士官學校。成久王在近衛砲兵聯隊。殿下在舍。暇日歸邸。三王在膝下。或論學。或

嬉戲。闔閭怡怡。孝友之情。藹然可掬。王妃悅甚。

語曰。斯父而有斯子。親王之志。因王妃而成。殿下之有今日。固非偶然。殿下之入海軍兵學校。學術品行爲衆所欽仰。猶在時習舍學習院之時也。殿下學德之隆。天下所知。他日殿下爲國家干城。將帥模範。始可副天下億兆之望。以藩屏皇室也。

殿下居室在樓上。既卒學習院。入海軍兵學校。衆皆曰。記殿下行履。留樓上所居。以爲名門子弟鑑戒。使後入舍者必就讀之。師殿下學術品行。此爲舍生模範可也。

名門子弟在舍者。前後若干人。而皇族入舍者。殿下一人而

欽仰錄

二十

欽仰錄

二十二

已。同舍皆以爲榮。而殿下四年間。勤勉匪懈。學德與年共進。爲世人之所欽仰。後之入舍者。善學殿下之刻苦。勉勵忍耐。以修其業。以立其身。進可以報國家之鴻恩。退可以保父祖之光榮。如此則不獨副元德公之志。冀長無黷殿下之高德矣。

世皆曰。風俗日卑。夫君子之德風也。小人之德草也。草加之風。無不偃之理。天潢貴胄。有如殿下。懿德純行。以立人上。奉朝野。於振頽俗。何難之有。周南召南爲風雅文首。俗字從人從谷。山谷小民之謂。所謂小人草偃者。風俗之字義。固如此。如之何。今所指名。大臣巨公。不多

見用心於此根本。風俗卑々。日下一日。無足恠也。

丁巳六月八日夜於鵲沼海莊燈下

道人 千 叔

欽 仰 錄 終

欽 仰 錄

二十三

明治四十一年十二月二十五日印刷

明治四十一年十二月二十八日發行



著者兼
發行者

末廣清次郎

印刷者

龜井忠一

印刷所

三省堂印刷部

東京市神田區三崎河岸十二號地

發行所

(振替貯金口座
一五九七番)

三省堂書店

東京市神田區裏神保町一番地



植松金兵衛 著

佐倉宗吾義民傳

明治二十一年（一八八八）東京鉛排本

據明治二十一年（一八八八）
東京鉛排本影印



屈于

伸于

一時

萬世

敬字中村正直



序

易曰、往者屈也、來者信也、是天地之常道、宗吾者、屈于一時往而萬世屈于來者也、嗚呼、殺身亡家、則愚為神為靈、則智、然則謂智乎、將愚乎、曰、非智非愚、即義也、夫宗吾孰義救民、屈于以義祭之、所謂往來相感者也、余亦有感于斯、屈于成此卷以序焉矣、

明治二十一年五月

植松敬治撰
中村正直評

義民傳

序

義民傳例言

一當德川氏執政日、英雄續々輩出、就中尤著于世者、播磨有大石義雄、下總有佐倉宗五郎、然而鳩巢室氏著義人錄、義雄之論乃定、取惻怛不能已之至誠矣、如佐倉宗五郎、世知哀泣之、而不知論之、俳優怪談、愈失其實、故余忘不文、成斯編、名曰義民傳、取救世不能已之至情矣、

一或問、宗五郎敵官抗疏、子以爲義乎、曰、叫訴于官而已矣、夫上野介者守令也、德川幕府者官府也、守令爲暴政、故宗五郎訴之官府、何得謂敵官哉、若當時官府處

義民傳

序

之得其宜、當宗五郎脫阨堀田氏不亡矣、

一或問、宗五郎怨靈爲祟、堀田氏爲之亡矣、真乎、曰、否、宗五郎何關焉哉、堀田氏自招而已、爲暴則天必滅之、自古然、何堀田氏哉、且以苛刻殺人、其心已不快、不快則心氣虛矣、心氣虛則淫病乘之、何在宗五郎哉、
一余欲編此傳日久矣、無傳記之可據、近頃得聞訴平安錄、讀之頗似得其實焉、遂據以成斯卷、若有誤謬、則覽者其怒焉、

植松氏識

義民傳

北總銚子植松金兵衛著

佐倉宗五郎

佐倉非姓也、以佐倉假之爲、民人稱焉、今暫隨俗、

佐倉宗五郎、下總印旛郡上岩橋村人、父爲京人高間左門右門、普通公家某女松虫、松虫以通賊士、受父怒、不能居家、感與左門出家、旅舍二年、松虫有身至下總印旛郡松虫村藥師堂、將分身難、左門患之、已而有一騎士過、左門泣呼曰、君若有藥請投焉、騎士不省、又有一騎士過、左門呼之如前、騎士止馬、投印籠曰、第二箱有煉藥、可進、余爲公用、不暇省汝、左門乃進之、松虫飲而治、苦寐矣、無幾

義民傳

騎士歸、左門不知前騎士、誤謝投藥、騎士怒曰、汝乞面徒侮我乎、我是佐倉藩士鴨川藤三郎也、謝不投藥者、嘲我也、將拔刀斬之、左門愕然防之、松虫亦痛驚舉聲、時後騎士鞭馬歸、藤三郎思後于彼、納刀去、左門雖免虎口之難、松虫悶絕、左門驚進、煉藥復開、目遂生子、後騎士到焉、問藥功如何、左門俯服謝之、具告藤三郎之無狀、騎士曰、彼與我爲同療、其心常不善、汝能免焉、及病愈、則避焉、騎士遂去、左門遙拜其形影、歎曰、嗚呼、釣是人也、善惡邪正之異、其如斯乎、是卽松浦友之丞也、用士者焉、後大見矣、己而松虫亦悶絕、左門雖進藥、不及遂死、年二十、左門扶淚埋

義民傳

其屍、負赤子去、到彼家、問斯門、請乳飲、一週間、竊謂、我身不能自給、何暇養赤子哉、果然到佐倉城北將門山松下、聚木葉爲席、舍赤子及印籠、記生日去、印旛郡上岩橋村名主惣左衛門、年及五十、無子、夫妻患之、一日之佐倉鹽歸途到將門山、有呱呱之聲、觀則赤子也、記某日生、母死、浪士難育舍焉、謂神護之數字、傍有金蒔繪縷梶葉紋印籠惣左衛門悅謂、是天賜我子也、遂携歸家、告妻氏、々々悅名惣太郎育之、惣太郎及長、英敏能通學、年二十父母忽焉逝矣、遂襲父職爲名主、更名宗五郎、年二十五、國守堀田侯、命領內二百三十六村割元職、時人榮焉、先是上

岩橋村有木村要者、不知何許人、與其妻來、開村塾、教子弟、生一女子、名阿三、年十有五、母氏死、要與阿三營生計、一周年、村老不忍觀其貧、釀金以給焉、要不欲妄用之、託之名主惣左衛門、阿三有容色、遠近屬目、隣邑有姑權次者、常好賭博、其徒凡一百人、悅阿三姿容、挑之再三、阿三不肯、一日權次逼于父、請許嫁、父亦不可、明日權次賭博失敗、竊謂余請阿三許嫁、要不可、其爲耻不少、且彼有釀金若干、乘斯時、欲殺要報宿怨、奪該金、一夜入要家、要病宿病臥床、阿三爲迎醫、不在家、權次刺要病床殺焉、暫阿三歸家、有人取燭、搜索甚矣、觀病床流血淋漓、阿三慘然

謂此賊殺我父者、遂決意欲報父仇、被小刀斬權次右腕、權次起欲躍、阿三又斬右足、權次不能起、遂見殺矣、阿三高聲呼人、舉村皆來、各主惣左衛門父子亦來、徐問阿三、阿三具告其狀、惣左衛門含淚訴佐倉廳、譯要屍、携阿三歸家、視之猶子、明年妻惣太郎、是即宗五郎妻阿三也、當時佐倉城主堀田加賀守卒、子上野介立、寬永十七年幕府思父忠登庸、任老中職、上下呼萬歲、臣諱有驕色、遂多費用、姦臣相集爲聚斂、設課稅如左

- 一家內人員 自十五至六十 男女一日一錢
- 一家疊一疊一月一錢

義民傳

- 一居家有五間者一歲一錢
- 一着絹布 長衣外套類 者不問貴賤一歲一錢
- 一家人 自十五至六十 一人一晝夜編一房
- 一家人 自十五至六十 一人一月草鞋十足
- 一有馬者一疋一歲三錢
- 一有船者船一艘一歲三錢
- 一酢醬油太物荒物小間物類一歲商金高金百兩則金五兩
- 一人有生入籍則應其人納稅有差
- 一年始五節句歲暮類祝儀料應其人納稅有差

一一寺院一歲金一兩

此外至野菜大根烟草味噌類課稅凡三十三條

右條例發布而來、人民或會議、或誹謗、莫行而不在、無家而不款、斂吏怒眼、村吏吞聲、或有棄田以遁者、或有親棄子走者、有子舍親逃者、有乞于市者、其潰亂如左

- 一逃亡男女七百三十人
- 一亡家數九十二戶
- 一荒田高千三百石餘
- 一荒畑高千四百石餘

義民傳

一棄山地高八百石餘
一廢寺院十一
雖未經年月、敗潰散亡、慘色如此不忍見、若經一兩年、則人家變爲狐里、嗚呼佐倉領二百三十六村人民塗炭誰其憫焉、一日村吏相會議、若不免稅、則可不退、遂到佐倉廳上書、鳴川玄蕃、清水主斗、投書叱曰、汝等犯上輕君命者、若再上書、則下汝等於獄、村吏恐怖不能言而退、上岩橋村割元名主宗五郎、憂領主之賦課法及人民之騷擾、稱病不出、人民察其狀、疑與斂吏同意、一無協議者、一日宗五郎欲散幽僻、出門路傍有士、蓋深笠、疾苦焉、宗五郎

日、君來、弊處、療之、士與宗五郎到其家、脫深笠、宗五郎驚曰、子非松浦隼人乎、曰、然、何輕身乎、隼人不對就坐、宗五郎夫妻護病厚矣、取印籠進藥、病遂愈、隼人問曰、此印籠子之舊藏乎、宗五郎含淚曰、先父臨死遺言曰、汝非我子、余齡比五十、行將門山有赤子及印籠、余取以歸焉、此印籠、汝父之印籠也、今與之於汝、言畢死矣、隼人曰、憶昔距今四十年、吾齡比十七、過松虫村、藥師堂內有人呼曰、吾妻臨產難、有藥則給焉、余無暇指授、投印籠去、及晚歸、則自堂出謝之、且陳誤謝、鳴川氏受咎責狀、明日余伴僕行看、則人不在、堂側有新塚、不能審其跡而歸、是即其印籠

義民傳

五

也、宗五郎俯謝返之、宗五郎問隼人曰、方今自增租設新賦課、人民屢擾、救之如何、隼人曰、余亦思之、爲探民情、密行而已、談移時及夜半歸、當此時、人民散亂、不可制、村吏或議或會、飲吏覲然不省、領主漠然在老中職、誰其鎮之者、於斯印幡郡瀧澤村名主六郎左衛門相馬郡勝田村名主重右衛門相議謂、上岩橋村名主宗五郎、身在割元職、稱病沈默、心在聚斂乎、將在救民乎、請視其意、一日將訪宗五郎、候其門、家僕傳語官吏自佐倉廳來、兩人耳語曰、是即聚斂之徒也、竊入庭內、欬耳應之、暫隼人歸、兩人叩戶入、謁宗五郎、謝竊入庭內不敬之罪、且謂曰、僕等疑

君久矣、故今犯罪壁聽、初得君之誠實、猶闇夜得燈、吾等爲人民悅、願君盡心、宗五郎唯々焉、三氏與宗五郎熟話數刻、偶有人叩門、宗五郎出迎之、觀則小原村名主半十郎、千葉村名主忠藏、高野村名主三郎兵衛也、宗五郎別席問曰、深夜來訪、何也、三氏曰、抑自新課稅發布而來、領內騷擾、君之所知也、君在割元職、稱病屏居、無一協議、何等意、與斂吏同心乎、將欲救人民乎、敢問如何、宗五郎曰、余亦非不思之、諺曰、難勝於啼兒及地頭、故沈默耳、三氏曰、嗚呼子非割元職乎、比他名主尤重、然而其言如此、何足託大事、遂欲刺之、宗五郎面色自若焉、六郎左衛門、重

義民傳

六

右衛門、自傍開後戶曰、公等何喧噪、余輩與公等同志者也、宗五郎氏之實心、吾等能語焉、公等其聞之、抑宗五郎氏之稱病沈默者、爲上思領主下救人民也、足下輩勿疑之、三氏跪謝曰、吾等不明、爲新課稅解、請宥焉、遂相議、到天明明日宗五郎、饗酒食、指半十郎、忠藏、三郎兵衛、六郎左衛門、重右衛門、後敘之、乃賴宗五郎、傳機相馬郡七十七個村、印幡郡九十八個村、武射郡十七個村、期寬永二十年四月二十五日、會上岩橋村東光寺、三晝夜、有荷糧者、有自炊者、寺內騷然、議不決、宗五郎召五氏曰、衆議不決、徒費數日、何益、吾輩請決焉、先可訴之佐倉廳、若不免稅、可訴之江戸邸、復不免稅、不

若訴之幕府、雖然無資金、無事可爲、宜謀之衆、五氏告之衆、人皆并諾、偶有人致書、觀則松浦準人之所贈、書中言、率衆可來訴、衆不堪、感喜、同月二十八日、二百三十六個村老幼相率、會佐倉城下、歎訴、宗五耶命五氏、制函掠、嗚呼、領主上野介使之乎、將姦吏使之乎、時人無不寒心、有負錢笠、手持鐵鍊、腰帶干飯、以五六箇村爲一屯、屯城外及市中、歎訴之聲、如海河之湧、商家閉戶、旅人側目、五氏舉聲曰、稅課發布而來、人民塗炭、生計難立、敢及歎訴、伏願有免除焉、家老矢柄平馬、目附松浦準人、藤間金吾、郡奉行磯貝脩理之進、地方掛嗚川玄蕃、清水伊織、代官盡

內傳右衛門、竹間仙右衛門、官城喜左衛門、以下二十七人、於城內大廣間會議、矢柄平馬曰、自先君至于今、勤老中職、他領人民且畏焉、況領民乎、而今徒黨強訴必有故、畢竟新課法、出與江戶邸協議、則以我等意見、不可免也、嗚川玄蕃首肯曰、余惟此衆徒必有其本、一犬吼、則萬犬從焉之理也、請諭示使歸、散若不去、則斬巨魁數十人、復不去、則發炮焉、松浦準人曰、吾惟君者父也、民者子也、未有父而不愛其子者也、今忍食君之祿、以些少之故、殺其民也、且先君已任老中職、未嘗有增課、今主君亦任老中職、未聞有費用闕乏也、然則人民之強訴、非無其故、諸君

請熟思焉、嗚川曰、領主豈有闕乏哉、當平世、探墾地餘步、爲本田、設新課稅皆爲君、是之謂忠、松浦曰、今城下之騷擾、焉在爲忠哉、嗚川怒曰、足下思民不思君、受民之賄賂者乎、松浦亦怒曰、余豈受賄賂者哉、夫民者國之本也、不培本則枝葉危、千丈之堤、自蟻穴壞、今日之事、聞于江戶、則主君之耻辱不少、故吾憂焉耳、爭論旋久矣、松浦察家老郡奉行亦無意於救民、遂已矣、此夜馳使於江戶邸、翌三十日使者歸致書、言新課不可免、人民騷擾於其地、可處焉、矢柄平馬曰、斯衆徒容易不可散、爲之如何、嗚川玄蕃曰、城內惣員整裝、臨人民屯所、嚴諭則必散去、諸員從

之、人民滯城下三晝夜、或勞或憊、見官吏之出、悅謂是必免稅焉、不圖受叱咤、嗚川玄蕃大呼曰、汝等輕上徒黨強訴、罪當死、以寬典使散去、且新課稅難免、自今經五七年、則或有免除、農時不可怠速、可歸、數萬之人民、應聲曰、救焉、助焉、若不能救助、則殺焉、歎訴之聲、響山林、猶碎城壘、惣吏員無可爲而退、城內復會議、嗚川曰、殺人民、雖不欲、不得已、發炮殺十數人、松浦曰、士而殺愚民、所不欲也、我請再諭焉、松浦竊謂、數會之議、我言不行、今將到用炮矢、嗚呼、當治平之世、佐倉一國、爲鎮人民、發炮殺人、則主君之耻辱、且對幕府如何、遂遣書上岩橋村名主宗五耶曰、

今日之形情、不如使退散、宗五郎亦思之、命五氏含焉、於是松浦隼人素服與同僚藤間金吾、到人民屯所、懇諭曰、汝等徒黨強訴、甚不善、先歸鄉、可待時再願之、余亦徐謀焉、人民含宗五郎之命、且常聞松浦之賢、遂從其言、皆俯謝散去、家老以下諸員、思散去之速、疑松浦與人民通意、讒之江戶邸、遂沒收其家祿、逐松浦々々、携妻子晦跡去、嗚呼賢者不得時可憫焉、松浦出佐倉、行常陸、問知音、々々已死、遂轉寓居下總成田村、松浦雖受嫌疑、家無一錢、之貯、或典家器、或賣衣服、以營生計、終欲賣印籠、託茶亭老婆、有一僧熟視曰、吾請買焉、給金三分去、蓋知印籠有

義民傳

九

故緣也、隼人病、女阿室祈之不動尊、一日有老人、問阿室之言、流淚給金一分、阿室驚喜辭、老人強之乃領焉、問其名、老人曰、余稱船橋村桔梗屋五郎左衛門、營娼妓者也、阿室聞之、竊謂、賣我身療父病、遂伴歸、告情父母、々々迫窮鬼、流淚任其意、五郎左衛門給金三十拾兩、携阿室去、宗五郎不知之、尋松浦久矣、同年七月十日、千葉村名主忠藏、小原村名主半十郎、之江戶邸、歸途喫飯于船橋桔梗屋、有一女、酌湯茶、姿容溫和、不類常人、忠藏熟視、無得所考、半十郎戲曰、君誠好色者也、忠藏又問他女曰、彼女自何許來、曰聞自成田來、浪士女也、忠藏想得、潛聲曰、是松

浦子之女也、半十郎愕然、松浦子之女、何到于此斯也、密問之、亭主五郎左衛門、五郎左衛門告以實、兩氏急報之宗五郎、宗五郎流涕曰、嗚呼忠士不得時、到貧苦販其女乎、即訪五郎左衛門、償金送阿室于松浦、且謁其父左門、左門此時來成田爲僧、買松浦氏之印籠、想有其故緣、訪松浦氏、遂遇實子宗五郎、談移時、宗五郎憫松浦之陋室、使人轉居新勝寺之別室、斯時垂新課稅續收、佐倉領民會議、將訴之江戶邸、各定旅舍、八月五日、二百三十六村名主會船橋桔梗屋、謁宗五郎所、認訴狀、皆謂、若不免稅、余等二百三十有餘人可死、江戶邸前、遂各分路向江戶、宗

義民傳

十

五郎以宿病、居于家、同月七日、五氏及二百三十餘人到西丸下堀田上野介侯邸門前、上書世廟之門、請除稅、邸吏愕然、告之其候、々々使大目附品川定右衛門入衆徒于邸內、衆徒含宗五郎之言、不肯入、定右衛門告之候、暫定右衛門出告曰、書旨得其意、翌九日可到別邸、麻布百人町、衆徒信之乃退、同月九日、衆徒到麻布、家老小島式部、大目附品川定右衛門、吟味役町野源之丞、告曰、汝等願望難許、復可願之其地方、遂閉門退、衆徒歎訴之聲、雖叫于天、邸內聞無聲、衆徒無可爲而還、於是瀧澤村六郎左衛門、千葉村忠藏、急到上岩橋村、告之宗五郎、々々曰、余

過矣、自言之、不月夕、到西丸下、不入門內、則良策、退其場、則失策、若不退其場、則領主恥于人、或有除稅、於斯宗五郎決意出府、乃召常州時箇村治郎左衛門、同國水野村藤四郎、二氏即宗五郎女婿也、託後事曰、余出府則生死難測、爲毀萬人損、何悔焉、長男宗平、僅十一歲、猶幼、次男源藏、喜八、三之助、皆不辨東西、爾等夫婦與家妻、善擔家事、八月廿六日、跨馬到船橋桔梗屋一宿、翌日自行德入江戶、三分旅舍、視形情、居二經月、同年十月七日、會二百三十餘人、淺草並木幾千世亭、謂曰、大衆滯江戶、無益、請委我等六人、指宗五郎及五氏、我等代數萬人、投一命、

義民傳

十一

何悔焉、二百三十餘人頓首委託、各告別歸鄉、一日宗五郎謂五氏曰、余等先聚作事、死不悔爲今計者有前後二、前一計、六郎左衛門、三郎兵衛、忠藏、三氏其爲之、半十郎、重右衛門、二氏、余別有所使用、後一計、余自當焉、先訴之領主、同僚久世公、事不成、則復訴之幕府、公等其勉焉、五氏唯諾、於斯宗五郎認訴狀、其文曰、堀田上野介領民、二百三十六箇村惣代、瀧澤村名主六郎左衛門、高野村名主三郎兵衛、千葉村名主忠藏、頓首再拜、上書久世大和守閣下曰、領主堀田上野介殿、自先代至父加賀守、憐民愛國、人民唱萬歲、及上野介殿、自去秋地租增加、到今春、

設三十三箇條新課稅、領內村々窮于斯、或有捨田畝、移他領者、或有棄妻子者、有乞于市者、有寺院棄住職者、慘色不忍見、將人家變爲狐里、人民難數及愁訴、不敢許容、故今勞閣下之心慮、閣下垂愛憐、得除新課稅、則幸甚、不獨我等幸甚、領內五萬三千有餘生靈之幸甚矣、伏願閣下其容焉、頓首謹言、三氏懷此書、正保元年十月廿三日待久世侯于下馬先、無幾久世大和守到焉、六郎左衛門、三郎兵衛、忠藏、俯伏挾訴狀于竹頭、上之從士叱、三氏爲不聞強之、候取之、與中使從士携三氏、伴行其邸、世間之無窮、久世大和守退朝、熟視訴狀、愕然謂、嗚呼我國、未嘗有

義民傳

十二

若暴政也、堀田侯爲之乎、抑姦吏使之乎、余未見其理然也、我與彼爲同僚、面說之則耻辱無所指、乃使佐島備太夫、山崎伊織、檢三氏曰、汝等上書寡君、事不順、罪不輕、直贈之其侯、則汝等罪不可圖、故今火斯書、抑堀田上野介掌幕府政令、牆內如此、則何面目立天下哉、汝等勿恨寡君之不容、三氏俯伏曰、僕等訴貴君、萬死猶輕、然賴貴君得除新課稅、幸甚、佐島山崎曰、汝等志可憐、事達上聞、堀田家存亡不可計、寡君亦憂之而已、汝等其自慰焉、遂附之堀田家臣品川定右衛門、定右衛門伴之其侯邸、下獄窮問、首領三氏曰、我等而已、問其徒、則曰、二百三十六村

而已、預期其死、意氣自若焉、於斯堀田家臣相議、欲探首領、同年十一月廿日、使品川定右衛門、最上磯太夫、到佐倉與家老矢柄平馬、郡奉行磯貝修理之進等、議之、皆謂、先入民家、檢貯穀、十一月廿七日分遣吏員百餘人于四方、急入民家、檢焉、人民不知爲何事、或匿于山、或遁逃、老幼叫于途、婦女泣于山、喜吏以民家人不在、入于山、或捕縛、或入獄、領內騷然、村吏急報之宗五郎、宗五郎設一計、遣半十郎、重右衛門、布竹頭爲旗、或放空丸炮、或携竹鎗六尺棒、時々舉聲、波聲、在吏觀此狀、大恐不知所爲、各竊遁、佐倉城、半十郎、重右衛門、觀吏之退、大悅、亦出府、城

義民傳

十三

內吏員茫然無可爲、竊聞上岩橋村名主宗五郎爲首謀、先捕之、則餘不足慮、然今不在家、索之江戶、遂相與伺宗五郎之居、動、宗五郎亦慮之、移居淺草田町、同年十二月五日、三氏相會飲、宗五郎俄病腹痛、之、堀田家臣、突然開戶、捕重右衛門、半十郎、窮問宗五郎所在、二氏對不知、宗五郎竊聞喧噪之聲、出廁走、入觀音堂、待天明、明日移千住旅舍、詐爲商人、徘徊于都下、將直訴之大樹公、其文曰、誠惶誠恐、頓首俯伏、謹奉訴大樹公、幕下、堀田上野介領民、二總四郡二百三十六村、人員五萬三千餘代人、上岩橋村、割元名主宗五郎、哀訴曰、領主上野介殿、自先世

至父加賀守殿、法令嚴明、仁愛之政、莫一不沿其恩者、然而至上野介殿、猶依先勳、被命老中職、諸民皆賀之、上野介殿不顧幕下恩、日行不義之政、遠忠臣、近佞人、使人民陷土炭、僕不忍觀、敢達之上聞、夫貢米者、一歲增一歲、去秋地租增加焉、諸民請免除之不省、到今春、則被命新課稅三十三條、心志惑亂、不知所爲、抑自先代、遺法已定矣、然而到今代、復增加之、且課稅三十三條例、其法方男女日一錢、自家居、至牛馬船、男女出生慶賀、酢醬油味噌油大根野菜、一切收稅、居民日貧月困、有親棄子、舍親而遁走者、或有乞于市者、離散轉移不可勝言、於斯二百三十

義民傳

十四

六村名主相會、數請免除不省、遂之江戶、訴之吾侯邸、亦不省、至十月、瀧澤村名主六郎左衛門、高野村名主三郎兵衛、千葉村名主忠藏、相與至幕君同察久世大和守、上訴狀、久世侯附三氏於幕君、々々怒、下三氏於獄、拷問日甚矣、且今幕君居要路、與聞天下之政、然而使我領民陷斯土炭、天下後世其謂之何、可堪慨歎也、嗚呼、僕雖代數萬人死、事于斯、何悔之有、然僕死、苛政不除、則死亦無益、伏願幕下垂愛憐、仰望使幕君悔過、萬民免土炭、臨訴不堪泣涕、誠惶誠恐、頓首敬白、

懷斯訴狀、待大樹公出、將軍正保元年十二月二十五日、

公將來上野東叡山寬永寺宗五郎前日穿穴三枚橋東柳下寄其身水髮一重衣祝曰一殺多生所願必成天神地祇其垂加護焉時已天明前後殿脚威儀整肅市中寂然宗五郎挾訴狀于竹頭直呈幕下從士驚叱宗五郎不恐又進焉從士捕之取訴狀公已入東叡山從士奉之于公^{世間之直訴}公命之老中井上河內守々々檢之於殿中老中以下諸員熟覽了與之堀田上野介々々々失面目懷訴狀退朝召家臣小島式部品川定右衛門嘆曰嗚呼我德薄乎汝等失臣道乎今日於殿中見寄此書同僚井上河內守汝等其熟視焉抑宗五郎者何人我領民也汝等

又何人我家臣也當其愁訴之時與佐倉吏員熟議則當不到于斯余公事醒醒不暇省私事遂使達之上聞事到于斯無可如何且我身受天下之大任裁六十餘州之是非然而禍難起于蕭牆有何面目立天下哉嗟嗟々々終入寢室諸臣視目與目如履薄冰寒心而已堀田上野介雖暴主失面目稱病不出獨自謂我臣不臣固宜矣上岩橋村名主宗五郎者未曾聞有前代其人此行也我之窮于斯皆彼之所爲也族滅其家解我恨遂請宗五郎於井上河內守與五氏送佐倉又捕宗五郎妻子五人下之獄日々拷問宗五郎及五氏一無悔色遠近爲之無不悲泣

上岩橋村東光寺院主法隨請赦宗五郎之妻子不省又請之江戸亦不省焉堀田上野介稱病閉門一經月正保二年正月十五日幕府命出勤一藩大悅開門初迎春於是君臣相議謂宗五郎爲魁首可與妻梟之其子死刑五氏追放增租課稅免除焉獨小島式部曰宗五郎之子未十五歲處之死刑余未見其可焉且東光寺請助命幸主君其垂愛憐上野介不可同年二月十一日梟宗五郎夫妻印幡郡江原臺斬其四子妻阿三在梟上見其子之被斷頭願宗五郎曰余等固分死兒童何罪余聞人臨死還念能爲崇宗五郎曰吾亦念焉此日天大曇時人無不流

淚者遂被殺宗五郎年四十一妻阿三年三十八寺僧法隨雖請小兒助命憤不見赦抱其首投印幡沼死焉二婿葬宗五郎親子及法隨於東光寺領主沒宗五郎家名收其財產^{後領主使女婿立家名且除其地稅今稱木內利左衛門}上野介竊謂我取耻辱皆由家臣之不善遂追放家臣四十二人復召松浦準人命家老職準人辭焉遂任郡奉行上野介雖悔過革國政今不及侯妃有身至同年七月一夜夢宗五郎夫妻負熱木一僧抱子叫而氣絕焉自是夜々妖怪幻出邸內震動同年十一月妃遂死矣上野介亦大怖轉讀佛經妖怪少止矣二百三十六村人民立一社將門山尋爲宗吾大明神

以二月十一日定祭日、祭其一週間、詣者續々不絕、且立碑江原臺、在今公津表面記宗五郎法名、曰德滿院涼風道閑居士、裏面記妻子五人法名、上野介聞之大怒、使毀其社、人民遲疑、松浦隼人酌民情、之江戶、請宗五郎社如故、上野介曰、壞神社佛閣、我意所欲也、況於抗我一匹夫乎、宜早毀之、於斯遣吏員毀其社、而末復妖怪百出、日逼上野介、々々々備刀子枕頭防焉、慶安元年上野介心氣大勞、如發狂、諸臣大怖、請再建社、上野介許之、人民謹嚴、復建大社、忌宗吾字、稱口官大明神、上野介爲建石花表、刻掘田上野介五字、一夜無風、而折於字頭、松浦以鐵輪搥

義民傳

十七

之、自是妖怪漸止矣、慶安二年十一月十一日、上野介亦酒井石見守於殿中、翌十二日石見守死、上野介大愕、歸邸如狂者、日暮將乘馬出、小島式部扣馬諫、不可、乘馬去、邸內愕然、不知所之、遂單騎欲入佐倉城、夜半城門閉、不能入、妖怪復見、馬不進、上野介拔刀、衛卒驚告之家老、池浦主斗、諸臣聞領主之夜來、一城騷然、幕府視新狀、爲據佐倉城、反命水野攝津守、五嶋大和守討之、兩將陣白井驛、遣使曰、汝上野介、害人殿中、罪不輕、今又據佐倉城、反形已顯、故幕府命我等問其罪、汝其圖焉、池浦主斗、松浦隼人、請切服謝之、上野介遲疑、幕府以兩將還時日不進

兵、更命小笠原壹岐守、永井飛彈守、於是前兩將上書幕府曰、臣等擱上野介、視其情貌、雖狂不似常人、故害人殿中而已、冀幕府有寬典處之焉、幕議送之江戶、遂附秋元但馬守、水野攝津守、在佐倉、使城人解散、掘田氏亡、幕府使土井大炊頭領佐倉、大炊頭入佐倉城、聞宗吾之靈、自詣將門山拜之、且謂人民曰、自今可奉稱佐倉領內氏神、人民悅服、明年大炊頭任少將、又奉記口官大明神五字額面、慶安四年四月二十四日、將軍家光薨、會大赦、封掘田上野介嫡子伊織下野宇都宮、稱八萬掘田筑後守、先是五氏、六郎左衛門、忠三、半十郎、重右衛門、三郎兵衛、雖免死刑、傷宗五郎親子之

義民傳

十八

橫死、行公津村江原臺、日々流紅淚、言語如宗五郎在世、五氏遂剃髮稱道心、設堂公津村、迎宗五郎之實父善橋法師、六氏相與供香花、一說廻國僧來宿、反夜、勝田道心、持燈走、反側、失其氣、自言我鴨川玄菟也、遂散其罪百端、天明六郎道心、觀有、風樹悲迴國僧、金馬、得然許之官、於是官民益信宗吾之靈云、

義民傳終

跋

身爲匹夫、非有勢權、慨然擲一身、救億兆之塗炭、赤族不顧者、其惟宗五郎乎、叫訴百端、不達上意、遂死梟上、豈不悲也、當其叫訴之時、艱難誰能辨焉、當其在梟上、哀痛誰能解焉、辨解無人、怨魂彷彿、天爲之催悲、民爲之建社、長使爲人民鎮撫之神、不亦偉哉、頃日父君長野乘神史之失其實、成斯卷、命余跋焉、

明治二十年七月

男植松金太郎謹識

明治二十一年九月卅日印刷竣功

同年十月廿六日出版

下總國香取郡佐原町五百三番地

發行者 朝野利兵衛

下總國海上郡芦崎村九十六番地

著作者 植松金兵衛

同 國香取郡佐原町千九百四番地

印刷者 小倉富次郎

東京日本橋區通二丁目

發賣所 稻田佐兵衛

同 京橋區南輦町

同 正文堂支店 朝野文三郎

田村維則 著

福島安正君小傳及紀行梗概

明治二十七年（一八九四）東京鉛排本

據明治二十七年（一八九四）
東京鉛排本影印

壯遊

千古

三位源國武題



田村維則殿
侍史

福嶋安正

福島安正君小傳及紀行梗概 清香田村維則編

君諱安正。福島氏。幼字重太郎。及長號運治。以嘉永六年九月十九日生於信陽松本藩士安廣之長子也。爲人弘毅果決。好讀書。頗有慷慨之志。雖軀幹不甚大乎。而肥滿強健過之。年甫二歲亡母。慶應三年。遊東都。學蘭式兵制。又入爪生三寅之門。通學大學南校。修海外之語辭。後遊早稻田北門社。當時學資缺乏。寒夜被單衣。親蠶雪。後寄寓於江藤新平之家。明治六年四月補司法省十三等出仕。七年轉任陸軍省。專究地理。九年奉命蒞米國費府大博覽會。十年西南之役。命爲征討總督本部附屬。十一年任陸軍步兵中尉。十五年赴朝鮮及支那。十六年爲清國駐劄日本公使館員。巡歷支那內地。觀察其地理兵備。著隣邦兵備畧二十卷。

安正傳

及四聲聯珠六卷。十八年日清韓交涉之事起也。參議伊藤博文持特派全權大使之旌節。赴于支那。君從焉。十九年赴印度緬甸。著印度紀行。廿年爲普都伯林日本欽差公署員。廿一年累遷少佐。廿二年叙勳六等。廿三年叙從六位。又受海外各國之勳章。前後八個矣。君通于英佛獨清之語辭。又少解露語。君在普都伯林也。巡遊噠馬。瑞典。和蘭。伯耳其。瑞西。奧匈二國。塞耳伯。羅馬尼。貌我利。土耳其。希臘。芬蘭。伊太利。魯西亞等之各國。君自出鄉貫。算日則在海外。倍於居海內云。君之將任滿。暇朝也。欲踰烏拉山嶺。過露都聖彼得堡。及莫斯科。入西伯利亞。進踰阿爾泰山脈。入蒙古。轉達浦鹽斯德。更經清國天津上海。而暇朝夫五大洲中。地相連續者。歐亞二洲而已。土地最廣。未曾有單騎跋涉此間者也。君

安正傳

二

孤劍獨行。欲經過四千里之地。其膽氣可知矣。君之此行也。欲不顧艱難之如何。不意千障萬礙。以顯靖州軍人之本色。斃而後已矣耳。其意蓋不外于尊王愛國也。眞供一身於國家之犧牲者。其任可謂重且大矣。君之發普都伯林。實在於明治廿五年二月十一日。會屬紀元佳節。我公使館高揭國旗。翩翻于雲霄。各國士女。欲觀君之風貌。來集于館前者如堵。內外知友送行者。亦來會。君先拜辭兩陛下之尊影。次告別于衆人。悠然跨凱旋辭館。豪氣堂堂。威風凜凜。歡呼如湧。拍手震天。三千八百餘里之行程。山河隔絕。雲烟渺茫。君則一鞭疾馳。遠沒于雲烟縹渺之中矣。以今茲廿六年六月念九日。暇朝。閱月十有七。算日五百。時或踏破堅冰。白雪。或冒炎天熱暑。或涉深林無人之境。或蹈猛獸毒蛇之巢窟。或

過虎疫猖獗之地。其辛酸可想矣。君之東方論曰。歐洲強國逞弱肉強食之慾。亞弗利加大陸率歸其吞噬。進蠶食亞細亞大陸。而亞洲中僅有其一部者。本邦及支那。朝鮮。暹羅。安南。亞富汗。波斯。土耳其等八國而已。然安南有其名無其實。可勝慨哉。我邦雖屹立于亞洲。在于世界全局之場。想其狂瀾怒濤。將不出十數年而波及我日本帝國神州。人衆地饒。若一朝得機。則可以與歐洲強國比肩伸張國威矣。國家盛衰之所岐。實在其規畫處置之如何存焉。先哲曰。及天之未陰雨。綢繆牖戶。迄今宜視察宇內大勢與隣邦情況。以畫攻守之策。豈可等閑視哉。君初欲跋涉之線路。跨亞細亞。亞弗利加。二大陸。嘗贈書于稻垣滿次郎。畧曰。啓者。足下清康。欣慰奚如。伏惟暇朝以還。爲邦家銳意竭力。敬

服々々。今見贈高著一卷。多謝々々。我邦人繙之。則破其頑冥。可知矣。足下諒僕之宿志。爲忠告。是荷是感。僕行旅之資。無道于支出。僅齎經過魯西亞。中央亞細亞之北部蒙古。西比利亞。滿州。及直隸之資金二千圓。欲以明年一月一日起程。騎馬輕裝。目擊露國冬時之實況。以四月中浣。到烏拉嶺下。想應白河凍合之期。達于天津。只憾不達宿望之全豹耳。爲偉圖者。遇阻碍。古今之通義。不足怪也。勿々拜復。

廿四年九月七日

安正

稻垣賢兄

君又上書于有栖川宮參謀總長。畧曰

安正稽首再拜。謹上書于殿下。安正皈朝之途次。受命遠征。其

安正傳

三

地爲烏拉山。東部西伯利亞。及蒙古。而冬季數月之間。到處積雪堅冰。實噫々之廣野而已。民皆廢農工貿易百般之事業。恰如往無人之地。假令雖蹴雪破冰而進。所益不多。故欲以四月上辭出于烏哈。自一月至三月之間。不駐伯林。則居魯京矣。則其得益多而省冗費。不爲尠。乃將以明年一月一日發伯林云々

君受旅行之允可也。喜達其宿志。自以爲。單身行于長途。不如騎馬之便。且自古欲立殊功者。不可無非常之事。歐亞兩陸交通。幾十年于茲矣。未曾聞有單騎橫過此地者也。吾請試之。此行也。不得不携魯國政府之旅券。乃與井上代理公使。俱詣伯林。謁魯國大使。請以旅券付與之事。其回示旬餘未得報。君以謂。設魯國

政府不諾。則取路於波斯及阿富汗。經伊犁新疆。達其目的之萬一。遂不待其回荅。以明治廿五年一月四日。告普國外務省。以本國政府召還之事。明治廿五年一月十二日。普國皇帝延見君及兒玉少將。特授赤鷲三等勳章。君感激與少將全抵伯林宮中。告別。皇帝更賜敕語。

朕嘉卿之久在我國。而親密兩國軍隊之好意。今卿去此土。又失我軍隊之一良友矣。朕深惜之。卿致此意于貴國皇帝陛下。朕祈卿之無恙。達于本國爾。

君接此鳳音。感泣不知所措。廿四日。魯國政府特授旅券。於是兒玉少將報告本國曰。今也福島少佐。將單騎經過魯西亞西伯利亞滿州支那諸國。此遠征也。普國舉朝野。所共驚嘆。新聞紙上。無

安正傳

四

不日揭此事。遂喧傳于歐洲全土。軍人及地理學者殊感賞焉。一月十二日。小官與福嶋少佐。拜謁於普國皇帝陛下。帝賜以優渥之辭。且少佐所拜受之勳章。超常格。是賞少佐壯圖之所致也。又伯林駐劄各國公使館武官。爲少佐張宴於大旅館。是亦爲異數矣。少佐及購騎馬。乘馬會社主。嘉其偉圖。半價鬻之。以表義俠。少佐因命馬曰凱旋。蓋欲萬里遠征爲國家有所盡也。普國騎兵將校。皆賞感少佐勇敢。謂此行關騎術進步。非僅少也。地理學者亦云。此行得地理學上之要旨。蓋以少佐備學識經驗膽力三者。且通于數國之語。稱贊不已也。又我同胞二十餘名。爲君張宴祝之。君起拜祝。規曰

不肖安正。今也將遠征。幸得同胞諸君之贊同。享此待遇。安正

之榮曷加之。夫此舉也。固非欲表區々一身之功名。知安正之心者知之矣。設雖遇難苦。安正所志。欲爲我神州斃而後已矣耳。然前途遼遠。山河險惡。此間危害可知。安正固不期完身而生還也。若幸因昊天之所佑護。了此行。達安正之微衷。以得與諸君異日再相見於日本。則真望外之幸耳。至其成敗。在今後一年之間也。諸君幸記焉。若安正發程後。消息有不通。則安正之屍。橫于大陸荒野上矣。安正微衷之所在。幸告之我鄉閭同胞。是所以安正之深請諸君也。云々

語々悲愴。句々壯快。滿場爲肅然。嗚呼。聞此辭。而不感泣者。非人也。少焉一齊拍手。聲震于滿堂。明治廿五年二月十一日午後五點鐘。君發程。爾來冒風雨。蹈冰雪。君自入魯京。瓦爾召。暴風積雪。

安正傳

五

寒威滋甚。寒溫器下於零點以下十四度。然君不用毛帽。冒沍寒。以爲西比利亞冬日之行旅。亦不足意也。凡騎馬之時間。自七八時至十二時。然毫不覺疲勞。旅中雖罹寒疾。常得不用藥劑而癒。夫君之遠征也。字內列國所注目。其舉動數顯於各國新聞紙上。以故君慎重。自誓不污我國威與軍隊之名譽。魯國之待遇君也。極鄭重。每過駐兵之地。則軍隊將校。送迎數里之外。或將校誘之。其邸宅。遇以賓禮。每宴祝我聖主之萬壽。與軍隊之隆盛。併祈君遠征之達其志。或贈紀念章。以表其榮譽云。三月廿四日到聖彼得堡。陸軍學校將校數名。歡迎君于府外數里之地。校長親出誘。君懇饗之。此校教育騎兵士官。學生百五十人。君寓于此。就獸醫。究乘馬之攝生及蹄鐵之要務。併製蹄鐵器具。然不知乘馬果能

耐跋涉蒙古西伯利亞之地否。是其所顧慮也。當時聖彼得堡之寒氣。上下于零點。君訪我公使館。面謁館員。致伯林駐在諸氏之書。此日始沐浴。自覺体量之減。然爲風雨所侵。面色如鐵。不失軍人之真相。其夜宿於公使館。詰旦君與代理公使大前氏俱。訪外務陸軍兩大臣。參謀本部長。警視總監。衛戍司令長官。聖彼得堡府知事。皆面接。質旅中之事。見厚遇云。廿六日君就我代理公使謁謁魯國皇帝陛下。廿七日魯國外務大臣贈書。告皇帝賜謁見。三十日君駕流車赴牙知那離宮。皇后先賜謁。談以英語。皇帝用佛語曰。卿以何國之語爲易乎。君答曰。英語可。陛下終始用英語。後忝陪食之榮。小人嫉之。外字新聞記妄誕不稽之事。欲傷君名聲。乃揭于普都新聞紙曰。

安正傳

六

福島少佐。欲自普都伯林。單騎歸日本東京。今也其計畫變矣。三月十八日到晏土諾伯爾。騎馬之行。則以聖彼得堡爲限。若越之。止于莫斯科。將駕流車。達浦鹽斯德。搭流船。而取京。少佐休疲神勞矣。大膽之遠征。遂屬水泡云々

伯林之知友。覽此記。贈書于君。問其信否。君以電音答曰。予之心志必不變也。此行唯有生與死耳。君復贈書于伯林之知友。畧曰。念九日以電音達貴廳。本日拜辭牙知那離宮。取公署。會閱芳墨於机上。其書云。獨逸某新聞紙上。信細人之說。揭僕之騎行云々。此兄未知安正也。安正設雖蹈水火。平日之決心。毫不可動。只期斃而後已矣耳。晏土諾伯爾停流車之所。此非我經路。誤謬亦甚矣。又僕自莫斯科。搭流車到浦鹽斯德云々。嗚呼迂

哉新聞之記事。不知鐵道線路之所在。可笑。望此一章載錄伯林新聞紙上。幸甚

君在魯京聖彼得堡。十有五。四月九日發程。正午寒溫計七度。道路泥濘。不便于騎行。太古森林。鬱鬱于路傍。午后投于一農家。寢室甚不潔。君終夜不能眠。亭主爲讓其寢室臥之云。十一日發途。沿道皆寒村。三日三食。日食雞卵三十顆耳。十二日抵諾峨羅特。警官教員等來觀者如山。步兵聯隊長某來訪。蓋相識人也。十三日發途。此日某亦來訪。贈一紀念章。將校數人送君於市外。樂隊整列。奏日本進軍之譜。來迎者。則新聞通信者。警官。州廳書記官是也。一警官拉三令。驢三馬之轎。訪君。三女皆妙齡艷美。頗慰旅情云。廿日達某村。會融雪河流暴溢。君冒險渡激流。投于

龍騎兵第一聯隊營。廿一日河中冰塊充塞。不能濟。廿四日達莫斯科。君贈書于友人。略曰

四月九日發聖彼得堡。會洪水駐馬二日。此地不便于騎行。然十六日間。過日本里程百八十一里。遂達莫斯科。此間宿農家者三。家皆不潔。除雞卵麵包茶之外。無可飲食者。其困苦不可名狀。又駐兵之樂隊將校迎僕者四。得紀念章三個矣。足下試思。東京與信陽上田之間。無市街宿驛。僅有路傍寒村之在。則其寂寥可想。自魯京至諾峨羅特。日本里程六十五里之間。每六七里。寒村僅存耳。雪深人稀。如四月十六日。僅逢橋七臺與人五人耳。足以想像其一斑矣

君在莫斯科十有二日。五月六日發程。時會雪融。道路泥濘。凱旋

頗有疲勞之狀。聘獸醫施治。然凱旋卒不能步。君牽馬而步。其困苦可想。比抵博爾地諾。凱旋不能步。殆呈死狀。乃聘獸醫療之。君以爲。今期之全治。則空費數旬。不如購新乘。然世人若聞。吾欲購新馬駕。輒車。或恐謬傳廢騎行。乃裁一書。致在伯林我公署。十二日午后。獸醫警官亦來訪。獸醫曰。治療二週日許。而凱旋可得步。然不勝乘用矣。君吞淚棄凱旋。欲購一良馬。而不得。皆曰。欲得良。則執若還莫斯科。君發電音于所知聯隊長某。問良馬之有無。接其返電。直駕輒車。赴莫斯科。十四日正午抵兵營。訪聯隊長某。引君食堂。饗之後。示良。令一兵卒試乘。馳驅如飛。君大喜。乃投金三百五十羅布購之。此夜宿某家。十五日滯在此地。十六日辭某家而去。某令一兵卒護送。君之去也。就廐數見凱旋。々々擡頭。如

欲訴者。君爲流涕訣別云。十八日午后一時半發程。到烏拉地米爾。其所乘之馬。名烏拉。強健不劣。凱旋然未馴。遠行。君深注意于馬之健全。僅四十露里之間。休憩二回云。此日郡長警官貴婦人等。驅馬車及自轉車。歡迎君于數里之外。或携酒肴饗君。繫烏拉于消防隊之廐。懇切無不至。是日駐此地。與副官某俱。巡覽學校兵營等。昇俱樂部。駐在將校又饗君。此府人口凡一萬八千。市街綿亘丘陵。風光頗美。五月廿一日到土露圖巴村。正午寒溫器列氏廿二度。路傍無綠陰。其不便甚於寒天。君爲烏拉休憩二時餘。前是。君脫獸皮外套。換以春衣。此日俄覺衣重。流汗濕身。此地旅舍無椅卓。寢臺雞卵麵包之外。不能復下咽云。廿二日憩一小村。會海暑如焚。烏拉稍疲勞。廿五日正午達窩爾噶河岸。乘汽船達

尼直諾峨羅特投旅舍。旅舍枕窩爾噶河。風景可喜。滯留三日。地方政廳常俾一警官護君。待遇頗懇切。廿七日午後七時半。抵這努哈村。投郵便局。學校教師僧戶長等。聞君之到來。會交問答云。五月三十日。經留哥窩村。六月七日。抵斯維惹克村宿焉。此間海暑甚。日中不便騎行。十一日間。僅過四百四十五露里。六月八日。達喀森府。顧尼直諾峨羅特以東之道路。所謂築推道是也。其幅大約五十二米突。中央車道四十米突。左右人道各六米突。其規模廣大。於歐洲各國。未見其比云。然人煙稀疎。少行旅。纔不過供驛車農馬往反之便。故到處生蔓草。牛羊來食。又人道植樹。綠陰連亘百餘里。尼直諾峨羅特。喀森二府。四百四十四吉羅之間。三小市街旅店之外。無寢具。又乏飲食。纔賴警吏之力。得購一雞。喀

安正傳

九

森府爲露國飢饉地之中心。故丐兒徘徊。人心不良。宿泊料錢不廉。然露國內務大臣。以特付一警吏于君。不難求宿。雖然飢饉之餘。焚害百出。雖警吏不能制也。一日君憩於驛舍。一老夫入君之室。乞哀。君不解其意。呼巡吏問之。巡吏荅曰。是村人也。今乞哀于貴官耳。而巡吏不敢叱之。君微笑與錢二十。老夫大喜。拜神畫十字於胸而去。時驛舍之主。頻有欲得茶價之色。君臨發投錢六十。主人歡極忘謝辭。勿卒懷錢云。其飢饉之情況可想矣。在喀森四日。睡眠休神。肉食養體。六月十三日。發程向白耳穆。時方暑威酷烈。道路無樹陰。徒加馬匹之疲勞耳。喀森以東。至阿慕斯克二千餘吉羅之間。晝眠夜行。自午後八九時。至明朝四五時。投人家。午睡云。此間雖暑氣酷烈。夜間稍覺冷涼。此地森林綿亘。以故常過

樹間。猛獸強盜出沒各所。君納短銃于外套。供緩急之用。廿八日。達白耳穆。豫備步兵第二百三十四大隊副官某。來迎君於十露里之地。將校樂隊來奏本邦君代之譜。又送君于將校集會所。晚餐臨去。大隊長某。表該隊之名。贈一紀念章。君在白耳穆四日。七月二日發程。憲兵大佐錫露古布氏。驅馬車送到八十露里之地。又州知事。令沿道護君之行。渾固爾市。位于白耳穆之南八十八露里。豪商土比仁氏。誘君于其邸饗之。且贈紀念章。君發此地。警官豪商等。驅車鞭馬。送到市外數里之地。喝采之聲動天地。七月九日。達額喀特林堡。警視監派一警吏于二十露里之外迎君。待遇極厚。又豪商巴固烈斯幾氏。贈一紀念章。君之去也。數騎駢轡。送到十露里之地。開行廚于原野。舉觴祝君之健康。君過達里

安正傳

十

察也。紳士貴婦。騎馬乘車。以送君云。白耳穆。額喀特林之間。即所謂烏拉山也。山頂拔海面五六千尺。地勢漸高。無巖峰峻嶺。傾斜緩漫。恰如行高原。車馬之往來甚便。故人或不辨爲歐亞兩陸界之山脈也。唯有一石碣刻。以亞細亞爲東。歐朗巴爲西之文字耳。君之過此地也。天候屬酷暑。白晝不便于騎行。道路松杉鬱茂。無數毒蟲襲人馬。馬匹頗疲勞。三百九十五吉羅之間。費八日程。日行大約不過五十吉羅。雷雨數起。霖雨雖濕衣。身無更衣。每以休溫乾之云。君素鐵骨。病魔不能犯。故不恐蒙古之沙漠。與西伯利亞之嚴寒。唯欲十月以前過蒙古。何則。蒙古高原積雪之時。車馬跡絕。四顧愴々。不觀山河。是以欲降雪前達庫倫。然算日。則僅七十五日。而里程尙有五千吉羅。一日不可不騎行。七八十吉羅。蓋君

之乘。不能堪此也。君更欲得良馬二頭以達阿慕斯科而未獲也。此間君安眠者二。纔欲眠則無數臭虫來襲。一夜床板上敷草秣而臥。家主授一寢布。臭虫復來襲。徹曉。八日間得肉食者二。飲食無常。君在額喀特林堡五日。七月十五日發程。十七日騎行百三十吉羅。到喀木舒羅布。地勢平坦。道路最良。叢林田圃相交。頗便騎行。然路傍無樹陰。暑氣炎々。又乏食物。爲臭虫所襲。不能安眠。七月廿三日到朱緬。府城係于魯人嘗攻擊西伯利亞時之創建。人口壹萬五千餘。商家學校病院兵營旅館銀行等。家屋駢列。繁榮之市街也。此地爲郵便及貿易之要路。歐魯之貨物悉賴汽船以運。搬于各地。水路三千二百吉羅米突也。西部中。稱貿易繁昌之地。在朱緬一日。七月廿五日發程。向阿慕斯克。此間曠漠之平野

也。丘陵起伏。人煙稀疏。有牧場。少田圃。朱緬之東。即西伯利西之西部也。午后二時。寒溫針昇九十五度以上。數矣。八月一日發都舒露土巴驛。經惡疫猖獗之地。投鄂爾魯巴驛。此地惡疫殊甚。村民不辨衛生之爲何物。室內頗不潔。蒼蠅群來。不能眠。既隔有空車。欲數草就眠。暑威酷烈。煩悶甚。有一車夫誘君于一室。此室蠅少。假睡至午后六時。翌三日午后六時半發程。過虎列刺猖獗之地。少憩焉。再發程。時會暗黑。纔借星光騎行。伊錫穆河右岸。道路險惡凹凸。悲風動小樹。唯聞虫聲唧々耳。時雖有嚮導者。唯畏懼以隨焉。故行一二露里。而逃走云。君按地圖。期應進行於南。而反見北極星。因欲閱地圖。無燈火。欲就電線所在之地。暗夜不能認。彷徨進馬。一露里許。遂得達電柱之下。驅馬六露里。越一阪路。時

乘馬頻嘶。顧視則一驛夫手短銃欲迫之。君微笑而過。蓋渠聞馬嘶。以爲盜來。爲之備者歟。自是道路平坦。騎行甚便。數十露里之間。人跡全絕。乾坤獨有君耳。時波斯之地虎疫猖獗。越裏海侵入魯國。襲西伯利亞西部。君經過其地。大約千六百吉羅。或宿病者家。或途上施藥于病者。此間村落巨數十里。無醫師藥舖。以故警察之令。不普及。人民不知豫防之法。病勢愈猖獗。君之不感染其病者。真可謂天幸矣。八月八日午前六時。達阿慕斯克。高原三省大總督。騎兵大將男爵達烏白氏。派警官于津頭。且命旅舍準備。衙門文官喀比也布氏。能解支那語。爲君斡旋周到。君之發此地。總督令管下知事。圖其便。君駐在阿慕斯克五日。理要務。八月十二日發途。向賽密巴拉廷斯克。路概沿額爾齊斯河右岸。西連西

伯利亞大高原。途次宿驛之外。無遮眼界者。一望千里之草野。悉適牧畜。沿道村落。皆爲哥薩克屯田駐牧之所。君頗如惹感覺者。時老少男女集于村頭。或整列于街路。爲敬禮。農衣或裝戎衣。騎而先導。君云。駐西爾諾巴羅喀驛一日。三十日達賽密巴拉廷斯克。知事參謀少將喀爾勃氏。命一警吏爲嚮導。又派一文官于七十五露里之地。迎君于豫備步兵大隊野營地。將校集會所。饗午餐。又參事官馬舒固布氏。以能佛語。爲嚮導。在賽密巴拉廷斯克五日。九月五日發途。十六日達阿再臺斯克。賽密巴拉廷斯克以東。四百餘里間。山嶺溪谷。絕無樹木。草野一望無涯。幾爾吉斯人牧場爲尤多。自此漸進。山野多杉樹。峻嶺冠太古之積雪。聳于雲外。風光絕佳。此一帶之地。在數十年前。屬清國版圖云。向亞爾泰

山而進。地勢漸呈波狀。又數上下丘陵。地勢益加高度。不便于騎行。烏斯乞喀。緬諾固斯克。位于賽密巴拉廷斯克之東方一二露里之山間。人口大約八千許。一小市街也。枕額爾齊斯河。蓋扼科布多搭爾巴喀台兩道之要地也。屯常備步兵第一大隊。西伯利亞哥薩克騎兵第三聯隊一中隊。與山砲兵一中隊。蓋此兵則魯西亞帝國中。僅不過二中隊云。賽密巴拉廷斯克之沿道。有一條電線。南至齊桑市。君之行旅。自是無電線之設。齊桑市隔一帶山脈。西南接搭爾巴哈臺。爲魯清國疆界之鎮府。駐屯常備步兵一大隊。哥薩克騎兵第三聯隊四中隊。及野砲兵車馬可通搭爾巴哈臺。屯集清國內地之防備兵。且駐在大臣。以西方十數露里。堪魯國。此地有魯國領事館。君攀烏蘭達巴之峻嶺。踰阿爾泰山。大

安正傳

十三

約百露里間。道路最險惡。或攀峻阪。涉溪水。或蛇行峽谷之間。懸巖絕壁。壓頭。巨岩。砲石橫路。騎行頗艱。自烏斯乞布夫。達爾明斯克。驛。再沿額爾齊斯河之右岸。地勢漸高。險阪峻嶺之間。車馬往來。而阿爾臺斯克驛。則挾于峻嶺之間。三十露里之平野。接科布多疆界。頗爲要衝之地。駐屯哥薩克騎兵第三聯隊一中隊。有稅關及郵便局。此地爲魯國郵便局之最終點云。經烏斯乞喀。緬諾固爾斯克之時。步騎砲兵之將校二十餘騎。來迎君於二十露里之地。饗晚餐。臨發奏名。舉行軍之譜。警視監郵便局長俱誘君於文官俱樂部之旅館。饗之。迨發程。數騎送君於第一驛。郵便局長爲之誘導者云。君屢遭道途之困難。費資滋多。達喀緬諾固爾斯克時。所餘僅二百圓許。而欲跋涉蒙古。再達西伯利亞之境。尙有

里程三千餘吉羅。洎寒日迫。不可不求防寒之具。又過無人之沙漠。不可無強健之馬。前途遼遠。萬艱踵至。會自浦港電報至。曰。旅費已送。義爾古德斯克總督之處。君有蘇息之思。乃受金七百羅布。鼓勇向蒙古。君在阿爾臺斯克二日。九月十九日發程。此地邊境之一小村。僅有郵便局及稅關耳。然文武官懇切遇君。貴婦人令嬪等。冒霖雨。送君于十餘里之地。此地雪峯聳于天山。麓紅葉爛斑。風光可喜。衆乃敷毛布于枯草上。汲溪水煮沸之。開所齎之行厨。談笑舉盃。祝君之遠征。人皆諒君蒙古旅行之困難。以故更加懇情。甚云。廿一日冒風雪。騎行烏蘭達巴嶺六十露里之峻路。九月廿二日君自阿爾泰山中。贈書于鄉里某氏。其畧曰。踰阿爾泰山之險。明日將入蒙古。曠昔行六十魯里。道路峻峻。

安正傳

十四

又會大雪。頗感困難。然較之胸中所得。亦聊足以償之。體軀益健。旅中日本里程百四十里間。無一人家。間十二三里。惟有帳幕耳。

書於亞爾泰山中八千五百餘尺之雪中帳幕內

安正

某殿

想君草此書時。氣息將窒。手足俱僵。不堪把筆。歟。亞泰山上。堅冰積雪。皚々之狀。亦足以想察矣。廿三日午前達絕頂。山拔海面九千三百八十尺。是爲魯清二國之疆界。自阿爾臺斯克至烏蘭達巴。百九十五露里。尙到科布多則更添三百五露里也。君停馬于頂上。攀巨巖。用小刀刻大日本帝國陸軍步兵少佐福島安正經。

過此地之十九字爲登臨之紀念。因撫巖獨語曰：爾阿爾泰，其名雖高于天下，今予高於爾數尺矣。從是進入外蒙古之地，眼界一新，形勢頓變。自烏蘭達巴嶺至科布多之間，概屬險阻。巨岩大石橫于路，騎行頗困。山無樹木，曠漠荒野，無人家，唯有所逐水草遊牧蒙古人之帷幕耳。且蒙古人心不良，地方官吏不庇助，欲借土人之帳幕而宿，亦不易。故騎行不如意，三百五露里之騎行，費九日云。十月一日達科布多，君自阿爾泰驛以乘馬，駝馬各二頭發程。因塞密巴拉廷斯克知事之力，得嚮導者二人，是無佗。自阿爾泰驛至科布多，五百餘露里之間，山道積雪皚皚，與蒙古之交通已絕。國境硝兵悉撤去，寒威凜烈，馬糧亦絕，以故要駝馬與嚮導者云。時露國行商阿查諾氏在科布多，頗懇切，君宿其家，藉氏之

力得一嚮導。又科布多辦理大臣桂安氏，令一兵計駐幕之便，幾爾吉斯人亦頗懇切。到處酋長常從數騎而隨伴。至無人之地，則設帳幕供宿泊之便，厚待遇云。十月四日向烏里雅蘇臺發途，時寒溫器羅氏十二三度，少覺溫暖，然寒冷日加。又數遭暴風降雪，部落遼遠，道路荒廢，其困苦可想而知。科布多烏里雅蘇臺之間，乃備一蒙古人爲嚮導，科布多參贊大臣亦派每臺蒙古人一名，嚮導君云：此間山嶺多石礫，而乏水草，不能飲于馬。君所率曳四頭之馬匹，皆駿良，雖能踰烏蘭達巴之峻嶮，耐科布多街路之困難，過此而來，困苦益加，疲勞愈重。一馬肉瘠骨露，殆將斃。十月十二日達烏里雅蘇臺，與其疲馬于魯商，更購蒙古馬一頭，在此地二日。十月十五日向庫倫，自是欲橫貫喀爾喀之二大部，即三音諾顏

親王部及土謝圖汗部之中心，跋涉無地圖所載之道路，乃備四百四十斤之飼料而發途。夫蒙古部落皆逐水草轉居，故雖有嚮道者，得其便少，不敢要之也。定邊左副將軍以每臺派出二卒，君率之，得探蒙古之事情。然一馬遂斃于途，露國政府訓令科布多參贊大臣及烏里雅蘇臺定邊左副將軍保護君也。其旅行券中唯有查檢放行之文字，而無可庇保之明文。然露人恐驚，每臺派出人夫云：蒙古人盲昧不文，今世紀所稀見也。水草牧畜之外，不解一事。又少通支那語者，以故君記旅中必要之蒙古語百五十餘言，纔得其便。自科布多至庫倫之間，少降雨，樹木疎，雖有湖水，泉源甚乏。又不見河川之大，烏里雅蘇臺庫倫之間，到處雖富水草，以牧畜盛之故，帳幕近傍無青草，加之寒威凜烈，溪流結堅冰，

乏飲水，故不得長騎行。到帳幕之地，則先休馬，夜間放數里外之野，詰旦曳來，與食。然幾爾吉斯產之健馬，竟不堪其疲途而斃矣。此日寒風劈膚，而途尙遼遠，乃負斃馬所荷之行李于他馬，纔賴星光，數渡水溪，午后十時半一睡帳幕中，詰朝購一馬發程。時二馬已斃，獨亞爾泰與安之二良，能得堪此難。零點下二十度前後之寒夜，出數里之外，喰枯草，每朝自還，君繫之幕外，俟嘶與燕麥，霜露頻降，馬毛殆呈白色，嘗雪咬冰，僅得不渴矣。如此者二十有八日，其行路則當我二百四十八里，而無一日休憩，銳意前進，能保其健康。一月十二日遂達庫倫，君之入蒙古部落也。巨犬視君先大吠，蓋蒙古之俗，人死則棄死體于地，使犬肆咬之，以故其犬最兇猛，他人來則忽迫之，危險不可言。諸部落之帳幕，多不過於

十個。畜馬百餘。牛四五十。羊三四百頭。又豕一二犬。備盜兒云。又聞蒙古之一部。有死者。則投遺骸于沙上。餓狗爭啖之。噉其殘餘。來于帳幕中。於親族之面前。啖之。不敢怪云。人若來則犬忽吠。主人聞之。出于幕外迎客。導入幕中。其妻纏襪。坐爐邊之土。据鐵鍋投污穢冰雪于鍋中。搗牛馬乾糞投爐而焚之。粉碎茶片投之鍋中。入牛乳于其中。和之。又移之藥罐。而與客。受以木碗。啖後以舌甜碗。藏其碗于懷中云。君入幕中也。主人見其單身無所恐。老幼男女群來。問君之健康。語辭不可辨。彼見外人。則曰俄人。猶如往昔本邦人。指外人謂唐人也。土人呼清帝云滿州汗。呼魯帝云俄羅斯汗。故問君以爲某汗人。君乃應曰。日本汗也。衆皆或疑或笑。有奇異之色。是無佗。彼唯知宇內有滿州與俄羅斯耳。又問

安正集

十七

海岳遠近。不能答。如不堪煩者。及其漸馴。撫君之頭足。又品評衣帽。問所携物品之價值。若見食物。必乞分與。以故旅中囊中麵包五六日而盡云。迨其請晚餐。主人自幕隅塵芥中取羊肉。唾靴皮。礪小刀割肉于膝上。投之鍋中。糞火烹之。其不潔不可言。然餓則不撰食。偶得煎麥煎栗。則大覺快云。土人則圍坐于爐邊。右手把小刀。左手握肉塊。或割或敲。其醜態不可名狀。帳幕以駝毛布蔽之。然寒威酷烈。夜半寒溫器昇降于零點下十度。每朝妻女先起。開幕頂之煙突。以取明。燃馬糞煎茶全家出褥。則用茶碗盥漱。又以其器啜茶。君每就眠。命翌旦早起。彼頑然不介意。又不辨曆日之爲何物。以故概每朝九時發程云。九月十九日自發亞爾泰驛以還。駐于科布多及烏里雅蘇臺之逆旅。各二日。其他宿于土人

帳幕中。常如在野營。然體軀剛強。健全不異平日。或至食羊肉二股。然以不食野菜穀類之故。腸胃不和。身體發熱。頗覺困苦。凡蒙古山中庫倫之外。無醫藥。其道程則二百八十露里也。無由治癒。食慾漸減。僅飲牛乳。若欲得煎麥煎栗。土人吝而不與。雖因臥爐邊。彼等無毫救護之意也。如此者十有餘日。迺寒徹骨。風雪劈肌。不能施醫藥。只僅纏外套。臥幕隅。見糞火之明滅。聞兒犬之吠。轉感無情云。十一月十一日達庫倫。無旅舍。宿于露國代理公使之館中。人馬得無恙。君在庫倫六日。十一月十八日向義爾古德斯克發程。十二月九日遂得達義爾古德斯克。此地位于昂噶刺河之右岸。西伯利亞之一大都府也。東部西伯利亞總督駐于此。兵營宏壯。人口有三萬二千。有舊敎寺院。巍然聳于雲際。殆有別天

安正集

十八

地之想。君在此地七日。十二月十七日發程。三十一日到上烏廷斯克。一月十五日到乞搭。三十日達斯圖勒爾喀。寒威加劇。人馬呼吸窒塞。瀕于死數矣。三月八日達黑龍江州。伯拉照夫琛斯克府。此地丘陵圍繞。人口六千。貿易繁盛之地也。君在此府也。昇任中佐。以促取朝爾來絕。君之音信。蓋徵參謀本部刊行西伯利亞地誌。考君所跋涉則如左。凡冬期既至。飛雪埋原野。無寸巖尺樹。禽獸絕跡。地上不見一物。初寒後。至冰点下四十五度。人畜或不能生息。森林喬木鬱茂。不餘尺地。喬木腐朽。而新樹發芽其上。空氣乾燥之地。多產縱松落葉松等樹。幹長大。空氣濕潤。恰如在蒸氣中。且多湖水蚊虻生育其中。害人畜。土人常以網覆顏。以免其害。若欲安眠。則先以薰煙充塞于室中。又飼牛馬者。至于夜焚燎

火以防蚊虻云。凡森林之地。寒威極凜烈。或降于冰點下四十五度。然大氣靜穩。雪片不飛散。大聲遙聞。四方寂寞。或野鹿千百麋集。互取溫氣。犬則棲深穴。見行旅吠之。雖會此嚴寒。土人毫不恐。或出獵焉。或遠游焉。然甚畏風。降于冰點下十五度。雖被溫袍。不能防之。唯燃火取暖。以禦寒耳。若至暴風捲積雪。天色爲暗。則不能開眼進步。故行旅恐失途。伏橋下待風止。若久而不止。遂不免凍死也。西伯利亞曠野之一部。地質泥土。至夏季則受日光而腐敗。惡氣充滿于曠野。害不害人類而已。雖禽獸亦避之。其惡氣附着于草葉者。化爲露。帶紅班含鹽味。獸類好食之。數發疾病。世稱之西伯利亞之疫云。

嗚呼君以東洋之安危爲念久矣。宜以爲歐洲諸國虎視眈眈。竊

視東洋。蓋歐洲大陸之平和。則係于東洋危殆之日也。豈如越人觀秦人之肥瘠而可乎哉。今也魯國南下之勢日迫。銳意促西伯利亞鐵道之竣功。一朝告成。則國防商業之關係于本邦也大矣。況魯清爭境。又角力於雞林。既久矣。是以君請于參謀本部。企前古絕無之遠征。陛下特嘉賞之。賜內帑金二千圓。君乃查察其風土人情。教育地理兵制等之如何。或筆之於書。或藏之於胸裡。就中地理探究之事。莫不精細周到。資我國防兵備。蓋非鮮少也。君在伯林也。學寫影之技。其所攝影山河之形勢。城市之實況。不下數百種云。蓋此偉圖畢竟。出于一片愛國之至情。溢于此耳。事固以涉軍機。不得悉其詳。而窺其細止錄其紀行之梗概而已。夫護比之炎熱如燬。烏拉之冰雪蒙古之沍寒。其辛酸可想矣。君留

殊勳於異域。齎功績於我國。天下識與不識咸壯之。川村純義井上毅等。首設歡迎會于東京。其他日本經濟會。東邦協會。各地有志等。歡迎君。有欲傳芳名於千載之舉。於戲可謂亦偉矣。後進之士。繙此書則自勃興愛國之情。與堅忍不拔之志。確然立志也。可知矣。是予所以草此編公于世也。若夫郡司海軍大尉之赴占守島也。雖有少蹉跌。至于愛國之精神。蓋在與君伯仲之間耳。大尉之功績。雖未能觀之於今日。後世利於國家。不待智者而後知也。嗚呼。是可謂共國家之干城焉耳矣。

書福島安正君傳後

靜陵

清香田村維則

皎月跨鞍。夜踰烏拉之嶺。鐵路蹴雪。黎明渡蒙古之曠原。猛獸毒蛇不加害。瘴烟瘴霧亦不布毒。於是徐觀察內地之形勢。或宿於虎疫猖獗之地。或沐浴于風雪。不浴三旬有餘。不眠六晝夜。或渡水塊激流之間。或過沙漠渺茫之中。或入深林。或攀峻嶺。渴無飲。飢無食。愛馬凱旋遂斃矣。君意氣愈剛。一意欲表我瑞穗國之名譽。勇進奮勵。斃而後已矣耳。大丈夫一決志。則雖蹈水火不辭者。是大日本帝國軍人之本色也。橫行彼歐亞大陸。輝名聲於寰宇。以鼓舞我軍人之志氣。豈可不謂十九世紀新日本之英雄乎。是功蓋雖由君之赤心所致。抑莫非因我神州祖宗之威靈。與叔聖文武皇帝陛下之威德也。我靖州巍然屹立于東亞元慶之間。瞻

安正傳

二十一

眼奴竊窺我邊陲。勝海舟翁達觀宇內之大勢。斷然致江城。永欲獨立我帝國。而絕海外之覬覦焉。今也陸軍有福島中佐。海軍有郡司大尉。其雄圖遠畧。求之坤輿列國。不多視其比。如此而不已。則海陸之戎事。不足復憂也。予竊爲邦家喜之。爰聊經緯其小傳。及紀行梗概。以酬君勞云爾。

明治廿七年十一月廿日印刷
明治廿七年十一月廿三日發行

發行者

神田區仲猿樂町五番地
静岡縣土族
田村維則

印刷者

神田區西小川町三丁目二番地
積山之和

印刷所

神田區錦町三丁目八番地
八尾活版所

片山重範 編

蕃山先生年譜

明治二十三（一八九〇）東京平野献太郎刻本

據明治二十三（一八九〇）
東京平野献太郎刻本影印

蕃山先生年譜

序

辛巳之春。重範過古河。謁蕃山先生之墓。墓者傾頽。在荊棘中。梓畢。低回歎息久之。及還東京。告之我舊岡山藩主池田公。公大驚。使重範修理之。工既竣。別封舊生阪藩主池田公聞之。喜謂重範曰。予家與先生有舊。歲時享祀。嘗欲修其墓。有故未果。今子之舉。可謂成予志矣。子盍作修墓碑。

序

銘。并叙其出處大節焉。重範答曰。若金石文不敢當。至叙出處大節。則所不辭也。夫先生之參岡山藩政也。其功績不可勝數。其致仕也。著書立言。以惠後學。而幽死葬于他鄉。無人展其墓。即有之。亦無由知其出處大節之詳。可勝歎哉。蓋欲詳其出處大節。無如詳其言行。欲詳其言行。無如撰年譜。而先生之事蹟。散見諸書者。不過錄

一言一行。其總本末者。有儒林傳慕賢錄。伯繼傳。而各異其所據。歲月事實。頗多異同。今撰此編。專據先生著書。及池田家記錄。旁徵之伯繼傳諸書。採其可信者。附系譜。以應二公追遠之盛意。然猶未免挂漏。謹俟大方是正云。

明治壬午二月

備前 片山重範撰


序

大和國三輪
神社所藏 蕃山先生肖像縮寫

蕃山先生年譜



三



蕃山先生年譜

予編此書也。小山慎卿爲予言。京師人清水某。多藏先生遺書。因入慎卿。借覽之。中有先生戎衣騎馬画像。威儀儼肅。凜有生氣。蓋先生之時。距元和偃武未久。而既有文弱之弊。先生深慨之。常曰。士君子當文武兼資。以濟世用。吾寧爲一介武夫。不願爲儒家者流也。今對此像。誦其言。先生音容。宛然在目矣。古人云。讀其書。尚想乎其人。况詳其言行。併觀此像者。其感發何如哉。因縮寫一本。弁諸卷首。

蕃山先生年譜

先生諱伯繼。熊澤氏。本氏野尻。其先尾張人。曾祖謹。繼稱將監。祖諱某。稱備後。共事織田氏。考諱一科。稱藤兵衛。事加藤嘉明。致仕。寓京師。娶熊澤氏。生三男三女。先生其長子也。外曾祖諱某。稱平三郎。尾張丹羽郡稻本莊左瀨部人。事德川氏。死味方原之役。外祖諱守久。稱半右衛門。事福島正則。正則之竄也。將士離散。守久周旋備至。未嘗失臣節。正則死後。寓京師。晚仕水戶藩。先生有故冒熊澤氏。因略序二家世次。而先生之道德事業。則表

蕃山先生年譜

年以揭焉。

元和五年己未某月日。先生生於京師五條町客舍。名左七郎。

八年壬戌。四歲。岐嶷如成人。

寬永三年丙寅。八歲。從母氏如水戶。養於外祖熊澤守久家。遂冒其氏。

按儒林傳云。守久養先生爲嗣。據水戶系纂附錄。守久事威公。給祿三百石。長子半右衛門襲祿。爲書院番組。其不爲守久嗣也明矣。

十一年甲戌。十六歲。事岡山藩主芳烈公。內膳正。板

倉重昌主膳正京極高通薦之也。

十二年乙亥。十七歲。從公在江戶。先生身體豐肥。適見人之恭養過厚。肥笨不便起居者。謂如此無執刀槍以應不虞。因節酒食絕滋味。寢不解帶。痛自刻苦。每宿直。儲木刀草履於卧具中。候深夜人定。輒出中庭試刀法。或上屋疾走。以習防火。

按儒林傳。以節衣食役身體。爲復仕後之事。據集義外書。自十七八。至四十歲。常如此云。

十三年丙子。十八歲。從公歸藩。日夜演武技。暇則提弓銃。游獵山野。不避風雨。

藩山先生年譜

二

十四年丁丑。十九歲。從公在江戶。時島原賊起。西海諸侯率兵討之。久不奏功。公受應援之命。點定武士。先生以未冠故。不入其選。大憾焉。

十五年戊寅。二十歲。二月公就國。先生自加元服。潛歸請從役。未及出師。賊平。有司議先生犯法。公以其志在討賊。措而不問。將大用先生。先生謂學不無文武。則不可以事君。致爲臣而去。之近江桐原。寓伊庭氏。氏祖母所出也。

是歲。一利君以處士。從鍋島氏于島原役。力戰中銃九。浴壹歧溫泉而愈。歸于近江。後老于備前和

氣郡寺口村。

十六年己卯。二十一歲。受兵書於一利君。日夜刻苦。殆成病。

十七年庚辰。二十二歲。初讀四書集註。有所感發。

十八年辛巳。二十三歲。至京師求師。不得其人。遂如近江。謁中江藤樹。請受業。藤樹辭以不足爲人師。十九年壬午。二十四歲。七月再至中江氏固請。藤樹辭不見。宿其廡下二夜。藤樹母憐其志。謂藤樹曰。懇請如彼。傳汝所知。誰謂好爲人師。藤樹乃引接。因問道質疑。九月三至中江氏受業。通孝經大學。

藩山先生年譜

三

中庸。

按先哲叢談儒林傳諸書。概以先生入藤樹門。繫二十三歲。據集義外書。爲二十四歲。蓋藤樹屢謝先生之請。則其初謁藤樹。二十三歲。而得入其門。以二十四歲爲正。

二十年癸未。二十五歲。業成。四月歸桐原。見世之服縫掖者。心竊鄙之。謂其高者以道學自標。耿介絕俗。號爲儒者。非士非民。與方外異端同歸。其卑者博學多識。以干祿仕。文勝其質。夫學所以明人倫也。非儒者私業也。今使聖賢修己治人之道。遠於

實用。是誰之過也。士君子當文武兼資。以濟世用。吾寧爲一介武夫。不願爲儒家者流也。會一利君官遊江戶。先生與弟妹。奉養母氏。盡其驩心。而家甚貧。糲飯以百合艸根。楮紬衣。木綿被。僅取掩體。先生處之晏如。人慮其或飢寒致死。勸仕不聽。屏跡近江。獨學者五年。會藤樹得明人王守仁書而讀之。因舉致良知之說。以誨先生。先生了其大旨。正保二年乙酉。二十七歲。先生才德。爲公所深知。公欲復聘之。六月由京極高通致其意。

藩山先生年譜

四年丁亥。二十九歲。更稱治郎八。復仕岡山。公與語大悅。給祿三百石。命爲側役。公又以先生故。尊信中江藤樹。聘之不就。後招其二子。待以賓禮。二子前後皆委質。

按伯繼傳諸書。據實錄行狀等。概以先生復仕。爲正保二年。而池田家記錄云。正保二年。公在江戶。與京極高通談及先生。謀其復仕。又云。正保四年丁亥二月十四日。給祿三百石。集義外書亦云。歲二十四。從學藤樹。明年歸家。獨學五年。不出鄉里。算之則先生歲二十九。當正保四年。與舊藩記錄合。其謂正保二年復仕者。恐由

與京極氏謀。而訛傳耳。

慶安元年戊子。三十歲。先生與公語。公有所感悟。除諸課役。

是歲。藤樹歿。公使先生弔且賻。先生因薦其門人。中川謙寂。加世八兵中村又允。山脇佐左。山脇又右等。皆來仕。祿各二百石。謙寂以直諫顯。多所匡救。

二年己丑。三十一歲。先是先生以鍊心爲務。三年不讀書。人莫知其學。至是稍々知之。名聲漸著。謗亦隨之。目以異學。或請逐先生。公親究其所由。知出

藩山先生年譜

五

讒誣。信任日厚。謂有王佐之才。三月從公赴江戶。諸侯以下。雅聞其名。爭詣門求見。執弟子之禮者數十人。

三年庚寅。三十二歲。五月晦。擢爲番頭。參與藩政。加賜祿三千石。更稱助右衛門。先生新爲騎將軍。賦不給。借三歲之祿。具弓銃夫馬。以備不虞。

按伯繼傳。引常山紀談行狀等。謂公與語大悅。旬日間。委以國政。食三千石。時歲二十七。或謂歲三十一。爲參政。共似失實。今從池田家記錄。是歲。公用先生議。分士大夫。守四疆要害。和氣郡

八塔寺村。與播作二州。犬牙相接。尤稱要衝。先生請自當之。且曰。警備之方。無善於使士卒土著。臣請試之。乃徙士卒數十百人於八塔寺村。人具一馬一槍。相地墾田。警備大整。國老某謂公曰。臣見公與伯繼議事。不可曉者。十常八九。公曰。苟欲曉之。須讀書。

是歲。弟泉仲愛。去平戶藩來仕。

四年辛卯。三十三歲。從公赴江戶。慕其道者愈多。閤老某延先生爲上客。至與抗禮。德川賴宣松平信綱板倉重宗久世廣之板倉重矩松平信之堀田

藩山先生年譜

六

正俊本多忠平中川久清等。尊信最厚。大將軍大猷公。亦將召見先生。會薨而不果。先生常爲天下後世。畫備邊策。且曰。神州之所以挺出萬國者。以地靈而人傑也。昇平日久。上不知政。山林歲儲。而川澤日涸。人之生其間。稟氣自薄。黃金白銀。天地之精氣。今妄采之。以供外舶互市。竭國土膏髓。易無用玩物。非長策也。加之耶蘇之禍。將乘我財用之窮。與人心之惑而起。而天下偷安。武備日弛。糧米年耗。邊疆有事。何策處之。恐後世必爲北狄所窺矣。其言果驗。

按大學或問。備邊策曰。往年爲某侯某侯陳之。而今則其人皆亡矣。雖不的知其爲何人。爲德川賴宣以下之諸侯可知也。故揭其大旨於此。先生嘗詣某侯。門見一士人。威儀特秀。容貌非凡。相與注視久之。不交一言。既見侯曰。今見一士人。渠爲誰。曰。處士由井正雪。先生正色曰。熟視其貌。以察其意。君勿復近焉。他日正雪亦見侯曰。前日見某衣形人。未知其爲誰。曰。岡山藩士熊澤伯繼。正雪正色曰。熟視其貌。以察其意。君勿復近焉。是歲。正雪果謀不軌。伏誅。

藩山先生年譜

七

伊豆守松平信綱嘗語先生曰。予與柳生但馬角槍技。眼光如鏡。氣勢鷹揚。不啻不能敵。不能敢仰見。先生徐答曰。使但馬反鏡內自照。則高更一層矣。信綱默然。良久曰。可謂至言。又問曰。有奉使命者。路遇其仇。如何處之。曰。有父仇者。不可事君。信綱稱善。

承應元年壬辰。三十四歲。公常憤僧徒驕奢不律。察封內有崇儒賤佛之機。而欲除之。慮先生爭之。口不敢言。而意既決。先生知之。時諷諫焉。常退而歎曰。除一國之佛則易。奈天下之佛何。若一熄而再

燃。則其弊十倍于今日。不如不除之為愈也。今佛者似熾。而其實皆喪。我道王道也。王道猶江海。異端一小支流耳。我受而不辭。何拒之有。若欲拒之。是自小也。苟行仁政於天下。天下各得其所。則佛亦復其舊而已。

先生既為參政。地位益隆。而家人雍睦。治生儉素。妻女或執薪水。夏日唯有二單衣。見一老婆窮。脫衣而與之。身着浴衣。命婢取其一。婢曰。浣濯未晞。因別製一衣。其儉如此。而多養丁壯蓄良馬。軍事之備。可比萬石家。常言齊家之道。不可不知歲計。

蕃山先生年譜

若千石祿。以六百石。供公私之用。三分其餘。以一備不虞。以二為一歲盤費。則不患不給也。平生愛客下士。閑燕談論。日夕無倦。壁間常懸源義經畫像云。

先生常患郊外寡樹林。雲雨不應。頻年槁旱。是歲大發役夫。植樹於半田龍口諸山。培養得宜。未數年。條達暢茂。夏雨屢至。無復槁旱之患。先生又遷老吏河村平太渡部助右等十人。授陰陽五土說。及檢田法。於是貢法始得平準。

二年癸巳。三十五歲。從公赴江戶。騶從甚盛。途宿大

津。學友笠原竹友。擇芭塩魚腸。掛杖頭。雙趺徒步。詣逆旅求見焉。主人見其狀。不為禮。久之得通。先生曰。笠原子來耶。何不速告我。倒屣出迎。竹友不拜。曰。吾疲矣。直踞階隅。先生手解其鞋。竹友笑而謝。相携升堂。開尊命酌。乃出所齎魚腸為下物。終宵話舊。聲歡而罷。主人驚異焉。

三年甲午。三十六歲。公就國。請幕府過京師。訪一條氏。及板倉重宗。先生從焉。重宗竊謂先生曰。卿既以其君顯。銳意從政。失在專任。恐致蹉跌。勿復之江戶。先生稱善。後果與諸大夫隙。

蕃山先生年譜

九

七月洪水。備前備中二國。餓莩載路。公召群臣。議賑恤。老臣等不知所為。乃委事於先生。先生悉發府帑。又勸公遣梶田清右衛門。因天樹夫人。請幕府。借黃金四萬兩。始得周賑。先生遍巡封內。察民疾苦。傍問孝悌篤行者。具狀以聞。公深善之。柴水村甚小。僧要是等數十人。賞賚有差。

按伯繼傳云。先生獻策。自至江戶。據池田家履歷。此時使江戶者。梶田清右衛門。而非先生自往也。

是歲。公置理匭於城外。使士民言時政得失。亦用

先生議也。

明曆元年乙未。三十七歲。歲大饑。先生與郡吏巡視村里。日夜不休。盡心賑濟。民因以蘇息。先生妙解水利。每霖潦。旭川漲溢。民被其害。乃建議卑城北之東堤。殺水勢。導之東流。南折注于海。後修其支流。呼曰百間川。自是無漲溢之患。又疏八丈岩平瀨。鑿弦法界筵瀨諸川。其他通溝洫造隄防。以備旱澇者。不可勝數。先生常騎馬督視。指說利害。其言莫不驗。人或問水利。輒曰。治水之事。不如土人與老吏。予唯取於人而已。

蕃山先生年譜

十

二年丙申。三十八歲。獵于和氣郡木谷村。馬逸陷壑。傷右臂。自謂不能鞭悍馬。彎強弓。無以供武事。因乞骸骨。不聽。乃因國老池田伊賀。請公第三子主稅君承家。公許之。蓋謂恩遇之渥。不可棄去。然非世臣。不可傳祿於子孫。故有此請。尋改食邑寺口村曰蕃山。取諸源重之筑波之歌。以寓遜世之意。學者稱曰蕃山先生云。

三年丁酉。三十九歲。八月二日。迎主稅君讓家。衣襪一。自老於蕃山村。先生在重職八年。治水植樹。抑奢侈。禁賭博。除課役。薄稅歛。賑窮困。表孝悌。開

言路。通下情。明聖人之教。嚴四疆之備。功績不可勝記。雖致仕之後。每有大事。必參與焉。

是歲。長子生。名三太郎。以蕃山爲氏。後更稱右七郎。名繼明。傳世子曹源公。

萬治元年戊戌。四十歲。在蕃山村。侍養父母。主稅君年致米三百苞。爲養老之資。先生嘗夜歸失路。村醫某導之。先生他日往謝。曰。報酬唯汝所望。某辭強之。乃曰。僕常視病於諸島。得一小艇則幸甚。先生笑曰。謝導路以舟。不亦奇乎。乃與之。某語人曰。威而不猛。先生有焉。先生爲人。溫良寬厚。而威儀

蕃山先生年譜

十一

嚴正。公侯大人。望之肅然。改容。至接兒女野人。則藹然之氣。溢乎言面。

按慕賢錄伯繼傳。皆謂先生歲三十九。致仕歸京師。儒林傳以爲四十歲。而齋藤一興所著略傳云。歲四十。卜居蕃山村。後又去寓京師。蓋先生之辭職也。主稅君承其家。一利君夫妻在蕃山村。況每有大事。必參與之。則其謂辭職之年。直歸京師者。恐非。當以略傳爲正。

二年己亥。四十一歲。寓居京師。稱蕃山了介。學雅樂。習國典。一日微服吹笛。安倍飛彈聞之。曰。此非常

人也。性情之正。發於聲音。飛彈以雅樂名者也。先生與僧元政善。愛其爲人。而惜溺於異端。時以儒道誘之。元政亦欲得如先生者。共救浮圖之弊。歎曰。今世僧侶無狀。釋迦之罪人已。先生曰。何獨僧侶。使孔子見今儒者。其謂之何。嘗會其稱心庵先生鼓琵琶。小倉公實起彈琴。而元政賦和歌。各遣興。先生又好聯歌。與大納言中院公通茂。從一位飛鳥井公雅章。及里村玄祥交。玄祥以聯歌聞。家藏先生獨吟二百韻。先生嘗著紫女物語。以發源氏物語微旨。中院公歎賞不措。

蕃山先生年譜

十一

按先生寓京師殆十年。其言行可錄者。蓋不止于此。而不傳。其偶傳者。亦不詳歲月。故揭其概略。

寬文六年丙午。四十八歲。先生仍寓京師。講道著書。左大臣一條公教輔右大臣久我公廣道以下。名公鉅卿。及四方之士。問道者甚衆。常語弟子曰。古無儒名。其有之。始於周官。乃爲文學者之稱。然人之學道。豈獨儒者哉。今之爲儒者。率溺其所習。而失其本。不若師堯舜。師堯舜而過者。未之有也。大抵今人所師。不過宋朱子與明王子。夫晦庵大儒

也。發揮經傳。嘉惠後學。陽明文武之士也。良知良能。求其放心。學問事業。不二其途。學者得之可矣。然理學失於博。有支離之弊。心學過於約。有固陋之患。其宗晦庵者。一意崇信。苟稱爲朱子語。不問其合聖經與否。猶釋徒奉日蓮教過於佛。其宗陽明者。陽儒陰佛。遂爲異端。此豈二子之本意也哉。是歲岡山藩叔設學校。毀淫祠。糾治不律之僧徒。使祠官司葬祭。封內靡然。捨佛歸儒。而僧徒或歸怨於先生。以其著書有闢佛者耳。

七年丁未。四十九歲。去京師隱于大和吉野。作山櫻

蕃山先生年譜

十二

歌以見志。其詞曰。古乃波留波。與志乃廼也。未能也。末毛里登。奈里天古曾志禮。婆南廼以呂加速。尋遷于山城鹿背山。先是所司代牧野親成。信謔憎先生。又有妬其才學者。流言益行。先生去京師原于此。

九年己酉。五十一歲。日向守松平信之。延先生於其邑明石。先是板倉重矩。請執政酒井忠清。使信之招先生。先生乃徙寓大山寺側。名其居曰息游軒。自是如備前近江之外。不妄出廬。先生雖在困厄。其心浩々焉。琴書自娛。既而讒構之徒。稍々失勢。

罹禍。人皆快之。先生曰。小人爲惡。其惡可惡。其人不可惡。今遭天譴。亦可憐耳。何快之有。初大山寺僧。誤聞先生在備前排佛。竊憤之。及見先生。氣挫心服。遂慕其德。

正月公命主稅君。以先生長女爲妹。妻宮野某。二月又命以二女爲妹。妻池田内膳。

是歲。岡山藩移學校於中山下。公召先生。議定學制。七月行釋奠儀。國老以下會者一百六十人。先生督其事。以爲永式。九月世子臨學。十月開校。先生講經。聽者滿堂。

蕃山先生年譜

十五

十年庚戌。五十二歲。正月五日。公臨學。先生率文武教官。拜聖位。講孝經。亦以爲永式。

四月十日。母氏沒于蕃山村。享年六十九。先生用儒禮。葬于左古田山。

六月二十六日。先生辭還明石。

十二年壬子。五十四歲。公別封主稅君。食一萬五千石。列爲諸侯。後任丹波守。叙從五位下。

延寶七年己未。六十一歲。松平信之移封大和郡山。先生從徙焉。或問曰。先生嘗爲池田公臣。今他邦君或以儒招先生授祿。先生受之否。曰。予旣致仕。

不可復爲人臣。苟非與吾有舊。不妄受諸侯供給。萬一幕府召吾。亦當肥遯爲野人耳。

先生嘗假笛於山城守中川久清。笛名木枯。是歲作木枯歌還之。其詞曰。補茂多加久。不記津太返多留。古加罹志迺。無何志仁何返留。師良遍他賀布奈。久清亦尊信先生。先生嘗應其招。久清郊迎十里。待遇優渥。先是先生弟野尻一成。事。中川氏。是歲。納母衣。服於三輪社。以示無意於世事。

八年庚申。六十二歲。八月二十二日。一利君歿于蕃山村。享年九十一。先生用儒禮。葬于左古田山。公

蕃山先生年譜

十五

賻贈甚厚。

貞享二年乙丑。六十七歲。六月松平信之移封下總古河。下野守本多忠平徙于郡山。忠平尊崇先生。不異信之。

七月二十二日。蕃山繼明歿于岡山。葬于津高郡大岩村某山。無子家絕。

八月二十二日。先生上書曹源公。陳藩政得失。以斥小人。親君子。愛百姓。振士氣爲主。其言諄々。公嘉納焉。

四年丁卯。六十九歲。大將軍常憲公將見先生。八月

使信之子忠之招先生於古河。先生移居待命。忠之待遇加厚。先生齒德益隆。天下識與不識。欽仰無不至焉。會有門人謄寫其著書者。傳播于世。中有答幕府執法官田中孫十郎問條。執政牧野貞成論曰。處士議政。爲罪大矣。十月禁錮古河城外郭。宥議許携妻。孫十郎坐免。先生自是不言時事。人或語及之。默而不答。把筇吹之。又常炷香彈琵琶以自娛。有人弔其幽鬱。先生曰。是天寵異我也。古人云。無罪而觀月於謫所。予常愛其言。苟獲罪於天。雖居富貴。白日猶昏。今予雖蒙譴。俯仰無愧。

蕃山先生年譜

十六

靜夜觀月。月光清明。使人有象外徜徉之想。是非天寵異我乎。又有慰其寂寥者。先生曰。古人爲善。惟日不足。苟敬義主乎心。則梳髮洗手之際。亦足爲善。敬義不主乎心。則執天下之政。亦徒爲耳。何寂寥之有。

按儒林傳。慕賢錄。伯繼傳。皆謂上封事議時政。忤旨獲罪。或云封事即大學或問。以先生獲罪。門人改名大學或問。二說皆非。或問非上書體裁。固不待辨。先生在大和。答人曰。若幕府召予。當爲野人耳。先生之不上封事於幕府亦明矣。

當時誤認著書獲罪。爲上封事耳。

元祿元年戊辰。七十歲。八月二十二日。配矢部氏沒于古河。享年五十六。用儒禮葬于城外大堤村。鮭延寺之域。其疾病也。先生執手曰。靜心以歸盡。矢部氏開目曰。妾豈忘平日之教。但先君而死。是可憾耳。曰。人命朝露。何前後之有。曰。妾過矣。妾今順於天。而死於天。復何憾焉。先生曰。善。戒內外避席。乃絕。先生入舉哀。

四年辛未。七十三歲。禁錮之後。作易解。未卒罹疾。八月十七日歿。忠之聞之。慟哭。會門人親戚。用儒禮

蕃山先生年譜

十七

葬于鮭延寺之域。墓表題曰。熊澤息游軒伯繼之墓。夫人墓表曰。息游軒妻矢部氏之墓。左右及背。並無文字。高各三尺。方一尺弱。先生之訃達備前。丹波守輝錄君大悼之。安神主於其家廟。後建祠堂於蕃山村。寶永中移之網濱村別莊。春秋祭祀。配矢部氏。姬路藩士矢部七右衛門女。生四男七女。詳于系譜。弟泉仲愛性敦厚。稱爲有德君子。野尻一成亦名當時。

荻生徂徠與藪震庵書曰。承問。熊澤集書。不佞未見其書。嘗聞其人太聰明。蓋百年來儒者巨擘。人

材則蕃山。學問則仁齋。餘子碌々。未足數也。徂徠高邁負才。鮮所推服。然評古今名家。以先生爲經國之才第一。

太宰春臺復湯淺常山書曰。夫烈公不世出之英主。得熊澤子。而任國政。明良之遇。實千載之一時也。

服部南郭曰。讀熊澤之書。議論平易。意味深長。一語不苟。以出實踐也。非世儒不踐其地。而放言高論者之比。

山縣周南曰。熊澤翁在備前。大獲其君。蓋有善政

蕃山先生年譜

六

焉。予未之詳聞也。嘗過其國。見城郭廬舍田野溝洫甚脩整。其俗亦勤儉。有當時遺風。可想達者手段也。有王者興。必來取法。

湯淺常山曰。先生經濟。出自老子。其說似迂濶。然以年後多驗視之。實非世儒所及也。

又曰。先生天資雄傑。聰明絕倫。其爲學略觀大意。不拘章句。短于文辭。而長于政事。恒以識時處位三者爲先。而其爲政之要。則貴米穀而賤金銀。官制其輕重。無使商賈操貨財之權。富兵于農。以省冗費。強武力。殊國容于軍容。以定制度。抑奢侈。賦

斂之制。以貢法爲善。學校之設。合文武爲一。如此之類。爲之有漸。不欲遽駭人視聽。而德化之極致。專歸諸禮樂之妙用。

藤田幽谷曰。熊澤伯繼抱王佐之才。而位不過陪臣。雖有經世之略。不能施諸本朝。猶以區々之備立政成教。可傳後世。後之學者。皆稱其足酬平生之志。其然。豈其然乎。屠牛之刀。試諸割雞。盛名難處。身以讒廢。悲哉。昔者賈生不容於孝文時。而其治安策。終漢之世。莫不皆驗。伯繼既歿。而其言尚立。斯亦足以不朽矣。

蕃山先生年譜

九

著述書目

易經小解 未定

易繫辭傳小解

二卷

孝經小解 二卷

孝經或問

八卷

大學小解 一卷

大學或問

二卷

中庸小解 二卷

論語小解

八卷

孟子小解

宇佐問答

二卷

三輪物語 八卷

夜會記

四卷

集義和書 十六卷

集義外書

十五卷

紫女物語

葵祭辨書

一卷

神道大義 一卷

三神託解

一卷

蕃山先生年譜

五倫書 一卷

二十四孝評

一卷

大和西銘

女子訓

五卷

女子訓或問

源氏物語外傳 五十四卷

系譜

野尻氏

姓□

○某

稱將監
事織田氏

某

稱備後
事織田氏

一利

稱藤兵衛晚號一丁
母伊庭氏妻熊澤氏○事加藤嘉明

伯繼

熊澤氏稱左七郎
幼養於外祖熊澤守久

仲愛

泉氏稱八右衛門號泉窩
初為平戶藩士岩田治左衛門所養
後事芳烈公食祿五百石

藩山先生年譜

世

某

稱藤兵衛大

某

稱丈之丞後更八右衛門
襲父後食祿三百石有故門
備前○初仲愛養姪路藩岩田又去
右衛門子十太夫為岩田沼左衛
門後分與祿二百石及八右衛
去備前十太夫奉仲愛祀

一成

野尻氏稱藤兵衛號汎懋
仕豐後岡藩食祿五百石

女三八

適岡山藩士森川九兵衛重之
適岡山藩士南條伊太夫正興岡田某
適近江國高島郡小川村處士岡田某

熊澤氏 姓源

○平三郎

幼名萬
妻淺井氏長政姪女
事德川氏死味方原役享年二十三

守久

稱喜三郎後更半右衛門
初事柴田勝家後事福島正則晚年仕
水戶藩食祿三百石歿于京師

某

稱半右衛門
襲父後食祿三百石為書院番組無嗣
家絕

藩山先生年譜

世

女

適野尻一利

熊澤守久外孫

○伯繼

熊澤氏幼名左七郎後稱治郎八及助
右衛門晚稱藩山了人號息游軒野見
一利男妻女部氏三千石
事芳烈公食祿三千石

輝錄

池田氏幼名八之丞稱主稅名政倫後
任丹波守叙從五位下芳烈公第三子
襲伯繼後食祿三千石後別封食一萬
五千石

繼明

藩山氏幼名三太郎後更右七郎
妻都築氏
事曹源公別給祿若干無男家絕

女

藩山先生年譜

某

野尻氏稱左七郎
仕明石藩

某

熊澤氏稱武七郎
仕郡山藩

某

熊澤氏稱左內
仕明石藩

女七人

適備後守池田恒元臣宮野平九郎
適岡山藩士池田内膳武憲
適近江國滋賀郡栗原村處士畑某
其餘不詳

明治二十三年九月六日印刷
明治二十三年九月廿日出版

版權所有

編纂者

岡山縣士族

片山重範

山形縣山形市旅籠町六百四十五番地寄留

岡山縣士族

平野猷太郎

東京市本郷區帝國大學寄宿舍寄留

印版者

弦卷直吉

東京市芝區三島町十番地寄留

發賣所

弦卷支店

全所

門人
編

蕃山先生行狀

天明七年（一七八七）刻本

據天明七年（二七八七）
刻本影印

蕃山先生狀

先生姓熊澤諱伯繼字次郎八後更助右衛門其先紀人中世關左人祖考熊澤某字喜三郎與其父居尾州勝國之時事

神祖後仕水戶侯考某字藤兵衛本姓野尻娶喜三郎女

生先生於平安維元和己未也此時祖考未事

神祖居平安五條遂育其家為喜三郎嗣云曾祖熊澤平三郎屬

神祖先御方原之役

神祖賞其忠令臣兼寬永十一年甲戌先生歲十有

六始仕備前侯是板倉內膳正京極主膳等之所薦

十五年戊寅先生歲二十辭退其官寓江州桐原是肥州島原賊起備前援兵

之伍先生亦其一人也云十八年辛巳秋八月適江

西書院請受教於藤樹先生藤樹先生固辭不許故

空歸矣冬十一月再往江西寓邑人淵田氏之家而

經日於是藤樹先生感其志而始謁之得其所志隨

居江州數年其考野尻君其弟仲愛君號八右衛門流

憩君名一成女弟三人俱居此一女後嫁森川氏

田氏在江州二女正保乙酉備前侯依京極主膳再

求以祿之于時先生歲二十七備前國政大革先生俸祿

至三承應甲午備之前中二州大飢窘迫及九萬人

國老不知計為乃委事於先生先生出命施政民大

賑尋修隄池蓄瘠磽上下得所安遂設庠序之教其

舉皆出先生及其家弟與焉上世履仲之朝置史

皆有庠序中葉廢制減佛寺壞淫祠上世物部守屋

之為國分寺云制減佛寺壞淫祠中世勝海三輪

逆君等所議遂空中葉三善清行菅原文時等所表

遂不行皇朝且時勢如是况輓近列國有此舉可謂

盛慶安己丑先生歲三十一從侯於東武侯伯大夫

士大欣慕其道不可勝數

猷廟聞而寵之侯伯之稱門弟子者紀伊大納言賴

宣卿大小路伊豆守信綱板倉周防守重宗久世大

和守廣之板倉內膳正重矩松平日向守信之堀田

筑後守正俊板倉內膳正重道松平備前守□□淺

野因幡守長治中川山城守久清松平備後守恒元

織田內匠頭信房久世三四郎廣也板倉市正重元

荒尾平八□□水野周防守忠增本多下野守忠泰

松平若狹守直明等云明曆三年丁酉先生歲三十

故鮮武事云。備前侯令其季子池田輝祿爲先生之後。自是先生更名稱了介。居京師。學雅樂。習國典。一日微服吹笛。有安倍飛驒者聽之曰。非常人。其心情之正。卽發音聲云。先生所學。出小倉大納言實起卿。數大納言嗣孝卿云。先生嘗發揮紫女物語。得其微旨。後傳中院通茂卿。洛之公卿大夫。顧事先生者。一條右大臣教輔公。久我右大臣廣道公。油小路大納言隆貞卿。中御門大納言資照卿。伏原三位宣幸卿。中院宰相通躬卿。野宮中納言定縁卿。野宮中將定

基卿。清谷大納言實業卿。押小路三位公起卿。久世中納言定清卿。諸君云。寬文丁未。先生歲四十九。京令尹某信誣逐先生。先生遷居城州鹿背山。己酉。先生歲五十一。播州明石侯。松平日向守受縣官之命。待先生於其封內。於是居明石太山寺之側。名其軒曰息游。門人遂稱之。延寶己未。從侯移和州矢田。同州郡山侯。本多下野守。賓敬先生。不減於矢田侯。貞享四年丁卯。又從侯移總州古河。冬十月。上表演政事忤旨。乃禁錮。元祿四年辛巳。秋八月十七

日。殞古河。壽得七十有三。正室矢部氏者。元祿元年八月廿一日先殞。其買其地。邑大隈。鮭延寺之土。城主鮭延越前守居之。遂以爲以儒禮葬之。謚曰蕃山先生。先生之在備前寺名。以食邑蕃山。故爲謚字也。先生生四男七女。其所出矢部氏也。一女厚。二女載。各適播州人。伯某字右七郎氏。蕃山仕備前侯。仲某字左七郎氏。野尻仕明石侯。三女留適江州人。四女咲適備前侯。五女房適江州人。叔某字武三郎。仕本多下野守。季某字左四郎仕明石侯。六女俊適播州人。七女某也。

會喪門人

中根次常
臣勢直幹
北小路石見
松平隱山
山本廣足

從者 野田勘左衛門

友人問於余曰熊澤先生之事蹟
未審其由久矣請決于余曰
先生之於世始在山陽而中
畿內遂謫于關左所在門人所
不一時後其曾孫某氏茲丁未清
上梓余者僅得先生之外裔某教

世之先生
先生之意
先生之意

草加定環謹跋



東儀

草加與之軒著

周旋篇使謁篇刻出

三十卷

熊澤先生行餘錄

草加定環著

嗣出

天明七年丁未八月

大阪順慶町五丁目

柏原與左衛門

江戸石町十軒店

山崎金兵衛

豊田小太郎 著

松岡先生年譜

明治二十六年（一八九三）水戸豊田伴鉛排本

據明治二十六年（一八九三）
水戸豊田伴鉛排本影印

豐田靖著

松岡先生年譜

完

盍簪舍

聞說羗胡窺海甸
廟堂誰折敵人衝
揮翰苑生花筆未試
昆吾切玉鋒萬國風
雲娛耳目三杯醪醑
豁心胃何時
恩詔布春令先向深
潭起卧龍

豐田亮

我松岡先生眞蹟其詩係文久癸亥作今揭之卷首以代
題辭

孫 件 識

豐田天功墓銘

吾友藤田斌卿之沒也。余既銘其墓矣。後十年而哭豐田天功。天功以文化乙丑生。斌卿以丙寅而生。余之生在丁卯。自幼與斌卿相識。而天功在民間。未嘗相識。余十一二歲時。先人夜歸。自外挑燈細書。既成朗誦。即豐神童歌。余始知有天功。已而神童之名聞一時。本府賜之廩祿。來寓幽谷先生門。斌卿即先生子。天功與之相

豐田天功墓銘

切劘。余亦始識天功。先人爲礫邸總裁。策問諸生。天功年十九。作禦虜對。讀者驚嘆。尋不得意而還鄉。刻苦讀書者十年。適烈公勵精圖治。獎擢人才。召天功爲學識。兼彰考館編修。尋撰佛事志以獻。烈公驚異。以編修委之。尋又獻氏族志。方撰兵志。而烈公致仕。斌卿四居。天功憤激。與同志赴江戶。詣閣老辨冤。以是獲罪。禁錮於家。五年而解。又四年而烈公之冤始

雪。天功再補編修。爲總裁。尋撰食貨志。又撰兵志以獻。會公薨。今公繼述。命天功畢其功。刑法志尋成。其餘未成者。將陸續綴輯。而乍嬰篤疾。以元治元年甲子正月二十一日沒。年六十。痛哉。天功爲人剛果。彊力絕倫。於書無所不窺。而尤邃於史學。證據今古。論辨是非。如蠶吐絲。及其操翰。辭鋒健快。如風檣陣馬。天功既有軼羣之才。而又有數十年之積學。其學也苦。故

豐田天功墓銘

得之精。其積也深。故發之銳。蓋自西山先公建彰考之館。已二百餘年。人才輩出。而近世人物。學問如幽谷。文章如先人。皆振耀一世。而志表未成者天也。天功生於其後。不幸而沈淪者再矣。然學問之該博。考據之精奧。儲積之深厚。辭章之雄健。皆基於此。然則天之所以苦天功。乃所以成先輩未遂之功。而識者固嘗期全功矣。而中道奄忽。可勝歎哉。當烈公時。天功斌

卿之名聞天下矣。斌卿以才。天功以學。皆奮其所長以事烈公。公中道而摧折。數年而奮蟄未幾。斌卿沒矣。公亦再獲譴責。轉盼之間。登仙不還。今天功亦逝矣。天實爲之。謂之何哉。天功著述極多。如北島志。烈公行實。皆奉命者。其餘論修攘者。有靖海全書。自述憂憤者。有明夷鷄鳴二錄。晚年留意經義。有論語時習錄。新進小生。見天功著書之易。或欲以淺學模擬之。豈

豐田天功墓銘

三

知其蘊蓄有淵源哉。天功諱亮。稱彥次郎。號松岡。實伴氏之裔。父曰信卿。好讀書。天功終於班持筒頭。食二百石。娶黑羽氏。生六子。長靖好學。有父風。次鴨之介。次司馬三郎。亦天。次友德。出嗣小松崎氏。次輝。次達。靖乞銘於余。余何人而銘天功。然兩世舊識。誼不得辭。爲之銘曰。彰往考來。實有先公。紹述累世。未見全功。天功力學。何其雄也。勵志擔當。何其忠也。天乍奪

之厥業不終。問其鄉里。深萩之村。問其葬地。常磐之原。爲箕爲裘。自有子孫。遺文炳耀。萬古長存。

友人 青山延光撰文

豐田天功墓銘

四

松岡先生年譜

男 豐 田 靖 稿

先生諱亮字天功稱彥次郎件姓其先出道臣命世爲朝廷大臣著名國史者不可勝數至貞觀中大納言善男獲罪流竄件氏不復振矣善男子員助爲參河幡豆郡司因家焉其族蔓延參河遠江之間設樂氏富永氏最著皆因參河地名以爲氏也其居遠江豐田郡豐田里者曰豐田氏戰國時常屬今川氏慶長中七世祖近江君從今川某徙

松岡先生年譜

一

常陸遂爲常陸人祖曰市之衛門君諱時義考曰清三郎君諱信卿世居久慈郡坂上里坂上今改深萩當時授鄉里號帶經堂常有欲興家之志禱於鹿島神生先生先生嘗欲作弘安殲虜圖獻諸神而不果實爲報賽先考之宿願也

文化二年乙丑先生生于坂上里少名丑松幼有異稟嘗與群兒游嬉有術士過閱視之曰總不中用熟視先生良久曰是真人物後必成名因贈以果先生髣髴記其事云此當先生五六歲事以此不能確知年姑附于此

九年壬申先生八歲始從小坪尙寬受句讀尙寬

國井里人來寓先生家故從學焉觸目輒記背誦如流尙寬歎曰此兒才敏絕倫若更數年則吾不能復教焉

十年癸酉先生九歲始誦歌大爲尙寬所賞

十一年甲戌先生十歲始作詩武公聞其名賜

以小學國語賜二書在十一歲時推名其云

十三年丙子先生十二歲始作文章時聲名藉甚

稱爲神童賓客來需詩文書字者甚衆先生天性恬退厭其紛沓因閉戶讀書一切拒絕不應其需

松岡先生年譜

二

是歲或介先生見藤田幽谷先生幽谷試令之讀明鑑綱目豐太閤征韓條先生朗誦無滯幽谷大嗟賞初幽谷起身市井至史館總裁博學宏材喜獎掖後進一國推爲泰斗後先生遂入其門學由是益進云

十四年丁丑先生十三歲青山雲龍先生作豐神

童歌贈先生其序云今春上巳余過藤田子定宅見豐神童者年纔十三能屬文子定試出元史使讀之五行並下一覽輒解既而又出客歲所作雜文數篇示余余受而讀之理致清遠機軸出己自

成一篇文字、非步驟雕琢者之所能及也、人才之美、未見其比、嗟呼文運否塞、人才凋弊、而荒壤僻邑、乃生若異材、可謂奇矣、蓋我上公負不世之姿、才德夙成、則神童之出、天意必有在焉、斯豈可不賀哉、遂爲歌云、

文政元年戊寅、先生十四歲、官賜二口糧、是歲入幽谷先生門、

二年己卯、先生十五歲、與藤田東湖先生往、江戸見府下諸名家、從岡田十松學、劍、

三年庚辰、先生十六歲、十二月釋褐爲史館務、歷

松岡先生年譜

三

事班留附、幽谷先生薦之也、

四年辛巳、先生十七歲、

加元服、改今名、

先生幼稱名松

名字叔專、至某、改今

自是留寓師塾數年、先生常憤

世之不清、有入山深藏之志、屢乞假歸鄉里、幽谷遣人促之、乃出、至文政九年幽谷沒之後、先生亦有疾危篤、踰歲不愈、

六年癸未、先生十九歲、青山雲龍先生爲江戸惣

裁策、問諸生、先生作禦虜對、議論卓絕、名聲益振、

十一年戊子、先生二十四歲、正月上書請解職、五

月免爲小普請、小普請、無官職、學宮、於是決然辭去、

歸鄉養病、少愈、仗劍西游、豆駿、北跋、奧越、所至與高人名士交友、既而歸家讀書、刻苦淬勵、不窺其園庭者殆十年、先生自謂、吾平生學問於此、獲力最多云、

天保三年壬辰、先生二十八歲、三月烈公始就國、公襲封已四年、維新之政次第施行、中外引領望中興之治、而偷安之徒多不悅、爭騰浮言、六月先生上中興新書、大意謂中興之業、古人所難、況當承平下阪之勢、欲挽回衰運、以復前古之盛、非容易可致也、有非常之人、而後有非常之功、天之

松岡先生年譜

四

生、義公于古又生、閣下于今、有不偶然者、是殆國家中興之機、閣下不可不深自任、當以期必成之功也、治國必以舉賢才爲急、欲舉賢才、非知人之明不能、是知人者、實治國之本、爲人君者、於此不可不最盡心焉、其既知人而用之、當委任不疑、以責其成功、不宜以一人之譽而舉、以一人之毀而黜、朝令暮改、以致紛更也、學問之道、所以長養德器、不可以其有弊而廢棄焉、義公脩史之業、不可及今而竣功焉、今日之事、不須他求、唯能法義公、則中興之功不難致矣、末論門戶

之爭、今國中人才非立原之門人、則藤田之弟子、分門立戶、交相傾軋、其爲弊已久矣、臣者本藤門之弟子、以臣揚其美、固不免黨同之嫌、然人物臧否、必經天下公論而後定焉、今天下之評二人、遂不無軒輊也、則其美自有不可誣者矣、家庭之訓、尙存、在其子彪、衆皆允以宰輔之器、是閣下所宜任用也、內舉不避親、外舉不避讐、今臣所以敢布腹心盡言至此者、獨惟恃閣下之明、萬物無所逃其誠、僞焉耳、豈有一毫偏黨阿私之情也哉、是歲先生娶黑羽氏、

四年癸巳、先生二十九歲、六月再補史館務、班留附、十月坐事免爲小普請、

是歲七月、東湖先生答先生書云、去月十一日、獲國中友人書、審我兄復職之事、大失所望、料我兄胸中何如、十六日又聞兄在健齋宅、使酒驚俗一件、爲之愕然、自後北來書莫不說兄事、或目爲狂、或斥爲愚、或以怙才之所致、或謂泄憤之所爲、紛紜評說、不遑枚舉、今接兄書喜而開、緘書中所言殆如決死生、見託後事者、再三展讀、疑其割腹屠腹、或爲亡命匿跡之計、則大以爲憂矣、已而復得

友人書、方覺思慮太過、兄未必以此決死也、書中二桃三士之喻、以其跡論之、則畧相類、然察其實、決不然也、如今次之事、不佞實不能解焉、料此必出於偶然、非故有意爲之也乎、否、目今文網繁密、憲官舉劾、恐不能免、若使兄再蒙屈辱、益愈憤怒、此可大慮也、兄或視不佞爲件食充位、不可否事者乎、未可知也、然目下形勢極艱極險、太行蜀道不啻也、嗟乎斯懷、非我兄而誰訴焉、幸少照察、則二桃之喻亦知其冤也矣、

九年戊戌、先生三十四歲、十一月四日、清三郎君

沒

十二年辛丑、先生三十七歲、五月特擢爲弘道館務班馬廻、六月先生移居府下、七月兼掌史館編修事、

十三年壬寅、先生三十八歲、九月佛事志成、自義公撰國史、至此垂二百年、志表之撰最難、其任前後修撰、竟未有克成者、先生稿佛事志、纔八十一日輒成、烈公大賞其敏速、謂成就志表、非亮則不可也、即命解弘道館務、專任修史之事、十四年癸卯、先生三十九歲、八月氏族志成、十月

進班次番先生上書論修史事甚長此不具載十一月爲國史志表編修頭取

弘化元年甲辰先生四十歲五月國難起時先生草兵志將成聞變遂投筆矣先生深慨明君被冤中興之業一朝破壞屢投書侯伯麾下有志之人辨解君冤或慫恿國中之士爲挽回之計拮据盡瘁至廢寢食其愛君憂國之狀殆有非筆舌之所能盡者矣

二年乙巳先生四十一歲三月遂與桑原信毅海保芳鄉等五人挺身詣閣老福山侯上書請解

松岡先生年譜

七

君冤閣老喻以規制命官吏護送歸國囚於中街空宅五月就家禁錮即逼九月穢職給三口糧不許出門如故即遺虛小普誦虛

三年丙午先生四十二歲秋著明夷錄述國難之事明夷取諸箕子之明夷也其書有云士之處危難之間亦甚難乎其道矣不宜死而死雖死何補於國家之事不宜生而生何面目俯仰天地之間邪又云君冤不可不雪正人之厄不可不救一旦意外之變不可不深思而遠慮則伴狂垢汚以避形迹鞠躬盡瘁以圖回挽是余素志之所大蓋

而固不易與新進不解事者道故作爲此書以待時會之來若此生不了事固將附與後人而爲之明夷之有錄夫豈得已哉夫豈得已哉先生微意所在蓋如此云

四年丁未先生四十三歲六月著鷄鳴錄以繼明夷錄鷄鳴者言君子在亂世不改其度也嘉永元年戊申先生四十四歲十月著精忠新錄輯宋岳飛之事也

二年己酉先生四十五歲十一月官命解禁錮三年庚戌先生四十六歲三月著靖海全書海寇

松岡先生年譜

八

觀世年表合衆國考亦編入全書中先生早歲洞觀宇宙形勢察外夷爲中國大患既遭國難廢黜閉居遂專心研究以作爲此書其料時運審形勢建靖海之大計者往々驗於後日則有識之士必有以諒其苦心之所在矣

四年辛亥先生四十七歲修神記世書後不果成先生自閉居後已絕望於官撰國史則不與私撰之舉二書體裁與志類不同而其實則一也如變丑告四方則志實爲此而不發也而止修國事二書前後數年結固于此觀者幸其難五年壬子先生四十八歲先是閣老稍悟烈公

六年癸丑、先生四十九歲、正月又作顓天後錄、辨群小誣罔離間之計、請騰用廢黜諸正士、未幾合

九

衆虜之事起則閣老亦深悔不用烈公甲辰國
寃至是始昭雪矣四月作告四方同志君子書道
欲藉衆力探討天下神祇之意先生常謂神祇之
事世人多視以爲迂闊無用不切於時務者而余
獨謂不然神祇則神州之大本國體所由而立方
今之時欲正風俗一人心奮揚威武震讐夷狄諸
莫急之務莫不皆淵源于此余將網羅天下之書
集成一部之書以闡明千有餘年湮晦閭閻之神
道此余所以報效天下國家之職分也既而內外
多故先生不能專力于此所請四方之書至者亦

十一月進班次番復掌編修之事既而先生考究北虜及北島風土沿革事跡

+

兵來在江戶。故先生及此也。九月北島志成。烈
公賜書褒賞。恩意鄭重。加以銀幣。銀幣北十兩五枚丙辰獻幣

賜祿視百五十石。十二月復進班小姓頭取。三年丙辰，先生五十二歲。七月爲史館總裁，復奉

四年丁巳先生五十三歲 十月食貨志成 今公賜書及衣服十二月賞累歲功勞改賜本地百五十石

五年戊午先生五十四歲 五月兵志成先生憂編修不速成上請留彰考館自六月至九月而止時

烈公再蒙難人心搖動先生奉命屢有建白

六年己未先生五十五歲 五月奉命抵江戶謁

今公六月詣駒邸謁烈公公手賜鶴卵杯命

刪定息距編八月烈公就國今公召見先生

有所賜資暫留鎮人心九月歸水戶

松岡先生年譜

十一

萬延元年庚申先生五十六歲 七月息距編成八

月烈公薨今公就國奉命修烈公行實

公召見手賜三所物佩小刀等三品所用飾十一月

進班持筒頭增賜五十石通前二百石

文久元年辛酉先生五十七歲 十月烈公行實

成十一月賜公服下服上是月刑法志成

二年壬戌先生五十八歲 十月論語時習錄成是

歲先生刪定靖所稿職官志既而靖疾至明年疾

愈先生亦疾竟弗果成

三年癸亥先生五十九歲 二月今公朝于

京師時有修復 山陵之舉 詔求烈公

所考究 山陵事實於公先生奉命輯纂旬

日竣功以獻三月有疾上書乞骸骨至冬患渴絕

食涉旬先生自壬寅歲始掌修史至此凡二十餘

年中間多難旋作旋輟從事修撰者僅五六年然

方其奉職早起登館拮据勞瘁不少懈怠刻盡還

家則復凭案討刪猶公服儼然坐館中至日沒而

止及疾已甚尙勉強起坐筆削職官志未嘗就枕

其勉勵如此

元治元年甲子先生六十歲 正月疾益甚自知不

松岡先生年譜

十二

起口授親作墓誌未成至夜靖等待枕上先生開

目呼靖曰疾已至此幽明分手斯意何有窮極今

吾去矣汝審聽此言汝學業未成經歷尙淺自後

益自奮勵琢磨勿墜吾志可也言畢頃之悠然而

逝二十一日卯刻也嗚呼哀哉先生屢遭艱難苦

心盡力終之不得一日優游養閒用延天年以至

此將天平命乎唯其得際會明君陪侍閣下

揚眉吐氣論陳國家之大計以伸胸中所懷抱雖

中興之績未全就而其勳業赫奕亘萬祀而不磨

滅者得親睹其事親參其議可謂終身之幸焉耳

嗚呼天之生明君又生之股肱心膂豈偶然哉後之君臣苟克繼其志繼其業而弗失墜則興隆中國殄滅夷虜護寶祚於无窮者要非難致也先生之生豈謂無裨補於天下哉況其至公血誠之志聰明絕特之識垂諸簡編以啓誘後生流惠海內者傳乎千載斷而不可疑則先生雖亡猶存古之所謂死而不朽者豈先生之謂邪天下後世其必有知余此言之非諛者也

先生少年氣銳已憤外虜之爲患慨然有功名之志不欲爲章句之儒常好與四方豪傑之士交上下

其議論屢跋涉關左之地既而覺立身揚名治亂異勢之理遂專力學問刻苦勉勵以成後來之業然少壯之志至老不渝英氣勃々壓倒一世每把杯雄談驚四鄰而弗顧也嘗作詩云空揮翰苑生花筆未試昆吾切玉鋒萬國風雲娛耳目三杯醺醪豁心胸何時恩詔布春令先向深潭起臥龍可想見素心之所在也

先生爲人剛毅方正疾邪如讐容貌嚴厲音吐如鐘素行極謹慎無論其奉上事君之際敬重縝密必戒疎漏紕繆之失雖瑣屑應酬人事明詳忠信必

戒鹵莽苟且之過其對賓應接議論飄發氣勢壓人懦者遇之多懾伏不能出氣賢者見其表裏洞徹毫無掩飾則深愛信雖時見觸忤而竟不忍棄也先生常論戰國人物屢稱上杉謙信其爲人正直光明用兵如神真奇男子也蓋先生之於謙信聲應氣求有相感而然者也

先生治家教人嚴恪少所假借如靖等之不肖蒙不屑之教誨數矣然設法易簡不喜煩碎蓋度風土之宜以爲之節不敢倣鯁齷儒生之爲也平生尤惡游惰驕奢之弊勵精率先儉素率己雖身已在

仕途常有山林樸茂之氣澣衣粗食終身不改其樂也

先生自謂幼而多病常恐不能至三十每刻苦讀書疾輒發作屢瀕危殆至三十後稍健於舊知命前後益健以獲略了素志靖所逮事止三十年間耳觀其耗神疲精有衆人所不堪而先生處之晏如病苦艱難未嘗廢學蓋其養生之術亦多自學問中得來者是以平日所爲傷生與養生相須而行非衆人所能也

先生彊記之性絕人雖數十年前之事一々暗記每

對友話舊、其人多遺忘、先生疊々舉示、詳悉無遺、人皆驚服、臨作文引典故、錄往事、先就胸中所記、下筆數千言、立就、然後更就其書校之、就其人正之、至毫無差謬而止、其精詳亦如此、

先生既蒙烈公知遇、每在公前陳事、侃々昌言、不少回避、公深愛重、謂亮者國之寶也、每疾輒命醫療治、或授以養生之法、賜奇藥珍膳之類、前後不可勝數、公素惡飲、謂必至傷害性命、以先生嗜飲、屢戒其勿過量焉、公愛才每如此、嘗召對言詞明暢、聳動左右、公亦爲之傾耳、先生退、

松岡先生年譜

十五

公顧左右曰、如亮者真不易得也、嗟賞良久、先生喜與奇才異能之士交、無論國中賢者、悉皆相親善、四方游士至水戶、必來見先生、前後締交者不可勝數、常稱華岡某_{鐵內人、未詳爲何州、}佐藤某_{阿波人、未詳爲何州、}爲其傑出者云、至如侯伯麾下諸藩士大夫、雖未嘗交臂接顏、然時贈答論說、猶莫逆之交、如此者亦甚衆、川路司農嘗稱先生經濟有用之學、其爲人所欽羨如此、

先生評戰國間人物、最稱北條早雲之雄才、毛利元就之寬仁、上杉謙信之剛明、小早川隆景之知勇、

建藝後人材則熊澤伯繼、政事則新井君美、德行則伊藤維禎、學問則荻生茂卿也、

先生常謂風土之弊、在勇有餘而智不足也、其見義不明、猖狂妄行、抵死弗悔者、往々有焉、當其一旦激發奮起、如大水俄至、不易抵當、而不能堅忍持久、以期克成焉、其才鋒發露、乏含蓄渟涵之態、斥深思長慮、畫遠大之策者、以爲迂緩不及事、是皆風尚所使然、雖其長不可廢、然其短亦不可不知所補也、

先生之學出幽谷、先生常稱其學問淵深、才識絕倫、

松岡先生年譜

十六

二百年來、國中人材、莫出其右者、講學之旨、斷々不可易焉、而其所發見、往々有與師不同者、未嘗泥守其說、每哂世之固滯太甚者、謂活動天地無窮之理、人之於學、不容如此、試看烈公之事業、與義公不盡同、則爲學之與治國、豈有異哉、學者不可不審斯意焉、

先生少壯慨然有翺贊皇道、扶植神州之志、十九著禦虜對、既已可見其一端也、故學生學問於此、最盡力焉、凡數千年間神祇氏族兵政、以至制度沿革、治亂盛衰之理、莫不悉皆考其原委、究其

本末因明 天祖照臨 聖神經綸 互萬祀而無渝 尊 皇室明神道 尚武勇三者萬古不可易之義立以爲爲學之原本至如漢儒之名教釋氏之性理西洋之利用亦莫不皆貫穿通曉辨析萬國之長短會萃古今之精英折衷斟酌以爲天下之用焉故其所著述如神記世書之類專明神州之大本靖海全書之類明時務之最急者時習錄之類明儒教之補於國凡作一文筆一語莫不皆裨益國家之事視諸空文浮辭沾々自喜者固不可同日而語也矣

先生聰明絕倫每自誦聖人人也我亦人也我盡吾力學之聖賢之域一蹴可到也其嚮學勇往直前不少屈撓孜孜矻矻少老如一蓋孔子所謂樂以忘憂不知老之將至者先生庶幾焉嘗謂老子權謀術數之祖釋氏離人倫而立教非士君子之學儒學之弊博而寡要也支離不明晰也至如朱氏之學失於束縛纏繞王氏之學至於猖狂恣睢盡廢講學之道二百年來學者輩出學問之道視古有光然其趨向率皆在漢而不明大本到底不免爲佛者之歸也國學者出而爭之忿戾乖錯不免

懲羹吹蠶之失要皆非中庸之道也嘗有詩云道家寶訣探精蘊濟洞玄文見性眞名教何如師孔孟英靈只合仰 皇神蓋自道爲學之梗概也先生常謂爲學之弊最在大本不明也學佛而愛其識心見性之理則一心信向斥 神爲佛之奴隸學儒而愛其禮樂文章之美則亦自貶爲漢之附庸古來豪傑之士大抵不免此弊蕩々流風至今未熄爲學多執一偏先入爲主自是非人或至陷異端而弗悟禍天下而弗顧豈非惑歟故學者必鑒古之佛者不獨以佛爲弊害者則爲學之方可

得而知也已夫學者學所以盡忠孝之道也天覆地載莫非 天祖之所照臨血氣含生莫非日嗣之所煦育人々所宜盡心竭力以圖報答者措此無有也天下之爲臣子者事君父以爲忠孝爲君父者事 日嗣以爲忠孝 日嗣事 天祖以爲忠孝然則忠孝者道之大本萬事萬物莫不淵源于此天以之覆地以之載人以之立雖千萬世不能得而易焉苟斯義之不明而能忠孝於君父者未之有也不忠不孝於己君父而能忠孝於 天祖者亦未之有也脫其深爲先入誤

猖狂恣睢、悍然自陷而弗顧、鼓邪說妖言、以眩惑
蚩氓者、眞神州之亂臣賊子、不容一朝居
王土食王粟、是人々所得而斬戮屠滅、無赦
焉者、天下豈有是人哉、取於人以爲善者、固
天祖所以立神州之意、然其溺而不返者、非也、
其排擯棄斥者、亦非也、大本一立、則天下無不可
之學、天下之學、皆有長短得失、不可不知其所取
捨也、夫漢之學、固善矣、然學天下守之、未足以護
神州於千萬世也、唯其與神聖之道符合、通萬
世而不可廢者、卽孔子之教、至其餘、則往々不免

松岡先生年譜

十九

有弊、不可不擇也、佛氏之爲道、固非正路、況其貽
害中國、不細、則有志之士、人人欲禁絕斷滅而
後止、誠非刻也、然平心論之、其大害國者、終竟古
人過信之之所致焉、至若其所長、則儒者或不能
及、彼其不遽廢者、理固有在、其害與否、要在我待
之之術何如焉耳、至如洋學、則其利害殆非佛之
比、而又有必不可盡廢之理、非淺學小才所得而
預知焉、由是觀之、則知學之不明、大本、則天下莫
非害、中國之學、苟能明大本、則天下莫非利、
中國之學、是所以學之、必以明大本爲第一先務、

也、嗚呼先生之爲學、網羅宇宙而弗漏、明神州
之大道、以立萬世之防、豈子思所謂致廣大而盡
精微、極高明而道中庸者、非邪、書以待論定之日
云、

元治元年四月二十二日

不肖男靖泣血謹識

松岡先生年譜

二十

我王父松岡先生、深受源烈公知遇、職在史官、編纂不怠、著書極多、皆未及刊行、件之生也晚、王父先人之風采、猶且不能知、安得悉其詳細、嘗聞之吾師栗田翁、當公勵精圖治、設學校獎勵忠孝、王父極言讜論不少回避、有意氣咆勃口角生沫之概、既而公參與幕政、鑄巨礮造大艦、苦慮焦心、無有寧居、王父悲憤慷慨、畫策萬言、時投筆蹶起、戟手罵洋

夷、觀者或怪以爲喪心狂疾、蓋其忠憤之氣、勃々不能自制而已、自王父捐館、今既三十年、墓木已拱、不能無蒼蒿悽愴之感、因印刷先人所編年譜一卷、頒之同好君子、庶乎可以見王父平生一斑矣、

明治二十六年三月

孫 件 謹 識

明治二十六年三月二十日印刷
明治二十六年三月廿一日出版



著者

故人 故豐

田小太郎

著者相續人兼

茨城縣士族

發行者

豐田伴

茨城縣水戸上市並松町拾九番地

印刷者

島連太郎

東京市京橋區西紺屋町二十六番地

印刷所

秀英舍

東京市京橋區西紺屋町廿六番地

宮内默藏 編

箕山浜野先生行實

明治三十六年（一九〇三）東京鉛排本

據明治三十六年（一九〇三）
東京鉛排本影印

箕山濱野先生行實

君名王臣、字以寧、通稱章吉、箕山其號、濱野氏、考諱義篤、妣緒方氏、文政八年乙酉九月十九日、生於備後深津郡福山東町、家世仕福山藩主阿部氏、君之生也、外祖小川儀助君祝曰、此子冀以文章顯於世、因名曰章吉、生未周歲、健步破履三、土俗周歲誕辰、行踰三步者、製巨餅、俾負而自倒、君則負餅尙能步、因推倒之、幼好讀書、甫八歲、從鄉先生習句讀、每夜往學、雖風雨未嘗廢也、及十二三歲、從學渡邊橋南、講誦每超儕輩、嘗讀韓文原毀、質疑義、橋南時事彫刻、持刀弄印、意不在書、君乃發憤曰、吾豈不能獨解乎、從是不復質問、反復考索、文義迎節而解、然資性善忘、或人呼爲遺忘生、君因作遺忘齋記、文頗可觀、其人大驚、當是時、門閥世官之風、牢不可破、君自顧其世系、無

由出身、不屑終身僕僕爲下吏、因有辭家遠游之志、作時務策二千餘言、痛論時弊、年十七、游於安藝廣島、師坂井虎山翁、翁喜君才學、欲養爲嗣、義篤君亦不忍以君爲俗吏、乃諾其請、而藝藩廳議、以無他藩人爲義子之例不許、於是翁曰、汝旣非福山人、又非廣島人、則爲王臣、而汝姓濱、與率土之濱莫非王臣、義亦相稱、請名汝曰王臣、字汝曰以寧、以寧吾少時字也、以祈汝安寧、且明爲吾義子、因作字說與之、時虎山文名大噪、四方來學者甚多、而藝藩子弟受業者、日數十百人、門人以次相授、君亦膺講讀之任、久而厭之、一日讀蘇洵上歐陽修書、至曰閉門終日端坐、讀書七八年、慨然曰、此法當學也、乃斷髻散髮、入一室不出、欲暫爲奇行、絕人事、以專心讀書、而物議紛紛、翁憂之、君乃歸福山、不出戶外者、三百有餘日、脰毛長殆及二寸餘、

讀書有疑、質之翁、郵書往復不絕、文之與學大進、作時務策第二篇、論學政、有校中置參議生、國政大事諮問、以救門閥之弊之說、君之歸鄉也、欲閉居讀書、以及三四年、而翁屢致書招之、不得已而還廣島、居一年餘、適伊勢津、學於齋藤拙堂土井竝牙二翁之門、時周防僧月性漫游四方、訪諸名家來津、君與之親善、月性乃拉君及拙堂嗣子誠軒、游大阪、出入篠崎小竹廣瀬旭窓奧野小山諸老之門、於是、君文名寢著、既而還津、有所感作歸農對以自解、又有秦始皇漢武帝、諸葛孔明論、求才策諸作、竝牙翁激賞之、時年二十二矣、虎山翁又趣歸鄉、自是之後、常往來藝備之間、與坂井氏爲通家之好、嘉永三年庚戌九月、翁沒、君自福山走弔、心喪展墓五十日、君憂虎山沒、而山陽文章無復資進益、與書仙臺齋藤竹堂、論文請交、偶聞齋藤土

井二翁皆祗役江戸也、乃東行、入昌平黌、月餘而去、時昌平黌學生某、致書齋藤拙堂翁、誹譏其學行、君爲翁作復書、辯駁之、將生葛藤、羽倉簡堂、居間解之、居本郷丸山邸、見儒官門田堯佐、論藩學之弊、責堯佐以學政更革之事、堯佐使筆述其論旨、進之藩主伊勢守正弘君、參政齋藤貞兵衛、度支藤田與一兵衛、公用人武田小藤太等、登其說、始有興文武學校、更革學政之議、藩主給君學資俸五口、遣堯佐於藤堂侯邸、請使君寓其邸內、就二翁學、於是移居下谷邸、君之在伊勢及江戸、從游土井翁三年矣、文成示之、不佳、則改削數回、未嘗受一字雌黃、其聽講僅原道一篇而已、然翁雖戲言詼語、每出於人意表、多所啓發云、時同藩門人田邊昌六、渡邊邦太郎二子從君、同寓於藤堂邸、爲執薪水之勞、以教學相助、嘉永六年癸丑二月、與昌

六同從拙堂翁、發江戶歸鄉、九月復拉昌六游津、安政元年甲寅、藩主遂建文武學校、行考試、廢限年就官之方、如採用君之建言者、而至其學制則大異所見、乃更論教養公子、置議員、及革句讀講說習書之諸弊、作萬言書、託江戶邸執政某、上之藩主、而其言竟不行、君亦不能自屈就繩墨、於是、藩特設文章寮、使君教育其子弟、亡何、廢寮爲散官、給七人口、使在家教學自適、當此時、海外諸國相繼來請互市、國是未定、物論騷然、君不復欲以文學立身、潛思砲臺及船艦之構造、刻苦積年、糜財不少、後翻然悔曰、是專家之事、非吾輩可爲、始傾意殖產興業、欲待時施行、而時事日非、君乃奉命、偵察四方形勢、掌報告、與參政齋藤甚右衛門、後號素軒同寓京師油小路、接諸藩士、固持國論、文久三年癸亥七月、長藩犯闕之變、與參政近藤圖書、俱趣江

戶、八月還京師、時同藩憂國事者數名在京、竊謀朝幕協和、切

冀幕府反省、執政山岡治左衛門

後號秋涯

安藤織馬、後號藤齋吉田助左

衛門

後號水山

連署上書於會津守護職、及板倉閣老、陳時宜、不報、

會藩主主計頭正方君、受征長之命、出軍屯于廣島、幕府急召君於江戸、途遇閣老某上京、謂君曰、聞貴藩二三大臣以下數名、倣外藩妄論時勢、宜加嚴譴、君曰、某雖不肖、內外之事、莫不與知、彼等所爲、皆出於憂國至誠、非有他心、如有觸忌諱、罪在某、謹待後命、時君年十六、閣老以其辯疏有理、不敢復問、然閣老既有此言、不得無措置而止、於是山岡安藤吉田諸執政、及參政齋藤甚右衛門、大監察大森操兵衛、皆命退隱、君亦自期不免、而幸得無事、安政戊午大獄之後、縉紳及諸藩志士、受幕府嫌疑者、多至死、而福山藩有志、譴責止於此者、蓋以君主賢

明、自引罪而不辭也、不然、則君等皆不免捕戮之慘矣、藩內有志、旣受嫌疑、不得有爲于外、君因建言、欲大開拓管內山林原野、使士族子弟土著、以爲國防、與吉田水山、齋藤素軒、首試之、築茅舍於山中、伍農夫而耕種、提鳥銃驅野獸、朝出暮歸、頗亦勉矣、旣而時事益急、君復入京掌偵察、幕府遂奉還大政、慶應三年十二月、君急歸福山、造藩廳、痛論大義名分、執政諸有司、環坐聽之、無敢可否者、獨儒官江木晋戈曰、君之論恐負德川氏舊誼、使人欲涕泣、君曰、餘人尙可、先生而有此言、吾亦欲涕泣也、東照公遺訓有之、曰、我日本國歲入約二千萬石、以千二百萬石、分與大小諸侯、其餘八百萬石、德川將軍領之、以護禁闕、然則將軍職權、及八百萬石者、勤王之資也、況於大政奉還之今日、唯當顧大義何如耳、寧暇問其他哉、論及日暮不決、期

明日而退、將出去、大監察河村九十九、招君曰、不圖世趣文明、如是、其夜前執政安藤藤齋寄書曰、今日之論、積年雲霧始霽、明日當贊子說、及再會、藤齋首表同志、無復異議者、明年正月、德川舊將軍在大阪、令本藩警衛其領邑倉敷、藩議不遽應命、使武田平之助與君同往問其故、七日、舟發福山、偶大風不可進、九日始達兵庫、會大阪城兵火、炎焰燒天、到安治川口、則執政某等避兵在舟中、君與平之助論爭曰、是非舟中傍觀之時、趣還土佐堀藩邸、執政既入藩邸、即夜使君赴京師、則戰方畢、幕府敗兵、死屍縱橫道路、與丁辭行、乃與金四十兩而發、比曉、到犬塚、則見一大牌、大書錦旗東征之令、聞君發福山後二日、正月九日長藩陸兵、圍福山城、薩藩海軍、迫鞆津、贈戰書、問國論、前執政吉田水山、參政三浦義建、側用人石川和助、迎長藩參謀杉

孫七郎、今手頑八上今之非伯爵於城內、問答數回、竟領舉國勤王之意、

解圍而去、其不至啓釁者、蓋君之持論、與有力焉、未幾、齊藤素

軒、武田平之助、皆來京師、會江戶邸藩士、脫走入東台、應彰義

隊、君與素軒議、致書於江戶及福山執政、使脫走之、徒復歸藩

邸、以故闔藩無一人蒙賊名者、然尙不免當路者嫌疑、素軒屢

見越前春嶽公、及參與廣澤兵輔、具陳事情、竟得無事、先是、藩

主正方君、病卒于福山城、無子、時屬多事、祕喪不發、而江戶邸

執政某、請德川氏、以支族某爲嗣、來京師、將申奏之、太政官、君

等駭愕曰、是大事、請者與許者、皆不辨名分也、德川氏而猶執

諸侯廢立之權、何大政奉還之有、論諍不已、某默然、臨去、使京

師駐劄官、作新居、函根、關門通券、欲傍記新主名氏、君等又爭

不可、戒記者曰、腕可斷、主名不可革、使記阿部主計頭、家臣某、

既而執政某歸江戶、廢新主、繼嗣未定、君與素軒、白吉田水山、謀之於藝藩寺尾生十郎、將請淺野長勳侯弟元次郎君、而舊友山中春助、傳岩倉卿旨、諭以於薩長宗支藩中求之爲得策、君與素軒、以藩議既定辭之、遂上請得允可、而始發喪、元次郎君得入立、今之伯爵正桓君是也、明治元年十二月、爲督事官、兼會計幹事、大更革學制、平生持論、漸得施行、君之學、專勉讀書、不用講說、大抵與物茂卿之說同、而又寢異其趣、曰、本邦漢文環回讀、音訓相半、而凡係訓讀者、皆譯也、解也、一讀直可了解者居半、讀之愈多、則解之愈易、不必須逐字句講說、又曰、學文、猶學言語、在都必都言、在鄙必鄙言、是自然之理也、只其所讀書、不可不撰、讀而得之於心、則言之長短、與聲之高下自宜、旣謂之聲、必要發聲朗讀、又須同訓點一聲調、與衆共之、此猶

與人併力舉物、人多則物輕、是以不知倦、然發音不一、則又猶舉物力不協、左支右吾而物益重、雖人多、爲何用乎、且漢文自與和文異、但環回讀、故不得不用和語以訓之、是其所以雖便於解書、不與原文襯和、而讀書每有隔靴之憾也、故欲學漢文、要務省和訓、不省則多附著閒言冗語、與原文相去益遠、今之附訓點於漢書者、不獨不留意於此、却欲多混和語以一原質異者、是兩害焉耳、君之見如是、故其督學也、漢文有訓點者、一切廢斥、代以白文、其導初學、先授爾雅釋詁釋訓二卷、曰、是猶洋學自短語始、一字一句、順讀易記、比之四子逆讀、難易自別、且豫爲他日解書之便也、行之未周歲、福山城市、童幼婦女、唱爾雅、如時謠云、時人或有目以異學者、君之說、異則異矣、然其異者、皆屬古人未發之見、行之久、則安知無有洪益於學者耶、

君又欲卜安那郡山野村馬乘觀音山、設藩學支校、使學生、講習之餘、跋涉山間、或從事開墾、艱楚備嘗、以矯文弱之弊、將起工、需木材、坂路險惡、難運搬、唯觀音堂前、有巨松數十株、可適用、村民呼曰天狗松、無敢下手者、君曰、學校非遊戲之場、其卜地於此者、將教育人才、以爲國家之用也、想是天狗所不惜、若有崇禍、余獨當之、命伐採、是以工事立辨、未閱月而竣功、乃使學生徙寓、每旬更代、馬乘距福山六里餘、君及係官、月數回、騎而往來、以監督之、福山管內、各村有學校之設、以此爲始、先文部學制、二年餘矣、振文教、既如是、其如武備、則養五大隊兵、警衛各所、尋又出軍函館、加之以凶荒、用度窮迫、不知所出、君乃建議曰、諸藩往往濫造金銀貨幣、以救一時之急、是不可倣也、然欲支不貲之資、勢不得不出於非常之舉、今若增製楮幣、資

之、拓斤鹵爲鹽田、定價售之、以收復楮幣、且待北國商船來、以鹽換金、則兌換有備、是化紙爲田爲金之策也、用度庶幾可支、議遂決、然福山藩楮幣、自天明年間、以大阪富豪五氏之名發行、稱五家銀主、藩府遇之甚厚、楮幣增減收散、殆墜其手、不得以藩議專行、適參政吉田豐文、與君同其見、俱往大阪、說五家銀主、以時勢不得復株守舊貫、自今以後、楮幣之事、藩府專任之、五家不復與之、然姑依舊貫存其名、以保倚信、五家皆疑懼不肯應、君與豐文、曲諭事由、約以楮幣一萬兩、報宿昔之勞、竟領收印刷器械、而豐文留大阪、主監楮幣事務、於是、用度始裕、開拓之業大興、當國家多事之時、其能養多數之兵、充器械彈藥之需用、且藩士削祿、減上而足下、使下士卒不遽失活路者、皆以楮幣助國用之所致也、二年六月、及藩治制定、爲少參事

時東京當局者、有唱廢漢字用假字之說者、大參事岡田吉顯、三浦義建、主張其說、胥議欲改學制、君曰、廢漢字、是廢道學也、非我所與知、因請罷、乃趣君東上、給月俸若干圓、不與職事、嗚呼明治初年、既有廢漢字之說、尋又設假字會羅馬字會、多雷同者、而竟不振、頃者又有唱言文一致者、有欲製新字者、紛論百出、不知所底止、蓋其意在計育教之便、而其便未必便、或恐其流弊有不忍言者矣、君之言、確不可易也、四年辛未五月、改爲權少參事、尋藩廢、九月舊知事阿部正桓君、移居東京、福山奸民、託名留舊主、蜂起放火各所、君家亦罹災、蕩然如洗、書籍文稿、皆爲烏有、十二月、補深津縣九等出仕、此歲太政官、令諸藩具申楮幣種類、及其發行額、有司議曰、戊辰以來、增加楮幣、不爲少、其中、凡二十五萬兩許、開拓竣功、直可償却、不足以累

政府、乃減數告之、而功未及成、會廢藩、不復得著手、因不得已、具申事情、舊知事及舊大少參事等、皆被譴責、君曰、我爲之、吾當任其責、乃與舊大少參事、連署上申、略曰、當維新前後、內外多事之日、國用及出兵之費、不貲、提封十一萬石之小藩、而養過制之兵、器械彈藥糧食稱之、以奔走朝命者、七八年、加以凶荒、每歲用度、出入不相償、理之宜然者也、要之、奉國力不當之朝命、故不可不養國力不當之兵、遂至用度不可支、不得已而有楮幣增加之舉、幸奏函館討伐之微功、所餘兵器、悉輸送熊本鎮臺、尙滿十五艘、是皆由楮幣、聊達勤王之志者也、況償却方、確有成算、雖事似隱蔽、實出於不欲多貽政府之累、願以開拓資金殘額、使得成功、太政官允之、於是、小田縣更命舊大參事三浦義建、岡田吉顯、齋藤素軒、少參事猶崎新藏、權少參事

津川右弓、爲修築掛、君則以小田縣權典事、兼任監督、給資金而責實効、殆將至成功、而六年癸酉七月、會大風災、沼隈郡高須、今津、松永、水吞、深津郡川口、津野下諸村、數百町開墾地堤防、多破壞、資金不支、更請八千餘兩之增資、至七年某月、始竣功、而楮幣全額凡八十萬兩、則大藏省悉兌換之、當是時、政令日新、更革相繼、其改地租、發行地券也、民情危疑、地價頓下、墾地所得之金、不及所期之十一、不啻不當增加楮幣償却之數、至充舊藩士族所醵、開墾地負債、尙生欠負、因更請其補充金、大藏省以其違前言、責問事由、君乃又代舊大少參事、草辯明書、曰、明治三年開拓着手之時、地價一段五十兩、今下爲十兩、最下則十餘錢耳、僅僅三四年間、低昂之差如是、洵如可怪者、然近三四年間、朝廷新令、相繼而出、自政體歷日稅法、至衣服

飲食之末、無一而不改舊貫者、則此三四年間之更革變遷、猶歷三四千年者、何獨怪地價之有大差乎、書上、大藏省遂許其請、而功過相償之責、全畢矣、八年八月、小田縣廢、君亦解官、初君之將應深津縣之辟也、與縣令矢野光儀約、欲大勸獎養蠶以立殖產之基、故赴任以來、以此爲一大要務、曰、是本邦天賦之物產、非以此爲國計、決不可與海外諸國并立、且今欲使五百餘萬無職無產之士族、爲有用之人、莫如俾養蠶、夫生糸者、外人之尤所好也、內外貿易益盛、資產相通、利害相關、勢不得啓罅隙、假令生物議、事亦歸平和、養一兵、寧不如植一桑、至有廢全國稻田之半、爲桑田之說、或人說君曰、備中川上郡布賀村、多山桑、可以養蠶、欲募資金起業、何如、君大贊其說、首投百金而助之、遂得同志數名、而從事飼養、布賀爲山間一村落、距

廳下笠岡、十有六里、運輸極難、而君與同志輸送養蠶器械、而供其用、及成繭、山桑不繼、蠶悉斃、衆皆沮喪、委棄其器械、任土人使用而去、自是之後、川上諸村、養蠶製糸之業、漸盛、初三備地方、無養蠶者、君自試數年、常曰、人皆以養蠶、爲奧羽信越專業、而不適中國風土、是大不然、蓋本邦自古以米麥爲國計、而中國之田、多有米麥二毛之收額、樹之以桑、其利極薄、且從來藩廳亦禁之、故罕飼養者、中國風土、固勝奧羽信越、其蠶業、豈有不若彼之理乎、今也、海外貿易、需用最多者、無如生糸、生糸之貴、其量與銀貨之量價相若、間或有過之者、今則生糸之量、與銀貨比較、其貴殆居五倍以上、是樹桑養蠶、猶地上拾金銀也、君之所見如是、時內務省勸業寮、創設製糸場於東京虎門、君建白縣令、遣職工、倣其規模、以設製糸場於笠岡、又遣女工、習泰西製糸之方、本邦府縣、

製糸塲之設、實以小田縣爲嚆矢矣、於是、君草拾遺篇二卷、詳論養蠶之利、頒之管內、有同僚異意見者、曰、欲貧、須樹桑、力反君說、而君不以爲意也、後有大阪綿糖共進會之舉、追賞讚岐國製糖創業者某氏之遺功、賜金牌、其略傳中、叙創業困難之狀、時人爲謠嘲之曰、作糖兮、先作菰、糖成兮、當被菰、久禮、佐登字天起多羅、古毛加無禮、蓋謂製糖者、其終必至失產爲乞丐也、君聞之、笑

佐登字津久良婆、故毛加良津

曰、有是哉、古今同感、寧我被菰養蠶、使人被絹、今也其言果驗、本邦蠶業大進、至與海外諸國競其盛、廢稻田爲桑園之說、殆爲勸業家常談、而誰知三十餘年前、君爲之首唱乎、九年十月、應內務省之辟、東上、十一月、補內務十等出仕、十年一月、任千葉縣三等屬、縣令柴原和、委君以開墾地窮民授產之事、維新之初、民部省、諭東京富豪三井八郎右衛門、小野善助等、三十

餘名、設立開墾授產會社、驅府下窮民及四方浮浪之徒、移住下總國小金佐倉原野、賦人荒地五反、使開墾爲產業、而規約曖昧、半途而廢、土地悉爲會社之有、於是、數千窮民、與會社爭地、苦訴百出、奸猾之徒、居間煽動、窮民携老抱幼、累累到內務省、乞救恤、洵爲縣內一大難事、君乃建議、請資金於內務省、購土地、且使會社低價賣與之、以履前約、縣令可之、凡君之所計畫、無不聽、其稟請內務省、及辯疏訴答諸草按、莫不出於君手、更柴原船越二縣令、而難解之訴、始平、君之奉職、殆與之爲始終、千葉縣賞其功賜物、十五年七月、任內務一等屬、掌地誌編輯、十九年一月、爲非職、君之奉職千葉縣也、以勸業課長兼開墾地授產掛、其所施設不少、然其人游惰事健訟、故雖不至大成、至今日、管內殖產之最顯著者、爲落花生、輸出金額、既不下

五十萬圓云、

見明治三十三年讀賣新聞第八千二百二十二號

初君到東京四谷勸農局試

驗塲、始見落花生種子、知其適瘠土、以爲開墾地下種無愈于此者、因請局員町田某、得數苞種子、播種之於管內郡村、獎勵莫不至、人民試培養、其收利出意外者、則自祕不敢言、其下種鹵莽而不顧、或被野鼠之害、收額少者、則携斗舛種子、迫縣廳請買之、其興產困難之狀如此、管內有落花生、實始於此時、而今則所到莫無之、遠近來請種子者、陸續弗絕、若通算及他地方之產額、則將不止數百萬圓、自昔殖產遺惠、及永遠者、以青木昆陽之甘藷爲稱首、自今而後、落花生之產、愈益蕃殖、則余未知君之遺惠、與昆陽其孰爲伯仲、是蓋君壯年廢學以後閱歷之梗概也、君之爲非職、時年六十四、友人片山重範、見其間散而身未衰、推薦第二高等學校漢學講師、君以久廢學辭之、

重範懇勸之、遂應其囑託、二十五年八月赴仙臺、掌倫理科、二十八年九月、任教授、高等官七等、叙從七位、十二月辭官歸東京、住本鄉西片町阿部伯邸內、二十九年六月、賜恩給金年額百七拾八圓、三十年三月、應陸軍幼年學校教授囑託、三十二年三月解職、君之官階、僅止于此、如與其功勞不相稱者、然其天福、則老而益壯、三女一男、無一有缺者、自爲第二高等學校教授以來、舊學再放光輝、其於倫理講義、根據聖賢格言、布衍詳說、務應世用、殆有化腐爲新之妙、其精神氣力、不似他人老而儉安者、其尙欲有所爲也、可知、蓋天將以壽康報其陰德、以所缺於前者、補之於後歟、君爲人寬宏、善容物、常曰、吾眼中、不見惡人、人之善惡、皆自取之已、以此待人、故雖有惡意者、久而服之、又善安分自遣、雖遇困厄、不甚介意、獨悔少時習書之過、

以爲畢生之恨、曰、使吾終身悶悶者、則書也、吾聞死於惡瘡者、爲瘡神、蓋罹不治難症、百方療之、竟於治瘡之術、有所發明也、余少小學俗書、

所謂和樣一稱御家流

習慣性成、不可復救、深悔其素習之

過、故又深知其受病之原、嘗試左手運筆、與右手苦艱、別於是、益知右手之無力、一坐於幼時習俗書以指運筆之逆施倒行焉耳、君之論書、殆如醫家講病理、指畫證明、娓娓可聽、因作習字解、皆係獨得之說、與他書家者流、論高而難實施者大異其趣、不知者、或疑其言之荒唐、然君之筆跡、右手雖不免艱澁、左手則健筆飛動、宛如出於別人、欲改習癖者、從其說試之、往往有驗云、

右箕山濱野先生行實、據其筆記與口述、編製之、先生少時從關西諸鴻儒學、蚤有文名、後執掌藩國之事、尋出仕于小

田縣于千葉縣于內務省、其功績可傳者、不尠、如夫明名分、理財用、開物產、皆爲可特筆大書者、余嘗一日謁先生、請作之行實、先生曰、吾儕驚下、無一事可稱、若有可記者乎、蓋棺之後、幸計之、余曰、人壽修短難期、蓋棺誰知其前後、今實非其時乎、先生曰、然則以子之筆、記子之意、吾亦何問焉、但有一言告子者、維新前、奔走國事之際、與吾共事者、爲齋藤素軒、吾之言、多出素軒之斷而行、吾猶服之有驂也、素軒即世、既垂二十年、吾不忍其行事湮滅、欲有所記述、然事與吾相關、有似自揚、故不敢執筆、負地下良友者多矣、今我事蹟、由子之筆而傳乎、素軒之行事、亦爲明白、吾心乃降矣、先生謙謙之意如此、是余之所以不願僭越而草之也、余亦有所感焉、夫維新之初、薩長藝備四藩、始起勤王之師、以問中國諸

藩之向背者、實自福山藩始、而以國論一定于勤王、不至啓
釁、從是之後、王師所向、如崩厥角、無敢一人抗之者、復古大
勢既成矣、雖名分已明、強弱異勢、其決去就之速、豈知無非
有所式於前者而然耶、且王政之初、諸侯繼嗣、經奏請而定
者、蓋亦以福山藩爲始、於是、諸侯廢立大權歸於天朝之實、
表襮于天下矣、邇者視而倣之、遠者聞而知之、此豈曰無少
補于維新中興之運乎、乃其冥冥中、焦心苦慮如先生者、亦
不可不謂之勤王之徒也、嗟乎先生之志業功績、既如此、而
位不副其器、末路沉滯、寔爲可惜、然先生之志、在于實効、區
區榮爵、何足以輕重先生哉、余與先生、以同門之故、夙辱其
知、頗得悉其平生、義不可默止、因一言及此云、

明治三十六年癸卯十月

辱知生

宮內默藏 謹撰

明治三十六年十一月十八日印刷
明治三十六年十一月廿一日發行

東京市牛込區白銀町三十二番地

編輯兼
發行人

宮 內 默 藏

全市小石川區掃除町三十三番地


印刷人

水 野 孝 作

全 所

印刷所

文 昌 堂



安積艮齋 著 木澤成肅 評

加藤清正傳

明治十五年（一八八二）東京刻本

據明治十五年（一八八二）
東京刻本影印

安積良齋著
木澤成肅評

加藤清正傳全

觀道處藏版

序



審其源流察其脉絡可蓄者
涵而傳之可疏者浚而通之大
小長短廣狹深淺皆有程度
蓋評文猶析水利焉苟不得
其法輕易興役匆卒從事水

序

則不能得灌溉之利又則不能
成達意之用也良齋安積先
生以鴻儒碩學著名幕府夙
著良齋文畧文名以藉甚友人
木澤君成肅嘗評先生所著
加藤清正傳示余曰僕平生

愛先生之文頃不自量叨評此
傳并補紀事未備者將以便
初學也余受而閱之文章析句
條理明晰先生之文多復餘
蘊矣苟使學者及覆沈潛詳
其法度以從事文章譬諸讀

序

二

水利之書考隆窪高低之度然
後興造土木衆工悉集一呼應
命也余聞加藤公亦精於水利
其治肥後也溝渠縱橫遍及
濠州灌溉疏通以利於民雖
老土功者莫乎不及矣吾且

取為讀此傳法

明治壬午十月

學海居士依田百川識



序

三

加藤清正傳

民齋安積先生著

男 安積重允校

後學木澤成肅評

清正立身之本胚
胎於此遷居

加藤清正大織冠公之裔也。祖父清信居于尾州犬山。隸齋藤山城守。齋藤與織田信長戰。清信死。之父清忠遷居于尾州中村。未仕。卒。清正早孤。母某氏與豐臣秀吉之母爲從妹。時秀吉尚微。仕織田氏。受采地百貫。因往依焉。豐臣母氏常置其側。撫愛甚。稍長。謂母氏曰。某承鞠養。今年既十五矣。願剪頂髮而執役焉。母氏悅。告秀吉。秀吉亦喜曰。

加藤清正傳

英雄能知英雄

清正能通兵機。晉
州及蔚山之役可
併見

彼兒姿貌魁秀。眼有光芒。酷類祖清信。後必就功名矣。賜秩百五十石。給事左右。嘗有殺人。匿於肆者。挺刀自衛。邏者畏不敢前。清正擊而仆之于地。秀吉喜其勇。加賜二百石。爲小侯人。天正九年。秀吉爲中國探題。攻因州。烏取遣蜂須賀家政。規形勢。清正從焉。清正曰。城東林莽。蓋有伏兵。君何不率衆往邪。家政弗從。既而伏兵起。清正取弓於腰。左右馳射。敵不能進。乃下馬。揮刀與家政奮擊。各獲首二級。還。秀吉喜曰。清正雖少。眼慧氣雄。家政殆不及矣。賜黃金一飯。加秩百石。時清正年甫十。

行文極簡極勁

加藤清正傳

勇而謙

忠勇奮發千歲之
下如聞其聲

言語雖嚴。誠即是
實。吾餘勇之語氣
尤妙

八層與城兵戰。多獲首級。秀吉圍備中冠城。命清正視杉原七郎左衛門所攻。清正與伊賀諸士俱行。見北門壘壁不固。大呼先登。諸士爭上。遂拔之。山崎之役。先鋒高山友祥欲專以一隊取捷。直過寶寺南門。秀吉危之。令清正往視。明智先鋒伊勢與三郎內藤半助連發鳥銃。銳甚。高山不能支。清正奮大刀。斬半助於萬衆中。以其首復命。秀吉討勢州瀧川一益。圍龜山。士爭登城。城兵近江新七勵士衆發銃拒戰。木村十三郎舉槍欲刺之。清正自傍馳至。縱新七肩。十三郎大怒。貫其腹。新七斃。清正顧曰。我雖先刺。而斃之者子也。不取其首。秀吉嘉其能讓。各有賞。天正十一年。柴田勝家與織田信孝通謀。掠江北。秀吉將出師。信孝又舉兵於岐阜。因國之連日雨甚。不能攻。俄而飛騎報勝家將佐久間盛政率精騎攻中川清秀壘。秀吉亟徇師疾發。清正奮曰。此役天下大事。而賤岳相去遠。苟不及焉。我無以見吾公矣。策馬疾馳。馬疲。谷兵大夫見之笑曰。子馬瘠矣。安能一日走二十里邪。清正曰。我有天生兩脚驢。雖一日行百里。奚難焉。且我於酣戰中。奪駿馬騎之。不亦壯乎。乃奔馬脫。

一句寫出盛政倨傲之狀極巧

山崎賤嶽二役皆大戰就其中特拔舉關清正者故布置似稀疎其實大得史家詳略之體

按朝鮮之役兵結不解秀吉欲自往

甲披蛇睛徽章自背子健步如飛初更三軍悉至賤嶽則盛政既殺清秀而目中無羽柴氏矣黎明秀吉令師衆發弓銃矢丸如雨北兵惶駭秀吉舉扇麾左右進戰清正舞槍與戸波隼人鬪猛氣咆勃一躍刺之益鼓勇衝擊當其鋒者莫不摧靡福島正則加藤嘉明平野長泰脇坂安治糟谷武則片桐且元爭進各斬敵將北兵失氣奔潰躡藉死者相枕于道遂滅柴田氏是日清正諸士勇勳軍中世稱為賤嶽七槍秀吉稱其功各賜秩三千石為隊長又命改其稱號清正初稱虎之助至是改

加藤清正傳

主計頭天正十二年秀吉軍敗於長久手收兵入樂田清正及堀尾吉晴為殿土寇蟬興追躡甚急二將身自搏戰全師而還十五年秀吉伐島津義久筑後肥後諸城聞風奔竄令清正守肥後宇土城義久降九州平以佐佐成政為肥後守護十六年成政有罪賜死讚州國主尾藤知定亦有罪國除秀吉召清正曰汝屢立戰功頗有將帥略今賞汝以國不識汝欲得讚岐歟抑肥後歟初秀吉以織田氏疑忌功臣故欲取明及朝鮮而為自全之計信長滅後戡定海內而猶鬱鬱不樂至是經略

征之長政犯顏車諫至以秀吉為孤憑若長政初和秀吉有伐朝鮮之意蓋伺其機徐徐諫之使秀吉至起無名之師且雖欲以二將為朝鮮先鋒何必賜肥後而後命之乎長政密告之云云可疑蓋賜肥後者實累年戰功耳非有他意也參補尾藤二洲曰清正當選保保騎二十人令部下舉其可用者有坂川者而自薦清正及老臣皆怪問之坂川曰臣父為君衝

加藤清正傳

銳捷堅非不善戰者而臣不能識其果堪保保否知人之難父子猶然況敢薦他人耶若我身則知之熱信之厚此臣所以自薦也其言從容其色自若清正數稱用之志益動淺野長政密告之清正乃拜謝曰殿下不以臣不肖錄其微功賜以大國恩寵至渥臣不宜有所擇然均受國也敢請肥後秀吉大喜因復召小西行長分肥後賜清正二十五萬石行長二十四萬石他日二將為朝鮮先鋒蓋兆于此矣清正就國居熊本城辟成政帳下壯士三百祿之悉改苛政誅不稟命者伊津將監據小森城不肯降清正攻殺之封內帖然小西行長亦就封令部內士民修宇土城志岐林泉天草伊豆守不就役行長遣伊知地文太夫將兵三千乘戰艦攻志岐城

形容清正勇敢如
見筆力快爽

匆忙中掃此一開
句文勢殊優美

鼓鼻矣士勇氣與
織田公稱戰時
同可謂有將略
以從女牆云云三
句形容防禦之強
故攻者之勇以謀
血一句盡奇拔頓
挫出人意表

外山上與城兵約夾攻時行長縱反間城中多叛者及期不能出主水知事不濟而還獨彈正不退初彈正出天艸自誓必戰欲襲清正清正使人謂行長曰吾子能圍城勿使出兵我當與彈正鏖戰乃分諸將為二隊清正自引麾下繼進諸將競上山清正危之親率十餘騎入先隊半為弓手所攢射敗走下山清正叱之不可於是怒甚橫槍突陣四面奮擊庄林隼人亦善鬪有一騎挾弓見清正微幟呼曰非大將邪予即山木彈正矣敢請獻一矢清正曰大將適相見而以長兵從事何怯也捨

加藤清正傳

五

○

槍攘臂逐之彈正亦投弓相向清正急取槍拋之貫其腿彈正墜谷死敵兵大崩斬首四百六十三級是日清正十字槍折其一枝云清正梟所獲首級於海濱林泉乞和開城去乃進攻本渡城天草伊豆守所據也城險不能拔清正會將士語曰諸士幸努力明日必當拔之矣因命酒拍掌起而舞且歌曰人是一世名則萬世壯哉武夫之志將士皆激昂翌日清正驅兵肉薄上城城兵從女牆列槍叢刺死者相藉將士奮不顧蹀血緣堞城遂陷斬首七百三十餘級伊豆守殺妻子自盡於是小

武夫而有棄特之
情是清正所以盡
忠二代

清正疾惡已甚以
旗章唐行長與以
茶無之事答三成
同是武人之意致

李補齋藤拙堂曰
朝鮮後諸將以狀
報于名護屋連署
花押加藤清正花
押字畫頗重良久
而成福島正則曰
花押易書為鈔不
然則病穢作違書
不得辨清正微笑
曰我必欲執戈戰
死違書無所須也
押字頗重亦何妨

加藤清正傳

六

○

西封內悉平實清正之功而行長不肯謝由此有隙矣十八年秀吉滅北條氏凱旋清正迎謁於參州岡崎曰殿下以神武平定天下振古所未有也尾州中村實為殿下梓鄉幸息駕以為一鄉榮何如秀吉悅清正多與金吏民行殿屏牆一夕而就秀吉益悅賜民田千石復其身文祿元年秀吉太舉征朝鮮以清正行長為先鋒賜清正兵書一卷旗一道旗署法華經題號秀吉封播州時織田氏所賜也清正退而謂行長曰吾子旗章將作何狀邪行長曰吾旗惟畫朱圈於紙囊足矣行長本泉州界藥鋪故云然秀吉知二人有隙故竝命為先鋒欲其相競立功也四月行長清正等列戰艦航海騎步十三萬餘人各分道而進是時朝鮮恬嬉日久武備廢弛民不知兵革我將士皆歷百戰兵仗精利旗鎧鮮明如涉無人之境行長潛拔其軍先諸將而發抵釜山攻其城拔之又陷東萊鮮人莫敢拒其鋒清正抵釜山已後行長三日大怒乃略熊川攻慶州諸城拔之斬獲三四千畱兵守之偕黑田長政鍋島直茂會行長于忠州議取京城行長曰都城已近請拈關分路而進清正曰違軍

罵以賈豎故犯其所忌不似將帥之語或當時武將樂如此描出現況妙

宗義智受托故以不語地利為獨謀小人忍所不能忍可惡

巧描清正不勝忿怒之狀如聞其齒齟之音

危險中又遇強敵而不屈所謂膽生毛者

令先發貪功今復不讓而欲竝進惟利是視何其類賈豎也行長大怒欲刃之直茂居間和解行長謂清正曰自此至京城有二道東門百里而遠南大門不過百里但有江阻焉惟子所取清正曰雖有江我取其近者遂分道而發清正托宗義智請鄉導義智為行長外戚故以不諳地利者與焉行長又陰使人奪江船清正發忠州為嚮導所誤路既迂至漢江又無船朝鮮都元帥金命元守江聞清正至張疑兵而遁清正望見鳧鷖戲北渚笑曰敵已遁矣命善泅者取其船遂涉至京城則王李

加藤清正傳

恥既逸而行長據之矣清正齟齬久之因與諸將會議分兵追王李恥入咸鏡道屯永興鍋島直茂尋至路傍有標牌曰王遁入大明王子兄弟從此去清正喜將追王子伐元良哈直茂諫曰鮮人所標安知非詭計誘我邪且孤軍冒炎瘴跋絕險遠入不毛之地非計之善也清正不聽留直茂鎮其地追王子至安城虜其二人使先導皆辭清正立斬之其一人懼從之於是從谷山經老里踰鐵嶺而北行北道兵使韓克咸以六鎮兵與清正戰于海汀倉北兵善騎射地又平衍左右馳突我軍

臨機應變之妙皆自剛毅不動心中生來

以言不通投印證之暗時妙計

按二人怒欲相刃蓋昨日之裏其翌曉儀太夫尊食至城也似有開文

戒師備夜襲以破敵思慮周密文亦周密無所不到

不利會日暮收兵入倉中韓兵來圍之矢下如雨清正列倉中穀粟捍之多發銃韓兵牆立中必疊雙死者十餘人克誠退屯嶺上清正夜分兵數千環敵而伏旦大霧克誠將下嶺而戰伏兵四起敵驚潰陷泥澤中殆殲焉克誠遁入鏡城又攻而拔之遂擒克誠時二王子走入會寧府朝鮮極北也清正竊追及之會寧府王子及從臣嬰城自守清正諭之使降許以不死王子悅請清正入饗因齎酒食而入從兵奔馳鮮人疑其給已彎弓圍繞清正執王子為質且授印為信鮮人捨弓羅拜清正

加藤清正傳

幽王子及從臣於鏡城令兵士警衛遂率師入元良哈攻一城城據山甚險乃率兵六百攀山瞰城發砲下壘石城將驚恐乞降森本儀太夫貴田孫兵衛爭先登怒欲相刃清正美其勇和解之儀太夫尊食至城孫兵衛亦至森本先乘城斬城兵有一兵軀幹鴻偉貴田與之格見殺清正退軍河上戒師曰聞都城不遠意當寅夜斫營夜半敵兵奄至三宅角右衛門坂川忠兵衛等奮擊破之清正追北黎明登山下視人煙頗殷蓋國都也急令士眾吹螺吶喊銃矢齊發都人大駭爭開門逃竄諸

可退則退可止則止退不失機非學而得之皆是實踐之功

乃去二字頓挫絕妙下繼以次郎云云開註最妙譬江河一息一變流水之妙於是益顯

猛將有仁惠當時武將所罕宜乎得人言也

仁而知禮當時除小早川隆景之外莫與比焉

士欲追擊清正不許火城而還依山結營元良哈來攻兵可三萬擊鼓列弓弩呼聲如狼清正爲圓陣外嚮和田備中井上大九郎大木土佐先衆進敵兵奔潰後繼將至會凍雨甚乃去清正收師入青州俘民後藤次郎本邦松前人漂風抵此畱住二十年頗能諳朝鮮地理清正以爲嚮導次郎曰天極晴見我富士山甚近云清正還鏡城以王子赴橘州韓南人梅太擁兵二萬據梁養山扼之吉村吉左衛門森本儀太夫等攻破之抵安平鍋島直茂相良長安迎勞更築一城使清正居焉自橘

加藤清正傳

九

州城至安平定爲清正部內收租稅清正盡心撫愛鮮民愛戴六年正月明李如松陷平城諸將撤寨會王城清正獨在咸鏡道聲聞不通明經略士宋應昌以經略使在遼東聞之曰此可以虛喝服焉乃使馮仲繆抵安平自言明國聘使清正汛掃營內盛戎服出迎仲繆使譯人宣語曰大明皇帝憤秀吉寇朝鮮遣精兵四十萬討之小西行長捨平壤而走天兵蹙之都城浮田秀家以下殲焉維爾存心仁義恤民無犯大明皇帝嘉之不忍殺汝汝其還王子兄弟速收兵而歸苟不奉敕天兵忽

大氣滄涼其節清正口吻

彼以虛喝來嚇我以實力答之安得不痛捷進去

昂身起坐四字見其人益長休備益短波瀾之妙

至殺汝勿赦清正應之曰王子我所擒豈可不白太閤而輒還之此地峻嶺橫前巖徑嵌巖能踰而來者日不得過一萬每日斬一萬四十日可了然後涉鴨綠江擣北京俘明王猶取物於囊底耳汝勿多談仲繆縮慄遁去元帥浮田秀家監軍石田三成等發間使召清正回師會朝鮮及元良哈兵圍橘州城清正擊卻之與直茂俱還王城營南門外諸將來見三成曰韓南人據開城絕餉路我兵乏食不如退而守釜山也清正曰非稟太閤命不宜弃王城也我提孤軍八千破元良哈數萬之軍

加藤清正傳

十

區區韓南人何足畏乎三成曰然則子何不親破之清正昂身起坐曰子欲使我破之乎我誓當破之即勒師衆而出時夜參半策馬疾馳大風且澍韓南人皆解甲甘寢清正舞刀直入斬其渠帥營中大擾諸士奮擊斬首虜不可勝計先是明人沈惟敬抵行長營議和將封冊秀吉二國罷兵還王子行長常忌清正擒王子又懲平壤之敗因元帥秀家報秀吉秀吉信之兩使往來和議遂成令清正還王子惟敬本市井無賴欲以講和圖富貴百方欺我而行長秀家等不之察也清正素不欲和

麥浦津坂東洋曰
清正渡海遇颶舟
欲覆沒水手稍長
訴曰海神崇甚無
所禱敢取人投與
庶幾可以免矣公
毅然正色曰人命
至重貴賤皆同殺
人自救豈忍為哉
必也無已則以汝
曹充之於是水手
奮操舟無何風波
歛卒得無恙

議至是不得已還王子王子寄書于清正臣加藤
左馬允以謝曰兩王子臨海君順和君自壬辰年
四月二十四日為日本大將軍主計頭清正所擒
即加禮遇一行下人并給衣糧撫恤頗至又稟關
白殿下到釜山浦許還京城其慈如佛真箇日本
中好人也況關白殿下雄傑無比待隣國王子諸
官稱存舊意懸其渡海使復于京其恩海深一行
之人其敢或忘後日若對日本及主計頭少有背
負之意非人也天地鬼神共罰之和議既成諸將
將退守釜山浦秀吉下令曰收使徐禮元守晉州

加藤清正傳

自我師入朝鮮攻
陷城堡無數皆省
父至此記攻守之
狀詳卷以見所以
清正熟為第一

城敗我兵須拔之然後班師清正素慎行長還王
子欲伐晉州沮和議乃先驅攻之浮田秀家毛利
秀元黑田長政諸將續進凡六萬餘兵立飛樓八
座俯瞰城中發鳥銃如雨城將姜希輔金千鎰黃
進張潤等能拒守黃進最驍健我兵乘夜登城進
血戰卻之我兵造土山俯攻之進封築高阜用大
砲破我營晝夜百道攻之凡十五日進中丸而斃
城兵奔氣清正造木櫃四輪車其製以堅木為櫃
形如龜甲反生牛皮裝之繫大繩進退號龜甲車
乃以此撥城址牆壞八九丈森本儀太夫先登中

不憚其君不顯誠
忠莫比

銃而墜黑田長政臣後藤基次繼登飯田角兵衛
把後藤甲帶跳上堞建微幟諸軍蟻附而上城遂
陷斬首六萬餘清正勲第一秀吉賜書賞焉清正
素與三成不和又與行長有隙及明使聘于我也
清正士卒劫之途三成以為口實譏搆百端秀吉
怒召還清正清正不以此怨望日夜修城壁付之
直茂乃飯直抵伏見秀吉不見人或傳將賜死清
正詣增田長盛語之曰我在朝鮮數年致死力建
勲績奈何為彼治部所譖將賜死增田曰吾子勲
勞天下莫不知雖然石田權寵俱隆若不與之和

加藤清正傳

稱石田曰治部一
句雖似贅言以見
當時人皆懼三成
之狀況著色最妙
復曰彼治部描出
不勝憤怒之語氣
妙不可言

怒三成遷之長盛
勇猛之人天真爛
漫往往如此以見
記事之巧

不屑非不懼罪以
見視死如歸之氣
象

則禍不可測且天下豈有稱石田曰彼治部者哉
清正悵然大息曰皇天后土實鑒此心彼治部者
恃寵作威福雖在朝鮮未嘗挺身接一戰惟諸將
之私是索媒孽成罪其心術鄙陋犬彘所愧我寧
伏斧鉞不忍屈節於彼治部以自污也抑吾子亦
非忠信之人也我暴露果城今方飯國不之他而
惟吾子之問吾子乃不倒屣相迎而坐延之朋友
之義固如是乎不辭去長盛大愧人皆危之清正
不屑也是歲慶長元年七月十一日夜畿內地大
震山崩壞裂民屋覆壓人畜死傷不可計伏見城

忠臣思君之情自忘罪在其身君安得不憂哉

從燭影脫之如不親而視之秀吉聞清正之情如畫

而進字寫得妙

蒲伏而入恐非實事然得此句三成

殿宇毀壞死者數百人清正登時率步兵二百馳入城則太閤及夫人諸妃皆席庭而坐矣清正謂侍臣曰今夕大震恐棟橈覆壓因率士卒以警之秀吉及夫人嘖嘖賞其忠誠於是清正抗言曰臣自航海入朝鮮日夜被堅執銳跋履山野不避祁寒隆暑今已五歲賴殿下威靈虜王子兄弟及諸從官孤軍長驅深涉不毛之境入元良哈殘破醜類又戰於橘州摧數萬之鋒親擒大將其他傳奏館晉州城功皆不落人後而殿下不之察顧乃聽小西石田之譖使臣就死臣不敢惜一死但自知

加藤清正傳

十三

無罪可死便欲一仰清光披露肝胆故隱忍至此臣心如礫日闔棺後當白於天下耳秀吉聞其言忠惻惻然心動從燭影脫之形貌枯瘠顏色黧黑積年苦戰狀可想因益憫之泣數行下既而顧侍臣曰夜間恐有不測之變命予舊臣守闥勿使外人入焉侍臣以命清正清正令其臣加藤傳藏加藤與左衛門大木土佐守四門少焉石田治部及列侯皆朝守者不納治部進自稱姓名守者進曰某等乃加藤清正之僕也三成大驚清正出賜聲曰侏儒來何遲也命啓扉三成蒲伏而入明日秀

警懼之情有生意
攬涕曰云云之語
既自昨夜欲吐
突口

蒙寵向死之人忽得無雙恩言賞賜不得不感泣

吉令大臣召清正鞠訊朝鮮兵事皆三成所誣枉清正據實置對詞氣慷慨感動左右秀吉攬涕曰汝何酷肖我也汝少長吾側能識吾韜略之要臨陣應變悉合機宜賜姓豐臣及寶刀一口清正感泣而出八月明冊封使楊方亨沈惟敬來秀吉見之伏見城僧承兌讀誥文至封爾為日本國王秀吉勃然怒曰我欲王日本何假彼力行長謂彼以我為明帝故班師乃反覆如是因欲斬行長及二使承兌等諫止之於是秀吉與清正諸將相議復用兵於朝鮮矣二年清正先諸軍入朝鮮復竹島

加藤清正傳

十四

舊壘與原雷釜山兵合攻梁山城拔之使加藤美作守焉沈惟敬在南原憂和議不成以為行長主和清正主戰不若先退清正因遺書曰三國講和將飯無為足下勸太閤敗之明主命邢總督以精銳七十萬將首擊足下足下速請和弭兵不然禍不旋踵清正答書曰吾每病朝鮮兵羸弱不足與較今當明軍作一快戰吾所願已惟敬得書不知所為乃因行長欲飯化明總督邢玠在遼東聞之令楊元要其走路捕而誅之和議遂絕清正略西生浦入全羅沿道城堡望風奔潰與行長合兵圍

民部迎入之、應使小姓然其結東及解甲得一革囊沈沈甚重見之米三升錢三百餘散在焉民部愕然問曰此間數舍無一敵何裝之嚴乎肥州曰然某間禍生於懈情我非不欲自遠然事非可豫測若無副急之備則萬一蹙跌前功空矣且士卒之情欲逸見我不甲則必至解衣帶我一身實為三軍視微豈可自懈乎民部感歎久之

登壇祭告云云大宇故鄭重以見總督期必克且此一戰彼有大關係而清正大破之清正軍功之大益可以見作者用心之密以土木未竣之城禦大軍攻擊而克之清正防禦之功殊大

黃石城下鼓拔之獲其將郭越趙宗道柳文虎我師遂分道赴南原浮田秀家步騎五萬清正為先鋒韓將權慄等屯雲峯聞清正至軍中驚呼曰夜義上官復來皆奔竄遂圍南原芟城外雜草稻禾積牆壁間衆砲亂放飛丸如雨城兵不敢外窺草束已平濠又堆積羊馬牆內外與城齊我衆踊躍而登城中火起敵兵爭逃我衆扼路亂斫敵兵俛首受刃適月明脫者無幾城將李福男任鉉金敬老等皆死諸將沿海為營互為犄角清正居蔚山城諸將胥議欲修蔚山城據其要害使舟路來往

加藤清正傳

十五

清正董其役又欲修舟路諸城往西生浦留加藤清兵衛小代下總等及秀元兵士在蔚山修築十二月明諸將邢玠楊錫麻貴高策等相議曰秀吉諸將清正最勇悍先克之則餘迎刃而解乃大會兩國師衆邢玠登壇祭告天地乃雷高策以絕釜山援路而楊錫李如梅等悉萃于蔚山期於必克蔚山土木未竣其役卒駭明軍至入告清兵衛清兵衛出戰陷伏大敗入城嬰守淺野幸長太田吉宗戶元繼將入蔚山屯彥陽雷斥候五百人於河上高策吳惟忠掩殺之幸長怒欲戰穴戶太田

繞得入城此句清正奮入蔚山之線路

以衆寡不敵止之幸長年少氣銳策馬而進穴戶太田繼之明兵見我兵寡圍之數重幸長力戰突圍走為追騎所蹙被數創殆危會部將龜田大隅殺敵將加藤清兵衛開門相迎纔得入城時我卒有為敵所俘者問清正在城否給之曰在焉敵懼稍退陣清兵衛幸長幸之欲遣使招清正難其人幸長近臣木村賴母請往馳詣機張告急清正曰彈正托幸長於我今急矣不可不救令部下亟舣船部將諫曰我兵在蔚山者過半今又雷兵焉則從士單寡以此當大敵徒死爾不如合諸將而援

加藤清正傳

十六

之清正曰不然蔚山我所鎮也諸將來會必曠數日明兵以其間陷蔚山人將曰清正畏太敵棄鎮城并奔其守兵則恥有大於死者且明兵出師千里屯營未整我以寡兵出其不意彼不我虞必無憂矣部下踴躍發船清正從兵僅五百著銀帽子兜鍪挾眉尖刀立艦指搗兵士意氣凜然舟馳如飛明兵數萬畏其勇倚壁而觀莫肯邀擊遂入蔚山城城兵勇氣百倍明日明將合諸隊來攻城城中寂然待其蟻附而上即投木石發銃矢死者山積是夜清正提數百騎所營殺傷無算明兵起飛樓

即非其守兵之言即所以部下踴躍發船之本將帥之言感人之深可以見清正英邁視敵萬明兵如螽蟴故從兵勇奮所謂一人之心千萬人之心

勇而有智且有勝略亦是秀吉之長處能學得之

發大礮火箭百道竝攻城壘震裂清正善禦之一日清正巡城中坐丘指揮明兵自北山俯瞰以佛郎機狙擊之死者數人衆愕眙欲避清正堅坐叱曰勿動既而丸復至迸丘下清正自若明兵謂準低乃擡架更發丸從頂上過清正曰可矣衆爭起而下明兵望見大喜準此皆虛發衆服其胆智明軍四面圍之地淖且時際窮冬士衆瘡痍我兵日夜發礮用藥煮彈中者輒死或謂楊鎬曰此城水道甚艱糧運難繼圍守絕之可不戰而屈也鎬以爲然列營分屯周匝圍繞於是城中汲餉路絕矣

加藤清正傳

十七

極敘困難之狀所以顯城守之功分數箸與士卒是所以能守城亦清正所化

使讀者不勝企望而後筆出赴援之事殊妙

夜汲濠水濠多屍水混血飲之以救渴或嚼紙煮壁土而食或食牛馬牛馬亦盡潛出城外取戰死者腰間糧將帥得一飯輒分數箸以與士卒天大雪守陴者凍餓莫能興而清正意氣自若然外無救援城中益困乃欲以謀緩師使人給楊鎬曰兩師相持死傷甚多請與子會議罷兵楊鎬喜將伏壯士擒之及期清正欲出幸長諫曰虜情不可測萬一有變君雖勇無所施矣諸將亦諫因遣人謝楊鎬鎬大怒欲急督兵屠城未幾沿海諸將各聞急赴援而楊鎬失氣矣黑田長政遣人偵明軍知

是役云云應那珍登壇祭告期於必克

雖有隙不奔而救其危若使與行長易地必幸之而不顧若子小人之別可以見

風餐雪卧四字含著多少艱苦殊妙優逸者云云藉起三成憤怨

其將遁告諸將濟河與明軍戰敗之楊鎬先遁餘衆二萬猶畱在河上長政又進擊之清正開門來擊明軍大敗僵屍盈野棄棄甲仗如山是役明人悉兩國精甲圍孤城一敗塗地而清正威名益震矣三年八月秀吉薨於伏見遺命還師黑田長政石田三成赴霸家臺遣德永壽昌入朝鮮密計諸將傳遺令諸將各撤營而還行長爲明將劉綎所扼殆危清正與島津義弘返擊拔之相偕上舟達那古屋長政三成見諸將慰勞之乃發喪哀臨三成謂諸將曰羣帥復命必皆就國明年秋請之期

加藤清正傳

十八

當以若燕相邀清正曰我在殊域風餐雪卧既經七年固不得與優逸者比無茶無酒惟將稗粥相報三成默然益銜之行長德清正之救己也欲釋前憾清正曰予亦欲之矣奈子善治部何由是行長亦益嫌之清正與諸將抵伏見謁後主秀賴就國四年朝謁秀賴必謁東照公饗待殊優以清正無室養水野和泉守女爲子配之是時東照公威德高天下三成行長等妬之將作亂密聚黨與煽動列侯列侯多從之五年上杉景勝起兵於會津東照公帥師東征清正適在伏見使人謂曰公官

清正雖不屬東軍戰於關原亦侵略西軍其六顯然東軍之黨一由於與

石田小西浦隱一由德川氏之字銘

清正曰不血刃取之者蓋欲使人說喻城將降也而過會捷報到也關原之戰不更敘附飛報之言非此傳所主也詳略得

貴望重不宜輕動不如遣臣及黑田細川福島池田等討之若恐不克須使伊達政宗助之猶不克公自將六師以征之未晚也何者三成候公至關東然後作亂於畿內以來攻之詭謀灼然公豈可輕動東照公謝曰吾子之言是矣然予生於將門又總軍國重事乃不自將而使他人當之是示弱於天下以辱家門予不忍為也吾子智勇超衆且為吾姻戚故欲使守茲城然九州恐有禍亂吾子其就國便宜從事可也於是清正還熊本既而三成果舉兵天下震動清正發兵略行長封內宇土

加藤清正傳

十九

見秀賴偕淺野長政來江戶見東照公時修拓江戶城與清正議之以其女配公子常陸介君其後東照公傳職於世子台德公老駿河清正朝大坂抵駿河謁東照公公命酒井忠世土肥利勝饗之酒闌二將謂清正曰肥州英武冠世然猶有可規者三焉不知肯聽否清正請其說二將曰肥州朝觀宜先詣江戶謁將軍一也鬚髯雖美亦甚髯駭人宜剔之二也方今天下又安又何所虞而遠途騎從者三百人冗費不少宜不過三十騎三也清正曰辱諸君厚諭然此皆不能奉教也予本一介賤士叨承豐臣公殊恩膺大國之封每自感激欲致忠盡焉今先江戶而後大坂無乃玷臣節乎剔鬚髯最是易事然於結胃纓甚便故存之以見不忘武也方今寓內嚮治然不可保其無虞一旦稟命征討安得徵兵於數百里外乎苟有精騎三百雖勦敵破之不難矣予平素所以尚儉朴存贏儲者正為此耳若以此為冗費而居貨積金是商賈所為予以深恥凡此數事非私乃社稷之事也諸君宜相共勦力贊成而反沮之何哉二將憮然而罷十六年三月東照公宴清正於二條城淺野

加藤清正傳

二十

二將之規似受家康肉旨先謁將軍是主消從者其次剔鬚髯全是陪而已

清正察其出內旨極陳欲報秀吉之

恩於秀賴之盛是以家康深憐之是所以有焉教清正之疑

京攝之人思望豐臣氏故使都人拜觀亦是慰安淀臺之一策

幸長與焉、公從容語曰、某居危疑之地、浮議搖動、久不見秀賴君、意者君年寢長、予甚欲見之、二子幸能調停得以相觀、則浮議息矣、二將許諾、還大坂告之、淀臺疑焉、清正誓之曰、主公設有不虞、臣等不敢生還、於是意稍釋、秀賴駕樓船入洛、福島正則稱疾不從、惟清正幸長率銳士警衛、東照公使人候迎、冠蓋相屬於道、從伏見乘輜、清正攝衣冠徒步從、東照公命揭轎、使都人拜觀、至則饗待備至、款晤久之、清正扶以拜辭、還大坂、是日幸長抵伏見、暴病獨、清正護而上城、視瞻詳雅、威儀

加藤清正傳

三

〇

天下美之見天下之心未去豐臣氏也、出剗劔於懷、應上、文不生還、煩燥不能言、猶以、後主為念、至攝、忠千歲之下、使人、感泣、此一段猶畫、工畫人物、畢點睛、至哉文也、呈東照公遺書中、必有緯緯托後主之言、材武絕倫、忠義出於天性、二句評盡、清正為人無餘蘊、武門之美亦盡於此、

甚偉、天下美之、既還、清正出剗劔於懷、捧之泣曰、吾乃今而復太閤之舊恩矣、是年就國、道病、至熊本熱甚、煩燥不能言、然會召諸臣、奏散樂相娛、且謂曰、我以後主見內府公、釋天下之疑、事將和諧、遽遇劇疾、豈非天邪、病革、全身焦黑、命侍史作遺書二道、一以呈東照公、一以告戒諸臣、乃卒、年六十一、實六月廿四日也、遺命環甲冑佩雙刀以歛、葬中尾山建廟焉、子廣忠嗣、後有罪國除、清正容貌魁梧、材武絕倫、忠義出於天性、自幼在行間、善用兵、大小百餘戰、未嘗敗衄、朝鮮晉州之役、斥候

自幼從豐公、經歷戰場、故投機敏捷、察敵情分明、皆是豐公所薰陶、鮮人受其攻伐、不怨而敬愛、庶幾有來蘇之意

言、城空人絕、諸將欲爭入、清正曰、彼潛伏誘我、未可測、兵法、日午而伏、至昏必出、請少緩以察之、果如其言、蔚山之役、明兵解圍、火楯而退、城兵欲追之、清正曰、是設伏也、薄暮伏兵稍稍出、圍復合、兵士問將軍何以知之、清正曰、軍後無殿、火楯示退、所以知其偽也、其達兵機、率類此、所過法令嚴明、秋毫無犯、鮮人畏其勇、呼為夜叉上官、至怖兒啼、又懷其仁、縱負息肩、致租稅不肯背叛、二王子及從官雖繫囚踰年、感其禮遇、回送後、使畫者寫清正真容、之、禮司李榮春尹起革等、與秀吉謝清正

加藤清正傳

三

〇

以重幣厚祿聘、健之士本出於平居儉素、不喜聲色

李補津坂東陽曰、清正晚年勳業延、孫令先生者受業、云嘗語人曰、前田利家及先好學、一日招宴淺野幸長、及余為誦臨大節、而不可奪也、君子人與君子人也、感歎者久之、時余不知學為何事、殆馬耳之東風也、近者

恩書有曰、壯武勇略、男子中之真男子、博愛寬洪、君子中之真君子、其為鮮人所敬愛如此、平居儉素、不喜聲色、惟以重幣厚祿、聘天下驍健之士、待之甚有恩、故麾下若加藤清兵衛、莊隼、木村又藏、飯田角兵衛等、皆一時之選、每戰必冒矢石、以死為榮、由是所向無堅敵矣、大木土佐本佐佐成政之士、仕清正受三千石、深感恩遇、及其卒殉死、金官者本朝鮮人、清正攜飯國、受二百石、清正沒、悲不自勝、亦殉、其得士心亦此類、晚年聘碩儒、藤原肅師事之、大閤薨後、與浮田秀家諸將會讌、

知讀論語朝夕玩
覽弗措始深感其
義矣若使利家至
今而存學術之効
爲何如哉蓋有所
爲而言也
憂豐臣氏之深乃
有此慨嘆
嘆利家之死爲効
主惜也今也兵馬
之權將有所歸而
已亦將死其苦心
何如乎如見雖勇
猛之將淚不能禁
大坂之陷有島津
迎秀賴之說忠廣
迎使居于熊本城
中之說未知據何
書

清正戰功雖多征
鮮之役爲最第一
今欲贊其功不得
不本於豐公雄略
太材條理整然不
苟
先敘豐公之所以
爲業主承之以當
此時三字輕輕喚
起清正戰功筆力
敏捷

岳羅奉檜比得願
當但豐公古今英

賴仰今昔相視慨然因爲之語曰曩予詣故大納
言前田利家利家言臨太節而不可奪此語宜服
膺時予方少不甚領會近讀書知此語出魯論乃
就惺窩叩之始知義理正大丈夫誠不可無此志
大納言蓋邃於學者伊人尚在天下應無此茫茫
豈不惜哉秀賴暗弱天下兵馬之權自有所歸清
正預知之構大廈於熊本廣千席臨死遺命忠廣
迎後主使居焉大坂之役秀賴自盡或謂城陷之
日忠廣潛迎之匿艙內以歸

野史氏曰豐臣氏起自布衣駕馭英雄鞭撻窩內

加藤清正傳

三三

〇

遂爲諸侯之伯位極人臣而征韓取明之志既已
鬱勃於胸間久矣是以天下甫定卽用兵於海外
先後七年至身薨而後已雖曰窮武黷兵然雄略
太材天地剖判以來所未嘗有不可謂之不世出
之英主乎哉當此時清正感會風雲展材力於一
時播威名於殊域斬將奪旗屢立奇績而讒臣莠
斐禍殆不可測幸而天降地震之變得以爆其忠
義之心豈不奇哉昔者宋岳飛用兵如神忠誠貫
金石率數萬之兵大敗金人方且唾手恢復疆土
而秦膾譏之高宗不悟遂下獄而死吾每讀史至

主高宗古今暗君
非可以過不及論
況豐公愛清正最
深所以三成之讒
不行

以熊本城外預貯
材木之事實清正
深慮遠算其志乃
妙自有餘惜
噫加藤公之忠勇
兼先生之雄筆深
然可畏歟也
予竊欽慕加藤公
之爲人嘗得此傳
於先生之男某喜
而誦讀不能休於
是也妄加楷評多
罪多罪

此未嘗不慨然掩卷而泣也夫清正之忠勇不讓
岳飛三成之讒有類秦檜而豐臣氏乃能開悟於
一夕立談之頃其過高宗萬萬矣蓋清正自幼在
側其愛之深而知之久矣故誣枉之罪易明也嗚
呼英武忠烈之士其亦有幸不幸歟熊本今爲細
川侯治城往年城牆爲風雨所壞將易其柱柱隱
隱有文字曰是良材不易得也沈在城外某澤中
後世易之者可取用焉遣人探其澤則材木果山
積矣其深慮遠算猶董安于之於晉陽梁武之於
檀溪非翅忠勇可稱已也

加藤清正傳


三四

〇

加藤清正傳 終

明治十五年十月五日版權免許
同 年十二月 出版

定價拾五錢



原著者
相續人

東京府士族

安積重允

東京麹町區飯田町三丁目六番地

評者
出版人

東京府士族

木澤成肅

東京下谷區下谷西町壹番地

發兌人

東京府平民

阪上半七

東京日本橋區吳服町十二番地

會澤正志齋 著

水戸烈公行實

明治七年（一八七四）東京徳川昭武刻本

據明治七年（一八七四）
東京徳川昭武刻本影印

天皇我詔旨良万故權中納

言從三位源齊昭朝臣尔詔

倍敕命乎聞食止宣布素利與

文事乎修免常尔武威乎振

比身乎殆危尔寄勢力乎治

道尔盡志神州乃將汚乎懼

礼百姓乃欲患乎悔美叡念

乃不安乎酸美忠心乃精誠

乎致須其志旦夕尔緩怠古留

登無久其謀寤寐毛停廢古留

登無志才智衆尔勝礼英雄

世尔顯流可久正直岐良臣

奈礼皇朝乃輔佐奈利有礼

志美多能母志美思門保之大

坐坐間尔此國乎離而彼國

尔罷退奴歲時積往麻尔憂

傷弥添比日月累行麻尔悲

歎數益留猶毛明淨岐情乎

叡感給比功勞乃事乎褒賞

給布故是以權大納言乃官

從二位乃位尔昇賜比贈賜

布天皇我敕命乎速聞食止

宣

文久二年九月十六日

先大父薨之三年

朝廷褒其功勞追贈官位

宣命如右及

今上登極又嘉其紹祖先遺志存心

皇室以身任天下安危明治二年十二月加

贈從一位後四年三月二十七日特賜祠

於水戶與其七代祖贈大納言合祀號曰

常磐神社嗚呼先大父之被

寵章如此實可謂希世之榮矣今謹揭

烈公行實

宣命置諸行實之首曰併錄是事以垂永世
云

明治七年八月

昭武謹識

水戸烈公行實

公姓源朝臣諱齊昭字子信號景山又號潛龍閣小名敬三郎武公第三子也母外山氏寬政十二年庚申春三月十一日癸未生於江戸小石川邸初名紀教後改今名公年四歲舉止如成人嘗請武公曰某不須乳母侍養願以士人代之武公乃命近臣二人為屬是歲始讀孝經明年始作和歌及長學大進著書作文議論風生往往出於人意料之所不及究極義理洞見形勢鑿鑿乎中其款要矣公年九歲始習鳥銃後學劍槍射御拔刀眉尖刀諸技究其蘊奧天姿英爽卓犖不群嘗疾行屋頂上觀者為之股栗而公顏色自如謂人曰視屋頂如平地則神閒意定萬無一失矣又嘗與侍臣試健步侍臣勉強疾走再三終不能及

烈公行實

一

烈公行實

二

文化十三年丙子年十七歲秋閏八月武公薨公哀毀過禮欲服喪三年以哀公礙國制不服公獨服則嫌於專擅故不得已服心喪三年文政元年戊寅年十九歲心喪闋冬十一月始學吹笙迨後學神樂野曲箏笛舞樂高麗樂悉皆練習無不通達及晚年學伏見家琵琶七年甲申年二十五歲公演習鳥銃一日千發自蚤朝從事至日晡其功既完眾人皆驚其精敏自是本藩諸士往往倣公之所為研究銃砲至有百發百中者此近臣皆謂公二十五歲時事不能的知其歲月也姑錄於此十年丁未年二十八歲冬十一月小石川邸災時事起倉猝邸中震擾公佐哀公指揮部分眾爭奮效力無有一人死傷者哀公大悅初公少庭上視蟄蟲動樹木發烟謂人曰是火氣之所感祥兆先

見必有祝融之災至是果然

十一年戊子年二十九歲春正月 公以
火災故徙居駒籠邸邸中士人有汗稻荷
祠者尋為狐所魅 公以世俗謂狐為稻
荷神使乃遣使神祠諭其宜宥赦罪過狐
魅立除

十二年己丑年三十歲秋九月 哀公疾
病 公時居駒籠邸請徙小石川邸侍湯
藥不解衣帶者累日 哀公薨遺命以

烈公行實

三

公為嗣 公哀戚過甚作和歌言志辭意
感人冬十一月十八日謁 大將軍文恭
公尋叙從三位任左近衛權中將明年拜
叅議

天保元年庚寅年三十一歲春正月賜書
羣臣曰文武為人之道群臣當盡力研
究故不數數下令唯其勤惰當後日精覈
以施賞罰凡諸臣欲言事者當作封事不
拘所由呈進以聞自是後言路大開諸臣

民爭言事矣 公自罷封來黜陟諸臣悉

當其宜銳意革弊圖所以振政教裨時務
者屢召内外官問事或言不宜問外官

公曰凡我諸臣無内外大小皆一也若有
可問雖步卒召之亦何不可之有衆人皆
服無有復言者 公久為公子稔聞上下

放縱貨賂公行羣飲沈酣風俗大壞狀故
首革驕奢淫佚之弊崇尚儉素戒飭甚至
乃定淫聲慢聲之禁尋禁門松初午端午

烈公行實

四

等禮俗之過侈秋九月下令使家臣在國
者悉皆綿服綿服謂木綿衣在邸者除詣營禮儀
外衣服務從儉薄以贍甲冑兵器之用矣
是歲省作宮殿費用手書引古人箴諤投
河使衆迎飲之義以其金賜之賑封内鰥
寡孤獨窮苦無告者

二年辛卯年三十二歲春正月合郡奉行
所轄常磐濱田紅葉八田大里大子河原
子七部為東西南北四部東北仍常磐濱

田舊廳新築西南二廳於梅巷二月禁上
已雛飾奢侈夏四月六日娶有栖川織仁
親王女

三年壬辰年三十三歲秋八月二十五日
公以寬政中幕府命故使諸臣乘海舟
銃擊鯨魚以習防海之備

四年癸巳年三十四歲請莫府獲允就
藩春三月五日至水戸城即日召見執政
以下諸臣翼日臨彰考館使總裁會澤安

烈公行實

五

讀大日本史作梅花歌題之楹柱賜宴而
罷自是後每月朔至彰考館試儒生講經
參府後命總裁試經以為恒例二十三日
作告志篇諭國中諸臣其大意謂予以無
似玷三位列三藩日夜戰兢思所以安定
國家撫育士民者恭惟

天朝

天日嗣照臨宇內

幕府承東照宮之正

統予為威公之裔胄卿等宜體乃祖

乃父之意弼予不肖各效忠力使吾不負
天朝莫府之鴻恩顏淵曰舜何人也我何

人也有為者亦如是孟子說性善言必稱
堯舜吾欲學古之賢君良將卿等宜學古
之忠臣義士君臣一體圖顯揚於後世不

亦可乎自元和建索來二百有餘季上下
大小飽食暖衣坐享太平之樂是果孰之
力也其可不思所以報答焉耶蓋孝經所
言自天子至庶人各從地位以行孝道若

烈公行實

六

夫舍目前之君父欲效力於

天朝幕府者非僭則亂其罪不可追也夫

忠孝一本文武一致此天下之大道人人
之所當勉勵若謂外此有大道者皆是異
端邪說誣世惑民者概不可從也所論九

十餘條文長不具載秋八月朔日大風民
家倒壞者一萬二千餘公即日命恤諸
臣縱鷹鷄發內帑賑民人被灾者十五日

聽儒臣講經畢謂鈴木重矩等曰曩命崇

尚儉素君臣悉皆綿服吾固不欲使卿等
服賤人之服然士大夫為民之表率上行
下效不可不慎凡飭武備敷道藝非贍財
用則不能也況今秋暴風五穀不稔卿等
宜體吾意益崇節儉修飭武備以轉禍為
福其諦聽毋忽又諭臣室有別業田園者
宜使家臣土著之意冬十二月始置櫻野
牧

五年甲午年三十五歲春三月 公詣

烈公行實

七

鹿島香取神社上殿奉幣夏四月叅府秋
公以

太祖山陵荒壞臣民悲慨故建議于一莫府

欲及二千五百奉期自年天保十一年歲

五穀實二十年也圖其修復以祈

寶祚無窮武門昌熾蓋繼義公之遺志也

公又以蝦夷北接魯國西隣滿洲為中

國北門鎖鑰屬島遺魯國蠶食後來隱憂

巨測且本藩以尾紀封疆狹小交際儀物

彼是相同國用由是日絀故請賜蝦夷為
封地躬自臨莅開拓鎮撫驅遏異類長綏
北方議皆格不行是歲置磯濱友部大治
三所防海兵友部大治物頭率步卒出戍
磯濱物頭自府下遙制指麾以時巡視至
壬寅歲六移住其地如友部大治例

七年丙申年三十七歲春正月 公以國

用窮匱請以公女嫁臣下省進奉之物

減儀衛之數乃謂有司曰夫三家以下諸

烈公行實

八

侯居江戸邸以衛護幕府防備非常故

也諸家臣皆以營法勤戍不容少有怠懈

今世人誤認旅寓以為本宅若一朝有變

則兒女啼哭張皇百端必大妨忠勤宜定

番上交代之制發遣邸中諸士歸國有司

議論紛紜公催督不已自春至秋執政

至諸士當留者留當歸者皆上道北歸乃

初新莊於城西以賜歸國諸人無家者夏

五月命山野邊義觀為海防總司葉助川

烈公行實

九

無有饑殍流離者

堡以備外寇是歲大饑公一日詣營視饑民斃於道甚慘悽還召有司曰人無貴賤一也吾豈忍視蒼生之饑餒乎汝等盡力賑濟勿使國民一人餓死諸人聞之感泣郡奉行乃發稗倉穀公稗倉義所建轉富者粟變糶糶法所以賑救存恤之甚至公與君夫人躬食餽粥痛自貶損潔齋禱鹿島吉田靜神公之精誠用心政事如此故凶荒雖甚乎封內之民皆安堵樂業

烈公行實

十

器者我藩兵備盡飭戎裝皆完則人心帖然安靖諸人皆服公之前識秋八月任權中納言

九季戊戌年三十九歲春三月西城災

公獻臣材一萬及龍盤大將軍大悅明年賜二寶刀義景賞之先是公有惡夢

慮大城之災諭老中以戒慎預防之意又使郡奉行吉成信貞等預備材木未幾西

城罹災公即日獻材陸續載途幕府

驚其神速故有此寵錫也夏五月始置床

几迴以國中游倅可用者百人為之是歲公上書莫府論天下大計後屢有所建言

言

十一季庚子年四十一歲春正月以經界

學校等故請幕府就藩公以戎服行

禮未足以習戎事欲大蒐於原野以試甲

作進退奇正分合之節乃請獲允三月二

十一日命諸臣均服蒐於城南千束原旌

旗連空鎧甲耀日觀者自四遠而至滿街

塞野不知其幾千萬焉因獻所獲禽於

莫府是後每春以為恒例辛丑歲則以文恭公薨故轉

春蒐為秋獮夏五月小石川邸灾秋七月十八

日公薨笠衝雨至野口村二十日至成

澤村觀郡奉行丈量田畝路程七里馳馬

頃刻而至二十二日命郡奉行以萬金糴

穀運之倉庫八月以學校未成請弛在國

一年期幕議允之冬十月命倉奉行脩

烈公行實

十一

常平倉法以為非常儲蓄十一月以士人

貧窮故許借官財者悉皆除放不償貸私

財者逐年完償不出子錢定借貸不許收

重利不得典兵器當金銀等制是歲

上皇崩公聞之建議請上諡號復古制

廷議從之遂上諡曰

光格天皇

歷朝宿弊一朝而改公之力也

十二年辛丑年四十二歲春二月使諸臣

書其職掌所當務及古今沿革同異進之

三月二十三日至大能村閱牧地二十五

日踰入四間高鈴二高山山路極險艱

公舍馬而步緣巖沿谷趨捷如飛經助川

堡循海而南至那珂港而宿路程九十八

里是日諸臣或困頓不堪而公意氣自

如夏五月命鑄工鑄巨礮於神崎鑄工盡

力為之然後前慣鑄鳥銃不慣鑄巨礮故

失費精銅無算慙懼欲自殺公曰始鑄

烈公行實

十二

巨礮錯謬當爾非鑄工之罪也宜再三鑄

造以成為限及再鑄復失公怙然不怪

命重為之鑄工益慙惶伏地請罪公曰

自今後吾當一一指揮以就其事若有缺

失則吾之過耳不關汝輩也乃數數臨視

指授方法至明年重鑄則一舉而成秋七

月幕府有命許公在國枕延至五六

年公奉義公遺志經營學校使諸臣

議所當祀之神衆議紛紜不決公曰道

之大原出於

天祖然

天祖

天子祖至尊無上人臣安得踰分而祭之翼
天祖之大業留威靈於茲土者武雷神也

宜建鹿島之祠明唐虞三代之道為君

臣萬世之師者孔子也宜營聖廟乃造記
明言其義撤第三郭士大夫宅初學校名
曰弘道館如文武禮樂射御兵法銃砲操

烈公行實

十五

練醫學數學等各建館設場文有講習居
學寄宿等寮武有對試世俗謂合併如派
新陰流真陰流合為水府派八重垣流新
涼天覺清流長束派合于長細派類
初如山流類諸事射則用大侯銃則演騎
砲凡所以使諸人脩道藝務實用者其經
畫條理井井乎大備矣是後文武師職督
率諸生課業試藝日夕無懈至秋季冬初
公親臨視較其能否行黜陟賞罰歲歲以
為恒例及公致仕後則執叅大臣代莅

告今公以行黜陟是歲公獻所著丙

丁錄慎德公手書言忠信行篤敬六大
字賜之

十三年壬寅年四十三歲秋九月以莫
府號令嚴飭海備故命大鑄巨礮先是

公以巨礮為防海必需之物每歲出內帑
鑄造至是謂群臣曰封內土瘠民貧常憂
財用不給然幕府大命實銘心腑不容
不欽遵恪守也昔者松平信綱毀佛像以

烈公行實

十四

為錢吾意欲鎔銅鐘銅像鑄砲佛以捨身
利人為教必當協其意也乃諭封內佛寺
進鐘像鑄攻守諸大銃藏之武庫冬十一
月命鈴木重固山國共昌等始肄銃陣名
曰大極陣

十四年癸卯年四十四歲夏四月公從
慎德公謁日光神廟五月慎德公賞
公勵精政事親賜寶刀鞍鐙黃金副之老
中傳命書有宜繼義公遺志益勵誠忠

之語 公深感悅思所以報答 大恩者

乃有崇神道排異端之命六月就藩是歲

知道館中醫學館落成 公親作贊天堂

記言宜明 大己貴 少彥名二神之道

中國藥物自足不必須海外諸物產之意

設藥園養牛場於館側凡所製奇藥如酥

酪紫雪紫金錠千金錠等類甚多 公夙

喜種痘術以世俗拘泥舊習執迷不悟試

之 世子納即言今及諸公子播其術於國

烈公行實

十五

中及獲牛痘法益用心勸督命醫官巡行

分種是後人民絕無痘死者恩澤沛然遍

被於一國矣初 義公以國內多淫祀僧

徒不律故明禮教定法制沙汰澄清風俗

一變至是淫祀復盛僧徒多放縱無賴

公乃命寺社奉行申明舊章修神祠之荒

廢賞僧徒之善者諭破戒者歸民其尤甚

者謫罰之至明年春改 東照宮原廟祭

法以遵 義公遺意是歲獻八洲文藻於

天朝 莫府

弘化元年甲辰年四十五歲春經界竣功

賞賜執政以大班士大夫田祿初自 威

公行均田之政以來既已歷二百年之久

故經界紊亂田疇易所富者稅輕貧者役

重兼并豪奪貿易為奸派弊滋生不可勝

紀 公深憂之與諸臣熟議就國以藏其

事乃置掌繩者每部各八人二人為偶率

吏民從事乃以繩索丈量田畝度其廣狹

烈公行實

十六

長短辨其善惡肥瘠郡奉行與會計官定

三等賦法執政叅政以時巡視督勵決衆

議之紛紜凡大小戮力黽勉從事閱五歲

其功始成乃大作諸臣采地文書凡秩百

石以上 公親自頒賜或有憲百石以上

其數寔蕃 公倦於頒賜者請賜小臣使

執政代之 公哂曰人君賜臣下俸祿何

樂過之吾固欲多賜與至於勞倦也乃悉

親頒賜士大夫在國者其在江戶邸者使

世子代焉夏五月六日公以幕府命
來府致仕孫于駒籠邸世子襲封高松
守山長治三侯輔政

二年乙巳年四十六歲在駒籠邸秋八月
先是公著明君一斑抄至是作序遺之
老中伊勢守阿部正弘大意言宜以仁為
本禁奢侈用人言刑期于無刑治不忘亂
排異端攘戎狄等當今急務正弘答書稱
公之誠忠且言其書既呈大將軍閱覽
矣

烈公行實

十七

三年丙午年四十七歲在駒籠邸
四年丁未年四十八歲在駒籠邸
嘉永元年戊申年四十九歲在駒籠邸
二年己酉年五十歲在駒籠邸秋九月二
十一日慎德公臨小石川邸以孝文夫
人係公妹故也公率諸公子謁焉
恩命鄭重賜物甚多
三年庚戌年五十一歲在駒籠邸

四年辛未年五十二歲在駒籠邸
五年壬子年五十三歲在駒籠邸春二月
以大日本史紀傳剴劘悉成公親作跋
使今公獻之

天朝幕府且遣使告群公廟夏六月上
表獻地球小樣於

天朝

天子甚嘉賞焉冬十一月二十二日被召詣

營謁慎德公是歲始築神勢館於細谷

烈公行實

十八

村砲場長五町世俗稱曰五町矢場使士大夫練習銃砲

以便防海之備以省勞民之費凡自教師

至諸生銃卒工人所居及廳屋倉庫製藥

所類大小盡備用民力每日三百工至明

季落成又明年開館從事

六年癸丑年五十四歲在駒籠邸夏六月

三日洋舶入內海老中伊勢守阿部正弘

來問措置事宜公作書論十條五事又

諭今公獻巨礮七十四口時承平日久

恬熙為習，人民不識，巨礮為何狀，聞公奉獻盛事，爭來聚觀，且請牽其車以助，故道路無阻，不日達江戶，又有由水路而至者，公盡獻之，以供防海備邊之用，且獻地球小樣，秋七月，公以台命，與聞海岸防禦機務，自是日日詣營，初辛丑歲，公以巨艦為禦戎必用之具，請下令製造，以飭海備，莫府以礙舊制，不許，不得已使洋學者譯洋書，造洋樣小船，藏之船廠，時烈公行實

十九

時練習至，是邊警日棘，幕府變通，允所請，首造旭日船，乃命公掌其事，公使家臣鑪重時作之，專一委任，責其成功，重時盡心力，為之至勞，勤得疾，以死，迨丁巳歲，巨艦遂成，有服章金幣之賜，是後諸邦放效造巨艦者甚多，冬十二月，莫府嘉公忠勤，歲賜廩米五千苞，是歲徙居小石川邸，安政元年甲寅年五十五歲初，公以退

老後預大議，中心不安，故陳情辭免，不允，春三月，有司與米人會議於橫濱，開長崎下田箱館三港，公固請解任，夏四月，幕府諭以有事，則當詣營，是月，皇宮災，秋九月，改築那珂港礮臺，冬十一月，公以行官湫隘外患迫切，故思有紓宸憂手製琵琶一面，曰關白鷹司公通獻之，

烈公行實

三十

二年乙卯年五十六歲春三月，莫府賜望遠鏡一架，公作文以紀寵榮，公以從前軍制不合，時變多年深思新制，銃陣前後中堅各列大銃，使小十人少士掌發，其長官指揮焉，盡廢弓手長柄手陣制，已定夏五月，召福地廣延即神勢演之於後樂園中，即所謂太極陣法也，秋八月，莫府復命，公聽軍國之政，增賜廩米五千苞，公固辭不受，冬十月，地大震，殿屋

第舍崩壞壓死者甚衆。公露坐園中畏慎天戒。賑恤被灾者。嘗憂耶蘇邪教之爲後世大害。閱明人所著破邪集。親製序文。命上梓播之天下。尋復使儒臣纂息詎編至。康申歲而成。

三季丙辰年五十七歲。夏六月復練銃陣。於後樂園下令戒飭。狙擊齊發。裝銃演放諸事。秋九月使小十人兼磯濱河尻河原子防海銃務。鄉士六十人副之。

烈公行實

二十一

四年丁巳年五十八歲。以莫府命故。三遣使老中言措置米國事宜。冬十二月下令戒飭。併合調練砲戰槍戰事。

五年戊午年五十九歲。春三月

天子以夷狄爲神州大患。國家安危所係深軫。

皇情。

勅令三家以下諸侯各進所見。夏四月老中傳命。公言宜嚴京坂江戶警備。以衛

護。

君上六月公贈書大老老中論馭夷事宜。二十四日公與今公及尾張公俱詣營。言條約宜聽。

勅旨以從事。秋七月五日公以幕府命重孫于駒籠邸。

六季己未年六十歲在駒籠邸。秋八月二十七日公以莫府命徙居水戶城。萬延元年康申年六十一歲在水戶城初。

烈公行實

二十二

辛丑歲公患胸痛。歲餘方痊。至是大發作。然公天資豪邁。飲啖不衰。精神如舊。故亡論外官。雖近臣暫御醫師。類不謂其深可憂懼也。秋八月十五日夜與諸公子閱樂譜。諸公子退。俄而疾大作。命召執政大臣。是夜三更晏然薨于正寢。國人聞之。皆哭泣失聲。如喪考妣。納言公請幕府獲允。日夕奔赴居喪。哀戚追慕無已。命羣臣議謚。僉曰。惟公有神明靈異之

德然人臣之分，遵奉禮度，固不得以神為諡。公夙秉忠誠，深慮夷狄之為患，震耀威武，以揚英烈，衰俗改觀，後人慕仰，謂宜諡烈公。納言公曰：善。諡號於是乎定矣。九月二十七日，遵喪禮，葬于瑞龍山先塋之次。是歲元夕，弘道館、武庫災。七月，大風，城垣傾倒。公所手植康島祠後杉樹，枯。衆謂為不祥。至是，公薨。公風儀端莊，顧盼煒然，英敏天成，知人善任，經綸之務，

烈公行實

二十五

無時，而或倦信賞必罰，令行禁止，故積歲宿弊一朝丕變。國人駸駸乎皆嚮於義方矣。平居愛客，好士，談笑怡怡，無少長，皆盡忻懽。其所交遊，如鍋島侯齊正、伊達侯宗城、真田侯幸貫、某某等，皆一時之俊傑也。公秉忠孝大節，尊

天朝，敬莫府，如正歲拜

闕，詣營等，諸禮儀盡遵。義公家訓：凡上表必威服稽首，執翰書之，不使人代焉。有

大事建議於幕府，必躬親起草，作疏投諸老中。故群臣雖執參近侍，皆不能知其所言為何事也。其在國，每朝必遙拜。莫府及孝文夫人甲辰歲，以台命屏居。駒籠則閉門戶，禮服儼然端坐。終日侍臣恐其盛暑坐暗室有傷身體，請稍從優寬。不聽。至戊午，屏居亦然。其禮服至終久皆破弊而弗易。及徙水戶，始脫遺之。今公其敬恭台命如此。公博綜文武材藝，絕

烈公行實

三十四

倫。九劔槍射御禮樂書數歌詩之類，莫不精究。最善銃砲，有百發百中之妙。嘗鍛刀劔獻之。幕府用為日光拜神時佩刀。又遺之。老中大久保忠真、水野忠邦等諸人皆驚嘆其精利。及營建弘道館、好文亭、神勢館等，公皆自經營，規度作圖，指授及落成，莫不悉如其意。其他散樂放鷹燒窟彫刺等事，公皆優為之。然是其緒餘耳。今不能殫紀。公嘗曰：誓婚姻，忽人地，而

論貨財養子舍血脈而取權勢非古之道也傷風敗俗漸不可長乃命定法禁又嘗言鑣倉英勝寺以英勝夫人故建設夫人實子養南龍公威公吾捨女為尼而紀伊則否武公欲除弊事有宜廢住持之命以大姊之請不得已養內女為尼即今英暉院也時年幼無知言予為尼剃髮則將加簪何處乎侍女聞之皆哭泣夫以幼弱為尼廢綱常絕倫理非宜忍為也今後

烈公行實

二十五

長從禁止假令養女斷不許為尼乃使今井惟典書其事藏之寺社局公用心經濟有閒暇則親執筆著作使諸臣討論潤色如景山詩文集景山詠草八洲文藻不愠錄要錄丙丁錄不忒雜纂潛龍閣雜錄武家女誠景山藥方山海庶品仙傳祕方明倫歌集息詎編等類其他撰述甚多不能殫紀後人就書推究則其德業庶幾乎可窺矣公資性節儉不喜華飾除朝

儀大禮外澣衣麤食供賓客不過鹽豉汁飯鷄卵羹在國必貨布外被伊賀袴國人翕然化之屢下令戒飭祛淫奢浮靡之習然至於裨補國家救濟生民之務發英斷而為之雖費鉅萬萬計莫顧也故無論其營建學校如剏製作所造硝所陶器所反射爐前後大功作可以見已嗚呼公之盛德大業至矣盡矣蔑以加已其料天下之大勢憲夷狄之大患所建白論說於

烈公行實

二十六

幕府者無不皆驗於數十年後焉公之明遠矣哉其撫闔國之臣民數無涯之恩澤惠鮮涵育日夕不懈故大小悅服爭效心力及其薨也皆慟哭喪氣或有憂傷殞生如李平廖立者公之仁至矣哉其當天下之大難禦國家之大菑剛斷果決確然不動實為中流之砥柱故臣民欽慕英烈砥勵節義奮發激昂至于今弗衰公之勇至矣哉若其論建獲用志業得遂則

振神州之威武，絕戎狄之覬覦，固非難事。而措世於泰寧，躋民於仁壽，復上古淳風之盛，亦可跂而及也。何昊天弗弔，一旦奄忽，使後人揮千古之悲涕，謂之何哉？嗟呼！公則逝矣，然其聰明正直之資深，計遠憲報效國家者，豈云如此而止矣哉？其至剛至大之氣磅礴，鬱積充塞兩間者，豈云如此而止矣哉？想當作明神左右，帝側降福降災，護佑萬姓，威靈顯赫，亘千祀。

烈公行實

二十七

而如新猶菅原相公也。否則

皇神之遺訓，聖人之所言，皆絕無徵驗，覆載之內，豈容有此理邪？納言公茶蓼之痛念，念無忘，既下繼述之令，復命臣等編集公之行事。夫公之德業至矣，盡矣，如前之所言者，臣等謏劣，何足以窺其萬一，然其純忠至誠，恪勤藩職，鞠躬盡瘁，終始一節，對越天地，無所愧怍者，雖臣等亦明知之，焉得緘默無言而已哉？唯平日所聞見

善政善教凡百，行事欲殫而紀之，固非朝夕之所能辦也。因舉其綱要，錄為行實一卷，謹呈左右，以待後命。

文久元年辛酉夏五月

臣會澤安

臣青山延光

臣豐田亮

臣國友尚克謹識

烈公行實

二十八

林忠（羅山）

撰

惺窩先生行狀

天保三年（一八三二）中村直道抄本

據天保三年（一八三二）
中村直道抄本影印

羅山林先生文集卷第四十

行狀

惺窩先生行狀

先生姓藤原諱肅字欽夫播州細河邑人也其父
曰爲純所謂冷泉家也世食邑於細河故先生生
於此永祿四年辛酉也幼穎悟不常甫七八歲投
龍野吳東明長老誦心經法華等皆諳焉人呼爲
神童一旦祝髮爲浮屠名曰薺東明師景雲寺長
老成九峰姓大江氏所謂儒而入佛也先生從事
筆研其所出自可知矣博學禪教兼見群書弱歲

來洛洛之相國寺普廣院泉和尚者先生叔父也
當時推泉爲強記泉嘗謂衆曰我對薺首座則難
開口其所居曰妙壽院後歸播見赤松氏善遇之
故從赤松氏遊于洛于伏見之間先生雖讀佛書
志在儒學天正十八年庚寅朝鮮國使通政大夫
黃允吉金誠一許箴之來貢豐臣秀吉公命館之
紫野大德寺先生往見三使互爲筆語且酬和詩
時先生自號珠立子許箴之爲之說以呈焉有一
相者見先生曰公是精神滿腹太聰明曰唯自聰
明可也太字如何相者曰是公之癖也先生笑而

不言十九年辛卯博陸侯豐臣秀次令長老周保聚五山詩僧於相國寺題詩聯句先生初一會而後不復赴衆強之不肯或誘秀次旨而詰先生先生掉頭曰夫物以類聚如韓孟相若而後聯句可也若否則如隻脚著木屐隻脚著草鞋與其不耦也必矣吾不欲耦千偈也秀次不悅先生避之赴肥州那護屋見豐臣某金吾金吾者秀吉公之猶子貴豪少年也時時潑水激人滿座如雨以爲歡笑每見先生必敬之停此戲一日金吾拔童刀削撒金匣厨金盤如視艸芥先生諫曰公子雖富貴

而不宜爲之事則不當爲也余吾納其言是時有
朝鮮之役秀吉公在那護屋列國諸軍從之
源君御譯公同來會先生始獲謁見既而先生行
遊豐之後州爲西海之壯觀文祿二年癸巳赴武
列之江戸執謁於源君命令讀負觀政要閑暇
作四景我有文爲東関之遨遊又旋洛僑居環堵
蕭然讀聖賢性理之書思當世無善師而忽奮發
欲入大明國直到統陽泛溟渤逢風濤漂著鬼海
嶋先生常慕中華之風欲見其文物雖然其盛志
不遂而歸先生以爲聖人無常師吾求之六經足

矣慶長之初少將豐臣勝俊號長嘯子好詠倭歌
且多藏書聞先生名而招之共晤語評論六義風
流蘊藉又摘莊老數語以告其崖略朝鮮刑部負
外郎姜沆來在赤松氏家沆見先生而喜日本國
有斯人俱談有日矣沆曰朝鮮國三百年以來有
如此人吾未之聞也吾不幸雖落干日本而遇斯
人不亦大幸乎沆稱先生所居爲廣胖窩先生自
稱曰惺窩取諸上蔡所謂惺惺法也本朝儒者博
士自古唯讀漢唐註疏點經傳加倭訓然而至于
程朱書未_レ知_レ什_レ一故性理之學識者鮮矣由是先

生勸^ス赤松氏^ニ使^シ姜沆等十數輩^ヲ淨書四書五經^ヲ先生自^{ヨリ}据^ニ程朱之意^ニ爲^ス之訓點^ヲ其功爲大^ニ又取^テ文章辨體考^ヘ之本集^ニ加^ニ寫釋箋^ヲ且增^ニ其所未載者數百篇^ヲ用捨隨意^ニ撰定爲編^ヲ名曰^フ文章達德錄^ト後以^テ今時人不知^ル作文規格^ヲ故^ニ据^ニ集古今名公詩話文評^ヲ撰^ビ著^シ達德錄綱領若干卷^ヲ使^シ田貞順栢允等繕寫^セ之^ヲ世^ニ醫意庵宗恂見^ユ先生^ニ先生問^ヒ其術^ヲ相共語^リ屢及^ニ曆數運氣病論方劑之事^ニ恂技術有^ル進^ミ以此先生戲語^ヲ人曰^ク我非問^フ彼^ヲ彼來問^フ我而已^ニ先生以爲^ラ我久從事^ス於釋氏^ニ然有疑^ヒ于^ニ心^ニ讀^ミ聖賢書^ヲ信而不

疑道果在茲豈人倫外哉釋氏既絕仁種又滅義
理是所以爲異端也於是赤松氏聞之遣童男婢
奴奉仕焉先生不拒又勸別構一室安聖牌以擬
大成殿試使貞順等諸生肄釋奠禮此禮既絕久
矣庶幾以微漸而後遂大行也四年己亥治部少
輔石田三成居佐保山使戶田內記某召先生將
往而不果明年庚子三成敗死於是赤松氏自殺
先生甚慟秋九月幕下入洛先生深衣道服謁
幕下欲聽其言時有浮屠和尚承兌及靈三者與
先生舊相識頗自負文字掌侍秀吉公公歿仕于

幕下時允爲僧司錄謂先生曰有真有俗今足下
棄真還俗我不唯惜執拂拈鎚手而已又爲叢林
惜之先生曰自佛者言之有真諦有俗諦有世間
有出世若以我觀之則人倫皆真也未聞呼君子
爲俗也我恐僧徒乃是俗也聖人何廢人間世哉
允不悅或人招先生承允靈三壁間掛草書一幀
皆不能讀先生即能讀之或曰凡草寫者難讀真
書者易讀先生曰不然能讀真者亦能讀草衆益
不悅一座皆驚一日先生在御前讀漢書及東
萊十七史等或時允謂先生曰今若勒合船渡大

一日先生在
御前之語
應改在幕
前
以家原得
爲御前哉
通者者蓋

紹使之人乎

明則以足下爲專對乎曰遣明使亦有利乎曰有
曰有利則和尚自爲之豈其使我爲之哉先生亦
不欲出意謂夷齊雖不仕周亦當知武王之恩四
皓雖不仕漢亦當知高帝之恩況於草莽乎遂隱
居放言人罕見者九年甲辰賀古宗隆偶居洛道
春初見先生于宗隆宅論道學評文章床上有論
語太全開之叩以數條先生爲之辯析且告曰今
所問我亦十餘年前嘗有此疑也又曰我非翅嘉
其利智只嘉其志而已伶俐者世多有而立志者
寡矣又揭陸舟二字令道春作說不覺日之晚也

辭去翌日寄手簡曰深衣一領道服一領以備製
法深衣兼依國服之式春遂製逢掖以著之且作
陸舟說以呈之先生語宗隆曰近時皆驢鳴犬吠
也故久廢筆研今失道春起予者韓山片石可共
語耳自茲往還不絕春呈四書知新日錄先生曰
此吾未見之書也不日而還曰道春且從注意而
看歟春同母弟東舟子永喜初見先生先生曰今
弟亦志學乎可謂奇矣先生欲見象山文集而世
罕有焉春始謄一通以示之先生悅使紹元者寫
之又欲見周禮儀禮全經春從搜周禮全經于秘

府以呈之先生愈悅十一年丙午長嘯子在東山
別墅招先生吟風弄月信宿而去此歲先生赴南
紀蓋太守淺野幸長招之也其所待尤謹弱浦有
管神廟太守請先生誌其碑銘又爲太守抄經書
要語三十件許添倭字之註解爲一小冊便于冥
楮備於顧諟是爲政之存心資治之守約也太守
甚喜此時元古栢允從行戶田帶刀爲春永原松
雲等屢來訊請先生講古文真寶其以太守賄賂
渥厚故遊于紀冬往春還者有年矣一旦道春惜
別而饒先生手自執延平谷問書曰此延平工夫

之心法紫陽傳習之門戶也。今我示之，非無意也。
乃謝去。既而道春遊官赴于駿府，其後意庵之子
如見杏庵正意，得庵玄東道庵三清等，有時而謁
見先生。十八年癸丑秋八月紀別，太守淺野幸長
不祿，先生哀之，乃往弔之，以埋太守齒骨於高野
山。故先生遂登鼎峰哭畢而歸。先生好山水，愛花
草，嘗與負順遊西山，順父了意有心匠，決桂川漕
自丹波，先生駕一葉以游，洵焉所到，所見題其名。
而賦倭歌，所謂群書巖氣象，巖浪華隈鳥，船灘觀
瀾磐陀是也。道春歸自駿州，往訪先生，先生植竹

於南庭庭前有都勾樹故其往履尺牘自稱曰竹
處又稱都勾墩洛北市原山中有百餘弓地先生
欲與道春俱行遊市原春有公務而不果先生時
時獨往乘興吟詠春與後藤即共奏白請建庠序
於洛教授生徒乃許令相攸擇勝以縱觀之甲
幕下謂即曰道春自欲居庠序歟別置誰歟對曰
妙壽院歟時適有大坂之軍而其事遂閣不果有
肖推寺某者トモモ家頗藏書來問先生者數矣或時某
見窓前蜂窠欲殺之先生以其無螫故止之某起
揚扇頻欲撲之先生遂放蜂後與肖推寺絕交片

田左門氏鐵問通鑑綱目先生開首卷講溫公名
分論先生所居在相國寺東鄰爲春道庵同里閑
故先生每病多飲道庵藥掌戲曰我無藥價彼不
實價道圓新鑊白氏文集先生每一二卷板成不
待全部先取而見之曰我讀香山詩文愛其風流
偶爾是可慰悅目下先生常慕彭澤之爲人也故
古畫彭澤小影往往題贊焉一且見林兆恩桃源
寓言有云武陵人捕魚爲業者謂心之活鱖如魚
之悠然自樂也山有小口豁然開朗者謂方寸地
雖狹而心本廣大也避秦時亂者謂離俗塵也後

遂無問津者謂心學之不明于後世不行于天下也先生讀之至此微笑曰此所謂陶淵明有志於我道也元和五年己未夏五月
（應故家）源君御諱公發
自東武而入洛侯伯群卿大夫皆從之細川越州太守忠利聞先生之言論甚慕之忠利與淺野米女正長重相善長重者幸長弟也共會先生忠利等請講太學先生爲折衷衆說以告之先生閱林子良背心法有云背字從北從肉北方屬水陰也南方屬火陽也南之而居前北之而居後今以心之火之南而洗之以背之水之北者周易所謂洗

心退藏於密也先生以下良其背兼山良故自號曰
北肉山人所謂不以其山而僻之而以天下萬世
之山以爲山者天下萬世之山人也斯其爲孔孟
之山人也豈集許者流哉此歲道春以揭夕顏巷
三字於小軒告先生先生曰夕顏巷字奇哉於是
作俳歌并序以寄道春焉秋九月十二日先生卒
歲五十九先是戶田氏等相謀請先生而德憑執
事者徐白幕下幕下亦掌知之然以時而未
急徵先生易簀嗚呼命矣哉昔宋帝召程明道爲
宗政寺丞未至而告終君子深惜之又爲斯世惜

焉雖然用則行舍則藏命不足言也斯人如是命
耶非耶先生幼學至壯不急出入於釋老閱歷于
諸家兼習日本記萬葉集歷代倭歌詩文等其間
讀聖賢書而後棄異學醇如也故精義析理殆如
破竹未曾勞其力也嘗曰我所讀人所讀其文義
何異然則諸儒註疏凡識字者皆可讀唯所貴則
得之言表而可也凡知先生者推稱中興之明儒
不知先生者妄以爲無師無傳夫道一而已矣人
能弘道不可須臾離也有見而知者有私淑者有
百世之下而興起者有千里之遠而一揆者故百

姓日用而不知昔仲尼沒千有餘年周茂叔獨接
不傳之統道不在茲乎若先生則是歟是又我
朝之景運天下文明五星聚奎之際歟不亦盛乎
豈以一時一人之私言疑天下萬世之公論哉春
所見聞僅記其畧而況於其所未及見聞者乎先
生已沒其片言隻字落乎人間或獲者珍藏之其
殘藁遺書纔存者將行于世先生左眉傍有黑點
三寸餘眼有重瞳子平居雖斷髮不冠然或餘其
頂髮不厭長人甚異之而憚其嚴不能問其故性
嗜酒然或經旬不沾唇或痛飲輒醉而不亂常不

好^マ往來^ニ雜^{カフ}還^ジ然^モ接^{ヒテ}人^ニ欣^{ナル}然^{キハ}則^ヒ竟^{モノ}日^ニ坐^シ談^ス不^レ已^ニ或^ハ有^キ
來^リ問^フ者^ヲ隨^ニ其^ノ人^ノ品^ニ以^テ教^ス誨^ス焉^ニ然^モ如^シ撞^{ツカ}鐘^ヲ則^チ或^ハ小^キ鳴^{ナリ}
或^ハ大^ハ鳴^{ビタル}矣^ニ先^ニ生^ノ不^レ出^テ而^{シテ}道^ニ益^シ高^シ於^ニ當^ニ時^ニ先^ニ生^ノ能^ク言^テ
而^{シテ}道^ニ益^シ行^ル於^ニ後^ニ世^ノ者^ヲ乎^ニ以^テ此^ノ歲^ニ某^ノ月^ニ某^ノ日^ニ葬^リ先^ニ生^ノ
于^ニ萬^ノ年^ノ山^ニ相^ノ國^ノ寺^ニ某^ノ院^ニ某^ノ地^ニ某^ノ林^ニ疊^テ石^ヲ而^{シテ}封^ス樹^ス之^ヲ
細^シ川^ノ氏^ノ淺^シ野^ノ氏^ノ戸^ノ田^ノ氏^ノ其^ノ外^ニ吊^{スルモ}者^ヲ多^シ矣^ニ先^ニ生^ノ有^キ男^ヲ
小^シ字^ヲ曰^ク冬^ト有^リ女^ヲ既^ニ笄^ス矣^ニ先^ニ生^ノ歿^{シテ}後^ニ明^ノ年^ニ庚^ノ申^ノ某^ノ月^ニ
某^ノ日^ニ羅^ノ浮^ノ子^ノ道^ノ春^ノ謹^テ狀^ス

按^{スルニ}先^ニ生^ノ作^ル此^ノ行^ノ狀^ヲ屢^ニ易^ス草^ノ藁^ヲ又^ニ有^リ親^ノ筆^ヲ一^ニ
通^ス參^ス考^ス之^ヲ則^ニ互^ニ有^リ詳^シ畧^シ異^シ同^シ然^モ今^ニ以^テ行^ル於^ニ世^ニ

清書載於此

林恕
撰

羅山先生年譜

國書刊行會大正九年（一九二〇）鉛排本

據國書刊行會大正九年
(二九二〇)鉛排本影印

羅山林先生年譜

羅山林先生集附錄

年譜上

天正十一年癸未

八月某日 先生生於京洛四條新町

町在坊門

錦小路 先生姓林氏出自藤氏之餘流其先在

加州爲士族其後移紀州其祖曰正勝產三

子長曰吉勝次曰信時少曰周堅既而正勝

沒三子皆幼隨母自紀州移攝州大坂經年

三子共成長自大坂到京師遂住焉吉勝從

俗薙髮改名理齋爲一族之長娶小篠氏無

子信時娶田中氏產 先生誕育未幾理齋

養之爲子小名菊松麻呂小篠氏愛育之猶

實子

十二年甲申

十三年乙酉

先生三歲 同母弟信澄生

十四年丙戌

先生四歲八月二十三日遭母田中氏之喪

隨俗用浮屠法諱號妙尊

十五年丁亥

十六年戊子

十七年己丑

十八年庚寅

先生八歲穎悟不常頗知俗字有一浪人曰

德本常來理齋信時宅讀太平記 先生傍

聞誦誦人皆異之

十九年辛卯

文祿元年壬辰

二年癸巳

三年甲午

先生十二歲既通國字讀演史小說粗窺見中華之書記憶不忘時人歎曰此兒之耳如囊其所入不肯漏脫

四年乙未

先生十三歲元服號又三郎信勝乃登東山入建仁禪寺大統庵古澗慈稽長老室讀書時有誦蒙求者傍聞而通習焉既而讀唐宋詩文求東坡全集於市手自加朱句以終編人皆嘆美之其本今傳在忍文庫十如院永雄長老者大統庵接隣也先生時時往遊焉雄多藏書先生粗就觀之雄稽每考故事語未得其出處則問先生得之者數矣此時兩僧在五岳有強記之名其於先生如此故世人稱曰又三多智如文殊自此夙興宵寐

螢雪之勤無敢怠也嘗患眼歸家保養踰月

又入東山

慶長元年丙申

先生十四歲今茲永雄講南華口義其所援用屢請先生校出之雄又講白氏長恨歌琵琶行先生校雄所藏諸書作之註鈔人皆稱奇才

二年丁酉

先生十五歲在東山既三年無書無夜吾伊不休學業日新東山僧徒皆議曰此兒不可置於俗間使之爲禪僧則爲叢林之魁楚遂勸出家先生不聽今茲夏衆僧詣京尹前田玄以訴望之玄以使其屬松田氏告理齋信時兩翁答曰唯是隨兒意也衆僧謂官旣許之乃欲誘先生剃其髮先生不喜潛

出寺歸家誓曰余何入釋氏棄父母之恩哉
且無後者不孝之大也必不爲之父母皆喜
其志之堅也官亦不强之

三年戊戌

先生十六歲在家學問不怠其名彰聞先是
讀元亨釋書嘆師鍊之才至是再覽曰彼哉
彼哉今茲偶求事文類聚讀之而博識故事

該通詩文其本今在恕文庫

四年己亥

先生十七歲 頃年借文選六臣註於永雄
每日讀一卷六句而畢又借前後漢書於永
雄數月一周覽之其後吉田玄之新刻史記
於嵯峨 先生求一部而僦舊點本於東福
寺僧手自寫之彼僧深秘之不許輒借之先
附一冊乃點了返之其次逐卷亦然奚奴來

往數十回而期月終功此本羅丁西之災 其外借見
他本者甚多 先生謂常覽群書其言皆有
所由來唯五經不然則歷代載籍無不本於
五經者當世學者窺其末不知其本也初余
在東山讀唐宋詩文歸家讀三史文選而後
知其皆本於五經也自是專志於經學

五年庚子

先生十八歲學業大進聲名藉甚當時清原
家儒者講四書唯學庸用朱子章句而論孟
猶讀何趙註皇侃邢昺疏未見集註而五經
唯僅窺漢唐註疏而已此時惺窩藤欽夫雖
爲儒宗避世不接人 先生獨教徒弟講宋
儒之書本朝道學之興權輿於此
今茲之秋有關原之役
東照大神君領國國兵馬之權

六年辛丑

先生十九歲

八月二十九日養母小篠氏歸泉 先生哀

慕殊甚有挽詞數篇川浮屠法諱號妙珍

七年壬寅

先生二十歲今秋泛舟經歷西海到肥前長

崎寓居經月而歸

八年癸卯

先生二十一歲聚徒弟開筵講論語集註來聞者滿席外史清原秀賢忘其才奏曰自古無勅許則不能講書廷臣猶然泥於俗士乎請罪之遂聞達於大神君大君莞爾曰講者可謂奇也訴者其志隘矣於是秀賢緘口自是先生講書不休加訓點於四書章句集註專以程朱之說爲主信澄亦就

先生學問其名稱顯

九年甲辰

先生二十二歲二月與吉田玄之談朋友交際之事論朱陸異同並大學三綱領先是先生聞惺窩之名有欲相見之志然未得紹价玄之侍惺窩既有年矣故此問答欲傳達於惺窩三月朔日先生作書寄玄之玄之請惺窩作答書既而先生揭經說數條就玄之間惺窩今秋先生初謁惺窩論道學評文章應其求作陸舟說惺窩寄深衣道服先生自是著深衣講書而錄疑問條件呈之惺窩爲之批答所謂惺窩答問是也惺窩嘗語人口伶俐者世多有而立志者寡矣我非翹嘉信勝利智只嘉其志而已近時皆驢鳴犬吠也故久廢筆硯彼夫起予者乎自此往

還不絕事詳惺窩文集並行狀今年重陽呈
啓札於惺窩惺窩嘉賞之其餘所作詩文屢
被歎美之

先生講學之暇問 本朝官職事於菊亭右
府晴季聽神祇道於東山老僧此僧自卜部
清原兩家傳授也 先生家素無藏書初在
東山時見永雄慈菴所蓄逮歸家或閱書肆
求之或借於所相識者寫之數歲之間殆充
棟宇凡和漢書不擇新舊觸目則無不一覽
披卷則無不終編平生事業今日當務者不
延及明日乃至一日之間朝不待晝晝不待
暮方夜讀書不限更籌之長短雖燈盡鷄鳴
未嘗倦怠奉仕理齋信時無不竭力屢謁惺
窩無不盡禮與信澄友愛和睦與親朋不失
信義頃聞鴻術世業者讀醫書其序論往往

有難解則屢就問焉其餘執贊受業載酒問
字者日月不絕今年記所既見之書目以自
勵益求未見之書其目如左

孝經 孔安國傳
朱子刊誤 小學

大學 論語

孟子 中庸

四書或問

四書通義通考章圖大全

程復心四書章圖纂釋

梅林臆見 四書知新目錄

四書集註翼 四書程墨訓蒙

小學圖說 中庸九經衍義

庸學指南 孔子通紀

四書人物考 四書通證

擊蒙要訣 爾雅註疏

陸佃坤雅

周易傳義大全附王韓註

詩經集傳大全毛鄭附

書經集傳大全孔氏附

禮記集說大全孔氏附

儀禮註疏

儀禮經傳集註

柯尙遷曲禮全經

柯尙遷周禮全經

周禮鄭玄註

春秋左傳杜林註
王氏句解

公羊傳疏

穀梁傳

胡氏傳

春秋集傳大全

李廉春秋會通

高閏春秋集註

崔子方春秋經解

東萊左傳博議

國語章昭註

左傳正義

左傳測言凌稚隆作

王錫爵左傳釋義評苑

輔廣詩童子問并師友粹言

儀禮圖

儀禮旁通圖

性理大全

性理群書

二程全書

二程粹言

延平答問

朱子文抄

朱子年譜

朱子書節要

南軒集

經濟文衡

伊洛淵源錄

性理字義

西山心經

黃氏日抄

鶴林玉露

薛文靖讀書錄附續

魯齋全書

魯齋心法

醫問集

理學類編

困知記

天地萬物造化論

異端辯正

學部通辯

陽村入學圖說

陽村集

南秋江集

漂海錄

東國史記

通鑒論

天命圖說

性理文錦

將鑒博議

帝王事實

宋名臣言行錄

皇明理學言行錄

聖賢事實

皇明通紀

皇明一統紀要

國朝儒先錄

孤樹真談

御製文集

象山全集

白沙子

龍飛紀畧

綱目品藻

郁離子

學範

蒙求

續蒙求

漢魏叢書

戰國策

貞觀政要

帝鑑圖說

史記

漢書

綱鑑

岳飛精忠錄

後漢書

荀悅漢紀

史記一家言

左傳評林

袁宏後漢紀

吳越春秋

金史

方輿勝覽

通俗演義三國志

唐鑑

大明一統志

萬書統宗

通鑑綱目

十八史畧

歷朝故事統宗

折獄明珠

紹運圖

史學提要

卓氏藻林

困學紀聞

十七史纂古今通要

湖海新聞

璧水群英

皇明名臣言行錄

歷朝捷錄

策學會元

涇野文集

空同文選

老子

杜佑通典

博物志

列子

莊子

革節卮言

圖像山海經

荀子

家語

千字文

酉陽雜俎

孔叢

劉向說苑

太平廣記

事文類聚

劉子

淮南子

類說

海錄碎事

楊子

文中子

勸善書

廣皇輿考

管韓卮言

太玄經

消搖墟引

淑光境目

鄒子

呂覽

天主實義

東國史略

鬼谷子

鵠冠子

陣法

全浙兵制

抱朴子

尹子

武經樞要

全相圖書

鄧子

公孫子

瑣碎錄

武陵雜藁

墨子

六韜

聖學輯要

三畧

吳子

文選六臣注張鳳翼纂注

孫子

司馬法

楚詞朱子注後語辯證

尉繚子

李靖問答

陶淵明集

唐詩三體

古文眞寶前後集

李白集

才子傳

瀛奎律髓

杜甫集

韓文

風雅翼

岑嘉州詩集

柳文

白氏文集

眞西山文集

律賦

樊川集

歐陽集

鯤溟詩集

花潭文集

王荊公詩集

三蘇文集并百家評林

劉隨州詩集

皇明詩選

東坡詩集

東坡全集

楊仲弘詩集

大雅集

山谷集

后山全集

進脩遺集

五雲漫藁

放翁詩集

中州集

唐音遺響

鼓吹續編

樂壤集

陽明詩集

程雪樓文集

錦繡段

丘濬詩集

玉屑

百聯抄解

古文大成

風雅集

詩格

古文正宗

文章辯體

百二十詠

詞林廣記

文式

宋播芳

詩學正宗

唐詩正宗

源流至論

活套手柬

唐詩品彙

唐詩拾遺

簡明便覽

歐蘇手簡

玉山名勝集

衡村集

東坡尺牘

五先生小簡

容齋隨筆續筆

宋濂文粹

誠齋錦繡策

歐陽論範

文章軌範附續

文選奇正編

四續文宗

滄溟文選

鳳洲筆記

鳳洲後集

鳳洲續集

古文珠璣

寒山詩集

梅菊百詠

雅頌正音

濂洛風雅

三場文選

國朝文類

續文章正宗

二續諸文品粹

姚鉉唐文粹

牧民心鑑

古今識鑒

爲善陰騭

唐荆川文集

南明文選

列仙傳

續仙傳

張文成遊仙窟

元稹西廂會真記

長恨歌傳

開天遺事

小坡艷束

秋坡一轉食

鬆金釧減玉肌論

剪燈新話

剪燈餘話

玄玄經綱柯經

小學日記

大明律

詞訟錄

便民圖纂

萬家總覽

萬書萃寶

事林廣記

群書鈎玄

錦繡萬花谷

鄉談正音

白玉蟾集

清庵中和集

棊經

玉篇

廣韻

毛韻

韻府

春渚紀聞

搜神秘覽

自警編

翰苑新書

鑿異編

欣賞全編

周易參同契

如如錄

應庵錄

淨明忠孝全書

韻鑑

枯崖漫錄

北磻文集

洪武正韻

海篇心鏡

禪儀外文

中興詩

說文

說文案韻

江湖集

維摩經

書史會要

金丹性理大全

大日經疏

編年通論

合璧圖像

道書全集

翻譯名義集

天台四教儀

軍政集

素問王馬注

從義集解

圓悟心要

靈樞

本草蒙筌

無門關

佛儒口義

本草綱目

和劑方

普燈錄

正宗贊

醫經會元

運氣論

鍾津文集

人天眼目

難經本義

痘疹全書

張無盡護法論

資治佛鑒

醫方考

醫學正傳

藏叟摘彙

勅脩清規

六祖壇經

臨濟錄

雲臥紀談

釋氏要覽

禪苑方語

人天寶鑑

山庵雜錄

諸天傳

叢林公論

東山外集

大藏經目錄

淨土三部經

洛陽白馬寺記

科注法華經

心經香潭注

金剛經

圓覺經

俱舍

楞嚴經

三教指歸

心經秘覽

性靈集

元亨釋書

聖一年譜

天龍年譜

寂室錄

空華集

東海瓊華集

蕉堅彙

流水集

蟬園集

水拙手束

小補集

百人一首

梅花無盡藏

花上集

資閑集

宇陶集丹陽記

塵說

翰苑遺方

帳中香

天下白

桃源史記抄

善隣國寶記

梅溪集

三益艷詞

撰擇集

二藏義

觀經玄義

傳通記

日本紀

神皇正統記

延喜式

姓氏錄

倭名類聚抄

職原抄

禁秘抄

名目鈔

童子訓

曆林問答

殘儀兵的

管蠡抄

右四百四十餘部

先生親筆目錄見

在怨也文庫嘗聞昔禪僧周崇十八歲

看盡洛中書而赴邊鄙尋未見之書

先生在東山時聞此事速歸家藏貯倭

漢之書猶以爲未足故尋求藏書之人

則不論貴賤親疎惜得而讀過焉其中有熟覽全編者有電矚一部大體者至若佛書雜書則見其頭腦以推知其旨於是記此目錄聊雖類次之未必拘次第今據元本不改定之自此以後歷壯強至老晚所見之書可准而知焉當初明船之往來不及今世之十之一故求之太難借之亦不易

十年乙巳

先生二十三歲 今春屢見惺窩講習討論尺牘來往頻繁惺窩呼 先生稱林秀才名之曰忠字之曰子信此時宿儒禪徒有媚疾其才者 先生不屑之惺窩謂友人曰林忠不避嫌忌不改其志者善哉

四月 先生讀春秋傳惺窩寄書曰古人讀

春秋於羅浮羅浮者是不在羅浮而在足下明窓淨几之上得古人羅浮之意則隨處有羅浮而已足下讀春秋日用得羅浮之意旨則告我哉我亦同此樂耳

昔羅仲素讀春秋於羅浮山中惺窩之所言是也自此惺窩常呼 先生稱羅浮山人往復書簡表題曰羅浮洞徒弟等皆推崇之稱羅浮先生傳聞於世遂爲家號 先生所作詩文記其名稱羅山子或曰羅洞或曰浮山又稱胡蝶洞稱梅花村共是以所在羅浮山故也當時遊惺窩之門者嘗謂曰我輩與羅浮子雖同侍坐于公而其學業有優劣則其接語不可同等欲稱之曰先生然與公無別則不安也不知何以稱彼人也惺窩曰固然宜呼曰提學由

是有林提學之稱然惺窩不同席則皆師事之中其或有先謁惺窩而後見先生者或有先受學于先生而後請益于惺窩者今歲大神君入洛在二條城聞先生之名一日近臣永井直勝奉旨俄召之卽出奉拜謁焉大君曰自今可屢來焉經日又登營極薦清原秀賢相國寺承兌長老元信長老侍御前大君問曰光武於高祖世系如何三人不能答大君顧先生曰汝知之否應聲對曰九世之孫也又問曰漢武返魂香出何書乎對曰史漢不記之白氏文集新樂府及東坡詩註有之又問曰蘭多種品抑屈原所愛爲何對曰據朱文公註則澤蘭也大君顧左右曰歲猶弱而能記憶之可以嘉焉洛中傳稱之每人無不知焉到

處以是爲說話

今歲大神君讓征夷大將軍於台德院

殿居武州江戶城指揮群國

大神君移駿府號大御所

十一年丙午

先生二十四歲

朝鮮國使僧惟政松雲來請和拜大神君

于伏見城松雲留滯京洛之間先生赴彼

客舍筆語問答松雲歎其聰明也

先生屢赴伏見拜謁及大君歸駿府時有

命曰明年可來駿府直到江戶謁將軍由

是促東行之裝先生告理齋信時曰父母

在不遠遊者孝子之常也然普天之下無非

官士則無奈之何所謂遊必有方是所以韓

子論歐陽詹也今將離膝下以行千里非素

志則方寸亂矣。而翁皆曰：立身揚名以顯父母孝之終也。汝其念茲勗哉！我期其遠大，可以祝之。

今茲惺窩赴南紀。先生餞之惜別惺窩手自執延平答問以授之曰：此延平工夫之心法。紫陽傳習之門戶也。今我示之非無意也。

十二年丁未

先生二十五歲。三月甲子朔發京辛未到駿府。留滯逾月。四月中旬出駿府到江戶奉拜。台德院殿幕下侍十五日。讀黃石兵法漢書高祖紀項籍韓信張良陳平傳。既而歸駿府。作東行日錄。於是侍御前數月。此時朝鮮信使呂祐吉慶暹丁好寬來聘。將赴江戶路過駿府。午憩之際。先生筆語未半而相別。其後賜官暇歸京。且蒙命不能辭。

而祝髮改名道春。又有旨赴長崎而歸洛。十三年戊申。

先生二十六歲赴駿府。日夜侍御前讀論語三畧等。賜宅地并土木料及年俸。且掌御書庫管鑰。縱觀官本。今茲信澄初拜謁大神君及幕下。其後先生及信澄共歸省理齋信時。

十四年己酉

先生二十七歲在洛娶荒川氏女。顯淑孺人也。婚禮畢及秋。又赴駿府。孟冬信澄有故而赴長崎仲冬。先生歸洛。

十五年庚戌

先生二十八歲正月信澄自長崎歸京談去年變船沈海之始末。先生作長崎逸事。既而先生赴駿府。今茲十二月大明人周性

如來訴海上賊船之事因是議之及勘合事
大神君使執事本多正純贈書於大明國福
建道總督陳子貞使 先生作之其後正純
受 旨遣書於南蠻船主及阿媽港父老
先生作之

十六年辛亥

先生二十九歲 大神君入洛使列國侯伯
獻誓辭 先生草之既而 神君歸駿府
先生亦赴焉有 命賜洛邊之八瀬二瀬田
中山本祝園梅畑之村爲采地拜戴 印章
歸洛理齋信時甚悅以爲錦榮

十七年壬子

先生三十歲承 命携宜人荒川氏移住駿
府常侍 營中談古今倭漢事跡顧問若干
或聞僧徒論議以取其要而啓稟之且告於

江戸或陪御藥調和之席讀和劑方等解說
之以諭醫者等

今茲信澄蒙 命赴江戸奉仕 台德院殿
幕下常侍 御前眷遇日厚薙髮改名永喜
號東舟

十八年癸丑

先生三十一歲 五月朔長子叔勝產于駿
府今冬 大神君遊獵到江戸經歷河越鴻
巢等 先生奉從焉駿府近邊處處放鷹亦
屢扈從

十九年甲寅

先生三十二歲
豐臣秀賴使東福寺僧清韓長老作大佛殿
鐘銘其詞中有不協 大神君之御旨者使
先生議之清韓被罪因茲大坂兵革起先是

先生請建庠序於洛教授生徒有旨可之將相攸擇勝依兵革不果此冬遂有大坂之役先生奉從於軍旅之間此行也講和班師

元和元年乙卯

先生三十三歲春在洛理齋自舊冬嬰病先生日夜侍湯藥正月二十九日理齋屬纊歲七十二葬於洛外某地 先生居喪盡禮信時剃髮改名林人既而除俗忘 先生赴駿府奉旨監群書治要大藏一覽開板之事且承 命補群書治要闕卷此夏再有大坂之役

先生留駿府既而大坂城陷 台旆旋洛求日本舊記於官家而召 先生自駿府馳入洛監之使五岳禪僧等書寫之凡若干部寫了以獻之八月 台旆歸駿 先生奉從焉

到江州水口霖雨留 御轅三日 先生侍讀講論語學而篇往到駿府

二年丙戌

先生三十四歲在駿府

正月二十一日 大神君弗豫 先生日候營中四月十一日應 召陪 御床之傍十七日 大神君遂棄群臣十九日登久能山拜 神廟既而 先生送還宜人及叔勝於京師而自駿赴江戶而后賜暇到駿府配分官庫御書以附義直卿賴宣卿賴房卿之家臣而獻日本舊記并希世官本於江戶而后歸京作丙辰紀行 今茲十月次男長吉產於京師

三年丁巳

先生三十五歲春詣江戶四月 東照大神

自久能山遷座於下野國之日光山 幕府
登山 先生奉從焉暫留山中陟中禪寺經
歷古跡見舊記作二荒山神傳既而歸京此
冬又赴江戶

四年戊午

先生三十六歲在江戶賜宅地屢召侍 御
前五月二十九日三男春勝產於京師幼名
吉松麻呂後改春起號春齋十一月 先生歸京比
年東西往還雖不安居然講學無怠在京之
間屢見惺窩且教授諸生

五年己未

先生三十七歲在京 先生江戶宅庭有瓠
花國俗所謂夕顏花是也源氏物語五條夕
顏之巷舉世唱其詞 先生京洛四條宅之
外有一舍在五條故去歲在江戶扁夕顏巷

三字以馳望鄉之思而瓠卽瓢也顏子陋巷
瓢飲之樂暗合焉今春以是語惺窩聞而甚
奇之作倭歌并序寄之自此遂定之爲別號
或稱顏巷又曰瓢巷

今夏幕府人洛有 旨沙汰大德寺僧紹長
贗書之事

九月惺窩卒 先生作哀詩弔之且編輯遺
文倭歌 今年在京之間依人求講春秋傳
書傳等日日開筵友朋門生等以下來聽者
甚多洛中移風易俗以列其席爲一時之榮
故僅窺文字者乃至鬻流之徒無不預焉及
冬赴江戶

六年庚申

先生三十八歲在江戶
十一月二十一日次男長吉患痘疹而夭未

幾叔勝春勝其嬰痘疹因其母之保護而平
復外祖荒川宗意之力居多 十二月 先
生有微疾告 暇歸京先是 先生加訓點
於朱子詩傳未畢今般歸家終編

七年辛酉

先生三十九歲四月 先生發京周覽攝州
紀州浴於有馬溫湯躡月歸家作西南行日
錄而講學之暇閱吉田兼好徒然草抄解其
所引用且廣演其說作十四卷號野槌行於
世
此時 勅賜宋朝類苑一部京尹板倉重宗
殊示 勅本一部傳 詔曰此書不易讀焉
可加朱墨以備 叙覽即補其脫簡正其誤
字滴朱露附重宗乃相共詣 禁中賜飲食
就中院藤通村阿野藤實顯以奏獻之

十月赴江戶

八年壬戌

先生四十歲在江戶四月從 台駕赴日光
頃年公務之暇新加訓點於春秋胡氏傳禮
記陳氏集說今春畢兩部之功今年留滯江
戶臨年

九年癸亥

先生四十一歲在江戶今夏 台德院殿
大猷院殿 入洛 先生奉從歸京今般
大猷院殿任征大將軍既而 兩大臣還江
戶 先生留洛今年點漢書加朱句其紀傳
檢舊點而八志并表新點之且求數本以考
顏註訂異同詳略加補宋祁三劉說此本今在
在恕也
文庫又加朱句於周禮儀禮註疏此本今在
靖也文庫

年譜下

寬永元年甲子

先生四十二歲在洛正月遊八瀬采地叔勝

及門生等從行三月赴江戶異母弟紹信藏

主字間從之有紀行詩卷 四月十一日執

事酒井忠世土井利勝奉 旨使 先生奉

仕 大猷院殿幕下十三日拜謁 幕下自

此日日奉侍焉或講論語或讀貞觀政要或

談倭漢故事或接執政之咨詢或赴棠陰之

廳永喜奉仕 台德院殿之事亦與 先生

相同今年朝鮮信使來朝江戶 先生聞副

使姜弘重兼春秋館學士舉疑問三條示之

不能答又與進士李誠國筆語唱和誠國有號

能書之名故 先生使彼筆
夕顏卷三大字 以爲堂額

今夏異母弟僧甚性沒於京師 先生聞訃

作哀詩 十一月二十一日四男守勝生於

京師後改春德
一名靖

頃年加朱句於通鑑綱目至今茲仲冬畢焉

本朝先是未有點朱於全部者此本今在其
靖也文庫

後加朱句於續綱目全部而周覽金氏通鑑

前編及皇明通紀等并諸家綱鑑

二年乙丑

先生四十三歲 二月 幕府遊獵河越鴻

巢時扈從十一月奉禮御獵亦奉從之

今冬新加訓點於周易傳義而點蔡氏書傳

至明春終編五經訓點皆備此五經合部今
在恕也文庫

三年丙寅

先生四十四歲今春亦奉從御獵于河越于

鴻巢時聞叔勝在京嬰病獻祭文於河越管

神禱之叔勝既長聰惠好讀書然多病 先

生常患之故如此 五月蒙 鈞命撰孫子

諺解六月撰三畧諺解獻之且作大學倭字

抄標出四書五經要語捧之 八月上旬

台旆入洛 先生扈從還家時外舅荒川宗

意沒卽會其葬今殿 台德院殿在二條城

幕府在淀城 九月 行幸二條城 營內

多事 先生往還京淀間旣而 兩大君還

江戶 先生賜休暇暫留洛其間預議 崇

源院殿贈位之事 十一月赴江戶

四年丁卯

先生四十五歲在江戶晝夜官事頻繁偶在

家時無不須臾讀書加訓點於周禮儀禮公

羊穀渠爾雅楚辭國語共終功皆是無舊點

者也又詠月雪五十題自作之註凡此年所

涉獵之書所作爲之詩文甚多叔勝自洛寄

書并疑問件件 先生喜而答之

五年戊辰

先生四十六歲春二月奉從御獵于河越

夏四月奉從台駕于日光山 九月遣人於

京問林人起居而迎叔勝 十月叔勝來江戶

六年己巳

先生四十七歲使叔勝讀藏書夏五月叔勝

因有微恙而赴九相津浴溫泉其病增重六

月六日歸江戶治療不驗十九日終命時十

七歲 先生甚哀惜之作墓誌銘是月十六

日林入殯於京師年八十三訃至時 先生

永喜共賜 官暇而歸洛悲慕之十二月又

赴江戶 臘晦 台命降 先生永喜共叙

法卽位 先生以其非儒官故作詩并序解

說之

七年庚午

先生四十八歲正月元日著法服獻雄劒龍
蹄奉拜謁賜觴瀝受御衣一襲是爲例式
夏五月聞宜人臥病告暇發途六月七日入
京還家今日宜人產振娘及秋病愈 先生
卽東行到勢州桑名偶會酒井忠世士井利
勝爲使价赴洛兩使述 鈞命使 先生相
共入京今般有 卽位之事 先生從兩使
入 禁庭窺見其儀使畫工狩野守信圖之
且作倭字記而與兩使同途赴江戶獻圖記
今年冬 兩大君賜郭外上野之內百弓之
地以爲 先生之別墅而賜黃金二百兩將
開庠序

八年辛未

先生四十九歲 今茲 台德院殿弗豫

九年壬申

先生五十歲 正月二十四日 台德院殿
薨逝二月二日 先生蒙 命馳驛五日入
洛逢板倉重宗會三條前內府藤實條日野
亞相藤資勝奏請 前大君諡號十三日到
江戶獻之今冬尾陽亞相義直卿築一堂於
上野別墅安置聖像及顏曾思孟像義直卿
書親筆先聖殿三大字以爲堂額又稱大成
殿且納祭器若干先生構文庫藏群書數千
卷又使畫工某圖伏羲以下至孔子十一聖
并顏曾思孟周子二程張邵朱子像二十一
幅以藏之頃間加給食祿

十年癸酉

先生五十一歲 二月丁日初釋菜於先聖
殿四月十七日 台駕詣東叡山時過 先

生別墅御覽聖堂有命 先生講堯典賜
白銀若干永喜亦賜時服

十一年甲戌

先生五十二歲 三月賜駿河亞相忠長卿
舊館之內大厦一宇於 先生移建於先聖
殿傍同月執事酒井忠勝蒙 旨登日光山
先生副之沙汰山中制法又預議增上寺制
法 六月幕府入洛 先生扈從奉 旨作
御入洛記八月 台旆還江戶賜暇暫留京
十月携妻兒移家於江戶十一月男恕初登
營奉拜幕下

十二年乙亥

先生五十三歲 正月奉 旨抄出倭漢法
制輯爲三卷獻之三月預聞宗對馬守義成
柳川調與朝鮮書簡眞臘訴論之事從諸執

事啓達之而后 幕府直聽以決之調與被
罪今夏會執政等奉 旨作武家法度十九
條并麾下諸士法度二十三條

十三年丙子

先生五十四歲 正月預議伊勢內宮外宮
神官拜禮前後事未決問諸 朝廷公卿僉
議謂外宮可爲先然 先生固執之謂內宮
可爲先檢舊記獻勘文若干條 幕下曰可
也卽遣近臣阿部重次持 先生勘文入洛
以奏之 朝廷無異論其事遂定 二月奉
旨獻倭漢荒政恤民法制二卷 四月日光
東照新廟改築造畢 幕府登山 先生扈
從承 教作新廟記 九月賜印章於諸國
社家僧徒凡數百通 先生預議之十二月

朝鮮信使來朝承 旨與進士權試筆語問
朝鮮官制於信使又揭朝鮮國書中所載疑
問數件示之不能答之及其歸國草御書且
代執政等作答彼禮曹書先是武將與朝鮮
贈答書使禪僧作之既爲舊例今般初使
先生爲之頃年日夜近侍 御前春遇殊渥
屢有恩賚

十四年丁丑

先生五十五歲今春 幕府不豫晝夜侍
營中踰月不還家其間或候 御前談倭漢
故事或監諸醫藥劑之事既而 貴體平復
七月執事堀田正盛奉 旨召舉經書之語
爲論題問答之可以達 旨聽乃與永喜等
告議以待其期日公務繁多未果而今冬嶋
原耶穌蜂起而其事不行

十五年戊寅

先生五十六歲 今夏永喜嬰病八月十九
日卒歲五十四 先生哀惜焉葬之以儒禮
作碑銘而請執政使其子永甫拜 幕府而
繼其家領采地 今年有 旨開藥苑 先
生獻倭漢勘文 自去歲仲秋讀溫公通鑑
至今夏終編併看胡三省註往往點朱句且
讀了劉恕外紀薛氏宋元通鑒其後再覽朱
子綱目并續綱目南氏前編先是家藏有二
十一史兩部大槩一校丁初少年之時讀日
本書紀壯年寫續日本紀仁明紀文德錄及
三代實錄加朱句其後寫西宮記北山抄江
次第令義解集解類聚格類聚國史扶桑紀
畧朝野群載侍中群要公卿補任等涉獵之
其餘神書詩賦小部之書及倭歌家者流之

所傳保元平治以來兵革之小說無不見之
侍駿府時屢誦東鑑於當時武家之政務可
併考者數矣乃至寺社所傳之舊記緣起偶
觸目則往往寫之凡自少年在他席見書無
倭漢無新舊披繙之其中抄出者多矣雖壁
畫贊語或語誦之或寫之歸家載於冊子至
老年猶然

十六年己卯

先生五十七歲 七月奉 命作無極大極倭
字抄獻之 先生天性敦厚不以才名誇人
故在 營中與士大夫語則侃閤也退 公遇
子姪門生則誨而不倦講學之暇作爲文章
賦詩聯句則不覺至夜闌自少壯至老晚未
見怠懶之色常謂人曰古來評文章者有云
韓文百篇百樣柳文百篇一樣我於韓柳不

可企及然百篇百樣者聊慕之詩者以少陵
爲宗然吾豈敢哉唯隨其所當聊遣興而已
十七年庚辰

先生五十八歲 四月當 東照大神二十五
回忌 幕府登日光山行大齋會 先生奉從
之承 命作齋會記 今茲臘月謂門生等曰
吾雖老衰然讀書未倦自今春至歲末所閱
者殆七百冊汝輩勉焉以是每歲可准而知
之凡自少年讀書數行俱下至壯歲彌頓敏
至老成益神速也先是二程全書邵子全書
龜山文集小學近思錄伊洛淵源錄朱子大
全語類性理大全大學衍義并補許魯齋吳
臨川集薛氏讀書錄胡氏居業錄蔡虛齋蒙
引學部通辯異端辯正困知記等理學之書
或一見或再見往往加點朱至若象山陽明

林兆恩之書亦電覽之如老莊列荀楊文中子或講之或加朱墨其餘諸子粗槩見之曾加訓點於陶淵明集涉獵漢魏六朝之文若李杜韓柳香山樊川荆公蘇黃後山簡齋集文章正宗宋學士集往歲既熟覽之頃年寫劉禹錫集豫章全集楊誠齋全集其餘古文苑藝文類聚文粹文鑒文類及唐宋元明諸家隨其所見而無不終編又嘗再見事文類聚全部加朱而如太平御覽廣記文苑英華杜氏通典白孔六帖玉海漢魏叢書百川學海稗編稗海曹氏十二代詩選等大部一考再校有差在兵書則七書講義直解武德全書等既加朱點其餘講武全書武備志等點閱之在地理則水經以下大明一統志廣東通志西湖志名山勝水志閩書等在醫書則素問

靈樞據王氏馬氏兩註加點塗朱而校張氏類經且粗閱病源論千金方三因方奇効良方本草綱目醫統正脉等若干部乃至佛書禪錄等讀過不少或有加朱句者如倭書則少年所見猶未多壯年以來尋求於諸方繕寫者殆數車是其涉獵之萬一也且講四書五經者數矣其餘估畢不遑勝計也閩國既伏其博識而芳聲播於異域然常無自負之意戒門生等曰凡讀書英敏之人恐不能記憶其半然則比著其書者而猶輸其半況亦於未能記其半者哉今學者纔窺文字則輕侮他人我爲之攢眉且有耻下問者猶可優恕之雖上問猶耻之所以學業不進其以是也十八年辛巳

先生五十九歲 二月有 命聚武林諸家

系譜使太田資宗監之 先生副之既而各獻其家譜議其是非正其真偽以撰定之號寬永諸家系圖傳自今歲之暮起筆 今年承 命撰 本朝神代帝王系圖鎌倉將軍譜京都將軍譜織田信長譜豐臣秀吉譜恕也靖也侍其側草之

十九年壬午

先生六十歲自春至冬編輯諸家系譜綴文繕寫者數十人 先生總裁之作示諭若干條以示諸徒恕也亦預其事且別奉 命撰中朝帝王譜十三卷獻之恕也靖也草之秋冬之際每有暇加朱於馬氏文獻通考全部

二十年癸未

先生六十一歲七月初鮮信使尹順之趙綱

申濡來朝

順之號津溪綱號龍洲濡號竹堂

先生與三使詩

簡贈答數回且與進士朴安期屢筆語唱和恕也靖也亦然及其歸國作御回簡及諸執政答書如丙子之例

八月十一日恕也嫡男春信生與 先生同

支干其生月亦同也其母者倉橋氏也 先

生甚愛之 九月寬永諸家系圖傳成漢字

倭字都合三百七十卷其始末詳序文資宗

進覽之以藏於官庫 同月執事酒井忠勝

松平信綱爲使節入洛以有 讓位 卽位

之事也有 旨使 先生副之且使恕也從

行在洛四十餘日至仲冬還江戶 先生在

洛之間永甫宿病不起死於江戶無子永喜

絕後 先生憫之還府乃返彼采地於官

正保元年甲申

先生六十二歲 去年留洛之日求陶氏說郭及續說郭於書肆今春開卷至孟冬一校加朱句了

蒙 鈞命修 本朝編年錄至十月先獻數卷其後隨成逐卷捧之經年至宇多紀其末未成今年有改元之儀以有舊年卽位也管家之輩依舊例奏進之卽達江戶召 先生於 御前被決之十二月改寬永二十一年爲正保元年同時元老酒井忠勝奉 旨使先生勘進 幼君御諱家綱其反字與 東照大神御諱相同 十二月十四日春信同母弟春常生

歲末恕也初賜年俸

二年乙酉

先生六十三歲 四月二十三日 幼君著

袴元服 勅使來賀捧二品亞相位記 宣旨其儀嚴重使 先生作倭字記此時有旨考 東照大神官位昇進次第尾陽義直卿獻勘文 先生亦預其事使恕也馳驛登日光山赴久能山寫其所藏之舊章早歸啓達之與義直卿所獻併校之首尾全備既而考 台德院殿位記 宣旨次第今冬有高野山僧徒訴論之事 先生有病恕也代之預聞焉既而官使安藤重長登高野沙汰之恕也承 旨從行及臘月畢事歸府歲末恕也叙法眼位

三年丙戌

先生六十四歲 自去歲至今年宿病未愈其間有咨詢之事執事松平信綱來尋數回元老忠勝亦來問其餘近臣數輩或承 旨

寄書或自來就問之至若細小之事則使恕也登營辯之既而有命使信綱携官醫數輩議治療之事經月得微驗有日光之一事有旨召先生於二九便殿聽乘輿入府門至御厨所而下輿進到御前有所告而退及秋氣宇平復今秋振娘赴京嫁荒川宗長臘月元老忠勝執事忠秋奉旨召守勝初登營而加食祿於恕也且賜永喜舊宅而以先是所賜恕之年俸被授守勝守勝素志不願仕官故今二十三歲未曾拜謁至此聞其名召之

四年丁亥

先生六十五歲今春恕也修造新宅以移居先生以倭漢群書一千餘部授之其中朱墨手澤多多有之而以副本同類之書七

百餘部分與靖也其餘所自藏猶有數百部自此又多求書常謂人曰藏書大半既渡與二子其所餘者可異嫡孫存信既而先以少年所誦之論孟古註五經舊板本授春信今年中院內府源通村在府有日矣先生訪之談本朝歌人唐宋詩人對偶之事及其歸京有贈答詩歌先是攝家親王諸門跡傳奏昵近之公卿來府者無不通交此後以其年齡漸高故世情稍疎而朔望之外不召則不肯登府而尋常交際亦不頻繁唯有同志之招呼則不擲揄之往談遣一時之興宜人荒川氏常有內助之力故以家事附之而讀書之外無他乘輿則時時憩息於別墅乃營詩仙堂以作其圖贊

慶安元年戊子

先生六十六歲 今年四月正當 東照大神三十三回御忌辰 幕府登日光山修大齋會如舊式且加以法華八講 勅使及公卿數十輩自京來會其儀嚴肅 先生奉從之應 教作記

二年己丑

先生六十七歲 頃年以公務繁務故春秋釋菜暫闕焉今春二月再興之自此逐年其儀竊備 自今年至明年再覽溫公通鑑併胡氏註悉加朱句 此本橫丁西之災舊本今存也文庫

三年庚寅

先生六十八歲 今夏五月尾陽義直卿逝於江戶邸 先生哀慕作挽詞奉悼之初 先生在駿府時既謁義直卿賴宣卿賴房卿故三卿共善遇之曾應義直卿之求作神社

考詳節宇多天皇紀畧等常談 本朝故事應賴宣卿之求作業陰比事諺解且屢問法律之事應賴房卿之求抄出神道要語賴房卿嫡子羽林光國卿好作詩文屢有贈答凡在府三十餘年其間侯伯達官士林濟濟或開講席或設雅筵其交際親疎有差去歲恕也女子生今歲又產女子

四年辛卯

先生六十九歲 四月二十日 幕府薨逝奉葬日光山五月 先生登山預議諡號之事既而歸府八月 幼君亞相任征夷大將軍此時元老執政咨詢多多其後阿部忠秋請 先生作大學倭字抄貞觀政要諺解以獻 幼君 今茲臘月元老執政述 先君願命以武州之內赤木村袋村梯沼村加賜

先生以爲采邑

承應元年壬辰

先生七十歲 今秋預議改元之事秋冬之間恕也從忠勝登日光山及還家有五百言六百言贈答

今年 先生口授四書句讀於春信時十歲

二年癸巳

先生七十一歲 四月正當 大猷院殿三回御忌辰忠勝登日光山監法會之事恕也從之九月 先生携靖也登山拜新廟歸路過其采地有往還紀行今般訪足利學校舊跡借前代上杉憲實父子所寄納之五經註疏舊唐本自今冬至來年與家本一校之改正文字而后十三經註疏全部加朱句往年所考之本既附恕也今所考者晚年所求白

紙善本也 此本編丁酉之災而舊本今在恕也文庫

三年甲午

先生七十二歲 今年十三經周覽之暇口授五經句讀於春信其後教之以左氏傳文選李杜蘇黃詩集且見彼所作小詩屢賜和章春常亦侍側 今年四月靖也妻伊藤氏初產男子先是既產二女今般產後臥病至月末掩柩 先生憫之

明曆元年乙未

先生七十三歲 今春承 旨擇中華歷代名臣三十六人作之贊又撰進漢魏六朝唐宋百人一詩 四月預議改元之事 今茲宜人荒川氏嬰病藥劑針灸無不盡其術恕靖晝夜侍側振娘偶歸寧陪枕邊 先生手自考醫書以勞其心今夏執事阿部忠

秋奉 旨賜銅瓦庫一字移建於家塾工匠
皆曰不有風雨之懼可無火災之害 先生
甚喜先是所未授恕靖之倭漢群書及近年
所求者萬餘卷悉藏於此既而就忠秋獻白
紙五經註本於 幕府

十月朝鮮國信使趙翠屏僉秋潭南臺谷來
朝初至大坂見 先生所作五花堂記相共
褒賞之至此入府 先生寄詩於三使贈答
數回又與進士李明彬相唱和及三使歸國
作御回翰及元老執政答書如前例發府之
前夕秋潭寄示扶桑壯遊百五十韻以求磨
載 先生卽日和之口授靖也草之文不加
點一人在側淨書之至翌日而成乃馳及小
田原而達焉秋潭驚歎其速成作詩作序以
謝之 先生又和之追及於途中時人以爲

美談

二年丙申

先生七十四歲 今春宜人荒川氏宿痼大
漸三月二日遂歸泉葬之以儒禮寔於別墅
之內恕靖請 先生私諡曰順淑孺人其顯
末詳在事實歷五旬而使恕也赴京有告諭
姻戚之旨任洛十餘日畢事而歸府旣而振
娘歸京 先生旣以所藏二十一史分授恕
靖各一通二三年前又求善本一通藏之於
銅庫遂卷見之唯以三史熟爛故一點檢而
已自三國志以下乃加朱句謂人曰吾自少
壯旣知歷代始末而廣覽數千萬卷唯二十
一史全部從頭至尾未遑滴朱露今雖暮齡
旣迫猶有一周覽之志若幸保三年之命則
可以遂素志旣而覽晉書宋書南齊書共點

朱句且其間求得希世之好書則一見之
今秋 先生請執政携春信初登 營奉拜
謁 幕下十二月十二日應召講大學首章
於 御前賜御衣若干
歲末靖也叙法眼位

三年丁酉

先生七十五歲 元日登 城拜禮獻雄劍
龍蹄賜觴瀝受御衣如例恕也靖也所獻所
賜受亦然 十七日依例詣紅葉山拜 神
廟畢事歸家氣宇不常 十八日江戶大火
恕也宅罹災文庫幸免 十九日江戶又火
本城回祿 大君移居西城餘煙滔天城下
大半逢災 先生宅不能免池魚銅文庫并
別庫共燒失藏書及財用皆爲烏有唯靖也
文庫無恙於是各赴別墅時 先生與中所

携唯所點朱之梁書一冊而已平生造次顛
沛不廢讀書今春讀梁書過半今日火起時
猶點朱及既急而恕靖保護而出然手猶不
廢卷者如此 先生謂銅庫所官賜而其製
堅緻可免火災逮到別墅猶問銅庫燬否或
其免乎末至者曰既焦土 先生曰多年之
精力盡於一時嗚呼命也終夜歎息胸塞氣
鬱明日遂臥病此時官醫皆逢災不知其所
在偶有所識之醫在近邊呼之進其藥 二
十二日使恕也登西城奉問 幕府與居此
夕先生痰喘煩悶彌留又呼他醫治之 二
十三日恕也告 先生之疾病於執政乃使
官醫來診之未到 先生易簀官醫及門而
歸此夕小斂訃聞舉世無不哀惜焉貴戚侯
伯元老執政達官群牧以下所相識之士林

及朋友門生等弔者逐日多多 二十四日
治棺

二十五日相攸於別墅長隅穿墻作灰隔

此夕舉棺大斂設靈座作魂帛陳奠供立銘
旌其製法聊倣朱子家禮恕靖肯議私諡稱
文敏先生昔惺窩常稱曰道春博文無雙勤
學頓敏也至老晚其事業不違惺窩所言故
今奉諡之儀如此 二十九日裏事門生等
來會恕靖及春信春常黻衣素服護靈柩至
墻邊祭后土讀祝文上香遂寢之而安神主
作祝文築墳墓神主之製用伊川之式墳墓
象馬鬣封今夕行虞祭歷日製槨納 神主
有棺有藉共據家禮既而建小石碑於墓前
粗記履歷行實而壘石爲基趾其周圍用栗
柱若干株設戶於碑前以鎖鑰而開闔之而

植樹於其傍順淑儒人墓及永喜叔勝墓亦
在其邊今秋恕營本宅新建祠堂以奉祭不
怠

先生平生事業其顯著者舉世所知載在
口碑至若細小之事且恕也未生以前今
難枚舉故聊叙所聞見以附於文集詩集
之後也其所漏脫者他日可作外傳逸事
以補之

萬治二年己亥十一月晦日

不肖孤恕謹記

林靖 撰

羅山先生行狀

大正十年（一九二一）京都平安考古學會鉛排本

據大正十年（一九二一）
京都平安考古學會鉛排本影印

羅山林先生集附錄卷第三

行狀

先生姓林氏實藤原之末裔而其先加州之豪也後爲紀州之族其祖正勝有三子曰吉勝曰信時曰周堅也正勝沒三子共嬰稚其母携之徙居攝州大坂其既長成而乃土著于京師吉勝隨俗削髮稱理齋其室小篠氏無子先生者信時之長子也以天正十一年癸未八月某日降生于京洛四條新町其母田中氏鞠拊未多日而理齋養以爲子小名菊松丸小篠氏毓愛猶其實兒先生幼從岐遊早言丙戌八月母田中氏沒先生幼惠不群相識通用俗字甲州亡人德本偶在京師

屢讀太平記于理齋信時宅先生側聞多所詰焉時八歲人以異之文祿三年甲午先生十二歲既解國字誦演史稗說且窺中華之錄記見聞不忘世稱此童耳如晝明年改名又三郎信勝登東山人建仁寺之大統庵就長老慈稱而讀書同室有丹伊蒙求者先生不披其卷傍聽背念乃繕舊註五經又覽唐宋詩編偶得東坡全集于加朱句慶長元年丙申先生十四歲在建仁一日作白氏長恨歌琵琶行鈔解其援引詳精會言神童也朝習夜課孜孜不懈凡禪院之制旦暮食時飯頭敲木板以催之合院聚于先生亦在其中勤讀之時或將終卷或將看畫一節則木板雖觸

耳猶安坐課舉而赴之。所治散而竈煙冷，忍飢而止。其如此者數矣。古人讀書忘食，信然矣。當時禪老施名于世者，亦問典故所出于先生多矣。明年東山僧侶誦曰：此童使歷拂拈，捷而爲他日之禪狀元則可也。遂訴于京尹前田玄以而理齋信時不肯拒之。先生掉頭歸家，誓不入禪門。然後遍讀四庫之書，由來不爲藏書之家，而世上板行甚稀矣。故借請于處處而見之，寫之，偶閱于市鋪而求之，蓋得書則不換黃金，讀之終編，則天下之至樂也。聞某家有秘本，則多方尋索，或約以期限，一覽返之，或手自贍之，從顏之推家訓之法，而展閱最謹焉。冊葉不少，則命傭書者隨數葉寫成，而先校正之，不擇筆者之精粗紙墨之良劣，唯以功之早就爲急務也。乃至末年亦然，其讀書五行俱下，日日概以寸餘爲之制，課業益進，學術光新。

遂著眼於宋儒之書，而專精於六經四書，乃始讀朱子章句集註，時十八歲庚子之年也。六年辛丑八月，養母小篠氏沒。七年壬寅之秋，先生經過西海，到火前長崎旅寓逾月，歸途入六門國同樂陀寺，歷見裏日平家群輩之墨痕，而題詩句乃歸。洛是行舟中亦不廢讀書，洪武正韻是其所點朱之一也。八年癸卯，先生開筵聚諸生講論諸集註，戶外屢滿。外史清原秀賢甥疾之，奏曰：自古讀書者皆有勅許，今則不然，請督責之。乃啓稟于東照大神君，大君晒曰：庸詎傷乎？各宜從其自好。何爲告訴之淺卑乎？是以事輟。先生講學愈勉。九年甲辰，先生聞惺窩藤欽夫有碩儒宏學之名，先與其徒吉田玄之論朱陸異同並大學三綱領，以寄尺牘，欲達於惺窩也。玄之以呈惺窩因代之作答簡。今秋，先生初執謁於惺窩，評論道德。

文章得爲一見如偶識而後雅談屢矣啓東往復
屢矣一日揭陸舟字使爲之說先生卽成之文
詞斐然惺窩告曰本朝學業衰而嗜文字者殊
少矣況於讀經典乎卿何自而及此乎先生曰
某昔年偶誦近世小說解者以爲此語出于蘇黃
某句出于李杜韓柳至讀李杜韓柳蘇黃集而其
所據用涉于文選于史漢者夥矣至讀史漢文選
而其所率由皆上世之文字也至讀五經而無出
處之前乎此於是豁然知其爲衆說之郭郭浩然
知其斯道之所基聊慕程朱之餘教仰望孔孟之
盛蹟惺窩大歎之既而先生著惺窩所寄之深
衣道服而講帷頻宴今茲先生二十二歲丁記
所已見之書日以抒修業之實且爲他日之左券
凡四百四十餘部也十年乙巳先生與惺窩師
友之誼益熟矣惺窩名之曰忠字之曰子信曾告

曰余信道學懷中華之文風百年矣然世無同志
故筆硯塵深頃來得發舊業卿是起予者也
先生不憚他之謗議不避人之嫌忘博聞語磨日
就月將今夏讀春秋傳惺窩寄書曰古人讀春秋於
羅浮羅浮者是不在羅浮而在足下明窓淨几之
上得古人羅浮之意則隨處有羅浮而已爾後常
呼先生稱羅浮山人昔羅仲素在羅浮山讀春
秋傳故惺窩云爾遂爲先生之家號門客皆崇
尙之稱羅浮先生先生所著詩文自稱羅山子
或曰浮山或曰羅洞或拆之曰四維山長又以高
螺洞梅花村在羅浮山故各拈出爲別號其同及
于惺窩之門者稱先生爲林提學以惺窩之所
指諭也惺窩謂人曰林忠聰達稟性最敏朝不待
晝夕不待夜夜課不延于明且當世豈無提學記
之輩乎然不如彼之黽勉奮進今之見讀書者雖

歸不聲而人前不分別彼能使上去人聲之不混
合實是細事也然其記識之精可類推焉今歲
大神君入洛在二條城間先生之名俄召之即
出奉拜之經日又尋府大君問光武於高祖之
世系時侍坐之官儒老禪皆不能對大君顧曰
汝記之否先生即應之又問漢武返魂香屈原
愛蘭之事應對如流大君感之洛中傳誦之遂
彰聞國今歲大神君移居駿府城讓征夷大
將軍子台德院殿居武州江戶城十一年丙午
朝鮮國使僧惟政松雲來拜大神君于伏見城
其留洛之間先生往彼旅贈而筆語惟政稱其
有讀書之眼先生屢拜謁于伏見大君歸駿
府時有旨曰明歲可到駿學直詣江府先生
告理齋信時以父母在不遠遊遊必有方及韓昌
黎論歐陽修之意義兩翁頌之乃趣旅裝今茲俾
寓赴南紀先生設別悅寓手提延平答問授之
曰此是延平之工夫晦庵之心傳也殊須用思十
二年丁未三月先生出洛到駿府四月出駿府
江戶奉拜台德院殿幕下讀漢書數卷及略
逾半月而歸駿府作東行日錄既而朝鮮聘使呂
祐吉慶暹丁好寬赴江府過駿府書慰之次
先生筆談忽忽辭去其後賜暇旋洛且不能拒
官命祝髮改名道春又蒙旨赴長崎而歸京十
三年戊申赴駿府日日奉侍讀論語三略等賜宅
地並年支又掌御書庫鑰歷看官本既而歸京
十四年己酉先生在洛娶荒川氏女順淑是也合
宅整備逮秋赴駿仲冬歸省十五年庚戌又候駿
府是年季冬大明人周性如來懇海上賊舟之事
乃有勘合之議執事本多正純蒙大神君之命
贈書於大明國福建道總督陳子貞其作者

先生也其後正純遺書於南蠻船主及阿媽港父叔勝產于駿府。太神君比年放鷹于駿府傍時。老智太神君之旨而先生爲之十六年辛亥。又遊政江戶近村。先生常供奉之十九年甲寅。太神君入洛使國侯郡主獻誓詞。先生草之既而奉從到駿城。官賜洛外之八潮二潮田中山。本祝園梅畑村戶以爲采地佩戴印章還故鄉。理齋信時大喜十七年壬子。先生稟命携宜人荒川氏居住駿府恒侍營內以中華本朝古今之履歷啓沃之咨詢頻繁前席幾矣夜話屢賜飲食或至于親對燈前告達儒書性理之義而多協。台慮有所不合則再三演白之遂雖有不問通而未達。威怒往往顧左右曰彼之博識固可探焉各宜遇之。太神君常使衆醫調和御藥又喜聽僧徒之論議。先生受命預聞焉家弟信官遊有年今茲蒙旨奉仕。台德院幕下于江戶削髮改名求永十八年癸丑五月長子三。日以霖雨也先生侍講論語學而篇乃入駿府。

羅山林先生集附錄卷第三

四

二年丙辰正月 太神君不豫 先生常候之屢
侍 御床四月十七日還薨乃陟久能山拜

神廟而後送回官入伯叔勝於京而赴江戶賜

暇到駿城頒附 官告于義直賴宣賴房三卿之

家臣而獻日本舊錄略等有之嗟本於江戶而歸

京丙辰紀行山是而于茲孟冬次男長吉產于洛

二年丁巳春赴江戶夏之孟 東照大神自久能

山遷座於下野國日光山 幕府登山 先生從

行少住樂中禪寺乃問鄉談尋古記作二荒山神

傳而還洛冬又赴江戶四年戊午賜宅地于江戶

五月三男春勝產于洛後改 十一月歸京比年

先生東往西還席雖不煖講誦不息在洛之間數

而於惺窩且教誘徒弟凡平生之詩文惺窩每見

歎賞或批點之或貽札以德通焉一日示其所作

南紀弱浦皆神廟碑談及助字 先生之所云惺

窩首肯之其餘比比有焉惺窩語人曰遊我國者
可與談倭歌可與說詩文可與論史乘可與話

本朝各有所好所得也林忠則該兼之況又格物

志道之勤固匪餘子之可企及乎又曰事理之疑

滯漢倭之故典有欲問則悉質正于林忠而可也

何勞我乎頃歲洛中自負之學者其相語未必

雌伏于 先生之意在其座者以爲彼此各無優

劣至 于先生自駿返洛而每其會集也學術

調固不爲一般於是皆知 先生之高才超羣也

五年己未在洛一日謁惺窩告曰江戶屋砌有

花廬所謂夕顏花也源氏物語有五條夕顏巷之

語喧傳于世今也洛之五條有宅 宇故去穩有

東武揭夕顏巷三字于書堂孤瓢一也顏子陋巷

瓢飲聊寓微意惺窩大嘉之裁倭歌並序寄之乃

以爲別稱或曰顏巷又曰瓢巷 先生家庭有石

竹故以麝眠爲亭名又堂稱尊經又號雲母溪然其喻矣人口者羅浮及夕顏巷也今歲九月憚窩卒先生悲感作弔詩他後爲之行狀今般在洛也依人之請講春秋傳書經蔡傳每日開席友生門人磨至洛中學業咸昌虛往實歸以爲欣榮迄冬又赴江戶六年庚申十一月次男長吉夭於洛十二月先生有微恙告暇歸洛七年辛酉在洛養病夕喟然曰壽夭格者命也不足介懷古人有云但恨在世時飲酒不得足今我設無無妄之喜則講學之不得足斯所可恨也既而校愈四月出京周遊攝州紀州洛於有馬湯泉歷月還洛西南行日錄之作在此時也而後病瘳暇日披吉田兼好徒無草演成其說命示侍坐者曰某事在某書某語在某卷可援證之可解辯之講說語笑之際不費安排不煩搜索而十四卷成矣號野

健而榮行於世一日勅賜玉朝類花新刻一本且以京尹板倉重宗傳詔旨故諱加朱墨於勅本附重宗就廷臣以達上之十月赴江戶八年壬戌四月奉從台駕于日光山九年癸亥夏台德院殿大猷院殿入洛先生扈從大猷院殿任征夷大將軍而後兩大君還江戶先生留洛寬永元年甲子先生四十二歲在洛正月遊入瀬有紀行三月赴江戶四月蒙旨奉仕大猷院幕下自後日日候侍或講論語或讀貞觀政要或說倭漢故實又陪執政之席又預堂應之事今冬朝鮮信使來貢江戶其副使安弘重兼春秋館學士先生因記疑問三則示之弘重無答辭又與進士李誠國筆語吟唱十一月四男守繼產於洛後改名靖二年乙丑幕府遊狩于河越于鴻臚于牟禮先生無不從焉三年丙寅五月蒙命

撰孫子論解六月撰三略諺解又進大學倭字鈔
八月 台庵入洛 先生奉從還家時外舅荒川
宗意沒即會其葬今度 行幸一條城而後回
台輿于江戶 先生暫留洛仲冬赴江戶四年丁
卯叔勝既成立讀書穎悟自洛屢致疑問 先生
揚眉答之五年戊辰四月 台駕躋日光山
先生供奉九月遣人於京問林人起居而嚮迎叔
勝十月叔勝到江戶六年己巳叔勝陪膝下讀藏書
五月有恙赴九相津溫湯而篤劇六月歸江戶藥
無效十九日沒齡僅十七 先生哭之慟是月
十六日林入沒于洛八十三歲 先生聞訃與永
喜同賜暇旋京悲慕交加十二月又赴江戶臘晦
叙法印位不其爲儒官故 先生作詩並序解說
之七年庚午正月元日披法服獻一劍一馬拜
台顏賜杯盤戴御衣一對而退是爲恒式五月開

宜人臥病告 暇發江戶六月七日入京宅此日
振娘生矣迨秋宜人快復 先生東行到伊勢桑
名時酒井忠世土井利勝爲使節上京相值於茲
乃述 鈞旨使 先生又入京以今回有 即位
之事也登日 先生入 禁闕窺見其儀使盡手
圖之且作倭字記與兩使同赴江戶獻圖記今冬
兩太君賜郭外上野之中有數十步之地于先生
爲其別莊而將建學校九年壬申正月二十四日
台德院殿薨二月二日先生京 命馳驛五日入
京逢板倉重宗相會廷臣奏請 前太君歲號十
三日赴江戶獻之今冬尾陽大納言義直卿稱
堂于上野別業奉安聖像既顏曾思孟像日親書
先聖殿三大字以揭之且納祭器件件 先生制
文庫藏群書又使書工描伏羲神農黃帝堯舜禹
湯文武周公孔子之聖容顏曾思孟周子二行張

邵朱子之賢影凡二十一略以藏之頃來食祿加賜馬十年癸酉二月丁巳初釋菜於先聖殿四月十七日台觀自東淑山過先生別墅御覽聖堂先生蒙命講堯典首章賜白銀若干十一年甲戌三月賜駿河大納言忠長卿儒館之中大厦一字以移立于先聖殿側是月執事酒井忠勝登日光山先生受旨副之定彼山中之制六月幕府入洛先生供奉作御入洛記八月台榭旋江戶先生留洛十月携妻兒徙家于江戶以官命也十一月男恕初登營拜幕下十二年乙亥正月抄出倭漢法則獻之凡三卷今夏奉旨作武家法度十九條並麾下諸士法度二十三條十三年丙子正月伊勢內宮外宮神官拜禮前後事未決廷臣之所議以爲外宮可先之幕下問之先生謂內宮可爲先因獻勘文

幕下可之遣近臣持其勘文入洛奏之廷議無異論二月獻倭漢荒政恤民法制二卷四月日光東照新廟改造幕下登山先生從之既而作新廟記以承教也十二月朝鮮信使來聘蒙旨與進士權伏筆語問朝鮮官制於信使又舉彼國書記之疑問數件示之不能答逮其歸國先生草御書且執政等復彼禮曹之簡皆代作之十四年丁丑春幕府弗豫夙夜侍營內不還宅者日久矣爾後貴體復故七月執事堀田正盛傳命曰揭經書之語爲論題設問裁答可以通台聞先生乃製成之待其日期官事雜還淹滯而有島原耶蘇島合之亂遂不果十五年戊寅八月十九日永享卒年五十四先生其惜連枝之折以儒禮葬之十六年己卯七月作無極大極倭宇抄進之依命也十七年庚辰四月正當

東照大神二十四回忌奉祀。台觀于日光山十八年辛巳二月有旨聚士林諸家系譜使太田資宗監裁之。先生副之以訂正之又別承命撰本朝神代帝王系圖鎌倉將軍譜京都將軍譜織田信長譜豐臣秀吉譜十九年壬午又別奉命撰中朝帝王譜十三卷進之二十年癸未七月朝鮮信使尹順之趙綱申需來朝先生與三使及進士朴安則贈答多矣及其賜暇御回簡並執政答札先生作之如丙子之例八月十一日嫡孫春信生九月諸家系譜編纂成命名曰寬永諸家系圖傳以藏於官庫是月執事酒井忠勝松平信綱爲使价人洛依有讓位即位之事也先生副之凡在洛四十餘日先生年漸邵而累歲不到京師故洛人求紹介投刺來謁者數矣匪情窺文字之輩而已蓋以名聲藉其故欲一見之

幸也仲冬歸江府明年有革命之儀菅氏之所奏上乃達江戶召先生于御前被決之十二月改寬永二十一年爲正保元年先生六十二歲是月中旬春常生矣春信弟也二年乙酉四月幼君元服叙二品任亞相勅使來賀先生作倭字記去歲以來蒙命修本朝編年錄隨成遂卷獻之累年至宇多紀而輟季夏而後先生疾痛積久未瘳三年丙戌宿病未得神醫之助每有取謀執事信綱屢來訊之元老忠勝亦來談而後信綱依命携官醫數員來議療養時人以爲恩榮既而小效偶有日光之一件召先生於二丸便殿聽乘輿入營門到官食所而下之進拜台顏奉答顧問而退識者謂本朝管清公之後又有此眷遇也秋來鼎茵如常遣振娘于京嫁荒川宗長臘月男恕加食祿賜第舍四年丁亥之春

思造新宅居焉。先生授倭漢載籍一千餘部以副本數百種分車靖也。其餘自藏之書猶有鉅累。常告曰：他後可與春信也。宜人荒川氏最有內助。故平生所以家事而讀書自得焉。往往流憩別墅。乃構詩仙堂。慶安元年戊子。先生六十六歲。四月正當東照大神三十三回御諱辰。幕下登日光山。先生俱奉應。命作其記。二年己丑。二月釋菜於先聖殿。適歲公私多務。此儀暫闕。肆今再舉之。法式稍備。三年庚寅五月。尾陽義直卿逝于江戸邸。先生慨歎。四年辛卯四月二十日。幕府薨奉葬日光山。五月。先生登山而歸。府八月幼君任征夷大將軍。是度元老執政。咨詢夥矣。其後年大學倭字抄真觀政要。該解依執事阿部忠秋爲獻。幼君而請之也。臘月元老執政述先君之道。命增賜武州之赤木村袋村柿沼村以爲

先生之采邑。承應元年壬辰。先生七十歲。二年癸巳四月值大猷院殿三周御忌辰。九月。先生携男靖登日光山拜新廟。因拜東照宮。歸程訪足利學校古蹟。閱上杉憲實父子寄納之五經註疏。舊刊唐本而藏得之。乃過其食邑而歸。有紀行若干篇。既而以彼舊本與家藏五經正義校讎。釐定之。三年甲午四月靖也妻伊藤氏產男子。而後病不起。先生惻然。明曆元年乙未。先生七十三歲。今春承旨拾中華歷世名臣三十六人作之。贊又撰獻漢魏六朝唐宋百人詩。今夏執事阿部忠秋執達賜銅瓦庫。宇建之家塾。匠人僉曰：箕伯不得摧之屏。霸不得陷之回祿。亦不可犯之。先生大悅。其未附恕靖之藏書連篇累帙。皆捆入。焉十月朝鮮聘价趙珩僉焉南龍翼來貢。既到大坂見先生所藏五花堂記。同感賞之。入

府之後拜禮畢而三使贈上宜數品于先生亦最鍾愛之頃年口授四書五經等先生既配車是丙子癸未之舊例也先生寄詩章而唱酬焉家藏二十一史于恕靖而後別得善本有逐一考既而御回簡執事之復書如前規至將發府而閱之起念十二月應召出於御前書格有大魚塲魚塲投示扶桑壯遊百五十韻以求副響先生即展燈下和之靖隨其口占而筆之一人在側就其數句成而繕書之翌日早竣乃速馳達于小田原秋澤愕然大稱譽之作詩並序以謝之先生復次來韻追及於中途世皆以爲斷古之偉事日域之快談也今茲宜人荒川氏病患淹久暫有驗而復劇將不起而徵教者終年幾度矣樂餌咽咽延萬方求之恕靖且暮竭心振娘亦自京來侍先生自檢醫錄與衆醫告議二年丙申三月二日宜人遂沒葬以備禮下棺于別墅之隅恕靖白先生私私順淑儒人五旬之後使恕臻洛告諭姻族而歸然後振娘旋洛臨春信既十四歲先生夕先生廢恙又呼他醫治之二十三日恕告事

由於執政適命官醫診之未到先生精神不亂
破扶起猶啜稀粥與所把刀圭之醫相語且眷觀
婦孺及諸孫且命告家人也忽靖春信春常不離
其側采邑之老民聞江府之災馳至焉家人達之
先生曰善哉來也其言語猶明少焉吏部源忠次
聽其危篤使豚子來問之先生啓眼謝之聲未
甚嘔既而氣息奄奄泊然而逝是日未時之辰也
其終焉之不變動也固如此春秋七十五至是官
歸漸及門而空返此夕小歛而後穿穴灰隔治棺
大斂魂帛銘旌等倣文公家禮忽靖同議私諡文
敏先生二十九日奉葬于別墅之隅門生來會而
馬鬣封小石碑成矣訃聞貴卿侯伯元老執政群
僚士庶等相識之輩弔問甚多而後西京畿內東
州北隴南海濱紫近者遠者四方驚聽述弔殊不
勝而闔國欽惜焉既而忽新厦甫就建祠堂安神

主而祀祭盡誠靖等預焉嗚呼先生爲人恭遜
謹恪內外之出處常常固不改焉以其和順優容
故歷事幕府四葉未曾逢其忤責而前後執政
各無所謗害以其不夸才故凡百之人皆不嫌忌
之其官遊多年故貴介侯伯所相識者不少其自
偶遇之則不以貴高之不以枉屈之時措之宜就
中或有齋學問事而所傾接之則亦任其禮際而
已其家儀儉簡周身之奉隨其所當以不整飾而
或招賓客則治具盡意至于尋常門客亦有特飲
食之則不爲粗率凡其往往餽遺之禮亦隨分而
無所缺忘其有所不平則怒形於色然而早解矣
不蓄積忿不忿傷惡性不飲酒不放飯流飯起居
之候寒暖之節保養謹焉故偶值微疾而不增
重者時有之凡一生之際讀書孜孜隨處展看不
必芸房文案也每披件件之卷乃無不終其顛末

臨登營及他往而猶握鉛槧蓋與既設矣奴僕
既待矣告之再三而整束纔編以出矣者比比然
矣迄還宅而更服即執朱墨凡夜讀逮中宵而不
罷或坐睡或盛寐爲其暫交睫而復起也故先不
解帶就寢也其臨筵也舌端既熱是以文義昭
晰理趣貫究且答其問質其疑者詳悉而靡靡不
倦故執經問字之輩皆如群飲河而各充其量譬
諸撞鐘其小鳴大鳴者隨彼擊木之力而已惟其
大扣之者罕矣可以嘆也其所藏之書初未敢秘
之壯歲嘗有入之借見而還璧之不納箋不包貼
紙隔垢汚墨沫點染焉於是不滿意而後不許容
易借人雖然依其志之深曉望之精勉而乃喜而
示之世俗以爲一偏斬固不必然也凡人呈所作
之詩文以乞批改一見知其可否再覽以是正之
加兩三語而文之主意一新矣易一二字而詩之

精采頓異矣口中之雖黃筆下之妙削點鐵成金
琢石發光者也拙篇惡詩亦得不乏唯憾者多矣
昔胡康侯其子弟或近出燕集雖夜已深猶未寢
必俟其歸問其所集何客所論何事有益無益以
是爲常也先生之於恕也靖也亦相同其以流
光可惜前修可企而耳提面命之者在友生門人
亦丁寧焉先生之博學不可得言既通五經四
書之舊註而覃思于程傳朱義也朱子集傳也蔡
氏傳也胡氏傳也陳氏集說也朱子章句集註也
新加訓點且讀易而有羅山日記讀書而有渾天
儀考讀詩而有六義考讀春秋而有劈頭論通
三禮而初墨點于周儀二經乃欲特作曲禮而
不果也有論語解孟子要語解大學解中庸解也
精誦左氏而公穀之點訓始爲之也玩索孝經數
家惜孔氏傳之絕失于中華而作諺解也熟讀爾

雅而朱點之乃欲別修倭雅而不全就也旁通漢唐諸儒之說而潛心于濂溪明道伊川橫渠康節考亭之手澤且宋元明儒之稗道學翼聖經者莫不各證也象山姚江等陽儒陰佛之學亦能觀破之存輯一書以陽明掛眉名之先漢之史存于世者繙之釋之串習三史而陳壽以下之諸史亦轉覽之適寓于朱文公之續春秋合部往往講之爲之手抄而續編前編等皆研朱焉涑水之通鑑朱批者前後凡兩本而劉氏之外紀金氏之前編薛氏之宋元等且古今之別乘小史史論史評悉讀過焉老莊之衆家審其得失攷其異同以得其要旨而管晏列文關尹駢冠鬼谷子華揚墨荀卿申商韓呂淮南揚子等諸子皆披覽而區別之蚤讀蘇黃集知其語脉乃閱李杜韓柳通讀楚辭文選而歷代件件之類集各家之別集任所有以該觀

之風雅之正騷賦之變古文古詩樂府四六散文律體長短之製大膽放心之分五七雜言之品世風之不樣家法之無同途凡文也詩也之錄則案式辦法評品格眼話談大搜尋之而得之心應之手高步于文壇雄揚于詩場凡鉅篇長韻咄咄辨矣如取室中物述某事就某題而思之發于言也油然而言之彰于筆也沛然而無所碍無所教也與彼尋常無平日該閑之勤臨期忽忽點檢書冊以爲一時之趣者天淵不翅矣其文成而更改吟罷而長吟亦在興寄之所從也先生嘗曰無材料則屋舍不可得建矣屬文亦然古人取材建安之類是也所謂行秘書也胸中之國子監也五鳳樓修造手也不可不想焉不可不勵焉況有以匠師之良爲進學之喻乎況又成周之政教有梓材之書堂情之語乎又泛覽兵家之書其於七書也

孫註十一家施氏、義劉氏直解委曲探窮爲之
諒解也。又歷觀醫書提其綱雖不啻咀診視而病
狀藥名諦察之當時衛生家之子陪書幌者不絕
矣。先生時時念之曰中華鴻術者之遺事相見
于醫說醫學源流醫學入門然皆疎脫矣近意
庵宗伯之名醫傳略亦不備也卿曹有意則余爲
修醫家言行錄也各稱諾于席上而不起行之故
不果也。字書韻書亦多推展之旨曰說文之行于
今者以五音爲次序其卷數又與叔重之元本既
不同也。孟氏之韻會自卷末見是恨也。今世通行
之海藏韻略其不採六經之字甚多矣雖爲禪徒
之所輯成而胡然無眼睛之至此也哉不足信焉
因寫黃氏韻會之正文以冀座右又嘗看道書全
集而參同契時見之壯年偶披空同道士鄒訴註
本而後欲再覽之遂不得也。鄒訴是朱文公之匪

名也。佛氏之書亦多見其頭腦者初大神君之
召諸宗群僧于駿城也老苾芻點沙門達先生
而語其奧旨要義者有焉故不求而得之不勞而
聞之他後其書之觸目而參錯以意談之前輩有
云吾儒之闢佛氏有三有真知其說之非而痛闢
之者兩程子張子朱子是也有未能深知其說而
常喜闢之者爲信程張數子者也有陰實常用其
說而陽闢之者旨哉言也其皆成援儒之形勢而
中情直向佛域其陽闢陰用滔滔是也。地讀聖賢
之經通信先儒之訓而泛然以爲彼是異端也儒
佛不相爲謀也不由宋儒之門戶而何處可入乎
可謂篤信耶然而不知彼爲何等之說話也
先生既已如此則疊之初教云云竺僧接承之意云
云漸入中華云云羅什之舊譯云云惠遠僧肇之
才辨云云敎家之流別云云離騷氏之法派云云

玄奘之新譯云云其剽掠老莊云云其與吾道似而非者云云果不可混同者云云其所以苦陷之云云其所以排斥之云云皆歷歷繁繁于方寸地故廓然不素坦然不疑匪真知其非而痛闢之者乎且夫周秦漢魏六朝唐宋元明之叢書類編種說雜錄中載斗量凡涉獵之功不可枚計其於本朝也以舍人親王之書紀爲正史參諸馬子安麻呂之兩書自眞道繼繩之所紀至時平善行之實錄從頭看之日本後紀之混沒也常以爲深憾凡年代之記載廷省之典章官位之叙次氏族之圖系朝野之著述倭字之群籍隨手而閱之寫之不遑縷陳抑清慎公之新國史今世不存是故寬平以後無實紀一旦依尾陽侯源敬之懇請而博訪詳考以作宇多紀略也其欲修本朝綱目之素志久矣以載籍不備闕年缺考故待官家道

陳農于五畿七道之後乃不遂而止可歎也可惜也嘗曰本朝之神道是王道王道是儲道固無差等所謂唯一宗源所謂理當心地最可盡意彼卜祝隨役之輩謬傳譁說扇惑流俗矧又兩部習台本迹緣起之談頭神誣民之太甚乎神社考之作以此又曰官臣之文章不出駢儷之窠曰不免謗膚之譏然而敦厚醇或近古也五岳風月之禪子頗窺唐宋之藩籬固有卓越之才然而尖露盡乏餘味也其於倭歌也素不深屬意然而萬葉之古調古今集已下世世之風人人之體固昭察之往往自詠以遺興少小而後嗜於挾策不專於臨池故其書體不爲絕奇然而不野不俗惺窩云爾且其古文之波點草字之分毫以了知之中華名達之筆樣本朝諸家之墨痕多所鑑賞也加旂朝鮮國之世紀俗傳人物備錄篇幾併其與中華

本朝往來之故典以歷視之至若南蠻耶蘇之記亦電囑之推其邪端所謂世間有字之書莫不見者先生是也吁嗟至廣矣至備矣壯歲口號有云脚下風波千萬里粟田仲滿是男兒其慕華風者灼灼矣本朝之古遺唐使之名字煥發青史粟田仲滿其尤也是故及此中世久廢鹿苑相公治國之後禪祚祇此役耆者慶長元和之際事不出此而不使先生膺其選也命矣哉平日間居歎曰余非自以爲老子文學然而得值文物之世則誘導生徒陶其所長而卦爻象之學典謨訓誥之學三經三緯之學三百三千之禮節勸善懲惡之四傳宋儒之格言也正史之學編年之學也文辭之科詩律之品也兵之律覽醫之課業百家之臚列也本朝之紀年神道等各宜指授之其如此而負笈之徒日繁執業之儔月盛民俗一變

儒教勃興庠序學校之大道充盈于島卯者可以期乎其不降生于中華而與有德有才之人講習討論也甚遺恨也否則本朝昔在雖無服膺儒風而用力之深者亦是戶戶讀經典人人携史籍釋奠施于群國文藝到處不爲石勒倘得托胎于登時則猶可也吁夫近世文業墜地興起省察者惺惺也余固就而請益矣下世已久矣所相識所來從之可以談論者零落歸泉方今無知己無同志唯是上師聖人下友群賢優游卒歲以忘老而已昔在病床手不釋卷有來訪者曰公今何不廢事願性乎先生笑曰世之喜歌舞者不可一日無歌舞也嗜技術者皆然矣病中亦以慰悅矣彼哉彼哉余之讀書不獲暫歇豈以爲勞煩哉呂伯泰垂危病中猶不息于日業況今不劇重乎且夫痺痼疾痛之切吾身宜念克己之戒也先生

性充實處事不息兩眸明明久視不瞬至老夜
讀經不用眼鏡其記憶亦無減失而有所偶忘
則不以係意不恥下問或有兒輩門生之省
然曰汝善讀之前程勉旃其不媚猶而扶
學也如此見有術才誇能者則警諭之曰
誦四書六經乎弘覽世史通鑑乎閎究諸
乎博涉百家文章乎擬知說文玉篇乎普
之事乎其千萬之一端也亦不得暗記決
假饒如所示而固不可自贊況其不然乎
之中一事不知爲深恥者難中之難也吾
真勿憚改過謝良佐之立志乃能去一矜
子之稱美信矣哉見有懶放倦業者則懇
中道而廢是夫子之所責也自暴自棄是
加歎也懶不可不戒也心不以可放也倦
勤也業豈可不修乎且又余之少壯也

世上書史尤罕矣做之磨之幸苦佔畢焉方今黃
卷赤軸固不難得而每歲新到長崎港者汗牛充
棟而慢散空閑斷送烏兔悲哉昨非今是須致思
焉其論學者之雅言曰夫自古一理無古今之差
華夷之別也天道靈默不爲諄諄其代言者上古
聖神也聖神邈矣其垂憲者墳典也賢哲不常有
上矣先聖夫子刪述六經其功之過于堯舜也大
矣哉既而洙泗之間斷斷如也有亞聖孟子出焉
而後道喪千載聖遠言湮惟夫周元公不繼師傳
默契道體而授之兩程子此時固有橫渠洛有康
節而程門之道南矣道脉三傳乃至朱文公其所
以集諸儒之大成固不費辭統而論之其大開斯
道全起聖學者上之夫子下之文公也末俗小儒
吹毛吠聲妄議文公固不足掛唇吻凡學文執業
者可深致思抑博文約禮博學審問信是孔氏之

善教也根本固地位定而強記多識固其所也通
天地人曰儒不亦然乎所謂反鏡索照買櫝還珠
之前訓莫草草看過也 先生之才名初彰於洛
宅之隣閭乃聞於九重之四野以發於他境施於
東土顯於西州遍布於六十餘州而兒童誦之走
卒知之遂達於雞林傳於中朝偉矣哉輿論僉云
本朝數百年來間出之碩才也 幕下之士阿部
正之一日邂逅語舍庵正意曰聞今時博物者羅
山子而其次之者是下也吁難得之才也正意答
曰羅山則誠然矣以彼文學生于方今之日域而
不得展布也甚可惜焉吾儕十餘輩雖累之而豈
望一羅山乎耶所以可作稱之正之曰子固不學
無所辨知今聞所告猶知羅山之不可跋及也足
下之直說不夸不耀最可感讀也以聞元和年中
大明福州人單鳳翔適來京師想 先生之風采

頗稱可之竟永甲子丙子朝鮮專使之不能答
先生之問條者有所素聞其治才而且無遑于當
務之多事耶癸未之聘使欲修交誼而不遂矣進
士朴安期一見筆語曰不佞在海東聞羅山之名
久矣而後詞札往復推之爲老先生且逢 此方
之畫手圖其肖影請 先生爲之贊携歸以爲榮
也明曆乙未之信使趙珩回簡于 先生曰嚮因
使行開聲誼素矣俞瑒曰日域之文章以羅山爲
第一皆是不爲溢美不爲虛譽也嗟夫 本朝之
古閱學之人世世不乏匪晉流俗鼓唱皆不相也
迨乎近世猶有藤長親探海之學藤兼良廣覽之
務雖然合併而試察之其所觸手之牙籤軸軸彼
各未及此之甚多也耶 先生之琅琅璦璦豈翅
郵侯三萬軸而已哉抑又尊信孔孟之道迺彼之
所不足也聞揚程朱之旨迺彼之所未得也近來

世敬聖賢人知宋儒者先生宴是嚆矢也先懷也然則可謂高立獨步于扶桑國裏往古來今之際也鈞之是人也而其出類若茲謂之人中鳳凰麒麟也亦可不誣焉世之瑞也邦之傑也其翼之不得張也足之不得展也時也勢也人不知而無憾不見是而無悶先生有焉然而歷仕之

台眷未必爲不遇乎含默恬靜終始如一視夫躁進英銳之苟誇自矜者大有逕庭粵指揮經生棄人而不得爲校黉之宗主也諒爲先生惜焉其前脫蒼華者往歲台旨之固辭而不及躲避而難得也亦惜焉懸車過期內外繁務自駒駉駉亦惜焉先生既已高年也然而世之入老涯開九帙迫于期頤而偶或超之者亦不爲無也先生聰明不衰眠食不損其以黃髮始背期之者不獨我儕及族屬徒弟也人朝亦多然矣亦是可惜焉

先生平生詩文囊幾許矣一時之鳴硯卽席之走筆乃無稿草者慶長元和之作想可殊多矣其勒成冊子者若干編罹丁酉之災忽也參攷副本亂稿而遍搜于諸方靖也助其事而後類纂之凡文集詩集各七十五卷其逐年之事實忽也作年譜而委悉焉且所編著之書極衆矣忽也別記備矣今不贅於此

萬治二年己亥季冬

小子靖謹狀



羅山林先生集附錄卷第三終

林鷺峰 著

鵝峰先生林學士自叙譜略

元祿二年（一六八九）刻本

據元禄二年（二六八九）
刻本影印

鵝峰先生林學士集附錄

自叙譜略

元和四年戊午

五月二十九日生於京都新町宅在四條坊門錦小路之際祖

父林入名之曰吉松伯祖理齋幼名也先考在江戶母順

淑孺人育養之外祖荒川宗意殊愛撫之

五年己未

六年庚申余三歲

十一月次兄長吉庖瘡與長兄敬吉共避之赴宗

鵝峰詩集

譜

意宅二十一日長吉沒時五歲既而敬吉及余在京

意宅而庖瘡母晝夜保養共恢復自是屢赴宗意

宅遊戲

七年辛酉

八年壬戌

九年癸亥

寬永元年甲子余七歲

先考在洛常抱余屢稱膝上王文度又曰此兒能飲食常不擇五味後必保家戲稱曰常吉今年

十一月二十一日同母弟靖生

二年乙丑余八歲

先考在江戶余就敬吉習讀書

三年丙寅九歲

八月朔日先考從台駕入京四日宗意病歿

台駕東歸之後先考暫留讀論語余陪座冬

先考赴江戶依其命就松永貞德習國字頃間或

人戲曰敬吉繼家業東行可仕幕府二弟唯留洛

亦足矣余掉頭不肯其人曰此兒亦不尋常

鵝峰詩集

譜

四年丁卯十歲

五年戊辰十一歲

敬吉講大學余陪聽十月敬吉赴江戶余與靖留

洛侍母側常受慈訓在洛門人時時來對語及

文字之事且好誦後宇草子

六年己巳十二歲

六月十六日林入沒於京十九日敬吉沒於江戶

二十五日敬吉訃至母悲歎殊甚先考聞林入

訃而賜暇歸洛其間追悼敬吉激勵余學既而

先考東行令歲余有病太瘦藥灸有驗逐年肥滿

七年庚午十三歲

今春元服號又三郎春勝字子知後改名恕字之道既通習五

經句讀又登東山讀山谷詩集又過中村氏宅讀

東坡集此夏母疾病召親戚議醫藥之事六月七

日先考賜暇歸洛此日休生既而母病愈先

考爲余講尚書左傳序且口授左傳句讀中秋始

作詩先考賜和及冬先考東行道逢上使

有官事而入洛又歸家畢事與上使赴江戶

舊降詩集

八年辛未十四歲

讀史記前後漢書又讀十八史略十餘遍略知歷

代治亂興廢且頗知本朝故事

九年壬申十五歲

見先考所作大學諺解而讀論孟中庸太全頗

窺五經又見聯珠詩格瀛奎律髓唐詩選唐詩解

古文前後集等學詩文召門人稻春碩講論語及

古文弟靖始承句讀於余

十年癸酉十六歲

時時會那波道圓聽其講孟子又爲余講春秋胡

氏傳

十一年甲戌十七歲

與道圓會如前聽其講感興詩又來余宅講學論

文六月先考從台駕入洛其間余及靖執謁

於元老執政以官事繁務未遑拜幕下幕下

東行之後先考暫留洛十月三日攜宜人及余

靖年妹赴江戶斷髮號春齋靖自途中有病十一

月朔日本始登城奉拜幕下土井大炊頭利

舊降詩集

勝導之松平伊賀守忠晴啓達之歷日見諸執政

謁責殿

十二年乙亥十八歲

正月朔日登城奉賀年始拜禮

二月聖堂釋菜講論語首章夏秋之間患小瘡

累月自是在宅專勵讀書一覽事文類聚全部加

朱有暇則作詩

十三年丙子十九歲

在家專學問

今冬朝鮮信使來朝其筆更全梅隱因先考之求而書向陽軒三字以爲余號

今歲亦有病起居不快病間代先考作倭漢軍談癩田加賀守正盛所求也

十四年丁丑 二十歲

讀通鑑綱目全部加朱且涉獵群書又見日本舊記凡有公務則在家略視聽之

十五年戊寅 二十一歲

春夏之間先考新作一字使余移居焉

鶴峰詩集

諸

五

八月十九日叔父東舟卒其子永甫繼家自此冬余及永甫始列棠陰之廳且頑寺社訴論之事屢赴安藤右京進重長松平出雲守勝隆宅而朔望登城屢應土井大快頭之招聞天正慶長舊談又時時會石川主殿頭忠總松平右衛門大夫正綱聞御當家參河遠江開基之事此三叟者直在共賡之人而其所語皆爲實說其餘老人之言亦多聽之○頃間謁尾張亞相義直卿紀伊亞相賴宣卿水戶黃門賴房卿及彦根羽林直孝就中

義直卿殊加懇意經年賴房卿亦眷遇稍厚此冬講三體絕句

十六年己卯 二十二歲

自三月講山谷詩集并任洲註十一月十五日受倉橋至政女

十七年庚辰 二十三歲

四月講畢山谷詩并註總二十卷其後講詩經集傳有命編集諸家系圖傳從先考屢赴奉行太田備中守資宗宅議之每日書札來往然詩誦

鶴峰詩集

諸

六

定日不懈

十二月朔日會於願寺試系圖起筆今歲先考舉百問余及靖有對詞

十八年辛巳 二十四歲

自四月朔日會評定所編集系圖每日赴焉終年自是不頑棠陰及寺社之事以勞系圖之事無暇也然執政有殊旨則頑往焉永甫臥病不起余專勞系圖之事頗爲先考之助

十九年壬午 二十五歲

勤系圖之事如去年今春暇自作七武論

二十年癸未 二十
六歲

自春至秋勤系圖之事同前

七月七日朝鮮信使來朝 先考及余靖與三使

并林學士贈答 有別
記

八月十一日長子春信生名慤字孟著號勉亭稱

梅洞

東福門院有欲聞朝鮮來貢始末之旨阿部豐後

守忠然使余作記而獻京都

書錄詩集

卷

七

九月九日諸家系圖傳悉成漢字修字總三百餘

卷

同月十四日有讓位即位之事酒井讚岐守忠勝

松平伊豆守信綱爲上使上洛依 命令 三 先

考及余從兩使賜官金驛馬發途晦日到京十月

三日觀讓位之儀三十一日觀即位之禮十一月

十四日出京此行在京之際古河拾遺上井利勝

寄衣食二十四日歸府 有別記及
往還詩卷 此行在京之

際與 先考更日會兩使於京尹板倉周防守重

宗宅讚岐守始知余甚可咨詢謂 先考曰春爲

實是卿之家督也自是眷遇日厚歸府之後達於

上聞爾來每有文事公務余無不願焉伊豆守亦

往往加懇意

正保元年甲申 二十
七歲

四月七日講畢詩傳

頃歲 先考承 命作鎌倉京都將軍信長秀吉

譜本朝編年錄中朝帝王譜余及靖代其勞但編

年錄未成

書錄詩集

卷

八

十二月十四日次男春常生名慤字直民號整字

同月未始賜年俸二百俵并月支阿部豐後守

傳 命

二年乙酉 二十
八歲

正月九日始講書經恭傳

是月崇對馬守義成就執政白曰朝鮮守我國宗

擒南蠻耶蘇邪徒護送諸馬嶋乃獻禮曹書簡

二月有 命曰對馬守遣回簡於禮曹可感朝鮮

厚隣好也以非私贈各故 先考蒙 命代對馬

守作之與元老執政相議之後於御前次焉時
有旨改五六字先考受旨欲退有命曰卽座
改之余執筆改正備上覽而定焉此時讀改守
卿田加賀守候御前伊豆守授官紙於余阿部
對馬守磨墨在御前之輩是耳豐後守患服不登城

四月二十三日今太君元服仕官從先考顏
其議先是定御諱亦爲先考之助

今夏有東照大神君官位昇進年月之沙汰五
月朔日曉余賜驛馬赴日光翌朝登山逢毘沙門

堂公海寫神庫所藏太政大臣宣旨三日午
刻歸府登城獻之同九日又乘驛登駿州久野
山寫御官位宣旨八通而歸到大磯驛命
勅使菊亭大納言經季卿自江戶歸洛告其趣十
二日夜歸宅往還可里翌日登城獻之其後經季
卿奏聞補不足而東照神君御官位宣旨
全備矣

頃年有高野山衆徒行人之誦論執政聽之余亦
頑焉其後於御前裁斷之禁錮其長無量壽院

澄寶性院青文殊院五而有命遣安藤右京進

於山中猶鞠治其事且尋問古來之寺法余亦被
召於御前辱蒙御旨賜官金驛馬蓋是讀改
守推舉也十月十四日與右京進同途出府下旬到
京會周防守召仁和寺大覺寺東寺密徒於五味
氏宅問衆徒行人之等品而歷伏見淀大坂泉
入紀州登山每日議其事召山僧尋問之留山十
日悉見古今舊文寫其切要者冊于滿藏終事歷
和州詣三輪初瀨憇奈良拜春日入京十二月歸

府臘未叙法眼位

今冬近臣中根壹岐守爲上使來先考宅示
日光文書其中官符內記東照社多有余在側
白先考曰據延喜式神名帳稱社者尋常也稱
宮者殊尊之也如伊勢宇佐鹿島杵取是也禁中
尊東照大神則宜稱宮然稱社者奈何先考
領焉壹岐守默不言而去奏其趣於便殿其後松
平伊豆守殊受睿旨來問宮與社之差別先考
獻勘文余侍焉其後酒井讀改守依命來詢焉

再白_ミ容_ニ自然_ニ欲_ハ以_テ直_ニ論_ル決_シ之_ヲ去年以來 先考有
病未_レ全_ク愈_ハ故_ニ召_シ月內門別許乘輿而登_リ賊余獨
自徒_レ步_ニ從_テ之_ヲ既_ニ而依_リ仰_テ於_ニ便殿_ニ直_ニ被_レ問_フ之_ヲ讀_シ敗
守等候_ニ焉_ヲ先考畢_ニ事_ニ而退_リ經_テ日_ニ今_ニ川_ニ刑部_ニ大輔
範英爲_リ上使_ニ上洛_ニ就_テ勸_ニ亭_ニ大納言_ニ經_ニ季卿_ニ奏_シ之_ヲ
及_テ冬_ニ經_ニ季卿_ニ爲_リ勅使_ニ登_リ日光山_ニ有_リ改_メ東照社
賜_リ宮號_ニ之_ヲ宣_ニ命_ニ經_ニ季卿_ニ及_ニ範英_ニ加_シ倍_ニ食祿_ニ余亦
高野山_ニ聞_リ此_ニ事_ニ然_レ則_ニ宮號_ニ之_ヲ事_ニ出_リ自_ニ余_ニ之_ヲ一言_ニ者_ニ
乎

書降詩集

卷

十一

三年丙戌

二十
九歲

先考自_ニ去年_ニ至_テ今_ニ秋_ニ有_リ病_ニ故_ニ有_リ官事_ニ則_ニ余_ニ登_リ
城_ニ勤_ニ之_ヲ或_ニ日光山_ニ東照宮_ニ加_シ封_ニ戶_ニ或_ニ草_ニ參_ニ州_ニ藩
山久_ニ能_ニ山_ニ及_ニ河越_ニ仙波_ニ神領_ニ之_ヲ案_ニ或_ニ初_ニ頭_ニ官_ニ幣_ニ例
年_ニ之_ヲ事_ニ又_ニ於_ニ御前_ニ直_ニ讀_ニ東_ニ叡_ニ山_ニ寬_ニ永_ニ寺_ニ院_ニ號_ニ之_ヲ
順_ニ之_ヲ名_ニ而_ニ奏_シ之_ヲ

十二月八日 太樹出御黑書院讀_シ敗_リ守_ニ薦_ニ余_ニ并_ニ
御前_ニ依_リ命_ニ登_リ上_ニ壇_ニ還_リ台_ニ顏_ニ心_ニ尺_ニ讀_ニ進_ニ日_ニ光_ニ山
印_ニ章_ニ畢_ニ事_ニ而_ニ退_リ其_ニ明_ニ日_ニ依_リ召_シ登_リ城_ニ讀_シ敗_リ守_ニ豐

後_ニ守_ニ傳_ニ命_ニ日_ニ春_ニ齋_ニ能_ニ勤_ニ家_ニ業_ニ宜_ニ倍_ニ祿_ニ賜_ニ五_ニ百_ニ依_ニ
且_ニ別_ニ賜_ニ宅_ニ地_ニ余_ニ拜_シ命_ニ之_ヲ辱_ニ豐_ニ後_ニ守_ニ日_ニ專_ニ是_ニ讀_ニ收_ニ
所_ニ執_ニ達_ニ而_ニ太_ニ君_ニ之_ヲ登_ニ庸_ニ也_ニ此_ニ日_ニ靖_ニ衆_ニ殊_ニ恩_ニ始_ニ登_ニ
營_ニ賜_ニ年_ニ俸_ニ二_ニ百_ニ依_ニ及_ニ月_ニ支_ニ年_ニ讀_ニ此_ニ日_ニ伊_ニ豆_ニ守_ニ有_リ故_ニ
不_レ在_リ城

四年丁亥

三十
歲

正月_ニ余_ニ後_ニ新_ニ宅_ニ是_ニ乃_ニ去_ニ冬_ニ所_ニ賜_ニ本_ニ先_ニ考_ニ賜_ニ後_ニ漢_ニ群
書_ニ十_ニ千_ニ餘_ニ部_ニ

十一月十三日從_リ御駕_ニ於_ニ王子_ニ村_ニ假_ニ閣_ニ觀_ニ大_ニ追

書降詩集

卷

十二

物_ニ有_リ別_ニ

今年_ニ大_ニ明_ニ福_ニ州_ニ有_リ乞_ニ援_ニ兵_ニ之_ヲ事_ニ書_ニ簡_ニ屢_ニ至_ニ長_ニ崎_ニ司
山_ニ崎_ニ氏_ニ獻_ニ之_ヲ余_ニ依_ニ執_ニ政_ニ之_ヲ命_ニ獨_ニ預_ニ其_ニ返_ニ報_ニ或_ニ讀_ニ進_ニ
御前_ニ或_ニ受_リ命_ニ從_ニ伊_ニ豆_ニ守_ニ赴_ニ彦_ニ根_ニ羽_ニ林_ニ藤_ニ直_ニ考_ニ告_ニ
其_ニ趣_ニ且_ニ就_リ先_ニ考_ニ日_ニ日_ニ陪_ニ讀_ニ敗_リ守_ニ堀_ニ田_ニ加_シ賀_ニ守_ニ阿
部_ニ豐_ニ後_ニ守_ニ阿_ニ部_ニ對_ニ馬_ニ守_ニ席_ニ踰_ニ月_ニ而_ニ後_ニ侍_ニ紀_ニ伊_ニ亞_ニ相
賴_ニ宜_ニ卿_ニ水_ニ戶_ニ黃_ニ門_ニ賴_ニ房_ニ卿_ニ於_ニ營_ニ中_ニ讀_ニ福_ニ州_ニ之_ヲ書_ニ簡_ニ
此_ニ事_ニ皆_ニ執_ニ政_ニ甚_ニ秘_ニ故_ニ余_ニ亦_ニ不_レ能_ニ寫_ニ之_ヲ其_ニ
記_ニ錄_ニ絕_ニ而_ニ不_レ詳_ニ傳_ニ之_ヲ其_ニ略_ニ記_ニ在_ニ於_ニ家_ニ

慶安元年戊子

三十
一歲

四月十七日正當 東照大神君三十三圓御忌
辰讀岐守薦余先登山及十六日 官駕入山法
筵前後次第無不窺見之二十日還御又其餘齋
會件件悉畢及月未從讀岐守歸府作記詳叙始
末憑讀牧獻之又圖其大要每段作其辭

二十年己丑 三十
二歲

七月余罹熱病殆危貴戚元老屢以使名問之既
而達 台聽命執政曰其父兄莫使彼久宜擇醫
療之執政使久保氏到余宅諭 上意讀岐守每

鶴峰詩集

讀

十一

日使來懇問之其餘執政屢問之至九月平復

城辱蒙 徽音 前病後
自記

今秋久娘生 今冬講畢書經 有私
芳

三年庚寅 三十
三歲

正月十一日始講春秋胡氏傳

八月七娘生

今秋應讀岐守求作中華歷代紀略此後又作日
本王代一覽又作歷代荃宰錄

四年辛卯 三十
四歲

自春至夏余有贅疣病至秋伏復 有別
記

四月二十日 大猷公薨奉葬日光山先考登山

八月 今大君任征夷大將軍余若徒奉拜之屏

願元老親政咨詢 有別
記

頃年讀岐守懇遇愈加依余勸先讀保元以來倭

字記次聽東鑑遂聽史漢通鑑等書屢招余談倭

漢之事在 營中相會亦及此

承應元年壬辰 三十
五歲

秋冬之間讀岐守登日光墓山中之制法余同行

鶴峰詩集

讀

十四

畢事而歸

二年癸巳 三十
六歲

四月 大猷公三圓御忌辰讀岐守登日光山行

法會余從之往還 有別
記

今冬 先考借野州足利所藏之五經註疏舊本

與家藏本對校余與靖頑之或朝往而暮休或午

往而夜歸或宵往而曉歸累歲終功

自寬永壬午暇日從 先考遊淺草蘭若及友人

門生宅有倭漢十題之詠至今茲三千首成

三年甲午 三十歲

三月二十七日講春秋胡傳畢

八月始開禮記講筵

明曆元年乙未 三十歲

今春先妣有病周年未愈夏秋之間移余宅願

療累數月歸本家

六月蒙命撰日本百將傳抄五卷獻之

十月朝鮮信使來朝侍先妣病之暇與靖相代

見三使及李進士贈答 有別及 其登城余亦入

書峰詩集

卷

十五

營觀其儀以先考齡高且先妣病故余代其

勞日赴執政宅而登城御返簡及元老執政

同書於余宅清書之 爾來每有朝鮮之事無不咨詢其餘外國之事亦然

二年丙申 三十歲

三月二日先妣易簀以儒禮葬之 有別 閏四月

依遺言赴京五月歸府 有別 今秋長男春信始

登城謁見

三年丁酉 四十歲

正月十八日余宅罹災十九日先考宅罹災時

先考有病避災後忍圖別墅二十三日捐世 有別

六月十九日登城賜先考食祿九百石於余

以余所食五百俵賜靖

八月江戶神田新宅改作成移居以俗忌既除故

講禮記殘編

萬治元年戊戌 四十歲

春祠堂成二月行春分祭 自是每歲分祭之祭不懈 先考

遺文家稿罹災故搜索於四方

三月賜官本六十部且賜官金五百兩為求

書峰詩集

卷

十六

書之料以家藏之書惟今春之災也由是累年之

間或買之或寫之數百部

六月蒙命輯唐百人一詩先是先考承命

撰中華百人一詩此後又撰三十六詩人配歌仙

十二月承命書論語十有五而志于學一章於

聖像之上 狩野探幽所畫

二年己亥 四十歲

正月作本朝甲子會紀論又叙兩朝甲子

二月以三年喪終故行釋菜 有別 自是每歲或春

或秋行之爲例皆有期實

八月十八日講畢禮記

今年所集遺文至百五十卷乃刻於梓

三年庚子四十歲

今秋有河魚疾保養之間口授春信作本朝一人

一首

十一月作本朝誓古編一萬言

十二月賜官金五百兩爲聖殿重修之料

寬文元年辛丑四十歲

鴛峰詩集

卷

十七

三月十二日靖歸泉詳天倫哀事

預議改元之事例也會津中將源正之前橋少將

源忠清阿部豐後守忠秋稻葉美濃守正則同坐

致仕酒井空印元諡亦預其事

六月羅山文集板刻成作序行于世

十一月蒙命撰異朝百將本朝三十六將小傳

十二月廿八日叙法印位今年講易學啓蒙畢

二年壬寅四十歲

正月始講周易本義

二月先聖殿重修成行釋菜

今春依安藝世子綱展求作本朝人鑑圖說此後

其嗣安藝守綱長講不止故作續編

十月元老前橋少將酒井忠清傳可繼成本朝編

年錄之命有別

十二月春信賜學問料三百俵

三年癸卯四十歲

二月十八日憑久世大和守獻羅山文集於御

前蒙御感大和守奉書有之

鴛峰詩集

卷

十八

三月十七日久娘患疱瘡而沒

四月先台駕伴阿部豐後守登日光山有千夜錄

十一月講畢周易本義至此五經悉終功

余自始講詩以來至此二十三年其間講職原抄

於前橋少將忠清講孫子講義於姬路於遺忠次

講大學論語全部於永井伊賀守尚庸講論語半

部於松平主殿頭忠房講中庸於加賀中將講洪

範於井上河內守正利其餘或不終編或僅數席

者猶有之又與水戶參議光國卿詩文贈答與井

上河內守及其叔父筑後守政重談易論性理議
喪祭之禮與加藤內藏助明友談道理屢遊其宅
作文賦詩其餘士林交際見家集

十二月二十六日賜弘文院學士號有奉書

四年甲辰四十歲

今夏元老執政承命損益前代法度定新制二
十一條且禁殉死余頗咨詢五月二十三日諸大
名并一萬石以上應召登城余先於御前
讀新法度而後從諸老出前殿高聲讀之侯伯城

鶴峰詩集

卷

十九

主等共謹聽之

七月二十八日編年錄續補事次永井伊賀守尚

庸爲奉行有別記

八月五日被定麾下法度二十三條召隊頭群

士告諭之余又讀之議制法者會津中將源正之

姬路侍從源忠次前橋少將源忠清忍拾遺阿部

忠秋小田原拾遺越智正則及副執事久世大和

守廣之土屋但馬守數直而已余并右筆一兩人

在其席

同月十五日次男春常姪春東始登城拜謁

十月改本朝編年錄名而號本朝通鑑會津中將

源正之姬路侍從源忠次及元老執政定其議是

月二十一日後居忍岡十一月朔日本朝通鑑起

筆自是至康成之冬始末詳別記

五年乙巳四十歲

正月八日通鑑起筆此後歲初起筆以十一月爲例

二月二十五日行嘗祭有別記

四月東照宮五十回御忌辰從前橋少將登日

鶴峰詩集

卷

三十

光山春信同行有別記

五月二十五日聖殿奏舞樂左方伶長辻伯耆

守近元等以下左右伶人三十餘輩勤之有別記

今夏蒙命作靈芝說去年甲辰之冬郭外箕田妙嚴寺生靈芝以爲祥瑞

備上覽被狩野探幽圖之至此有命如此余拙於運筆奉信代書之

七月患瘧至九月愈

今年作姬路拾遺源忠次碑文忠次嗜倭歌爲貯

舊記於余交際最渥詩歌贈答三十年嘗依其求

撰中華武將三十六人圖之屏風今流傳于世士

林家家有之

六年丙午四十
九歲

春催瓊筵坐花會有別
記

七月九日春信後神田本宅每日來史館修通鑑

二十九日娶太田氏女八月四日臥病九月朔日

終命有西風
淚靈是月忽岡北園簾中靈芝生案居人
守志者

有產芝之感見歷史多矣因是
想之春常善居凡夷之應乎

十一月二十六日七娘沒

十二月二十三日春常賜年俸三百依余亦賜黃

驚峰詩集

譜

三十一

金五枚蓋官命起我家之不幸也由是感發不

宅自明春史館通鑑之務如前

七年丁未

五十
歲

今夏續補春信史館客語今秋依會津中將源

正之求作會津山水賦此後又依其求作會津風
王記序會津神社志序其

田園記又其所編輯二程治教錄三子傳心錄王
山謙義附錄皆作序歷年中稍卒後依遺言風土

記等五部皆
營中

十一月二十八日春常娶畠山民部入道休山女

八年戊申

五十
一歲

鵜峰先生林學士自叙譜略

今茲井上河內守新製簞簞蓮豆納聖堂

九年巳酉五十
二歲

八月再興釋菜之禮春信後後吾家又有此事
茲中絕踰年至是又復初

十年庚戌五十
三歲

六月六日東方白而日出之時嫡孫吉松生外祖

休山以余幼名自筆二字授之七日召於御

前讀進通鑑序二篇十二日獻通鑑十二篇於

御前雖其末三篇未清書以奉行伊賀守住京尹

近日發途也是亦依命也十九日召於御

驚峰詩集

譜

三十二

前加賜米地二百石依通鑑編集之勞也春常賜

白銀千兩春東賜御服門生及校者賜物有差別

初通鑑起筆之時姫路拾遺前橋少將來觀其

稿既而小田原拾遺來其半時再至久世大和守

亦來永井伊賀守以為奉行致或每月而來或隔

月而至其餘松平彈正大弼綱晟淺野因幡守長

治松平日嗣守信之松平至殿頭忠房板倉內膳

正重矩井上河內守正利太田備中守資宗同攝

津守資次加藤內藏助明友小出備前守吉之岡

鳴加賀守直能京極主膳正高通渡邊大隅守綱

三保田若狹守宗雪阿倍氏兄弟或偶來或屢來

○此月二十日致仕元老忍拾遺忠秋興病而來

過賀太部成而加祿

二十七日伊賀守赴洛

十月十八日通鑑殘編畢成納諸三箱憑執政久

世大相守落達之總計三百十卷詳別記二十三日

所附史館之九十五人月俸不改之以爲勤公用

聚諸生之料二十八日修通鑑竟宴會又記編輯

養峰詩集

卷

二十三

始末爲冊子遺於京尹

自今春官暇補論語諺解又與春常作詩經私

考以四經皆有私考唯闕詩考也

十一年辛亥五十歲

正月春常講詩經

二月釋菜前橋令嗣河內守忠明來觀自是執政

嗣子又城主等來觀釋菜者多矣

四月春常蒙命從小田原拾遺赴日光山作大

猷公二十一回御忌辰記

是冬詩經私考并別考成史館夜課覽事三

晉書并荀悅漢紀袁宏後漢紀又點性理大全二

程全書小學句讀近思錄四書人物考又補白氏

文集之點新點元氏集其餘漢魏叢書之內數部

荀子呂氏春秋文中子選詩風雅翼文章軌範古

逸詩載世說等皆加點諸生各分勤之皆有跋文

其餘左傳文選韓文柳文等所對讀若干部又自

去春日授伯庸點資治通鑑

十二年壬子五十歲

養峰詩集

卷

二十四

今春賜官林營學寮於聖堂之東聚諸生所

謂東寮是也先是所有無西寮以分

八月八日前橋少將來儀十八日小田原拾遺來

儀共設饗應少將知余三十餘年拾遺素與先

考有舊好余亦自少出入其門故兩老共被懇遇

○十二月二十八日春常叙法眼位

今半講畢周子通書又自去年講職原至是年而

終有會通十六卷

延寶元年癸丑五十歲

今春講朱子感興詩作私考三月屢說櫻花作管
春錄秋作兩朝時令加賀羽林所求也又作本朝
言行錄酒井河內守所求也

今年論語諺解成又自去年作孟子諺解讀歷史
終宋齊梁陳南史

二年甲寅 五十
七歲

今春講大學或問至仲冬而終

七月九日次孫藤松生

八月依諸老之旨作吉田社劫文 九延出之事有
告達於武家則

鷺峰詩集 講

二十五

時時有
顧問

頃間長崎呈吳三桂鄭錦合檄文作諺解是後每

度皆然

今冬有命章修先聖殿

今年春常講詩經畢

見畢魏北齊後周北史

三年乙卯 五十
八歲

今春春常講書經 有重
考

余講中庸或問

仲秋釋菜水戶參議來觀之

十一月依小田原拾遺求作關東行賞錄

臘月使諸生點檢家集記作文目錄殆近二千篇

詩雖不遑數之及萬首乎

是年見畢隋書唐書

四年丙辰 五十
九歲

仲春釋菜前橋少將小田原拾遺土浦拾遺 上屋
住馬

守來觀祭畢於北塾進膳

四月孟子諺解成

鷺峰詩集 講

二十六

五月二日藤松矢

今冬講畢中庸或問

十一月九日春東歸泉 事見
碑誌十二月十二日賜遺

跡於養子

今年見畢五代史宋史自庚戌春至今冬歷七年

資治通鑑點至五代終後唐其未纔殘

五年丁巳 六十
歲

今春講毛詩序尚書序而作私考覽畢遂金二史

○三月資治通鑑點成終全部之功 自庚戌之春
至此相庸執

筆凡八年

今夏覽元史

五月纂百花百鳥詩

七月二十三日覽畢元史至此二十一史全加朱點

九月二十五日周易程傳考起筆以其次作周易私考翼及周易新見至開臘上旬程易至豫卦翼至離卦新見至蠱卦

同月宋元通鑑加點及開臘至宋仁宗之半

鷺峰詩集

卷

三十七

鷺峰詩集

卷

三十八

閏臘作本朝三十六對小傳松平主殿頭所求也

六年戊午六十歲

正月講左傳序而作私考

仲春釋菜加賀中將來觀之

七月程傳考成私考翼新見共成三部合四十八冊

八月春常講書經畢

九月繫辭考起筆

十一月春常開周易本義講筵

今冬見儀禮經傳集解加朱

七年己未六十歲

正月講西銘作私考

仲春釋菜仙臺小將藤綱村來觀稻葉丹後守同道又於別座執政入世大和守廣之大久保加賀守忠朝來觀各別設飲食

今春園中櫻花新立八名并先年所名三十六品又別設十名總四十六種各作詩爲一帖

今夏應小田原拾遺求國史實錄起筆自神武至

稱德其末未成應水戶參議求纂本朝近代一人

一首續集又依堀田備中守請作牧民忠告諺解

○今秋見古今人物論崇正辨異端辨正

秋冬之間一見大學衍義補漢魏叢書杜詩集註此等數篇猶未終卷

孟秋依小田原拾遺求撰定本朝武將三十六人畫工法服狩野永真圖之其中六將余贊之其餘三十將春常贊之

十一月四日余臥病踰月因勞飲法眼瀝江長怡

藥幸不至，危急然，自覺不能復承。小田原拾遺問病安否，其使者懇至前橋，少將亦丁寧且佐倉四品土井能登守堀田備中守三執政及松平因幡守以下皆寄使。十二月二十日小田原拾遺自來問余病。

八年庚申 六十歲

正月余病自若不能登，營在家久臥，故致仕之志決于此。

二月上旬政長怡藥飲前典藥頭橘玄淵藥，

鶴峰詩集

卷

二十九

同月十日賴阿倍政重就松平因幡守石川美作守麾下兩執事此月請致仕事，畠山侍從源基玄同行政重藤達前橋小田原兩太老并三執政二月二十三日兩太老三執政兩執事會於殿中示諭春常傳公命官祿如前例賜春常且家料俸支無別儀又殊賜春常所食月俸於余以爲退老之營。此月二十八日讓先聖殿及弘文院書院於春常。三月四日堀田備中守來問病且賀致仕。同月六日余代春常移六義堂以養老。同月

二十日松平因幡守來問余閑居。凡自去冬臥病以來至致仕貴戚元老執政及舊交之輩使問有差。

右一卷先生所自撰也。今茲之春先生自知其病不起，請官致仕，厥後得些快驗而撰定所曾作諸略，示僕曰：余自少壯於公事可謂勞矣，於家業可謂勤矣，然汝所不視所不聽其不能知焉。他日汝爲余作年譜，則以之爲階梯，刪其繁撮其要而可也。僕嗚咽不能答焉及

鶴峰詩集

卷

三十

夏之初病病再發，遂日增重。五月五日遂卒于正寢。享年六十三。嗚呼哀哉！非獨以家業衰弊之私而哀之方爲日本學道之機而哭之，豈唯父子恩愛之哀情而已哉？知與不知無不於胸而嘆惜之方，今沒後對此卷一字一淚，心神舊伏不能讀焉。片言隻行猶欲使人知之，豈安略一言哉？乃不省一字不贊一辭，藏之巾笥，時時拜讀，追慕昔日教導之恩也。在昔趙岐自爲壽藏陶元亮自作祭文傳奕自爲墓誌，白居易

自作墓銘所謂知歿不惑者也如先生亦是
一轍也因書數語以爲後證

延寶八年庚申七月才四日

不肖孤慙泣書

林鳳岡 撰

自叙譜略

享保十六年（一七三一）稿本

據享保十六年（一七三二）
稿本影印

自叙譜畧

正保元年甲申

十二月十四日生於江府神田祖父
羅山林道春宅幼名又四郎祖父常
呼春常名懃字直民俗諱信篤辨整
字又稱鳳岡

二年乙酉 二歲

家父鷺峯林學士奉 官命赴野州二
荒山及冬登紀州高野山與寺社奉行
安藤右京進重長預聞訃論之事慈母
倉橋氏鞠育竭心祖父抱余曰去歲汝兄
又三郎 名懃字孟著号勉亭
稱梅洞祖父常呼春信 生而家父承
台命到京師傍觀讓位即位之儀今年二
荒南紀之行咨詢官事二孫共可謂福於

家者也

三年丙戌 三歲

今年冬家父增加俸祿且賜別宅

四年丁亥 四歲

家父新築落成余亦與兄隨父母而移居焉

慶安元年戊子 五歲

始讀大學受父祖口授家兄常教誨

二年己丑 六歲

家父罹熱病屢候卧床有憂苦之色

今秋同母妹久娘生

三年庚寅 七歲

八月同母妹七娘生

四年辛卯 八歲

四月二十日

將軍家薨勅贈正一位太政大臣弼大猷院

承應元年壬辰 九歲

二年癸巳 十歲

頃年總誦四書句讀而日夜疾走屢廢筆

硯祖父及叔父讀耕子名靖字彦後或稱五子激之勵

之白眼低視

三年甲午 十一歲

正月朔旦始賦五言小絕父祖及叔父喜而和之

明曆元年乙未 十二歲

誦書賦詩父兄教導倍常

二月丁日忌岡 聖廟釋菜始預祭儀

二年丙申 十三歲

每夜從家兄侍祖父之側讀書聽講

八月十五夜從父祖遊播州姫路城主式部

大輔源忠次池亭見月即席賦一絕忠次感

禁不翅自是從家父屢應其招預詩歌會飽

聞 御當家故實

三年丁酉 十四歲

正月十八日江城大火父祖本宅罹災藏書

亦半煨燼隨父祖移忍岡別莊二十三日祖父

罹病易簣無貴無賤為道為學悉哀惜之

私謚文敏先生及秋本宅新成從父兄移居

自此夜三從兄及叔父讀耕子宅問字賦詩

萬治元年戊戌 十五歲

今年有 命賜官庫書二十四部黃金五百兩於

家父去歲大火藏書頗燒失故然矣

二年己亥 十六歲

日夜覃思翰墨悲受家兄之教

三年庚子 十七歲

寬文元年辛丑 十八歲

三月叔父讀耕子歸泉年三十八強記博聞
英才絕倫孤兒勝澄八歲繼其家号晋軒
俗稱春東家父憂家業衰弊故與兄激勵
志氣共有興家風之志

二年壬寅 十九歲

忍岡 聖廟有修補之 命二月釋菜

頃年與門生野節

字軍卿号竹洞

坂亭

字嘉之号蘭齋号隼

柏高庸

字公擇号荷溪
俗稱左無衛尉

南直

字子方後稱
權左衛門

等或每日

或隔日會集賦詩聯句

是冬家兄賜學問料

三年癸卯 二十歲

正月罹痘疹之病幸而免

三月父娘憂痘疹而掩衽

四年甲辰 二十一歲

八月十五日始登 城拜謁 台顏

十一月有 命家父編輯本朝通鑑新建國史
館于忍岡舉家移住忍岡家兄及余亦與野
節坂亭等預編輯之事

五年乙巳 二十二歲

日日就史館之勤

今年家兄與家父議忍岡塾中設經學史
學倭學詩學文學五科激勵舊門生新進
來學

六年丙午 二十三歲

七月家兄移居神田本宅而娶太田因幡守
女九月朔日卧病而没年二十四舉世賞其學才

而惜其短命家父哭慟殆欲喪明作西風淚露
詳述哀情余哭泣之間自起奮激唯欲不墜
家聲無晝無夜講習討論學而不措勉而
弗輟

十一月同母妹七娘死

十二月新賜學問料三百俵

七年丁未 二十四歲

十一月娶畠山嫡流民部入道休山女內藏助
加藤明友 石階字子照号
勿齋稱芝園 及朽木氏為媒約勿齋

自少壯好學祖父家父叔父家兄及余為莫逆
之友花晨月夕拍肩挹袂談經說理論文評
詩經月逐年交際愈昵

八年戊申 二十五歲

二月終日終夜烈風處三火起猛煙散空

本城西城殆危幸而免矣城外侯伯士林不
遺一字家父神田本宅亦罹災

今秋編輯亡兄詩文集總四十卷剞劂行于
世九月朔旦正當忌辰乃獻之牌前

十二月二十七日有 召登 城執政傳 命賜
家父黃金三十兩綿衣三領羽織一領余及
野節坂亨亦賜黃金二十兩時服二領羽織一

領依國史勤勞也

九年己酉 二十六歲

正月有 命勝澄自今年陪國史館見編輯之
事參校文字異同等之事旦夕就家父及余
勤讀不怠

頃歲余侍家父每有館暇作倭蒙求

十年庚戌 二十七歲

正月家父作詩經私考別考余陪其傍使塾生指揮其書式

二月余及野節坂亭作國史提要

四月余赴加賀羽林第應其求誦大學序羽林父祖以來與余父祖交際年久亡兄屢出入其門講詩經終二南而歸泉羽林哀惜殊甚其後與余有識韓之交逐年顧遇殊深當時列候之中

第一大祿也食百餘万石

六月六日東方已白日出之時本妻產嫡子吉松家父以其幻名稱之外祖畠山八十歲自筆吉松二字祝之余亦頃間夢日出日玲瓏之句誕生日日出之時真協吉夢自以為瑞請家父為其說一家欣之親朋門生悉賀之翌日家父被召登城於御前讀本朝通鑑

序 玉音勞之退座之後國老前攜少將源忠清小田原拾遺越智正則及關宿城主久世廣之土浦城主屋敷直列座告家父曰國史編輯久廢其舉方今太平之世繼其前躅可謂文明之世也然微其人則不能遂此盛事可謂時得其人遇其時者也經日就國史編輯奉行伊賀守永井尚庸獻通鑑三百十卷兩部三十函於御前

同月十九日有召家父及余春東友元伯元登城國老執政携家父近候御前玉音曰通鑑編輯希世之盛事累年勤勞可以感獎也因加賜增地二百石云云家父拜謝而平伏退去諸老召余及春東友元伯元出于御前謁見畢於次座老臣傳命賜余時服三領白銀百枚春東亦賜時服三領友元伯元恩賜與余同

也歸家之後貴族侯伯士林或自來或寄使賀之祝之致仕元老慈城主阿部豐後守忠秋與病來賀之其言如諸老之語忠秋平生懇遇家父音問不疎

十月有 命賜九十五人之月俸於家父教育來學書生

同月家父開通鑑竟宴饗書生三十餘輩詠本

朝之事總百首余序其卷端

十一年辛亥 二十八歲

余講了四書自今春講詩經

四月奉 命從執政越智正則赴二荒山候會之席作 大猷廟二十一回忌辰記

六月二十二日赴加賀羽林第講詩經自是每月兩三回約定講日若有故障則以夜易日

七月二十一日中山王使者金武王子來朝 營中有拜謁之禮余亦從父纒見其儀

十二年壬子 二十九歲

今春家父賜官材營學寮於 聖堂之東聚育來學朔東寮先是所營朔西寮家父所居稱南塾余所居稱北塾

六月女子梅娘生母同吉松經月而夭

十月家父作職原會通自去冬講職原至今年徹講筵

十一月春東娶清水氏女為妻余代家父命定其儀

同月應會津羽林所求作會津神社志後序羽林者 當家懿親才量拔群平章國政衆民具瞻篤志經學論辨性理近歲招請

家父厚意鄭重內藏助加藤明友備前守小出
吉明每席為伴食余亦蒙其眷遇

十二月二十七日外祖母負心沒于尾刈舍人氏

女嫁外祖父倉橋氏

延寶元年癸巳 三十歲

忍岡之園櫻樹數百株每春開花如雪如雲歲
歲開宴詩賦成堆樹有大小花有遲速家父

隨其所在各稱其名品今春家父作管春
錄編纂中華本朝詠櫻典故詩歌余亦議其

事

二年甲寅 三十一歲

正月嫡子吉松隨俗着袴而誦四書句讀一
家欣聞宴賀之

六月長崎商舶載來吳三桂鄭錦舍檄其書

共揚義兵討平大清再興大明之難也家父及
余被召登城老臣列座余讀檄書吳三桂立
國弼稱周錦舍者明朝商人平戶一官之孫也
鄭芝龍之子也芝龍依有功勞賜朱姓稱成
功

七月九日次男藤松生母同吉松

八月余誦了詩經家父賦排律一篇賀之

十月從家父訪常州笠間城主井上河內守正
利青山坐居此人自壯年好學潛心經義發明
穎悟尤長易學身居顯職才智威量冠於一時
頃年卧病免許官職致仕閑居家父執交
四十年餘余亦時對話正利之孫曰正
岑稱河內守後任執政職眷于我父子
同月余講書經

十一月有 命修後 聖堂廡廊瓦壁悉成其
功

三年乙卯 三十二歲

正月二日 岳翁畠山休山沒年八十五休山
者足利義兼嫡男畠山義純嫡孫也尾
張守義深以來世二任管領職至其父高
政家門衰弊唯保紀州為豐臣關白秀吉

公被滅

四月伶工伯耆守辻近元自京師來賀

聖堂修復率同僚十餘輩於 聖堂前庭

奏舞樂乙巳之夏賀國史編輯之事奏舞

樂今夏亦如此其志可以感聲門生伯高庸

父也高庸日三咫尺家父及余親炙有年余

家每有內外大小之事無不展其勞好學嗜

詩世以能書稱之門生第一之親交也

是年鵜嶋備前守始來召直條字孟幹生質閑

雅頗好著述自此而後頗情余家一見神交

義氣斷金花晨月夕頻然來過外修師

弟之約內等骨肉之親卅後國宮津城主

永井左守

後改信
濃守

亦與余執交詩筒相

通而情相通也南部遠江守直

政與余有師弟之約頗好文學每作詩賦乞

郢正播州明石城主日向守源信之雖無文學

與家父及余交義殊睦執政烏山城主內膳

正直矩嗣子右見守重道後閑居淺草源

真亦好文學與家父及余交際親昵終始

如一肥前嶋原城主主殿頭源忠房頗

志文學嗜本朝之事會遇懇篤在士林

則高才虛齋保田若狹守宗雪大久保忠隆阿部
四郎五郎政重父子接遇丁寧兩心不隱

四年丙辰 三十三歲

正月坂亭開其老父山庵九十賀家父及余率門
生會集

二月丁日 聖廟釋菜元老雅樂頭忠清執政美澤
守越智正則土屋但馬守敷直三人同行觀祭儀祭

畢預宴會言文道興起之端也

五月二日次男藤松夭

十一月九日從弟春東

名憲字章卿
號晉卿

沒歲二十三稟性

多病幼而孤家父愛之猶子亡兄及余亦以同胞
遇之其質和順其志確實逐年學才增進
不堪哭慟失左右手葬于忍岡良隅寡婦守
志終始不變春東無嗣養侍醫高藤春澤次

子為嗣以有外姻也後號又右衛門信如
五年丁巳 三十四歲

是年每有公事從家父登 城老臣各感堪其
任麾下執事堀田備中守正俊屢招余講經說
理夜話不覺漏更之移

六年戊午 三十五歲

家兒吉松九歲始作元旦詩舉家欣之門生悉

和之其性和柔穎慧常使塾生賦詩少則五
十首多則百餘首其遊戲多行 聖殿釋菜禮

二月 聖殿釋菜加賀中將

後叙從三位
任參議

來觀祭儀

吉松迎接竭禮中將顧視家父及余曰幼邁之
才感賞有匪直也人可期遠大

八月余誦了書經作重考

十二月余講周易本義頗新見家父作文以賞之

七年己未 三十六歲

二月 聖殿釋菜與川仙臺城主陸與守藤綱

來觀祭儀丹後守稻葉正通義濃守爲之先

容入傍舍喫飯此日執政關宿城主大和守公世廣

之佐倉城主加賀守大久保忠朝亦退公直登忍

岡觀祭儀預宴家兒吉松十歲祖父母父母偕

存故從舊例深衣裁絳緣童子冠用金簪垂

紗總其結髮預祭威儀恭敬進退有度觀

者感伏家父歡抃殊甚

七月十一日侍妾內田氏生女子名蘭娘

十一月四日家父俄有病飲諸醫藥不得靈

驗元老稻葉正則聞之來問安否家父與病

出謁謝其來臨談話移刻而去其後日馳

使問其起居屢惠烏魚以充飲食國光雅樂

頭忠清懇問丁寧其餘執政執事且倭伯士林

或自來或寄使音問不疎也余日夜侍病不脫

衣帶門生塾徒不離病床更番勤仕殆高庸

日來問野節坂亨其餘門生往來不絕塾

生高安成賀璋林檎村顧言嶋周和聖安悅

村喬勝達津浩直諒淺益松直秀岡宗允石

覃田常安其餘十八九輩日夜相代陪侍病

床此外筌仕在他方亦多

八年庚申 三十七歲

正月家父依病不登營自謂不得快驗有

致仕之志二月十日憑執事因幡守松平信興

美作守石川乘政上表請致仕老臣各惜之然

所請難拒乃敷奏之同月二十三日余被召

登城元老執政執事列座傳命曰恩許

弘文學士所請其米色月俸悉賜汝學士自
弱冠預公事勤勞太多衆皆知之故賜汝年
俸授之學士而為隱居之營云云余并伏退出
悉告之家父并伏聞 命同月二十八日家父
召余授與 先聖殿及弘文書院曰汝勉哉勿
怠而身居北塾代其居經日執政堀田正俊執
事松平信興來賀問病致仕之後讀書不休

對花玩月賦詩作文而謝外客

五月朔日家父痰喘屢起經日增重端午之晨
告余曰我死在今日汝有興家之量於後事而無
所慮我心安穩莫忘祖先莫棄舊交云云
乃改着衣服自以待死未幾易簀余哭泣不
知所為父子恩愛無貴賤一也然余家世
列儒官為身為家為道為世憂懼塞胸氣

息欲絕翻思則則葬事者沒後大孝也強起
新命喪具薄暮作靈座設魂帛朝夕之奠不
闕不怠私謚文穆家兒吉松悲哀相祭棺擲
乃成葬于忍岡良隅其儀悉擬文公家禮之
式門生等助成葬事建小石碑題曰文穆先
生鶯峯學士林君之墓且作碑誌而作居喪日
錄詳記喪中之事也貴戚及國老執政侯伯士

林聞訃者無不哀惜之在他方者亦寄飛札
吊慰之曰舊知之情志深切異他者之外雖為
親族門生悉辦賻銀

是月

將軍家宿病屢起逐日大漸彌留棄群臣
勅贈正一位太政大臣號嚴有公養令弟館林公
續其玉緒余雖居喪次執政寄書諮詢葬事

八月十七日卒哭俗忌既除執事松平因幡守信
興寄書告明日有拜謁之 命隨俗例不得已

登城奉拜 新主候伯士林往告賀儀

二十三日 新主有將軍 宣下之儀貴介候

伯官僚士林悉登 城余亦奉 命觀其儀

二十七日 太上法皇 薨後水尾 崩候伯士林悉登

城余亦照老臣有顧問

二十九日修祠堂之祭神主粉面改考為祖改考
子為孝孫悉擬文公家禮之式自此忌日冬至
之祭不懈朝夕燒香拜禮如事生之禮

九月十一日早朝到執政堀田筑前守宅血判

誓詞執事松平因幡守來會此日被 召

登城直候 御前談經義自此而後每

月兩三四被召於御休所講經說理

十二月二十一日吉松改名又三郎依家祥也

今年率塾生入御文庫點檢書目且依 命

獻新刊本數十部

天和元年辛酉 三十八歲

正月增上寺有法會依 台德廟五十回忌辰

也余亦陪其席

六月 將軍家躬御大廣間決聽越後國

士爭論之事其儀嚴重候伯官僚以下悉列

座余亦依 命陪坐

七月三日侍妾內田氏產七三郎

九月奉 命加訓點於五經小學近思錄

等

十月改元奉 命預諮詢之事

二年壬戌 三十九歲

四月中山王使名護皇子來朝寄書於諸執政
余依舊例作返翰

五月八日正當 嚴有公三歲忌辰於東殿山

上野有法會余亦預其事

七月又三郎

俗諺春宗又名惠
卿鶴峯稱玲瓏窓

登 城始奉拜

台顏

八月朝鮮三官使來聘以本誓寺為假館二十七日

登 城有謁見之禮余携春宗邂逅官使及三
學士成翠虛李鵬溟洪滄浪贈答詩什官使
稱余曰文章海內魚雙士又曰聲價桑州第一
人可以驚嘆矣春宗與三學士酬唱數回三學
士稱異曰十三王勃又能詩云云又曰老夫從此
欲無詩又曰整字能詩汝亦能詩云云時
春宗十三歲數日之間父子共交際如舊知

事達於 官家執政傳 命并戴時服

乙是年 尊大君御大廣間召侯伯有出條令

之 命余於上壇讀之執政列坐

三年癸亥 四十歲

十一月執政傳 命余及野節木下順庵曰三

人共撰三河記云云執政阿部豐後守正武及
堀田中總守正仲為之奉行

十一月請了易李義全篇

負享元年甲子 四十一歲

正月講春秋胡氏傳

二月丁日 聖殿釋菜水戸世子羽林綱條及

高松城主松平讀政守賴常等來觀祭儀余遇

大喪久廢祭禮去春修畧祭今年依舊規

同月改元依舊例考其事

十一月十四日之夜有召近候御床玉音曰
未見汝詩才御手指蠟燭可速賦之乃應聲
曰玉殿沈沈冬夜長九枝影動更燭煌寒花
呈示德輝美一抹紅雲統建章有命
感其神速

十二月賜印章於侯伯万石以上牧野因幡守
富成才多淡路守忠當為奉行余及野節右

筆衆三人亦預其事共賜時服白銀

同月御座間新成特有恩命與近臣共
見舞曲預慶賀之宴而賜袿綾五卷

二年乙巳 四十二歲

正月太上皇崩 御後 依召登城有咨
詢之事

三月特賜宅地於城下八重洲河岸老臣傳

命曰頃歲公務頻繁或每日或隔日雖及
暮夜有召則飛駕而至太極台慮所居
忌同僻遠故又別賜宅地可携老母妻子而移
住云云

四月於御休所講詩經朱傳講後賜時服三領有
命曰自今每月三四回可坐講筵逐年悉可聽五經
之講義

五月台駕遊白山觀近臣騎射其後御手試劍
術而乘駿馬終日宴遊余亦扈從

六月召余曰汝三世勤家業辦公事克堪其任
可勞可賞故御手盡聖像以授之可為世

家珍也殊恩之深恐汗微肌不知所謝袿戴而
退翌日獻茶菜酒茶菓等作告文致薄奠
十二月近臣牧野備後守成負事多見若狹守

重政傳 命曰：勤仕然許宿直

同月二十五日近召 御床有 命曰汝近歲勤勞不怠負任家業故賜增地二百石先臣近臣皆以為榮

同月二十八日嫡子春宗罹痘疹之病更數醫無驗事達於 台聽特降 恩命使侍醫數輩問病診脉病中聽余增祿之事執余手

曰為家珍重至祝我病不起有次男在必其勿憂可勤公事而興家門云云余聽其言心想情悽不知所答二十七日告外舅富山氏三人有所語而召門生及家士一一有所諭入夜煩悶三更之後口誦大學三綱領執余及母手正其容體而瞑于正寢歲十有六余慟哭不知真幻支骸百碎心腸寸斷為生耶為死耶魂

魄離散我其非我二十九日門生助我裏喪事葬于母心岡先考墓傍悉用儒禮題墓曰中陽亡嗣鷄峯有墓誌有事實不詳記之三年丙寅 四十三歲

正月十九日俗忌既除登 城近召余曰汝男能勤家業聲譽頗彰不幸早世誠可惜之吊慰丁寧不堪感佩雖銘心肝永訣之悲難抑悲歎

涕泣而已

同月二十四日近候 御前 玉音曰聞汝次男未罹痘疹乃賜御藥并載而退歸家授御藥於次男七三郎並飲不幾發熱疹見諸醫僉言痘疹輕順氣宇亦快

二月三日被 召見御能舞曲賜羽二重五疋同月九日講詩經御手賜乾麩依歲初講筵也

每歲為例

四月承 命考定服忌令頗協 台慮拜戴時

服四領此後於 御前每服時義或賜飲食賜或餅茶且賜

時服綾絹等不知其數

六月蘭娘七三郎共有病乃召余 御手賜人參

曰療養勿懈

八月撰參河記賜石武德大成記余及人見友元木

下順庵并領白銀時服

十一月御休所新成賜宴余亦預其列有懇

篤之命

是年冬承 命作兩朝災變考三冊大協 台慮

四年丁卯 四十四歲

二月十一日老臣木久保加賀守忠朝阿部豐後

守正武戶田山城守忠昌牧野備後守成貞列

座傳 命曰汝奉上之勤篤實竭力預咨詢之

事有侍請之勞故追家卿可稱弘文院學士而

叙法印位以次男七三郎為嫡子云云

同月十八日志同 聖殿釋菜二十一日命喜多

見若狹守重政於御休所受染昨事畢賜宴

於 御前賜御盃喜多見若狹守齊藤飛驒

守柳澤出羽守里田豐前守伺候其席宴罷

講詩并戴時服五領而退豐前守後叙四品

是遇出類嗜好文學與余交際親昵

十月二十六日陪白山御遊觀麾下士人騎馬

十一月二十三日次男有 equal 生母同七三郎

十二月喜多見若狹守傳 命賞勤勞賜白銀

三百兩自是每歲暮為例

元禄元年戊辰 四十五歲

正月獻祝詩

台顏莞然長為嘉例

二月恩岡

聖殿釋菜經日

台座受菜昨儀

如去年

九月安南國王寄書信於長崎奉行余於

御前讀之有故不及回簡返音物

十月改元

同月 台駕遊白山宴遊園中陪侍近臣獻倭

歌余亦獻詩律

台顏有歡色而賦倭什承

命余奉和末字

十一月十二日有 召登 城老臣大久保加賀守阿

部豐後守戶田山城守土屋相模守及牧野備

後守喜多見若狹守列座加賀守傳 命曰

尊主自幼好學專信聖道汝父祖以來

聖廟祭祀不絕每聞祭奠有感發之志故兩度

受菜昨今年今月二十一日正當嘉辰欲詣恩

岡 聖殿云云拜謝平伏恐汗沾衣為道為

世為學為家不知手之舞足之蹈老臣命官吏

修補恩岡居宅殆如新築

同月二十一日 尊大君齊明盛服屈躬竭禮拜

詣 聖殿先期近臣持犧象銀象奇南香一

本來獻納 聖前 尊大君燒香拜禮飲福

受昨禮容雜寅執政執事近臣悉皆扈從行

幣嚴重自 聖殿入弘文書院命余講充典講

畢余獻劔馬兩樽乾者綸布而拜伏而退又召於

御前賜金泥書格文匣硯宮及白銀五百兩老

母拙妻蘭娘七三郎百兩各賜紅白縮緬總六

十五卷也 尊主自奏舞曲余獻御羹御酒而

頂戴 御盃其後又於御休所密獻四書集註

小學句讀及二十一代倭歌集拔事還 御

舉世皆曰希世盛事學道興起之端也

二十六日 尊大君開宴自奏舞曲賜饗應頂戴

御盃治具丁寧及退出賜羽二重十疋檜三重菓子

人皆拍手以為榮也 是亦 尊大君 尊聖之

餘意也不堪屏營恐懼之至也

二年己巳 四十六歲

正月老人星見余獻祝詩

二月近臣喜多見若狹守重政忤旨沒收祿色二万

石余交際年久聞其事不堪驚嘆

二月十日丁日忌岡 聖廟釋菜二十日 台駕

又詣 聖堂其儀悉如去年特蒙 恩遇七三

郎時九歲被召候 御前并戴縮緬五卷且

御手賜佩具

俗曰
印籠

七月七三郎罹熱病遂日增重命官醫診脉飲藥厚預顧問且賜人參若干經日快復

同月塾生春龍初名直諒依台登 城列儒生欲助余

勤勞也

三年庚午 四十七歲

二月十六日中丁忌岡 聖廟釋菜二十一日

台駕詣 聖廟其儀同去年二十六日陪 御前

賜饗應其儀亦同去年

四月就柳澤出羽守保明獻亡父遺稿驚峯

詩文集百四十卷悉備 御覽 玉音曰著作

之多希有之美事也出羽守承 命作書意之

七月八日被 召登 城老臣及牧野備後守傳

命曰忌岡 聖廟在上野境內與梵宇並置且

尾張候源敬所創建也年々御詣 台意

不安故欲揀靈地而新營 聖廟可相攸召奏之云云驚喜滿腔拜 命之辱而平伏又召於御前恩眷鄭重其後駿河臺邊有靈區會言佳境也此地移 聖堂而可也乃改名昌平坂命近臣松平左京亮輝貞為奉行時須賀飛騨守隆重出役夫官吏二人勤經營之事八月於 台座講詩經集傳了賜縮緬十卷乾者一宮以勞之

同月 尊大君召執政執事於 御座自講大學三綱領曰自今每月逐次可臨講席云云先臣近臣悉皆拜聞感嘆伏謝余亦陪其席講後被 召賜宴且 恩賜若干

同月二十一日尊大君出御黑書院悉召麾下官司群僚曰文武並用太平之政也汝等雖勤

武事頗疎文學向來可志學道必其以斯言不可忽諸故今使弘文學士講論語長為恒例云云余乃應 命講學而首章聽者二百餘人皆以為希代之盛舉也講後召余賜時服五領乾者一宮同月塾生和堅依 召登 城與春龍同列是亦助余勞也

十月於御休所講書經講後拜戴時服三領至者曰逐年可終編云云

同月二十一日冬至 尊大君手書大成殿三大字賜余曰 聖廟落成在近可以為扁額

十二月二十二日昌平坂 聖殿有上棟之儀執事秋元偶馬守承 命早晚來觀其儀右京亮飛騨守列居於平地余亦入堂內供薄奠使塾生讀上梁文杏壇門入德門仰高門悉成兼命畫師繪

狩野洞雲圖先賢先儒肖像掛之東廂西廂且
新築 尊大君御座所奇麗驚目其餘寶藏
書庫字寮亦土木畢功也

四年辛未 四十八歲

正月七三郎十一歲作試筆詩

同月十三日近候 御前有 命昌平坂

聖堂新成以汝為開基近頃卜日欲遷 尊像

汝其束髮可改衣服叙從五位下任大學頭云云并
命之辱告謝平伏先臣及牧野備後守柳澤出羽

守伺候翌日着耐目長袴俗曰長上下謁見拜戴時

朕三領人皆為榮十五日獻黃金馬代於 御座

間為任叙之并禮先臣列座告謝詞貴族侯伯

士林或來或寄使賀之音問紹釋經日春龍改

名新助和聖改名傳藏共束髮

二月七日特降 恩命奉移 聖像四配像
于昌平坂余早晚赴慈岡謹出 尊像松

平石京亮亦來慈岡指揮諸務先臣大久保
加賀守執事秋元但馬守奉行蜂須賀飛驒守

先到昌平坂奉迎 神輿寅刻 神輿出慈

岡卒夫長徒步頭各率其隊警衛戒禁途中
往來 神輿之側新助傳藏陪從徒步頭小十

人頭各率其隊奉護之四配之輿亦書生各二人
徒步頭小十人頭各率其隊護之其儀嚴重加
賀守但馬守飛驒守各裝束出迎於吉壇門
外余着禮服跪坐石階下入堂內奉移

聖像四配像于室內兼設十哲神主於室內左右事
畢登 城詳告始末 台顏欣慰及退有 命曰
近頃可修祭儀并 命之辱謝伏而去

十一日 尊大君飛 台駕設假閣於堂庑觀祭

儀先臣加賀守豐後守山城守及出羽守但

馬守跪伏于堂庑扈從如雲其儀嚴重祭畢

入御座所近召余特賜堂領千石余獻劔馬

朋樽兩肴而後密獻四書大全金屏風先臣傳

命并領白銀一千兩先母野妻一女二子亦有

恩賚其負如先規且賜白銀五百兩于豫祭書

生而使余講經其後 尊大君亦講經了奏

舞曲舞終捧饗膳 台顏莞爾辱賜

御盃申刻還 御余亦登 城一一奉謝

命之辱也

今般昌平坂 聖堂新造凡貴族侯伯悉皆

獻納祭器祭具書物屏風紅氍等華飾盡

美納于寶藏收蓄之

貴族侯伯悉皆逐次獻劔馬并禮

二十五日 尊大君賜饗於余賀之觴膳精

豐如先規

五月講春秋胡氏傳了

七月六日赴昌平坂入書院講禮記曲禮發端

侍講筵者五六百人滿座盈寸席空歸者不

知其數

九月十日 尊大君於御座間自講字而首

章官司百僚許并聞二百八十餘人侍講筵

講後近召余侍賀宴賜 御盃

十月 尊大君自講孟子集註七篇了賜宴

近臣余亦侍宴賜時服三領櫛三重菓子

十二月朔日有 命曰自今而後每月朔望佳

節并謁之席可為獨禮奏召之列云云

是年塾生安見文平應召與新即傳藏同

列

新即後稱莊藤左衛門俗諱
諱資實前俗諱慶房文平俗諱宗恒

五年壬申

四十九歲

二月十三日

聖堂釋菜

尊大君臨御於庭

上假閱觀祭儀其儀悉同去年經日賜饗亦

如例

六月二十一日

尊大君講了中庸於是四書全

部終講歡喜之餘賜宴於陪講席者二百七十

餘人余亦獻雙樽兩種賀之 尊大君召余

曰汝咫尺講席而說經談理者已過一紀就中

七八年來日

陪坐不辨晝夜勤勞有餘

至是宿志悉達喜而不措因賜銅鳳大香爐

及時服五領白銀三百兩

八月三日

尊大君近召余曰內寵

号五九後稱瑞春院

好學常欲聞汝講經自今日可講小學云云乃

從其命講序及顯辭寵妃隔簾聽之講

後寵妃賜撒金香奩時服等自此每月兩三

回講說逐次累席

十二月十三日 營中有煤拂之儀

尊大君遊二九還 御之後群臣悉賀之余

賜時服二領長為例

六年癸酉

五十歲

二月 尊大君入昌平坂觀

聖堂祭儀悉皆

如先例祭畢入 御座所七三郎

名慈字士信号後軒稱快堂号記

洞俗諱信光

百助

名志字士龜又字龜王号鶴觀稱退省俗諱信賢

各獻劔馬并禮

御手賜佩器金具於兩人此外一家悉賜亦如

例其後賜饗亦如例

三月前關白鷹司房輔從一位小川坊城俊

廣二品親王一乘院集教及兩傳奏前大納言柳原資康前中納言持明院基時及

院使等登城尊大君御書院自講大

學三綱領講後奏舞曲儀畢近召御前

賜時服三領樽三重菓子

四月二十一日尊大君於御座間講周易本義陪侍講席者百餘人自此每月六回坐臯比余

及七三郎亦有恩賚

八月丁日聖堂修祭儀柳澤出羽守預傳

命曰近歲每有祭儀台駕入昌平坂故侯伯

士林不能并覽祭儀今茲仲秋可行祭禮依

之六日釋菜候伯四人餘士林百餘人併陪臣

總千二三百人充滿假閑庭上卒夫長中山平

右衛門監使仁木甚兵衛各率其隊警衛

門庭戒禁嚴重祭畢候伯等悉入書院余講堯典明峻德一章七三郎講君子不器一章

講後金剛大夫保生大夫奏舞曲其後出饗膳

或去或留總四百餘人此後每有釋菜具式

如此永以為例

十二月六日老臣列座白書院傳命曰汝等

與鍋嶋内匠修婚姻經日修納采之禮

七年甲戌五十一歲

二月十二日蘭娘嫁大家餘裔鍋嶋内匠

同月二十五日台駕入昌平坂并聖堂其

儀悉依先規

九月二十二日尊母公挂昌院老尼尊大君實母後稱一位

并詣聖堂台駕亦入昌平坂并禮畢入

書院余及七三郎亦講論語内一章

尊大君亦講行有餘力章請畢獻饗膳時從

之士預宴者千餘人余及七三郎各有恩賜

母公平生好字每入本城使余請經有恩賚

八年乙亥 五十二歲

八月二十一日 台駕入昌平坂拜 聖堂其儀

悉如先例

十月十五日郡山城主本多下野守忠平卒此人

度量過人剛直好學與余有互相知情交義

親切雖新知結忘年之好

十一月新助傳藏文平為御近習番告其事

九年丙子 五十三歲

正月 尊大君賀 母公挂昌院七十壽開祝宴

依 命獻壽詞

二月二十一日 聖堂釋菜承 命一品親王

日門主來觀祭儀

三月二十一日 台駕入昌平坂拜 聖堂其儀

皆依先例

十年丁巳 五十四歲

三月二十一日 台駕入昌平坂拜 聖堂自堂

直還 御老臣傳 命余及七三郎百助老母

老妻女子 恩賜如例余自甲子之歲至去歲

既一紀日日登 營近候 御前春遇拔群

貴賤雖異兩情無隱近歲 尊大君好學

尊道之情日日深切遇余頗有客卿之禮故貴

族侯伯亦敬愛日加余門生莊藤左衛門和傳

藏安見文平岸田忠助初稱常安松浦左藏土田孫

三郎寺內彈之助中村新兵衛初稱村喬松浦藤五郎

近藤半助桂山三郎左衛門津田宇內得力十

之季秋山半藏悉出家塾登庸列儒生皆賜俸
祿近侍左右侯伯亦招余門生塾徒祿仕於其家
者五十餘人乃是 官恩之餘化也聲價日增門
戶生光

日日登

營時： 恩賜如例故外人不能知之余亦韜
養謹慎以避時嫌然大國諸侯亦致懇篤之招

設講座接遇太渥就中加賀侯參議世子正位
下少將菅吉治繼父之志修師資之禮左中將陸
奧侯綱村左中將薩摩侯綱貴或招余厚禮而
開講筵或自來而結交義肥前侯指遺松平綱
茂與余有外緣自稱門生詩筒迎通心交絕
倫饗禮尤厚信問不絕肥後侯左少將細川綱
利其嗣子主稅頭宣利講書請益作詩求正

安藝侯淺野綱通叙世好通音問高松少將
源賴常前橋少將源忠舉高田拾遺越智正通
經年逐月兩情無隱心交忘形由城主侍從
松平伊賀守忠榮才多長門守及弟茂路守亦
交際稍渥南部盛國城主行信其餘猶多姑記
際麾下之士不遑枚舉然其尤者飛騨守甲
斐莊正親父子安房守北條氏平父子内膳正

保田宗卿振來半右衛門等也
十二年戊寅上十五歲

正月村父右衛門來春東養子也承 命傳儒生

陪侍 御前為御小姓增助俸祿與我家絕音
問其間榮辱改變今茲忤旨又列儒生與我家
音問如故

四月有 命移神農像於昌平坂西隅
九月六日數寄屋橋火須臾猛焰近隣第宅

罹災余亦危急七三郎百助與老母野妻避火
田安余登 城而赴昌平坂七三郎亦來百助從
北堂歸本宅餘燭及昌平坂其間侯伯第宅悉
為烏有昌平坂幸免火難然忍國舊宅罹災
諸墳墓安全嗚呼此地祖父住居以來六十餘
年無火難之及亡父編輯國史之地也追憶
往事不堪感懷

十月老臣列坐召余曰忍國之地為官用之地
可返納之任所請可賜別地云云寬永庚午賜
此地以來六十八年今有此命時運無如之何也
十一月賜牛籠之地改葬顯祖妣顯考及曾叔父
伯父叔父亡兄二妹亡嗣等墓門生菊池舍人津村
宗左衛門及家士勞其事悲淚哀咽不堪嘆息
然皆極存恤他悲中一歡也外擲用石灰脂

炭堅緻封之各設牆建碑如故

十二年己卯 五十六歲

正月七三郎講大學自今逐次可講四書全部
五月七三郎新築書齋住居之頃歲學才逐
歲進步屢招門生塾徒賦詩聯句修補七三
郎舊舍百助居之自此二男共夜三侍余信或
對讀賦詩作文聯句勤學弗惰

八月講禮記全篇了余辛亥之春講詩經至
今年五經終講宿志已遂 家父遺教亦達
自喜自勵開筵饗于門生

閏九月有 命曰麾下群士年々支用不足故
應祿數各賜金銀余亦并領白銀千九百兩

十三年庚辰 五十七歲

二月講朱文公感興詩依門生所請也經月終講

四月講易程傳每月三箇坐臯比作程傳重方

十一月二十一日 尊大君金講場經本義了大饗侍

講者余及七三郎獻物奉頌之召余御休息所賜

增地二百石七三郎亦并領時服

十四年辛巳 五十八歲

四月十日於御黑書院講論語全篇了

五月十日於御黑書院講孟子梁惠王首章自此

每月不懈此後有故以鴈間為講席

八月二十五日召余於御休所 御手賜佩籠全

具自丁巳之春至今^{有故}年。日日登營四時

恩賚雖所闕不得近侍於 御前今始依

舊例

九月近侍 御前講小學嘉言自諸葛武侯

誠子至范魯公質段自丁亥十二月侍講

至今日久微講筵內罷隔簾聽之恩賜亦依

舊例

自此而後屢候

御前恩賚粗如先規

十五年壬午 五十九歲

二月二十五日正當天瑞天神八百年忌掛影像於

床壁與七三郎百助獻茶盛酒茶餅菓謹致

薄奠父子三人共作律詩寄納於宰府靈廟

三月二十一日 尊大君詣昌平坂 聖堂拜禮

畢入御座所召余及七三郎百助而三人共講

中庸孟子論語之中一章其後有 御講而後

獻饗膳父子頂戴 御孟奏舞曲一家

恩賚悉如舊規且召七三郎百助 御手別

賜佩籠金具

十六年癸未 六十歲

四月二十六日 尊大君并詣 聖堂其儀畢

父子三人共講經了 尊大君亦有 御講其

後獻饗膳有舞曲有 恩賜儀同去年

五月老臣列坐傳 命曰畠山義玄民部大輔女可

嫁七三郎兼築奧室納采禮畢六月十二日

婚儀已成十四日登 城有 命授綰縮五

端于余曰可昇新婦并 命之辱而退去

十一月二十二日巳刻地大震余排衾欲起顛倒兩

度四壁悉倒開戶則屋宇卧地余幸免升梁上

七三郎百助亦尋余會于梁上回顧則老母妻

妾新婦共敷席居庭自屋上揚声大呼曰子

三人共無恙而後相共會集少焉錫鳴內廷及

門生來問余登 城所經第宅半倒屋瓦皆落

退公之後赴昌平坂 聖堂書庫寶藏半破

外垣悉倒前代未聞之大變也松平加賀守松

平信濃守青問救危急松平讚岐守賴常朝

暮贈食物情志丁寧同月二十九日昌平坂近隣

有火猛焰滿空引及加賀侯第宅風煙及

聖堂余及七三郎百助乃出 聖像及四配像

避難本莊 聖堂及書院學寮悉燒失書庫

幸免余見燒跡拭淚而去直登 城告變災此

間本宅亦危然幸無他事其後地震連日不

息 尊大君命近臣有所問老臣及松平

義禮守松平右京大夫亦就余有諮詢之儀

十二月二十五日有 命昌平坂設假閣安置

聖像四配像

同月老臣及松平美濃守

初梅柳澤出羽守
後賜松平美濃守

命

曰次男百助與七三郎同登城元日并禮

寶永元年甲申

六十一歲

二月五日有聖堂再造之命宇和嶋城主侍

從伊達遠江守出役者并上河內守為總奉行今

阿部忠房後守

茲河內守有母喪故本多伯耆守代之

三月於御前講克典克明峻德章為論題與

書生八人議論余所答大協台慮內寵隔簾

聞之此後內寵每輕小學之講必有議論而有

恩賜

同月改元

五月昌平坂有經營之事逐日經月修築漸

成

七月百助書室新成

九月十二日執政傳命七三郎百助自今以後於

山吹間謁見時登城可見營中規式之祖

以來舊例也

同月召七三郎百助於御座間次席美濃守右

京大夫傳命曰頃間入御文庫率門生點檢

書籍新作目錄可謂勤勞故賜時服云云

代官

九月昌平坂聖堂有柱立之儀執政秋元但馬守

執事本多伯耆守伊達遠江守來會余及七三郎

百助列座

十月十二日七三郎妻俄羅病掩衽以魚子葬於

廣岳院

十一月四日七三郎百助被召登城執政秋元但

馬守傳命曰兩人共列布衣

同月十一日聖堂上棟秋元但馬守執事稻

垣對馬守伊達遠江守來侍監使阿部式部來會余及百助入堂內教簿彙使門生讀上梁文兼使法眼養朴畫先賢先儒肖像依舊例掛之東西廂書院學寮亦悉成

同月二十五日有 聖像四配遷座之儀但馬守對馬守遠江守伺候于堂緣余及百助入堂內勅祭儀今日島家畠山民部大輔基玄為 御名代入

堂內拜禮儀畢但馬守對馬守入新築書院傳 命余拜領時服五領百助拜領時服二領經日七三郎被召於 營中拜領時服三領余作再造記掛之堂緣七三郎以服攝未除不預 聖堂上棟遷座之事

十二月五日 尊大君養甲府中納言綱豐卿為繼嗣而入 西城使余考諱字改綱豐為家宣

依之拜領時服五領

同月余密招畠山義玄次女置之於別室棟來春嘉辰欲嫁七三郎而內緣不絕

二年乙酉 六十二歲

正月九日 尊大君誕辰開六十賀宴賜饗於近臣余獻壽詞及鳩杖

二月丁巳於新造 聖堂始修祭儀悉皆依舊

例

三月五日 尊大君轉任右大臣右大將如元儲君任大納言叙從二位

同月二十五日 尊大君拜詣 聖堂以御休所經營未成直還 御一家 恩賜如舊例

四月有 儲君之召赴 而凡於御休所講中庸天命章拜領時服

六月二十二日 尊母公一位老尼薨去有咨詢之命

七月朔日老母倉橋氏自去月罹病進藥加針共皆不驗今夜遂沒歲八十五不堪哭泣抑悲哀哀喪事悉用儒禮葬之於牛籠亡父墓傍私謚貞良而作碑誌記其行實日參墓貴族侯伯士林來問吊慰不絕

九月應召赴西丸講大學自此而後每月必有侍講之召

十一月百助罹痘疹之病恩賜紅綾加賀參議亦贈服具懇問之其餘來問者不絕經月不復

三年丙戌 六十三歲

五月七三郎作本朝攝關志三卷百助作本朝忠臣傳孝子傳列女傳各三卷二男共文學日

進詞才秀實加賀宰相聞百助學才日新謂余曰世藏書汗牛充棟然可傳之七三郎也百助者次男也定知乏藏書某家類本往可贈之云云懇篤之情不堪感佩

六月家屋大半新造癸未地震以來未及修築今年漸成

九月依命使持明院參議正二位基輔書杏

壇門入德門仰高門三額改更昌平坂門額四年丁亥 六十四歲

正月內寵今年五十歲獻壽詩 尊大君并

內寵有恩賜

二月七三郎百助有召於御座之傍松平義濃守

傳 命曰各賜三百依以為學問料可勵家業云云余携二子出於御休所特有恩命

二人共并戴佩籠金具余平伏并謝

玉音又有可勵家業之命且顧視兩人曰今

日有舞曲可一覽云云兩人并伏而退

二十五日 儲君出西丸詣 聖堂并禮並回

轅老臣傳 命并領白銀千兩七三郎百助

共賜時服

三月二十四日召余於浴殿曰書五經之中不披

卷帙可詣誦而講說近歲屢有此舉試此後

日二為例儒生相代設問難而待余答辨有

協 台慮則有 恩賜世謂之內殿講諭是亦

尊大君好學之餘也

同月於 西城講了大學四月講論語屢有

恩賜

五月三十一日尾陽黃門吉通公詣 聖堂

獻劔馬焼香并禮飲福酒而入書院余獻姜

酒黃門欣然余告之曰公之曾祖源敬公尊信

聖教寬永年中召余祖羅山子建 聖堂

於忍岡祭祀不懈余父相續禮典粗備今

尊大君移 聖堂於昌平坂并詣竭禮顧夫

源敬公之餘化至於當時彌大彌盛今日并詣

於余不堪抃蹈云云黃門莞爾盡歡而去此

後黃門招余及七三郎百助有懇篤之情

八月十五日 尊大君依例賜宴近臣余及七三郎

百助亦預其席父子共有 恩賜歸家之後隨

家例七三郎開宴饗塾生九月十三夜亦父

子共預御宴歸家惟詩會

十月尾陽黃門招余父子三人依 命七三郎講

中庸性道教百助講學而首章逐日接遇

太渥

十一月二十八日富士山燒震動如雷沙灰蔽空白
晝如夜希代之變有 命獻勲文其後地上
生毛禽曰天變可畏

五年戊子 六十五歲

正月二十九日尾陽黃門又詣 聖堂其儀如去年
且拜神農堂而入書院余講堯典首章七節

百助講中庸兩章講後談熟獻晚膳扈從之
士預宴者五十人翌日告謝禮速出對談手授
硯匣書拾以修永好自是忘貴眷遇無比於七
三郎百助亦然且曰每月父子三人相代來話講
習所待在茲以貴諭不能固辭其命惟從講經
之後或相共逍遙園中賦詩論文一日賜駿馬二
疋鞍轡裝飾金具於七三郎百助

五月九日有 命曰每月 營中鴈間講談使七
三郎百助相代可勤之以余年老 恩許如此翌
日七三郎代余講萬章上篇六月百助講其次
章老臣悉出聽之皆曰兩人所講義精理達珍
重至祝事達 台聽由是內殿議論之席時
時召七三郎百助與余問答數回或代余答儒
生之問頗協 台慮

八月七三郎講詩經百助講胡傳共有五經終講
之志

是年百助悉周覽二十一史每終一史評論當
世之事

六年己丑 六十六歲

正月 尊大君自舊臘罹風疾痰喘強發三
日麻疹見十日脫衣薨御余登 營近臣

牧漁哀咽始聞山事吞聲哭泣萬方求之不知
所為驚愕仆地三十年來 恩眷之渥五內破
裂精神耗散體存氣絕雖生似死老臣近臣
咨詢葬事經日松平美濃守告老臣曰大學頭
年來勤勞身老體疲自今以後有公事則召
七三郎百助可議其事大學頭進退可任其心云
云二十二日 御棺出城入上野余先入上野與群

臣并 御棺 勅贈太政大臣正一位弼常憲院
二更歸家自此而後時々赴上野依 命書誕
日薨日官位御諱於石棺蓋上

四月老臣傳 命於西丸鴈間講奉伯篇一章
向後七三郎百助隔月講談可遵先規云云

五月嗣君有將軍 宣下之儀余及七三郎百助
共觀其儀七三郎百助依 命作其記

六月二十七日近臣間部越前守詮房承 命召余
及七三郎百助父子共出 御前有 命使七三郎
百助各講中庸一章講畢召七三郎百助有懇篤
之命余亦在傍西人共賜時服且有 命曰向後
每月大學頭者如先例可講論語七三郎者講中庸
百助者講孟子自此七三郎百助屢登 城逢間
部越前守有所議

九月二十三日間部越前守傳 命余及七三郎百
助台駕觀諸士射禮其後依 命父子三人悉
觀園境二十六日又於吹上有諸士騎馬之事依
命父子三人共從 御駕觀之

十二月豫修 先大君一周忌於上野十日法會
畢而携七三郎百助詣 御佛殿追憶悲泣及
暮而歸

是年命宗對馬守諭近歲朝鮮來聘之儀
依之與間部越前守屢談先例

七年庚寅 六十七歲

三月相國寺林光院長老自洛東來詔曰某院內有
惺窩先生之墓漸々荒廢其裔下冷泉亦時々
參拜不及修補之事惺窩者我祖羅山子師也
今追慕不已聞此語驚嘆修墓門周垣且贈忘日

酒茶奠料添以律詩

四月五日與七三郎百助共登 城觀飛鳥井堊門
難波指遺蹴鞠

同月十五日依 命七三郎讀法令條目國主乃万石
以上伺候翌日百助亦讀之旗下群僚及布衣以上
伺候去歲小笠原佐渡守為之奉行父子三人共
賜時服

六月就執政請致仕不許有 命曰公事之外不
及登 營唯可養老身也人皆以為榮

七月改洛外八瀬村采邑賜和泉國內尾井村

八月 尊大君詣 聖堂自獻酒菜還 御余

拜領白銀一千兩及酒肴七三郎百助各賜時服

同月間部越前守承 命七三郎百助考慶長以
以來武家補任

十月營中有舞樂余父子亦觀之

十一月先臣奉 命賜印章于万石以上安藤石京

亮松平備前守為之奉行余及七三郎百助亦
預其事而後父子共賜白銀時服

同月薩摩國主羽林吉貴率琉球使者登 營
拜禮畢於大廣間奏音樂歌樂余父子亦觀之

正德元年辛卯 六十八歲

三月十八日先臣列座芙蓉間召百助有賜宅地之
命可擇其地而達于官云云他日於三河町賜五百
弓之地

五月改元

十月十八日朝鮮三官使來聘以東本願寺為假館
二十七日與七三郎百助携門生二十餘輩赴東本
願寺邂逅學士東郭李碩及書記官洪鏡湖嚴

龍湖南泛史贈酬數回三官使聞之贈餅饅酒
肴余父子亦寄詩于三官使及暮而歸

十一月朔日三官使及僚屬悉拜禮於大廣間貴
介侯伯官僚諸士悉伺候余讀國王書七三郎讀
別幅其儀皆與先例異

八日與七三郎百助赴東本願寺會于學士書記官
唱和未央官使請與余會遇乃到彼所正使

副使歡迎導余相共并揖談話已熟正使諒余
曰林家世三掌絲綸美譽芳声遍于我國癸
未乙未壬戌贈酬詩卷納之官庫云云

童子捧饗膳乃與
官使相共喫之頻勸一盃食罷告罷官使惜
別以期他日又與學士等會詩戰筆語皆嘆

七三郎百助才量

二年壬辰 六十九歲

二月六日三河町新築半成百助移居

四月近臣傳 命鍋嶋内匠養松本城主年正
水野忠職末子為嗣年人正與内匠有內緣故
許其所願

六月二日老臣列座于白書院廊下召百助尋
要監使山川安左衛門女經日修納采之儀七
月二十日修婚儀舉家欣然祝之

十月十四日 尊大君薨滿城驚嘆葬於增
上寺余父子三人共先 靈輓赴增上寺 勅
贈太政大臣正一位弼文昭院

幼嗣君錫松丸依 遺言續其正緒政事如元

百僚職役悉皆不變舊規

是年松平義濃守入道保山寄使曰請作

常憲公一世之事實余答曰先示草稿相議訂

正之云云其後自指教紀

三年癸巳 七十歲

二月三日七三郎百助作壽詞捧鳩杖開宴以賀以
祝蘭娘來會親族門生悉會集會津城主

左中將松平肥後守正容安藝國主松平安藝
守吉長近歲修父祖之舊好情志丁寧桑名城

主左少將松平下總守忠雅姬路城主柳京式部
大輔政邦執政土浦城主土屋相模守政直前執政
稻葉内近頭正通等或贈青物或贈倭歌賀之
瑞春院女君亦傳聞賀儀贈青物祝之

先主治世之日命余開講筵 先主薨後不

忘舊因達於官聞時々有 恩惠

三月二日 幼嗣君有將軍 宣下之儀任内大臣

兼左大將

五月老臣傳 命七三郎百助曰雖為 幼主然

先代有遺命不可變政務孟子終請則大學中

庸逐次每月隔更番可講之云云

十五日七三郎產女子一家悉喜余及七十

始得孫女老後一歡事自此有所期故省之曰
待娘

八月六日加賀宰相來臨百助新居以叙世交昌
自幼好學惜夫父祭酒秘本有所寫盈十餘種
歸國之日悉可納於卿之文庫他日我子孫有
好學之志則亦復可惜之云云

十月尾張國主五郎太贈亡父黃門吉通卿遺物

撤金書格于余七三郎百助共賜撤金硯匣黃門
於余父子懇遇太渥今茲七月二十六日薨去年
二十有五不堪哀惜余父子亦捧香資獻輓詞
。十二月十三日鶴鳴內匠妻腹產女子蘭娘養之
為女名曰郁娘

四年甲午 七十一歲

正月十四日百助妻產女子名曰常娘母子平安
十月 常憲院贈大相國公實紀三十卷全成

致仕前左少將甲斐國主源吉保所作也請
余訂正之是以太勞考索然治世政事好
學篤志粗備焉道為世珍重至祝且依
其求為之序以述旨趣吉保歡抃不翅
寄使曰不惜卿之力則不能終編乃贈白
銀綵綾朋樽兩種謝之

同月上野增上寺有法會 勅使 院使承
命參府從二位中納言冷泉為經亦東來是

余師家

惺窩藤欽夫曾孫也故携七三郎百助赴
旅亭對談移刻共修宿契詩什贈酬
數回音問不疎

十二月三日待娘罹風疾不幾日痘見驚
愕招諸醫療養無驗九日曉天殤葬
牛籠一家吞声悲泣悉失宿志

五年乙未 七十二歲

六月二日登城告間部越前守曰先君有恩命不許致仕其後保養氣力未減然逐年老衰行步不健願乞骸骨越前守曰

先大君唯免諸務不許致仕太有深意為世為道欲興儒風眷遇最渥不可遺忘

今大君雖幼不可負其言不可失其心所請有理而難敷奏所諭丁寧故不得已陳

謝而退

今月初半籠別莊產靈芝其色滑腴有

光可謂瑞兆也一家欣之祝之慶之此奇

同月九日再請致仕越前守與老臣議

不許所請所諭丁寧枉從其言

七月十九日夜次男信智始得男子音

相不凡眉壽有期一家欣之不知舞蹈

賀之不足祝之有餘命之左五郎且作詩云熊羆卜夢入詩章龜鶴祝齡稱壽觴料識歲神降百福願初如達赫靈祥

十月二十三日老妻罹病掩衽其譜族見前其性慈淑懿粹貞靜順和在家之日孝于父母友于兄姊婚嫁之後能事舅

姑竭志勵孝不遠其言晨昏接余好合畏敬中饋之勤無不精密內助之効無不普及為余卜妾內田氏瀧娘顧遇之厚如見姪娣愛育一女二男如其所生合卺以來四十九年宜家宜人令夏之季氣宇不平及秋增重遂至于如此舉哀哀惜余老衰無

賴悲泣慟哭寤寐思服而已葬之牛
籠別莊信充信智私謚定肅余拭
淚為之誌書碑陰

十二月十七夜亡刻七三郎信充侍妾產
女子母子共平安名之曰銀娘

六年丙申

七十三歲

正月元日吟曰鳳曆春回天地紀璣衡幹轉

相終始老齡數往又知來四百四十甲子
同月十一日入夜大火昌平坂 聖堂危急
猛焰不止內藤式部正教家士卒夫移
聖像并四配及神農像於他所岸和田城
主岡部義澤守長泰依 台命率士卒防
火 聖堂響應所及學寮幸免火災

四月大盡

幼大君自去歲不豫逐日

經月增重今茲四月下旬大漸彌留
晦日薨去齡終八歲舉世驚嘆依
文昭廟遺言紀伊黃門吉宗承續
大統

五月十日依 召近侍 今大君預詔詢之

事

逐日

經月頻繁應 召登城脊遇太渥兩
男信充信智亦從余候 御前預公事
七月朔改元享保而有可賜印章倭伯及
寺社之命余及信充信智預具事

享保二年丁酉

七十

四月 正月城下大火信智宅亦

罹災書庫煨燼隻字不遺移居昌平坂
學寮

三月定法令余及信充信智預其事共有

恩賜

六月信智產女子

七月信充女子文娘罹病夭札

同月執政傳命曰來：年己亥朝鮮信使來朝信充信智可與執政議定事務余亦監視諸事

同月信智改賜宅地與余居接隣經月修補漸成移居焉

九月國主城主萬石以上各賜御押朱印余及信充信智并戴白銀時服

享保三年戊戌

七十
五歲

四月信充有痛湯治及秋全快

九月有台命使門生數輩於昌平坂

仰高門邊學舍日日相代講經

享保四年己亥

七十
六歲

九月二十七日朝鮮信使洪致中副使黃璿從事官

李明彦率學士申維翰書記三人等來朝有命諸務無巨細決於我家信充信智日赴旅館辦事三使設饗於父子三人三使及學士書記僉云余父子三人詩律拔出群作嘆羨有餘十月十五日朝鮮三使以下佛國發達十八日迺召御前父子三人共勞之賞之各賜時服

享保五年庚子

七十
七歲

正月元日作詩用文潞公七十七歲同庚之事

享保六年辛丑

七十
八歲

四月十八日七三郎信充始得男子一家之嫡孫也面貌非常軀體強健名之曰泰助逐日成長肌膚豐盈有起家之相

不堪歡抃旦夕撫愛之

享保七年壬寅

七十
九歲

八月丁日釋菜有 命自今而後私家
勤修補等之事不假官資之力

十二月二十六日 東照大神宮當誕辰三

回 城中召舊臣三百餘人賜宴余及
二子亦預其宴

享保八年癸卯

八十
歲

二月三日二男一女賀吾誕辰開祝宴加賀
宰相安藝侯等贈音物示丁寧之情

同月九日特降 恩命信充叙爵拜任大學頭
勤 聖堂祭主之事依余老衰也丁日釋菜

信充束帶為祭主余改官大内記傍觀祭儀

享保九年甲辰

八十
一歲

正月元日作詩用老子降誕之事

三月廿七日百助次男弥七生
閏四月二十二日依願致仕全賜采邑千五

百石堂料千石俸及九十五人於嫡子信光
且以信光所領之三百俵賜余為隱居料
持有 命曰雖致仕時、可候 御前、
歷日被 召候 御前拜戴八丈嶋五端
皆以為榮也

五月九日致仕加賀宰相逝去歲八十二父祖以來

好學余執交六十年餘平生眷遇兼氏師重

之禮甚厚哭慟拊胸不堪哀惜六月九

日一周月忌詣廣德寺献香資拜神

主作誄以抒哀情

是年作常山文集序故黃門水戸

源義公家稿也令嗣參議公所求也

享保十年乙巳八十歲

正月元日採用宋廣平賜全祿故事

作詩

同月 儲君大納言元服奉 命大

學頭信光作記予亦依 命考

御諱賜時服

二月丁日大學頭於昌平坂聖堂始

行釋奠余亦傍觀祭儀期祝家

業相續二仲祭祀年々不絕

同月牛籠別莊火災諸墳墓亦

小裂然祖考石碑無他經日修補

悉成茅舍亦新成

針藥

此秋老妻卧病氣體衰耗而服用

漸有驗

享保十一年丙午八十歲

三月大學頭產女子

同月依 命赴 常憲廟老妾

瑞春院三九等自此應招遊園

庭眷遇特厚音問不絕悉是

先大君餘眷也

是年嫡孫泰助始讀書揮筆

豐盈犀角有食牛之量遠大可

期

享保十二年丁未八十歲

正月閏正月至三月陰翳嚴寒如冬

僉言未曾有之事也

享保十三年戊申八十歲

五歲

大君兼有 命曰今茲四月登日光山拜

東照宮_々及期三卿及老臣御普代衆
扈從勤番悉仍旧例萬石以下各有恩賜
是亦遵舊式嫡男大學頭信光亦其列也
四月十三日 台駕_{東帝}祭途大學頭一日先行
十七日 台駕_{東帝}參廟供奉行列大學頭入
廟庭飽觀其儀同月二十日先 台駕_{東帝}
家一家欣々祝之頌之

六月二十三日之夜老妻病喘急起至廿四日
掩粧自癸卯十月罹病不能起居_而月愈
乙巳八月_又罹河莫病至今年或愈或痊不
得全快更數醫不驗遂至如地天性恭儉和
樂能成內助人_皆惜之同月廿六日葬于牛込
嗚呼哀哉惜哉大學頭立小石碑余為之
誌詳述其行實

享保十四年己酉_{八十}
歲初用賀季真八十六歲_{六歲}賜
鑑湖一曲之事作一絕

丑月丑日先考丑十回忌辰我生
存之日三十七歲盡孝養之心沒
後丑十年祭禮不怠比他人則
如此之類希也哭泣追慕之餘

作哀文

同月八日 先主嚴有廟丑十
回忌辰法會事終余亦并詣

享保十五年庚戌_{八十}
_{七歲}

今歲二月仲春中丁釋菜嫡孫
信言十歲初勤猷官

同年十月廿三日嫡婦畠山氏之女

有故離別內緣絕矣命哉可歎

享保十六年辛亥^{八十}歲

元旦作詩曰八十八翁形氣殘蓬
衡迎歲對椒盤米粳粒粒知齡
數壽域無疆北鬱單經日手書
奉獻 大君幕下及 儲君且
尊弟兩郎君奉祝遐齡各賜

時服縑帛而被召 御前

同月嫡孫信言十一歲初作詩

同年四月十五日妾腹孫兒生名之
曰助次郎翌日城下大火國主之
大家悉燒失

服部甫庵 編

煉霞翁年譜

明治二十九年（一八九六）刻本

據明治二十九年（一八九六）
刻本影印

醫以代耕書以養志其何
他求乎苟業成於勤而荒
於怠不多診人則不能通
其術學進於不怠不多讀
書則不能達其道唯爲己

而不爲人死而後已

其翁之謂耶

右股部煉霞翁讚

東園淺田惟常拜識

服部煉霞翁略傳

煉霞服部翁。下毛安蘇郡天明鄉之人。世々業醫。至翁九世。不墜家聲。翁名政世。初號甫庵。後煉霞。隨幕府醫官奈須先生。學醫拾有三年。學就歸鄉。其業大行。彥根侯聞翁之篤學精術。特脫市井之籍。許稱姓帶刀。以旌表之。翁爲人沈靜厚重。清爽澹雅。性不嗜酒。常好詩吟。以寄懷。最長絕句。有詩集若干。又愛玩儒籍書畫。行餘友憩之際。懸壁間評之。貯書一萬卷。本邦古醫方書數十卷。九世之遺書。具存在家。晚以述作爲樂。著東里外集。彭殤集。陸續上梓。又嘗搜索古醫事蹟。有三喜備考。全補道三翁年譜。糟尾錄事法眼考等之著。齡八十八。嬰鑠如耳順。開米壽之筵。況辭賀章。堆積案上。版刻而頒布。可謂安蘇山之醫仙矣。明治二十五年七月九日罹病。越三日如眠而逝矣。春秋八十有九。予與翁爲知友。因爲之傳云。

明治廿五年十一月一日

辱友

釋軒伊藤恒

煉霞翁年譜略傳

一

煉霞翁年譜引

煉霞翁之父純藏君。生於里正之家。年壯出爲疾醫之嗣。以商賈承家。深慨不繼其箕裘。乃使翁夙從事讀書。長而遊江戶。師事奈須氏。閱十有三年。學成而歸。醫業盛行。遂達其志焉。翁資性溫慈。儉勤自奉。常誠冗費。敦敬祭祀。治家精嚴而仁恕。誨其子弟。提而喻之。撫而養之。各成一家之業。子孫之保衣食。致有今日者皆翁之賜也。不肖政輅謹抄錄翁之曰誌。撰年譜以傳焉。子孫其鑑于茲。曷奉其遺業。不敢飽暖逸豫。乃所以報之也矣。

明治二十七年甲午六月

煉霞翁年譜

一

不肖三男政輅謹識

煉霞翁年譜

始祖甚兵衛君。

諱祐政。諡了西。仕佐野信吉公。慶長中公。坐事國除。君乃隱于天明鄉。家傳血証七

道。方極有奇功。君因悟醫之可學。就太醫。二傳甫庵。曲直瀨一溪先生。問方術。竭其底蘊云。

君。附政。君長子。諡壽正。承家學。治術最精。其業盛。三傳。行故子。深飲慕君德。因以甫庵。為世襲之號云。

道也君。諡良。因甫庵君弟也。甫庵君有子曰。了益。幼而孤。君因攝業。無子。以了益君為嗣。是為四傳。

四傳了益君。諡麗翁。甫庵君子也。五傳杏仙君。諡似貞。夙讓業弟。庵君子也。

別成家。是為服部家第一支族。六傳曾祖亮仙君。諡了達。杏仙君弟。七傳祖

甫仙君。又稱川柳。諡本徹。為亮仙君長子。八傳父純藏君。諡常章。飯塚勇助弟。

四子也。七傳甫仙君。無子。乃養君為嗣。母半田氏。翁之外伯與兵衛君二女。

煉霞翁年譜

一

文化元年甲子

翁姓服部氏。幼字豐太郎。以是年九月廿七日子時。

生於下毛安蘇郡天明鄉。

二年乙丑

三年丙寅

四年丁卯

五年戊辰

翁年五歲。五月父純藏君學女。八日而殤。

六年己巳

翁年六歲。四月純藏君舉男。七右衛門。後出嗣半田

氏。

七年庚午

八年辛未

九年壬申

十年癸酉

翁年十歲。是年純藏君。又舉男。勘二郎。

十一年甲戌

十二年乙亥

翁年十二。始之江戶。館於外伯石川氏。

十三年丙子

煉霞翁年譜

二

翁年十三。二月入於內野。宗周先生之門。十二月復

館石川氏。

十四年丁丑

翁年十四。入奈須。玄虛先生之塾。在塾加元服。改名政世。是年一月。純藏君又舉男。原圭。至是翁有三

弟。

弟。

文政元年戊寅。

二年己卯

翁年十六。伯母幾佐管適於幕府支配勘定石川。勘太

夫。經三十五年而歸寧。純藏君大喜。款遇特厚。伯母

留十日而還。翁送至江戶。是年翁在奈須氏塾。補繕全九集缺卷。翁好古書。凡聞珍籍秘書之名。搜索必得。若有缺卷。據別本補寫成全帙。以故古書奇籍。富于其家。

三年庚辰

四年辛巳

翁年十八。患疥癬歸養。數月而愈。復至江戶。館石川氏。

五年壬午

翁年十九。某月純藏君舉女。外伯石川勘太夫。以七

煉霞翁年譜

三

月二十七日而卒。年七十一。是歲編纂先人遺書十二卷。號甫庵叢書。

六年癸未

七年甲申

翁年二十一。是年四月二十二日。薙髮於奈須氏。襲家世之稱。改名甫庵。祖母半田氏。年八十八。奈須先生。爲開賀筵招客。詩賦書畫滿筵。翁裝潢藏之。八年乙酉

翁年二十一。復患疥癬。內陷殆危。治之不踰月而痊

九年丙戌

翁年二十三。奈須先生。聞北總古河一向寺安置古名醫田代三喜像。往拜之。翁偕交友扈從。歸路經天明。探岩船山諸勝。而還于江戶。是年先生復爲半田氏。舉九十壽觴。相識悉會。贈詩歌書畫賀之。翁亦裱而藏之。奈須先生之於半田氏。厚遇如此。蓋愛翁之至誠篤學也。

十年丁亥

翁年二十四。是年十月業成歸家。奈須先生。贈以警世圖一幅金若干。舊識皆作詩歌以送之。警世圖曲

煉霞翁年譜

四

直瀨道三手澤之幅也。純藏君嘗慨不繼服部氏箕裘。夙令翁從事醫學。至此翁遂恢復祖業。以達純藏君之志。十一月七日。半田氏年九十一而歿。

十一年戊子

翁年二十五。娶彥根藩士若田部喜三郎第三女。

十二年己丑

翁年二十六。是年四月三日長子甫竹生。九月廿二日。日光御門主過於天明街。藩廳命翁。爲茶道方。宿直客館。後以爲恒例。

天保元年庚寅

二年辛卯

翁年二十八。長子甫竹罹痘瘡。

三年壬辰

翁年二十九。藩廳命爲獄醫。五月十二日。大久保侯加賀守。日光御門主相尋至。館於春日岡。翁爲茶道方。純藏君。謁日光廟。途次澡於奈須溫泉。

四年癸巳

翁年三十。新築倉庫家之乾位。

五年甲午

翁年三十一。舉女。是歲四月。疫邪流行。五月翁罹

煉霞翁年譜

五

疫。六月疫愈。十一月赴於江戶。翁懸壺已來。醫事軼掌。至是數年。始訪奈須先生。先生叙契濶之情。待遇優渥。數日辭歸。厥後頻年入於江戶。每一周日乃歸。

六年乙未

七年丙申

八年丁酉

翁年三十四。三月二十三日。室若田部氏歿。年三十二。五月六日。長女四歲而殤。八月納若田部氏妹爲繼室。九月奈須先生。再遊觀天明諸勝。季弟原圭

扈先生至家。先生上岩船山有詩云。八八猶輕健。自訝身是仙。悠々閑日月。志在好山川。

九年戌戌

翁年三十五。四月與近藤利右衛門。共遊出流山。舍於永野豪農池澤氏。是月幕府監察使安藤治右衛門。馬場大助。來館於正田源兵衛家。以廳命。執醫藥宿直。夏六月仲弟勘二郎歿。年二十六。

十年己亥

十一年庚子

翁年三十七。二月二十二日。妣半田氏歿。年六十

煉霞翁年譜

六

二。四月二日二子甲藏生。

十二翁辛巳

翁年三十八。二月八日。奈須先生歿。年六十八。謚壽山。四月季妹嫁於犬伏街大島勝藏。七月八日。翁偕柳川近藤廣瀨三氏。浴於草津伊香保二泉。是年季弟原圭業成而歸。出爲天明街服部政平女婿。承其家業。

十三年壬寅

翁年三十九。正月水野侯越前守。來館天明街。翁依例爲茶道方。五月廿六日。翁舉二女。是歲痘瘡流

行。二子甲藏及二女皆病痘。翁治而痊之。

十四年癸卯

翁年四十。春水戶侯狩其邑。謂之追鳥狩。翁與大島

勝藏往觀之。二月一日。伯姑母歿。年八十一。石川

太夫之配也。四月某日。大將軍某公。舉日光廟拜之

典。十一日水戶尾張紀伊三侯扈駕。館於天明街。翁

與季弟原圭同被命茶道方。直其館。尾侯紀侯賜二

人金若干。水侯賜酒及鰯鮓。藩廳賜金。慰其勞。四

月原圭有故去政平氏。復家。十二月原圭娶初山氏。

弘化元年甲辰

煉霞翁年譜

七

翁年四十一。春純藏君謁伊勢大神宮。二月十八日。

二女三歲而歿。三月藩廳有命列士籍。四月。山本庄

一先生。遊於天明。翁與關根彦十郎。請先生講經史。

後數年每春秋。先生來寓講經。

二年乙巳

翁年四十二。季妹有故去大島氏。大歸于家。

三年丙午

翁年四十三。七月十四日。又舉男繼之介。十二月天

明街民家失火。延燒街之半。俗謂奈賀志之火。

四年丁未

翁年四十四。正月繼之介病痘瘡。二月長子甫竹。學

於奈須立竹先生之塾。五月十五日。考純藏君歿。年

七十一。七月季妹浴於伊香保溫泉。

嘉永元年戊申

翁年四十五。甫竹去奈須立竹先生之塾。先生以元

版傷寒論三卷。贈甫竹。

二年己酉

翁年四十六。令甫竹學於井上道貞先生。四月廿一

日。季妹再嫁小屋街里正川侯與平。六月四日。第二

支族沼津服部氏。修其祖五十年之祭。翁將近藤彌

煉霞翁年譜

八

平往會祭焉。

三年庚戌

翁年四十七。撰歷世光域志。建始祖了西君碑。修二

世祖壽正君二百年之祭。爲原圭購地犬伏驛。新築

一屋。八月三日落之。

四年辛亥

翁年四十八。甫竹業成歸家。四月爲甫竹娶野代勝

藏女。十月七日。義弟若田部喜平太。墜馬負傷。就整

骨醫名倉彌次平治之。翁護送至千住。

五年壬子

翁年四十九。獻黃金百枚於彥根侯。侯賜外套一襲。江州綿一把。俸米二人口。九月詢于春日岡總宗寺僧見義。贈外祖半田氏歷代之靈居士大姉號。因納三大部釋籤各十卷及金五枚於總宗寺。

六年癸丑

翁年五十。三月彥根侯巡視本邑。特許謁見。五月九日。季妹某歿。年三十二。川俣與平配也。四月甲藏遊於江戶。是歲越後人佐藤三禪來課子弟。自二月至十月而止。

安政元年甲寅

煉霞翁年譜

九

翁年五十一。去歲彥根侯來巡。命其侍醫施療本邑貧民。後翁施療。自其年三月至今年九月。侯命重臣長野伊豆。賜翁褒狀及江州綿二把。七月翁將室若田部氏及三子縫之助。浴於伊香保溫泉。

二年乙卯

翁年五十二。二月十九日。長孫純次生。六月藤森弘庵先生。從松本誠庵來遊。講大學於春日岡。聽者服其精義。請先生添削詩文及揮毫。七月翁與三谷村中新井七左衛門。曲々島村龍水寺僧。江戶華藏院僧三人。俱澡於豆相溫泉。歸路過江戶。訪親故。淹

留旬餘而歸。

三年丙辰

翁年五十三。甫竹妻野代氏有故而去。七月與近藤利右衛門。自越名河岸。搭船到於江戶。

四年丁巳

五年戊午

翁年五十五。新修倉庫。

六年己未

翁年五十六。先是長子甫竹患心疾。數年不差。是年十一月十二日遂歿。年三十一。

煉霞翁年譜

十

萬延元年庚申

文久元年辛酉

二年壬戌

翁年五十九。是年秋麻疹流行。自七月至九月。二子甲藏三子縫之助長孫純次。皆病麻疹。疹後兼痢者許多。翁亦罹痢疾。

三年癸亥

翁年六十。三子縫之助入於館林儒員松島皓藏先生之門。七月携縫之助及青山甚四郎中野市右衛門。日光神廟。探靈區諸勝。浴於瀧湯溫泉。

元治元年甲子

翁年六十一。四月二子甲藏遊江戶。五月三子繼之

助學於井上道貞先生之門。翁嘗藏經紳家所贈佐

野信吉公翰牘數通。至是介關根彦十郎。請信吉公

裔孫佐野欽六郎氏。檢閱之。因呈氏以白川家翰牘。

氏贈狀謝之。亦裱而存之。

慶應元年乙丑

翁年六十二。是歲東里外集刻成。四月幕府修東照

宮二百五十年祭典於日光廟。彥根侯督之。歸路歇

於堀米陣屋。翁又被許謁見。尾州侯壬生侯柳原侯

煉霞翁年譜

十一

梶井門跡助祭典。來館於天明街。依例爲之茶道方。

彥根侯勞以金若干。十月爲二子甲藏娶上總鈴木

氏。

二年丙寅

翁年六十三。十一月三子繼之助業成而歸。改稱繼

甫。

三年丁卯

翁年六十四。八月爲繼甫娶藤田氏。九月十八日。甲

藏舉男三日而夭。

明治元年戊辰

翁年六十五。是年奧羽有變。天兵北征。翁從彥根

侯。至奧之須賀川。八月侯愍翁年老從軍。命護傷兵

以歸邑。九月六日。子婦藤田氏生女。數月而夭。

二年己巳

翁年六十六。六月十三日。拉長孫純次至上總。

三年庚午

翁年六十七。正月十九日。修四世祖麗翁君百五十

年祭。祀祖考。二月拉室若田部氏及純次。寓於小

中村。八月患瘧歸家。

四年辛未

煉霞翁年譜

十二

翁年六十八。八月純次入於忍侯儒員芳川恭助先

生之門。二月九日。甲藏舉男永三九。七月八日病歿。

是月二十二日。合修先考純藏君二十五年祭。蟻半

田氏二十三年祭。附長子甫竹。十二年祀。是歲十月

翁老。以政世爲通稱。令繼甫襲甫庵之稱。

五年壬申

翁年六十九。孫純次學於井上喜庵先生之門。十月

轉學淺田宗伯先生之塾。爾後翁屢往來東京。以質

醫學先生。嘉其老而不倦。書甄權之語贈之。

六年癸酉

翁年七十。以一月三日開祝筵。交友相呼。贈詩歌書畫以賀之。七月純次年十九。患腳氣歸養。八月病差還塾。十月患疫痢。十六日淺田先生使至告危篤之狀。即夜令甫庵兼行往護病。翁亦尋發。到川又渡口。聞昨二十一日遂不起便歸。其夕甫庵負柩而歸。翁大慟葬先塋之側。修祭甚敦。是年朝廷廢太陰曆用太陽曆。制度文物多倣諸泰西。朝政一變。西醫日隆。漢醫漸衰。翁深慨焉。而執漢醫之學益固。九月二十七日。爲翁之壽辰。乃撰陰曆日子。子弟親故爲翁稱觴。家人爲製棗餅饗客。爾後每遇壽辰以爲例。

煉霞翁年譜

十三

七年甲戌

翁年七十一。甲藏再移居足利。而舉男昌松。

八年乙亥

九年丙子

翁年七十三。甲藏之配鈴木氏有故大歸。昌松失養。

乃納保姆以乳之。

十年丁丑

翁年七十四。六月修二世甫庵之配妙安二百年忌

辰。併季妹二十五年之祀。七月沼津支族。服部純仕司法省。派在仙臺。以病辭職。將歸其鄉。拉妻挈來宿。數日而去。明年五月十三日。純遂歿於東京僑居。時年四十七。

十一年戊寅

翁年七十五。六月十八日。弟半田七右衛門歿。年七十。七月甲藏娶上原忠平長女於朽木。新買地于朽木町以居焉。十二月翁病吐血已而愈。

十二年己卯

翁年七十六。甲藏舉男新五郎。茲歲十二月。森立之先

煉霞翁年譜

十四

生。遊於佐野訪翁。々厚遇之。

十三年庚辰

翁年七十七。八月刻彭鴻集。甲藏又舉男十三郎。七

月森立之先生。再遊佐野。翁迎延于家。對酌興酣。先生賦詩云。大鵬斥鷃不相侵。各任天然弄好音。誰識快談今日樂。有心論盡到無心。翁次先生韻。立賦三詩曰。先生更厭暑威侵。千里遊行辱足音。毛山深處君須記。清風自在自清心。嗟嘆今日四夷侵。好伴山光與水音。勿患世間傭役者。雀兒伺識大鵬心。逍遙不受一塵侵。到處堪驚有大音。道骨仙風何所比。飛

雲出岫似無心。冬十月仙臺人岡千仞遊於毛野。途次訪翁。待之如師。千仞又次翁韻。以祝七十七之壽。茲歲笠間人岩崎桂堂來寓。翁以師禮待之。淹留數月而去。

十四年辛己

翁年七十八。自孫純次歿。甫庵無嗣。至此養姪昌松爲嗣子。五月翁至東京。購得醫心方三十卷。

十五年壬午

翁年七十九。五月拉子婦藤田氏至東京。時漢醫相謀。建醫學研究所。名曰溫知社。翁到適造築將成。

煉霞翁年譜

十五

乃寄金若干。助其費。

十六年癸未

翁年八十。三月溫知社新築告落。乃至東京祝之。甲

藏又舉男五一郎。淺田先生贈啓廸集缺本。翁校補

爲全帙。時同郡高山醫。篠崎氏鸞醫籍四百餘卷。翁購而藏之。文學博士重野安繹先生。巡視東北。途次訪翁。翁示近作。先生席上次韻。以祝翁之高齡。

十七年甲申

翁年八十一。是歲安蘇郡衙新築成。偶值唐澤山神社祭典。三條相公來蒞焉。館於正田氏。而行尙齒之

典。郡中耆老皆召至。贍酒肴赤飯。翁正服健履而至。

十八年乙酉

翁八十二。四月十一日。甲藏三子五一郎三歲而夭。

五月甲藏又舉女摩佐。十月廿一日。修長孫純次十

三年。故室若田部氏五十年。季妹三十三年忌辰。浪華之醫。田中華城嘗著瘟疫論集覽。翁得其缺本。兀坐作蠅頭小楷。補贍爲全帙。點畫光勁。精力猶強壯人。

十九年丙戌

煉霞翁年譜

十六

二十年丁亥

翁年八十四。修叔弟勸二郎五十年忌於總宗寺。十月再吐血。

二十一年戊子

翁年八十五。八月五日繼室若田部氏年八十一而歿。

二十二年己丑

翁年八十六。二月紀元節。朝廷發布憲法。因普賜養老金。翁亦與焉。二月二十二日。修先妣半田氏五十年忌辰。附繼室若田部氏小祥忌。自田代三喜脩

李朱之醫法。曲直瀨道三師之。爾後奈須玄虛得其傳。而翁出于奈須氏之門。恐失其傳。搜索群籍。摭不遺。編撰一書。以謀不朽。是歲五月稿成。名曰三喜備考。千載之後。三喜之醫績。得翁以傳。可謂三喜之子雲矣。十月淺田先生。携門生數人。遊於足利學校。探唐澤山之勝。遂來訪翁。相得大喜。時正爲陰曆九月十三日。入夜月色清明。乃開看月宴。豪興極歡。詰朝告別。十一月翁又吐血。

二十三年庚寅

翁年八十七。三月又病吐血。亘一月而不差。吐血至

煉霞翁年譜

十七

是四回。然神思不損。病間補繕頓醫抄缺卷。時漢醫衰頹。如孤城落日。翁常慨歎。志在恢復。會國會創開。朝政取輿論。於是全國漢醫結盟。將有所建白。四月設大會於東京。四方漢醫來會者。百數十人。翁聞其盛舉。奮然躍起。神氣益振。八月五日。修繼室若田部氏大祥忌。翁明年齡八十八。以歲之十二月冬至。開壽筵。淺田先生聞之。將來賀之。而醫事執掌不果來。乃令門人黑巖靜山。中村昌惠。接於壽筵。四方親交來賀者。百有餘人。賀詞祝畫。埋積机上。翁自纂錄爲一帙。名曰五幸集。翁師奈須先

生。著武官醫編。翁校正之。改題醫官要編。先是淺田先生。構炎帝廟於邸中。歲時祀之。翁手寫要編。以藏其廟。存之不朽。又令孫昌松。淨寫要編。併東里集。彭殤集。三喜備考。附金若干。藏諸足利。以謀永存。翁之篤於斯道。可以知其一端矣。

二十四年辛卯

翁年八十八。十月淺田先生。應於帛舖近藤氏之請。至佐野。翁喜迎于家。置酒談笑。不覺晷傾。其歡可知也。十二月十二日。修長子甫竹三十二年之忌辰。

翁腰痛三閱月。孫昌松侍焉。翁之去奈須氏。舊交有

煉霞翁年譜

十八

送別詩。病間命昌松編集。名曰衣錦集。其綿綴不遺交誼。槩如此焉。

二十五年壬辰

翁年八十九。撰三喜備考補。翁好學終身不倦。蓋如此也。七月八日。往遊於二子甲藏家。蓐食上途。此日炎暑尤烈。人皆爲甑中苦。翁神色晏如。乘車而到。歡談善食。夜闌就寢。至曉登園。卒然洞瀉。氣力困憤。但欲寢耳。驚駭不措。甲藏急報。甫庵趨診。以爲暑痢。進藥稍安。明日翁起試步。意在歸養。傍人強留越宿。詰朝裝束促歸。甲藏乃搭氣車。護送歸于佐

野。家人倚閭迎看。神識如故。然脉息不安。身體虛耗。翁自知不起。執筆書永訣語。遠近親故相告侍養。精神漸次朦朧。無他苦悶之情。顏貌含笑。十二日酉時遂卒。十五日葬于寶龍寺先塋之次。

不肖男 甫庵 校

煉霞翁年譜

十九

書鍊霞翁年譜後

服部君甫庵。撰其先考煉霞翁年譜。屬余校之。余謏劣乏學。安敢當耶。又有不忍繙閱者。翁天資好讀書。幼勵學藝。未弱冠。纂甫庵叢書。蔚然成帙。齡垂九十。孳々猶如少壯之時。往昔遜真人。年百歲著千金方。後又有千金翼之著。千歲之後。吾徒賴之。翁博通多識。著書之富。過於真人。余不敏常被眷顧。數十年。忽聞赴音。恍若失所生。何忍繙閱乎。既而自慰曰。翁生前天壽則高矣。而期勉勵之績於身後。蓋生前之功有限。而身後之績則無窮也。翁著書之富。近世所罕。千載之下。賴其慶。不獨止於有一千金方焉。則翁之身雖既死矣。猶生之日。誰有不欽慕者哉。謹書以還焉。明治二十七年甲午冬十一月。黑巖爲敬謹書。

鍊霞翁年譜後

二十

明治二十九年六月一日印刷

明治二十九年六月五日發行



橡木縣安蘇郡佐野町

編輯兼
發行者

服部甫庵

東京市京橋區弓町二十三番地

印刷者

橘磯吉

東京市京橋區弓町二十四番地

印刷所

三協合資會社

中山和清 撰

先師澹齋長沼君
行狀集成定本

安政元年（一八五四）刻本

據安政元年（二八五四）
刻本影印

澹齋先生行狀定本

木曾清音樓刻梓

顯澹齋夫子行狀定本

頭義物事

凡為特達之行。者必有特達之人。以狀諸不朽。媲美永世。古今皆然。如合符節。元。和。統。一。以。來。兵。家。著。名。者。繼踵而起。小。幡。北。條。山。鹿。三。傑。為之巨擘。而出類拔萃。別創一家者。澹齋夫子蓋其久云。其言

澹齋君行狀

〇一

也。行也。先達所記。不為不美矣。言雖可法。行雖可度。或受傳聞之誤。或執意向之私。反有累夫子者。我訓練先生。醜輕薄褊小不公。乃著行狀定本。其旨可知。焉。其為狀也。言之全。與作文之備。本末繁然。無有遺憾。猶符節兩扶不差。相須

改得其妙。所謂為特達之行。者。必
有特達之人。以狀諸不朽。豈不然
乎。較諸先達所記。其優劣不翅一
二數之。生死而肉骨者是也。先生
少懷英略。文武之道。無所不究。然
不好以此顯。退居散地。嗟天靳其
才。而然耶。抑別有故耶。予甚惑焉。

澹齋君行狀

〇二

但強仕後。為衆所推。銳意隱於武。
談兵教藝。不知老之將至。故於兵
要錄等書。又有所校定本。補遺漏。
闡幽玄。參新得。翼舊說。螢雪之力。
未嘗語人焉。此嫌希世衛功。及無
禮於夫子也。若俾夫子復生。
于今。則必為起予之歎。稱曰善哉。

實如先生者。可謂用力多而收功
遠。夫稱之中興指南。亦匪浮譽矣。
予親炙先生。幾三十年。雖拙鑒人。
至能察其陰德。則不讓門友。於是
題蕪辭於定本之首。併顯其際。後
之受教先生者。冀亮焉。

文政三年庫辰秋八月望

澹齋君行狀

〇三

尾張世臣

橫井久時謹題



先師澹齋長沼君行狀集成序

恭惟四海浴於

神祖戡亂之德民不復日平聲

二百年于此矣不肖如由也亦生

長之間目馴尊墨可習愛信

輒忘危言安之也於是憤

欲薄生而王邦之兵家以甲越

澹齋君行狀

為稱首則石以之乾二家學焉而二

家之書雖多矣於今不勢然而所

憾之穉鄙俗序次錯亂且揚武

繼文之必節制蓋是後人資二

公聲譽所編輯豈二公所自

乎哉或謂得魚忘筌何拘一

辭之為殊不若筌不全則魚亦

難得也後余受三為尾藩老

而歸東都公藩約中可移朱

夏碩甫氏治長沼家兵法

五公守修王倭碩甫及余亦

與焉因是時一與碩甫論兵事

遂得兵要錄讀之乃孺而嘆

曰可是哉平為書也唯深潭奧余雖

澹齋君行狀

不能盡通要之網羅法兵家提

鉤古者唱節制之玉節用不為一

家之可謂命感之亞也實足以一

院兵邦兵家舊來之陋習矣

余蓋歸手乃為學於碩甫時余

友事鞅掌僅力承傳而已尋碩

甫回危州不能申朋友學之

以疾解印。任東都將軍。又歸隱。
信別。乙化。己巳。之冬。以療疾之
尾州。方是時。顧甫已沒。少子。
第。有中山後凋軒。乃介人。生。前
志。而列門。二。聽。講。兵。要。錄。愈。益
信。其。言。之。不。謬。也。之。事。後。凋。軒
撰。先。少。詹。多。先生。行。狀。而。成。乃

澹齋君行狀

〇三

屬余序。余也。墮。救。機。恩。學。
未。究。中。奧。且。後。凋。軒。之。文。詳。悉
盡。余。尚。月。之。哉。然。而。古。已。之。所
不。可。詳。矣。乃。姑。叙。所。以
先。師。之。於。兵。學。海。內。無。與。二。而
兵。邦。兵。家。矜。式。以。塞。重。焉。時
乎。後。凋。軒。之。有。功。於。先。少。詹。而。亦

偉乎。

文化。唐。多。之。夏

乃。至。大。大。山。林。良。由。謹。撰

國 經

澹齋君行狀

〇四

先師澹齋長沼君行狀集成原序

愚自十七八好兵學先師澹齋君之道既庶乎三十年其間得其行狀凡三本一曰宮川本統前何求宮川翁所稿也二曰佐枝本伊勢碎玉佐枝翁所撰也三曰近松本本藩南海近松翁所述也於今可為美牆之思者實賴有此

澹齋君行狀

〇一

三本在然以其非一手記錄殊趣瑜瑕互存有大同小異者有大相齟齬者有忘大識小者有粗畧未覈者後生輩多執迷各阿其所好黨同伐異愚雖不敏不甘偏陂如此因不量僭踰折衷諸本而修其文辭以異濟同以可去否在阿黨之私作鹽梅之和加之採撫遺事可

傳者引證附考名曰行狀集成今後吾

二三子讀此知其所擇不遠而復則其逃罪於斯道者不為淺矣但恨參求不足猶多所遺漏姑闕如以俟來詰耳文化七年庚午春二月初吉

尾張兵家 中山和清謹識



澹齋君行狀

〇二

門人 深田精一敬書



先師澹齋長沼君行狀集成定本

尾張 中山和清謹撰

先師姓藤原諱宗敬稱外記澹齋其號初名廣

敬稱傳十郎原稿據宮川本行狀傳十郎作傳次郎誤今贊諸松本侯松平光年

臣內田孝又稱三左衛門乳名鶴千代其系出

自小山下野大掾政光政光仕鎌倉源右將賴

朝公勲績見世史其次男五郎宗政始食野州

長沼邑因以長沼為氏焉佐枝本行狀兵要錄補關內田孝寬所傳

澹齋君行狀

長沼系譜及大日本史所引長沼家譜其後十一世至式部少輔

宗治自野州徙于奧州城會津郡南山而居焉

遂為奧人其子山城守宗弘乃師之王父也有

二男長宗永任刑部少輔次長政原稿亦據宮川本長政作

政重誤故改稱主殿天正十五年丁亥三月十七日

宗弘病卒于南山城宗永襲家時年十一國亂

墮業攜屬赴常州水戶寓于左中將佐竹義宣

兵要錄餘情云師之曾祖母某氏者有故乳養宗藩先主淨光君由是方師創兵法宗藩援其

法以定軍政我侯亦從之和清按支侯者指壹岐守義知而言號淨光君者乃正文所載中

將義宣是也中將之於長政及年壯出仕館林

侯柳原康勝於甲州職祿不詳長沼系譜○佐枝本云先生祖

曰山城守廣輝當永祿元龜問致死世守而閩族失其業仕與州伊達家廣輝第六子廣次稱

外記先生之考也近松本行狀亦無有異但野州作與州為不同耳兩本並有誤愚於原稿取之

今悉改從自是冒母姓更稱津田外記又改三

左衛門或瀨兵衛改城冬夏之役從軍著名蓋

其八勇士之一也佐枝本作益仕松本侯松平直政從軍於後役以獲首級

澹齋君行狀

不誤今凱旋後有故辭職祿去往常州仕笠間

侯松平康長祿三百石職長銃隊元和二年丙

辰八月記開其日下文往往所無者並皆倣此笠間侯轉封於上

州高崎其明年丁巳十月又轉封於信州松本

長政並從焉寬永八年辛巳七月廿七日有病

致仕退居自養娶前松本侯石川光長臣龜井

某女名開稱茂右衛門十年癸酉五月先主康長又轉

封播州明石和清云藩翰諸作康長年六十八寬永九年壬申十二月卒於松本

其亡世子忠光生光重以嫡孫承其明年癸酉移封播州明石與系譜不同未知孰是但於與明石侯有舊文曲折大野侯松平直政來自善照應故表出加注

越前代之為松本侯侯素聞長政名徵為臣列

職祿如故長政以十二年乙亥五月廿八日生

師於松本未數年又生女子亦同胞也長治系譜尋

侯轉封雲州松江自信徙雲後以不遇致仕挈

家入京以與明石侯光重有舊過播謁見備告

事由侯憐其不得意收養妻孥於府內令長政

澹齋君行狀

○三

客遊東武為再仕計於是師共母妹在明石原文

妹作姊誤今從佐枝近松十六年己卯十一月

侯轉封濃州加納師淹滯未徙參酌官本十七年

庚辰夏紀南龍公召長政起應辟召忽罹暴

疾以六月八日沒於江戶年五十五葬于谷中

法華寺宮川本長沼系譜○佐枝本近松本並

因改其臨終力疾裁書贈加納元老林良房忠稱

門左衛請寄孤寡無告書辭痛切良房讀酸鼻具

以白加納侯侯因迎取師及母子留意撫育愚按

佐枝本近松本並云師與加納侯有葭莩之親故母子往歸之然事蹟曖曖今難徵其實因不

載之於正文師生而不凡動踐禮儀器度如成人六

歲患痘不敢於母氏前便溺必彊起往廁其他

舉止多類此又記性絕人經耳不忘觸目成誦

九歲從府下圓明院僧一如學寫字一如粗涉

儒典為兒童授句讀中有讀小學者師傍聽便

上口一如異其才暇則為解說文義師自是知

澹齋君行狀

○四

嚮學宮川本○補闕云師幼信佛學好趨虛遠

或然表能解讀經傳篤信程朱之訓人目以神

童佐枝本○宮川本云師年少無他嗜好唯愛

心後感程明道玩好喪志之語爽然悔悟遂一

日侯設優戲與內外臣觀之於是上下少長咸

至陪列各悅耳目侯隔簾而臨師時十一歲曾

不注意觀聽屬目於簾內似警衛狀佐枝本

臣倉光敏清稱半左衛門別號求齋或為求子

說按師家錄牒有狎書求齋者在衆中謂傍人

曰此兒狀貌非常佗日必成偉器莫作常兒遇

賞嘆不已本官川侯亦見而奇之佐枝其明年不記

載月如其十二歲始賜月俸為近職承應元年

壬辰十八歲授侯在江戶春正月十四日侯賞

其勞過人賜祿百石內田家傳說○原稿據宮

實諸內田家其賜祿者十八歲之春而非

十二歲也蓋宮川本典賜俸相混而誤耳稍長

善勤文武業清云澹師勤武藝先輩無所傳唯

澹齋君行狀 ○五

於其所著錄兵諸篇的見其有鍛鍊蓋其默修

而不自矜伐者可知焉哉言也先得我心者

也因綴其語其於經書嗜易及左氏傳於兵書

以為補註其於經書嗜易及左氏傳於兵書

好紀効新書武備志等殊多所發明古本兵要

其學主踐履不遺餘力拳小而言則應事之周接

人之篤拳大而言則忠君慈民之切孝親敬長

之純時論皆孚之本官川且慈愛及物不忍見妄

傷生物人或疑其姑息而大義所在奮不顧身

廿二歲原文作十六恐誤今從宮川本侯有過失作疏以諫之

從而進忠言者再三弗聽遂棄職祿而去佐枝

松本○官川本云侯在藩出敗師為留守時大

垣侯戶田氏西遣使贈書師以侯不在領書還

之侯歸大怒罵深責其不待主命而還使者惡

言無所不至師乃去與正文差違和清夷考之

彼一事也此一事也蓋意師強諫再三極為侯

所忌故易觸其怒如此耳師素忠厚不忍顯君

失所謂以微罪去者歟則可謂善知人臣之禮

矣又聞之內田家師性質岐嶷且美容色侯愛

而悅之師處其際有可不屑女弟前嫁知事臣

者故解職棄祿併存其說

內田孝勝稱德兵衛○原文誤作元以故獨奉

母氏往東武復本姓改稱長沼三左衛門晦迹

澹齋君行狀 ○六

于芝鄉本官川此時有安達某者名闕稱彌次兵

達作三宅本忍侯阿部忠秋蚤從學菊亭公規

未知是否是仕忍侯阿部忠秋蚤從學菊亭公規

卿原文闕師家姓名今據宮川以通典故聞于

世師就受業頗著名某年原文闕年號愚以師

者蓋寬文大火延及安達氏家僕倉皇失所秘

書櫃某嘆曰我家資無足惜者唯亡此書則我

學無可以徵者憂之甚切師慰之曰僕向閱其

書畧如默記請試記之某雖心不信幸儻得其

概畧乃屬師補書不日為帙後索得其原書而

比校之其書十二卷殆不謬隻字某甚奇其強

記以妹妻之兵要錄標記作以其妻之妹為子

載其強記云師讀書數行俱下武備志一目史

記二目即記臆其餘自散樂歌曲遠小記平話

有遺忘附備參考又薦之久留米侯有馬賴

利侯招師與祿二百五十石原稿受佐枝本之

二百石且卷宮川本加諸註書姑存兩說後校

師家所記引籍覺其未深考焉因今改文字僅

過補前典書記居三年婁安達氏不順其姑師至

澹齋君行狀 ○七

孝百計調之終無改意乃出之而還所受傳書

於安達某爾後不復言典故既謂吾仕此君由

某之薦達今如此則不可以不去致為臣而去

宮川本載師辭筑藩時其國老有馬某及侯之

姊丈曰杵侯猶葉景通甚惜其為人並以增祿

止之然師有所思卒去頗關事狀故不取諸正

文○度坂忠養筆錄云久留米侯家士某以其

妹嫁師且薦師於其主侯而受職祿未數歲某

得罪見逐師雖不連坐之義有難仕者屢辭職

祿以無罪不許師強而後致仕此復隱芝鄉師

松本載母氏行儀云母氏亦不凡佳芝鄉時其

所居矮小僅覆風雨然聞法甚嚴一日門生雜

皆自朝及暮母氏終日不出戶客無識其面者

又師出適他會厨人卧褥不能執役母氏端居

閨內日昃不食師歸而驚愕乃不脫禮服以師

代其役此事雖細可以見其孝併錄備考

頻致仕貧困極甚然澹泊自守不以盛衰窮達

失其故步非其道也招之以厚祿弗顧非其義

也一介不以受諸人唯修其好卓然樹立官

本先是師憂本朝兵家之說與王者之兵有

差研究析理必本於仁義乃言雜兵家者流甘

澹齋君行狀 ○八

賊術不知仁義之實真可憫也又言世多誤

解文武二道蓋文武者一而已偏廢則不可

稱全材焉譬之猶鳥之有翼車之有輪並行

而不相悖所以相資其用也裂而分之者何

哉豈可不謂之偏武迂腐乎又言本朝戰

法率舍節制各自鬪力故遇敵易敗凡得全

勝者必主節制否則假令將有智勇不能全

其勝孫武稱善戰者立於不敗之地節制在

我之謂也若夫舍節制而取勝者可謂幸而不敗者矣遂沙汰明人趙本學咸繼光茅元儀等之說加之參酌其所獨得與諸家可取者專主節制求至當於實事創立一家從五位下大學頭林德詮所撰

城州伏見榮春寺祀田碑云師開隱士渡邊醉者少臨戰陣練習其事乃訪策攻守之法其餘聞有身歷戎馬者輒必往問之旁撫明人戚俞之說參互綜錯汰擇會萃別創一家言和清按隱士渡邊醉者乃世所謂勢藩老將勘兵衛了也戲取之與其主津侯藤堂高虎不合視棄職祿猶棄故職退居于江州大津其三男某稱三十郎老改不辭亦其父歷戎馬者

○九

○十

澹齋君行狀

澹齋君行狀

何容疑於其問我但其始感王霸論興志力學者井上勿齋翁也大抵輕薄之徒道聽途說作兩語語門卷之書亦為其所欺及握奇集解耳後學無再為其所誤可也意錄標記云師十七歲始讀武備志疑握奇諸說紛紜不明哲後至三十二歲發揮立言述作集解學或不知開門授徒門人尊稱長沼流信者服其卓識媚疾者以為似而非師不以屑意修業愈勤名聲日興聞于遠邇參考諸書及先之○和清云媚疾一句熟考先儒大高並山駁一兵家文以意表出事見其所著喬松子語長不載福岡侯黑田光之以重幣聘之許以厚祿于此

光政興新莊侯為疎屬故信師之德業遂因侯
其志極恨知師明石侯松平直明果敢好氣壯
之晚書記吳開

折節布衣士天和二年壬戌聞師名聘之親修

書札具述其景慕之意使長臣津田某名開稱圖書

齋往芝鄉師深感知已乃應而往侯待以客禮

月給五十口俸書及坂筆錄五十作百誤今從原

錄又載吳說云明石侯有故色藏禍心好武殊

甚元老驟諫不聽識者嘆云進諫之力不足格

君譬猶以一杯水救一車薪之火不如以火救

火制權撲滅之乃勸似聘師有非常之遇師講

兵談及將畧義利之新能動人侯由是改其心

此事諸書無形迹蓋當時之流言也但以師有

世望假託偽造之則不得不載焉因別附廐馬

斟酌其言附諸國外見異說有如此別附廐馬

置諸元老之列參決政務師每引見說文教講

武備正論謹議曲盡匡救之誠侯聽用之其行

事可觀者不為不多宮川本○近松本云師門

遊本姓熊澤名伯繼字了海稱次郎八或助右

附于茲以為來寓明石按蕃山實錄云寬文九

明石與正文所載年貌不同未知其信否又近

松本云師在明石時了海來自備藩執弟子禮

以學兵法尤誤狀蹟蓋入師門者是嘗好王陽

明學以經濟有名當世亦為侯所知出入陪侍

頗見親待既主張其說侯急立功名不揣時勢

而納用之其志在定國是更制度也由是民心

大動斟酌宮川本大意○和清云侯以天和中

善更制度不仍舊貫為之則師憂見於色以事

事或窒礙人情之動宜矣

秘人莫知貞享三年丙寅夏六月母氏有疾師

請曰府下壤地接海暑熱殊甚臣母性怯暑故

每夏必疾願得乞骸骨就涼地以視其疾非所

敢望敢布腹心侯變乎色苦留之曰卿姑舍是

寡人宜憂置遂令有司選涼地于封內皆以三

鄉僻地醫療不便於是侯知終不可留許其所

請及訣別日為設餞宴矢以不渝其志師感泣

侯亦愴然宴罷賜衣一襲及白金若干兩官川本內

田家傳說○佐枝本云師遊播數年以禮衰而

去近松本云侯好武過盛師驟進諫弗從由是

辭太武云去亦存微旨猶且庶幾失之不遠而

復於善也和清按諸說不同蓋各以其一端言

之恐未悉事體今熟考之師於本就之際武必

有藹藹赤心不負所學實之天地俯仰無愧者

然沈密不洩當時雖高第門人不得與聞歟是

以難一定矣但官川本所載似得其大旨因姑

為正文讀師起行赴于攝州大阪侯豫命阪郎

者致思焉○十三

謗齋君行狀

吏大畠長重稱官兵衛○原稿據宮川本綢繆

僑屋以為稅駕之所給月俸如故師苦辭數回

不許居未幾寢疾荏苒不愈四年丁卯三月遂

辭其俸去適城州伏見竹田邑杜門養疾者久

之內田家傳說及官川本○近松本云師在伏

也見與藤井懶齋相友一日懶齋談及楠公議

大不合此公以後醍醐帝不用諫豫決死故

也師憂其非通論而涉支離論之切至懶齋忽

稱快遂改其持論後載公於其所著明石侯東

國朝諫諍錄以述其忠書附于茲

觀過伏見必遣使存問篤志不衰以終師之世

師德與齒邵名望益顯諸侯苟志文武者無不

以師為稱首松山侯久松定直平戶侯松浦鎮

信高智侯山內豐昌德島侯蜂須賀綱矩並悅

其兵學聘招之師皆辭不應官川本後我

先君正公及紀清溪公亦各有幣召師欲繼

先志往紀藩然衰病日篤未果佐枝本元祿三

年庚午十一月廿一日餘情作廿三日誤竟没于竹田邑

居年五十六佐枝本近松本祀田碑作五十四官

謗齋君行狀○十四

作五十七共誤今就內葬伏見東山榮春寺清和

田家實之改正原稿

按圓明院所藏寬永中募冊載師及同族姓名

典擅家合同之據此則若有擅緣但本院宗真

言教墳寺宗禪法不無疑意者必有其故焉

因質之乎院主唯明唯明答以舊記散亡緣由

失證而今無奈之何附弘遺憾屬續前三日名

寺主超天永訣屬以葬儀一依儒禮且遺言門

人藤井理定稱圓平別號象水懶齋次子○和

諍錄所跋少男理定者斷以為象水補而記之

鳩巢大集與進佐木齋書云懶齋年八十餘有

子名圓平卓犖喜兵好說天下之形勢此可以

為補記之證矣先哲叢談不辨理定事使以象

水作長子者曰我家不用佛汝所熟知也碑上

只須題識長沼外記宗教之墓愚按官川本舉

證云師雖居矮屋必無祠堂安置神主時日盡

敬修祭事死如奉生無懈以終生涯附錄備考

理定與門友謀奉承遺命以經紀後事故無法

號亦無位牌乃其志也近松本官川本○按官

病自知其不起具書其所欲言者以呈之明石

復忽悔既往而服其所親自是之後持重不好

因附易簀下使讀者尾紀二公聞其訃哀慕

與辭播條相照證

瀹齋君行狀 ○十五

彌日佐枝明石侯亦大哭以賻卹其家尋令銳

隊長田山重好稱七郎奉師母氏護送諸其外

孫加納侯臣內田孝貞稱元右衛門親故見聞

者莫不悲人之云亡也友人懶齋名藏字季廉

筑後人初稱真鍋忠庵以醫官久留米侯有故

投七辭職入京業儒後移居于其西鄙鳴瀧邑

曰斯人以武著然察其文學與氣象渾然儒士

而無積習之弊世以兵家者流目之誣官川翁

久留米侯日專修城制且暮試土圖其規畫迢

尋常然人無知之其為懶齋所悼良有故夫

牛込時樂軒名勝登字重泰稱忠左衛門

縣十餘年以治績聞○愚家藏時樂軒復老成

師書勝登作重良未知其是否載後定

有識鑒每稱師為人曰余年踰下壽視人不以

就中知行兼備有應務材者瀹齋及向井靈蘭

名元升字以順肥前佐賀人以儒醫名○原稿

元升作玄昇佐賀作平安並誤再考先達所記

改從其其人而已谷一齋名松字宜貞稱

多例其徒曰瀹齋學術純粹要之君子人也其為名

輩所重如此和清云官川翁與貝原益軒交義

瀹齋君行狀 ○十六

兵要錄而使之作序其序凡數百言盛美師之

識之卓與業之勤以為本朝未曾有之兵學

矢文見于自娛集茲不附錄又有阪人福住道

祐外號存心軒或梅林居士者與師締交學那

波道圖施名於洛橋貞享丙寅冬踐師之系譜

云長治丈人者名家也其性篤實好學信道能

文精武秘略於心府藏孫吳於胸中可謂雄

偉非常名下不虛者矣妮妮稱美寔如貝原福

住二氏亦有識人之鑒今併考之

無論僧俗有事之難處者或所交爭者則來請

師指揮師為之區處事皆辨治大為衆人所倚

賴如和州上乘院及平安真如堂之訴論亦並

賴師辨治語長不詳其學宗程朱極尊信之然

亦有取捨而無所偏私平素謂門人曰仲仰惕

齋名之欽字敦甫稱七左衛門平安儒士我畏友也學術絲毛善

談玄微但於其評論有不契同或不得不捨焉

如中江名原字惟命稱與右衛門別號藤樹江州儒士蕃山出重二氏專

倡王學與我所宗仰不唯方枘圓鑿也雖然於

其為已之學我有取焉實學之起自此輩始矣

其於儒士最嘉貝原益軒名篤信字子誠稱久兵衛福岡侯儒臣

澹齋君行狀 〇十七

告受業者白其所著述有益於後進汝輩須玩

味其書以助學業又評二山時習名義長字伯養稱三郎

石州儒士〇原稿據斯文源流以所引官川本為誤改作弥次郎義方頃校諸先哲叢談知其未深考刪曰以正學自任力行過絕人甚異乎

俗儒之撰氏二山氏雖未見其人耳聞之熟蓋操軒惕齋之亞也足下以為篤行君子者得之按師所稱譽者必有所以試而然因引用鳩巢之言證其不虛譽矣大抵好稱人之善而不好聞人之惡

蓋其至性也其作文章或詠詩歌不好浮華有

時成篇唯真率叙情而已門人中島浮山名義方字

正佐稱負右衛門平安儒士為小野忠常稱次郎右衛門忠明次子世以叙術

仕于府所需作其家所傳一刀流記體製奇僻且

多雕飾師見而戒之聞者皆服其餘百事亦復

如此一無輕薄之風文繁不贅其講經傳義理

明辨善使人意易感發如僧白底歸於儒是也

文繁亦不贅官川本師出妻後不再娶潔居二十

六年故無子門人凡千餘負井上實下稱新助明石侯

澹齋君行狀 〇十八

家得其道統先沒繼之田山重好出重仁田正武

稱新右衛門土岐光晴稱莊左衛門平安處士宮川尚古

稱忍齋福岡侯家士〇南海翁著兵畧問答云宮川氏雖力學未至許可但有故弘斯道和清

按斯言本出於碎玉翁他無所證蓋玉翁始唱之海翁附和之歟愚竊怪焉後得早川德榮華

記考之果誤其貴傳佐枝尹重等津侯家士亦皆

得其許可教授於諸州春酌官川本佐枝本近森某五郎左衛門及岡村某七郎右衛門者云

二子共仕久留米侯有馬賴光于筑藩受業澹

師並得許可以教授其藩惜乎諸書闕此事今無可考因附錄于茲使後世知高弟亦有若人

矣
享保年間

霸府有廟命求師之遺書賜覽嘉賞士林以為
死有餘榮焉蓋

有廟嘗在紀藩傳聞其德業故也斟酌祀田
碑大意鳴

呼由師沒而來于今百三十餘年其遺風餘音
日久月遠聞而知之者或不多有若非當今蒐
輯益將泯滅無徵焉因集而成之以貽將來知
我與不知我亦俟後之聞知者耳感極而狀

澹齋君行狀

○十九

在行狀繕寫係吾鸞臺公子手筆其未完者
使龜子茂算補寫鈐版則成蘆澤貞寧與大
脇言求之手是瑣事固不足錄然臣下之勞
雖微必錄此公之志也故牽連而書諸末簡
福島治所兵曹織田騏拜書

先師澹齋長沼君行狀集成定本終

右 先師澹齋君行狀集成定本。原稿係文化庚午作。朝修夕削。移凡五易。初屬稿也。惠記事之不備。記事頗集。而患作文之不達。作文漸成。而惠器致之。不簡暢。與議論之不穩當。余素恆于三長。未能濟美。僅狀十之五六。此恨何日而已。或一日倚窗東望。慨然嘆云。信州松本者。師懸弧之地。斯道之淵源也。如於此有

澹齋君行狀

〇一

人。則必多可激者焉。自是歲月切思。乙亥之秋。遂分前執西山村君通書問。於松本侯家士內田孝寬。訪 師家遺事。孝寬者。狀中所謂孝睦六世之裔也。於是知有 師家所藏遺書系譜著。故其出自之類。粗得之書中。而參諸原稿。往往差違。未審其孰是非。因欲略語孝寬。以質其可否。奈何 官禁

絆身。自非奉役。不可越境。又復東望切思。五年于茲。今茲文政己卯夏。天許人願。官許東行。得偃之。遂遊于松藩。吾黨榮之。既往。則孝寬於余。不翅舊識。恭執弟子禮。傳舍張具。儲待甚謹。余留旬餘日。與之會。觀其書。閱其譜。中多 師之于澤。於是前記所闕誤者。益加補訂。其是非未審者。上不質而決之。誠

澹齋君行狀

〇二

所謂開雲霧覩白日者是也。既而年業西歸。改修原稿。以為定本。蓋十數年間。切思勤苦。今而後覺酬其志矣。余竊謂。東行一遊。三幸相會。官之許此行者。特例勵士講武一端也。余之老而猶壯者。祖德降。吾道至樂也。孝寬之能傳書譜者。家世孝子不匿。其根蔓延也。由是言之。定本之成。非人之所能。實造物者使之也。余不勝

感於為書附之於其後藏諸家塾云

文政己卯九月 後凋軒主人和清跋



門人 深田楮一書

澹齋君行狀

〇三

跋

先師長沼夫子行狀定本刻成信濃福島恒園山邨君之力居多矣前日君使其臣織田希魯傳旨曰我高祖伊勢守嘗與後凋軒先生周旋約刻先師行狀以頒於同盟功未及半而捐館先生亦尋逝其雖不肖將繼其志竣其功清雄既以定本未成緒為憾也偶得盛旨悲澹齋君行狀

〇一


喜交集感泣沾胃憶清雄始結髮蘇門君枉駕於草廬與先人相笑談言及上梓之事清雄侍側而聞之屈指在三十餘年前今也墓木既拱矣而又有若玄孫使我先人釋陸平原之憾于地下焉是蘇門君貽厥之所致而亦可以見先師遺愛入人之深也先人而有知乎必將謝其惠乎無窮矣

嘉永六年癸丑九月

中山清雄謹識



梶原昭豐謹書



澹齋君行狀

〇二

余姓族微。祿秩小。然為國家古

要地。則古樂之兩。最不可以不備也。

先考無法。或取甲。或取越。未及之。

按。而高祖父蘇門君夙學之家法。

少修古備。以而

尾張源明公嘉平為人。天明中。請

官傳職祿於曾祖父玉壘君。別賜傳

澹齋君行狀

〇一

秩。引黃氏之。方其治兵。始得先

師。書以子之。書而衣之。然不復專議

究。再失光。從尾張藩後調升中山先生。

經究其潤奧。年殆八十。刻之古

泐之策。以貽後昆。更使家臣田若

方英從先生而學焉。思慕之餘。刻

模刻先師遺書。而傳于世。文政癸

未。君不幸而世。未幾先生與方英相
見而沒。自是之後斯學少衰矣。繼
之者爲穢田騏。於嚮問業於先生
季子梅軒。客來春。以送星摸刻
成。蓋得先生之旨也。以所咨訪。負
寧云。案久不記。今所在則是耳。爲
木板數枚。即先生所撰先師行

澹齋君行狀

○三

狀之本也。因叩其由。得審方英
前秦烏任事。而君卒後不果。
騏更廣括之。又得若干枚。則上梓
者殆半。騏快然告余曰。先公此卷
可謂傳矣。公蓋繼之以畢其志。
余亦感其言。竊謂君之捐貲。余
於知未及知之也。今也三十三年

次迫矣。果成則祭祀之奠何物若
之。抑又思之。余私泚先師之道。而
世守岐嶽之鎮端。躬陳暮磨。生
得不以曠君家藏。亦可謂君之遺
直。而先生之假教也。且今古存斯
道者。非世無其人。而久沐東和。傷
矣。無實。佐儒或揚久題武。修平

澹齋君行狀

○三

食先師之名。而未察其學德。何
視以爲不多之。弱者。間有之。殊
不知運用之妙。不啻軍旅。將佐
世志可以兼用也。然則此篇之出。庶
幾使懷境之心。信道者之益事。
何留遺墨之以哉。況方今海外諸
賈。波扈陸梁。包荒福心。坎非不

則斯道尤不可忽也。於是更命
驥。僕與梅野謀以卒業功次授。
乃書額束於後。以此。

安政紀元嘉平月。後學山村良庵
跋於就正園之南窓。



澹齋君行狀

○四

林恕
撰

國史館日錄

國書刊行會大正九年（一九二〇）鉛排本

據國書刊行會大正九年
(二九二〇)鉛排本影印

國史館日錄一

弘文院 林學士撰

寬文二年十月三日。向陽林子應召登城。既橋少將酒井忠清。忍侍從阿部忠秋。小田原侍從稻葉正則列坐。久世大和守源廣之。土屋但馬守源數直在側。忠清國老。忠秋正則執政。廣之數直副執事也。忠清傳台命曰。大猷院殿使。汝考撰本朝編年錄。自神武至字多而有故而止。今使汝補延喜以後。可撰錄獻上之。余伏拜而退。先是四五日前。余夢夜錦二字。至此人皆謂國史中絕納夜錦。今有是命。猶夜錦當畫之兆也。詳見家集。既而陳說編集條目數十件。然官事頻繁。裁斷不決。歲聿暮。寬文三年四月。台駕登日光山。其先後營內多事。執政無暇。今年八月十五日。久世廣之補執政。與忠秋正則同列。土井能登守利直代廣之。與數直同列。十二月二十六日。余依五經講了之勞。官賜弘文院學士稱號。忠清忠秋正則廣之奉書連署。以忍岡山莊稱弘文院山莊有聖堂。是先考之開基也。故尾陽侯源敬初營之頃。年官命重修之。其始末者詳見先考集及余家集。莊內有詩仙堂。先考營之。余再興之。改號六義堂。又北隅有先考先妣及亡兄敬吉亡弟靖菴靖字彥復號讀耕子。今則亡如失。左右手及有國史編集之命。追懷殊甚。

寬文四年甲辰春夏之際。余屢應忠清之招。剪燭打話。忠清談曰。編年錄之事何緩緩也。余答曰。條數既陳。待裁斷耳。延喜以後無正史。編修不易。然官命求天下遺書殘篇。則綴隻字片言以可成章乎。聚諸生加筆吏。則扶勞成編乎。且夫紙筆之用。亦微力之非可辨也。君其察之。忠清笑曰。子之所作王代一覽。大綱既備。且夫諮詢古今之事。所答如流。自非誦歷代。則不能如此也。余曰。寬永之末。諸家系譜編集。某齡未滿三旬。爲諸生之長。得成其功。是太田備牧之所知也。其後有編年錄之命。先考總裁之。其草余及亡弟靖所爲也。自神武至宇多。唯桓武之末。嵯峨。平城。淳和。及宇多無正史。其餘五十四代有舊史之可證。五代之新編。猶勞考索。況夫延喜以後。事多書少。全史闕矣。先考既沒。靖亦逝矣。恐我力之難堪。然今諸國史之大槩。與漢朝歷史通鑑之書法合。考之爲文成篇。無後世之嘲。令中華人解其事。其文段不滯者。某稽古之力所不讓他也。忠清曰。固然。可與執政等議之。他日與正則談及此事。其旨相同。忠秋廣之亦屢稱余多識。忠秋曾曰。編年錄成於當世。則大君之美譽也。廣之又曰。先君之所命。亡父之所編。今有是命。上下二代之美談也。姬路拾遺源忠次者。最好倭朝之事。頗知編集之勞。一口語忠秋曰。此舉若成。則春齋奉公之大業也。忠次又語會津中將源正之曰。編年之集錄者固難。非春齋則不能。正之問其故。忠次所答件件云云。正之。忠次者。當時平章國家大事之人也。正之甚好儒學。忠次殊嗜倭書。而先考之舊識。余之識韓也。其第與忍岡別墅隔池隣接。今年七月五日夕。忠清招余懇問編輯之趣。余所答亦詳。忠清曰。

如太田備牧爲系譜之奉行之例可擇其人以爲奉行

七月二十八日余登營群侯退去之後忠清及三執政列坐黑書院側召永井伊賀守大江尙庸正則傳命曰本朝編年錄延喜以後編輯之事既被命弘文院然其支用事繁使卿奉行其事云云尙庸謝之曰宜與弘文院議余亦在其席忠秋顧尙庸曰年壯勿以厭勞正則顧余曰尙庸於子交際殊厚故有是命定知可怡悅云云尙庸自少好學與余執交殆二十年

八月五日余赴尙庸宅議編輯之事

十日尙庸及余登營與四老議事忠秋正則皆曰建長寮於忍岡弘文院內可爲編輯之場又營文庫可以聚倭書通日尙庸可行相攸且有諸生之沙汰未決余曰二子春信春常及門生人見友元又名金簡坂井伯元名其餘可預事諸生二十餘輩有之可助草案之勞淨書者可用傭者忠秋曰二子者勿論二元亦食官祿則所不辭也正則曰門生輩仕食他祿者不可預官事除之而可也余曰先例不仕麾下者亦在其列正則不答三老默然尙庸亦不强言

十三日尙庸來忍岡相攸余豫往待之尙庸作境內圖而歸

十五日春常始登營拜台顏姪勝澄亦同拜謁今日忍岡經營之地事定

十八日官吏松平次郎左衛門信重率工匠來忍岡營土木之事始自是日斧斤之聲不絕群工匹夫聚會官吏相替監焉余使岸田清隆往議之

二十一日。尙庸及余登營。先是尙庸既與閣老有所議定而召余曰。二男及友元伯元之外。在門生則猶高庸伊庭春貞可加焉。其餘筆吏八人可賜月俸。使子配其祿。隨意可用之。若夫量其淺深。以分其俸。而增一二人。亦可如子之意。云云。余以諸生之少。故有不平之色。正則曰。若人少而難辨。則他後增員。余答曰。系譜編輯之時。預事者三十餘人。備書者三十餘人。此度之勞。大於前度。而其徒不及其半。譬猶以寡兵攻堅城。余精力盡於此而死。若幸成功。則官家之餘光也。忠清以爲戲言。而箋爾。余又曰。是非戲談。實是余之微志也。忠秋從容曰。弘文院近來氣宇健強。於文字之事。則何不成之有之哉。尙庸及在座數輩見余顏色無不驚焉。余亦不言而退。翌日余赴忠清第。告諭曰。昨日之言。不太過乎。余曰。不憚權勢。有不禮之慮。言而無益。非不後悔。忠清曰。吐露中心。則勝阿諛者。莫介於懷。余謝其懇意。保田宗雪在席曰。彼平生蒙公之眷遇。今承此重事。所依賴者。唯公而已。忠清欣然曰。自今有欲公言。則先可密告余云云。既而又告曰。此事果成功否。余曰。某命不終。則雖有遲速之異。可歷歲月而成。若不幸而沒。則男信等可繼成之。信等雖嗜文字。無馴倭學。故頗有未熟之慮。某一人在。則可成功。某一人不存。則雖加多衆。難終功乎。今欲益諸生者。願其速成也。若不答其遲。則勞煩不必厭焉。公議既決。余不復言。忠清曰。吾必不捨子。無勞思慮。宗雪曰。近歲求書之費。聖堂再修。春信受祿賜宅。去冬院號之。恩許頃日。春常拜謁。皆是公之薦舉也。今此示諭。謝而有餘。云云。隔日。尙庸謂余曰。閣老皆謂編錄成。則宜營學校。教生徒。非足下則誰爲其師。宜保齋

以期後榮。余曰：若然，則國家之盛舉也。然余今以微身承大任，則他事難期。尙庸曰：千里始自一步，成功亦不遠。足下唯以顧養爲要而可也。云云。先是正則謂余曰：本朝風土記今亦修得否？余曰：據國法，則出雲國風土記可以證焉。倣華制，則以大明一統志爲例。正則曰：與編年錄一時合修否？余曰：風土記比編年則易修。使國主郡守各點檢其領地之山川土產等，則易於求舊記。然人物行實當時難知而已。頃日姬路拾遺亦及此事。與會津羽林談。羽林曰：今天下一統之盛事，何以加焉？拾遺語余曰：若有台命，則試修播州風土記。余曰：君雖知編輯之趣，然下文字如何？拾遺微笑。九月，尙庸有微恙。又有弄璋之慶。又有輕服而不登府。故編年之議寂而無聞。且秋霖連日，忍岡營作亦滯而不成。余使侍史高安成、賀重晴尋筆吏，擇備書者，漸盈其數。尙庸告執政，使矢部氏沙汰紙筆等事。舊相識輩聞余將赴忍岡，或有飲食之招，或有詩興歌之會。

十月朔，余携信常友元伯元登城，四老列坐。尙庸在側。正則示諭二男二元曰：可從弘文院預編年輯錄事。正則又諭寺社奉行井上河內守正利加加爪甲斐守直澄告諸國寺社求延喜以後公家武家舊記，二人乃傳達之。

十五日，余登城與尙庸相語。既而與執政談忠秋。正則廣之列坐。忠秋曰：頃聞或人所語有曰：園台記者希世之舊記也。予亦聞之否？余曰：可是園大曆乎？廣之曰：然。忠秋莞爾曰：我偶聞以爲珍書，未歷數日誤其名，抑其園大曆者何等書哉？余曰：中國大相國公賢日記也。故曰園大。曆脫字其書全部二

百餘卷。記伏見院以來後醍醐以後。見太平記者。往往見目錄。然全書亡。而甘露寺家所抄出五六
十卷。今猶存矣。聞其書名。既久。然秘而不出。二三年前。幸得於洛之書賈。一覽之後。惜其全書之不
傳。今所存者。朝政公事之故實。而時事治亂者。畧而不記。唯見目錄。知全本之詳而已。廣之曰。彼多
聞。不始于今。奇哉。國家之寶也。故執政河越侍從松平信綱。每問故事。稱先考博識曰。國之寶
也。廣之。傲彼常談。今亦云爾乎。

十六日 忍岡經營漸成。邇日將畢事。故諭町奉行渡邊大隅守三綱。倩匹夫數十人。運家藏倭書
等於忍岡。終日三回。猶有餘。又約之以明日。

十七日 夙興赴尙庸宅。有所咨議。喫素食。以國忘日故也。及已刻而歸。

今日亦運書籍於忍岡。

十八日 呼傭書者十四人。有所示諭。安成重晴告其旨。尙庸使家人伊藤信直來會。皆無所枝梧。
卽押印而歸。

十九日 夙興赴數直宅。而赴利直宅。告近日將赴忍岡。直到忠清第。而敲忠秋門。而相語。忠秋曰。
一昨日他出路。遇匹夫連續荷書。積使人問之。曰。是弘文院書籍。運於別墅也。多哉。多哉。想夫新造
文庫。土木乾納於其中。則中濕氣。乎舊庫。若損則修補。而可防火災。必克注心。世間可惜者。無勝於
書籍也。時野三竹偶會。告曰。今般編年錄之再興。珍重珍重。忠秋曰。固然。三竹曰。誠是上下兩代之

美譽也。既而出。與三竹暫談而別。余又赴正則第。而告話。坂亭先至。不期而會。共喫朝飧。其間屢談。編年錄事。正則曰。頃間議改編年錄。號本朝通鑑。其事未決。云云。余曰。中華通鑑名聞於世。朝鮮亦有東國通鑑。則我國之史。稱通鑑而可也。先父謙而假稱編年錄。今若官議決而稱通鑑。則先父之志也。正則曰。此度事大。宜號通鑑。亨曰。固如示諭。正則曰。尙庸在群老席時。可告議之。既而正則願享。談春信學術及翰墨之事。少焉辭去。詣廣之相面亭隨來。時主人與客對食。見余至。曰。喫食畢否。余曰。飲食於正則。云云。主人勸良。皆對話良久。有編年之談。有寬永系譜之談。余曰。系譜卷帙之堆。於本邦無較之者。先君之盛舉也。此度編年亦先君之所命。執事爲近臣時。所奉旨也。若非啓其端。則今何有此舉哉。繼述之大舉也。廣之曰。此後願興學校於京都江府。以成儒學之美也。時揖斐氏在座。曰。頃間爲檢使巡撫國郡。弘文院領地亦經歷。其民皆喜其和懷其惠。廣之曰。善哉。學術之徵也。云云。其後赴尙庸宅。有所議而歸。余今朝經歷諸老。皆告可赴忍岡之事。幸無他適之人。悉皆面話。唯於忠清則以有再謁之意。故早々而出。彼人亦悟余志。而不援止之。忠秋正則雖欲使余居本宅。然以編修事大。故強領之。蓋慮他之公用或滯乎廣之。以編錄爲切。故以忍岡移居爲的當。今日正則曰。凡人壯年筋力未全。至四十而氣力全備。云云。余曰。禮曰。四十曰強仕。云云。廣之曰。人及四十。則氣疲少。記臆云云。余想正則幼襲父之封。而安富隨意。多病也。近年執政煩務。而爲無病之身。廣之自少勤仕。起於微錄。歷試登庸。頃年執政。而其勞初緩。故二老之言相齟齬。皆於其

疎力

身上吐露來。以此告尙庸。其意亦如余所言。

二十日 及晚尙庸寄書曰。諸老臣相議。欲改編年錄。號本朝通鑑。而與會津羽林。姬路拾遺談。此事皆謂宜然。今日達。台聽。命曰。可也。云云。且今般新造長寮側。可立厨所。以賜晚炊料。使預事者飲食。云云。由是今朝赴忍岡。示諭官吏。又諸生月俸事亦既定。

二十一日 余晨興赴忠清第。謝官命改書名。忠清曰。是重事也。非上意。則所不決也。且曰。尙庸勤勞。故其事不滯。云云。余曰。今日移居忍岡。忠清戲曰。卿捨城下否。答曰。編修事大。然他官事亦有。召則何厭。往來之勞哉。旣而喫朝餐。而後訪尙庸。謝昨朝赴忍岡。且述昨晚來書之趣。相話移時而出。過井上河內守。暫談。狛高庸侍焉。使高庸適尙庸宅。謝賜月俸。旣而赴勝澄宅而歸。遣使近隣。告移居之事。未刻出宅。赴東隣阿倍政重。暫談。而訪保田宗雪。他適不遇。直至忍岡。喫晚炊。而巡見新營文庫長寮。而日暮。謁姬路拾遺。時生野松壽來。隨金節訪忍岡。以余旣出。而來會拾遺第。移刻而出。金節松壽相別。而戌刻歸忍岡。今夕尙庸寄書。問移居平安。而惠一種。且有所示諭。件件乃回答之。

二十二日 早朝。姬路拾遺使者來。惠鯉節三百箇。法印元德寄書贈鯉魚。保宗雪寄書謝昨日之問訊。坂亨。狛庸來。信。常自本宅來。勝澄使中村祐晴來問。信。常早歸。亨。庸喫晚殮去。今日命重晴。改編年錄。舊本標題。改書本朝通鑑。而分其卷數。自神武至宇多。凡四十卷。庸及

祐晴暫助其勞。及夜重晴再見而事畢。書賈白水來。是洛人。鬻倭書好利者也。邇日命岸清隆營信。常所居。猶未畢功。故信常與母共在城下本宅。往來于此。自今日工匠營厨所。先是掘井於長寮側。深浚十尋餘而水涌。長寮既成。猶未掃除。文庫半成。土未乾。余寄書於松平次郎左衛門。贈鯉魚。且諭來月朔日起筆。而謝連日勞役。而催其全成在二三日中。

二十三日 先考月忌日奉安 神主於弘文書院床壇。供棗盛燒香。進酒茶菓而拜。而詣墳墓。余營祠堂於本宅。每時拜祭不怠。今般以官事移居於此。未能營祠堂。故奉戴力載考妣等神主而來。自此後朔望忌日。可如今日。他後可營祠堂於此。午前奉信勝澄同來拜。常隨母留守於本宅。

信談曰。昨暮應招赴尙唐宅。示諭曰。今日於營中厨所料事定。又諸生等月俸。以尙唐裏判可。受與之旨。被命守藏吏云云。信謝曰。君勞苦。故官議不滯。尙唐曰。群老懇遇乃翁。故事早決。某啓他事。則滯多。云云。定知明日可詣墳墓。是以示足下傳語於乃翁云云。余乃呼高庸。春貞等示諭之。而馳書謝尙唐。且求裏判。凡受官俸。自草其趣。而受奉行裏判者。定式也。

今日高麗春澤來。澤者余外族荒川宗竹子也。今養於高麗永竹入醫門。及晚友元來拜墳墓。先考沒後八年。每月詣墓者。於門生中唯斯人耳。暫談及秉燭而去。今日新參筆吏二人來。命侍史以寫昌泰以來年號之事諭二人。

入夜點檢倭書。佔白水所呈目錄。以加朱圈。先是尙庸示渠目錄於諸老。其中官庫所不藏。余所

未貯可買求之云云故點定之。

召家僕杉山氏命曰二三日中信常等隨母可移居於此汝可守本宅云云渠是自先考時留守此別墅者也。清隆在側有示諭之事。杉山氏之外有安西氏者二三年來仕我與杉山氏共守本宅其餘僕從等皆隨來於此就中清隆者自余七歲渠九歲陪仕至今茲四十一年勤仕不怠其子清次陪仕春信云云高安成者爲侍史漸十年晝夜不離左右者也重晴者亡弟靖侍童及弱冠遇靖沒與仲祐晴保護勝澄今般從我來於此。

凡今般預事者信常友元伯元可分紀年草之受余總裁稱此四人曰撰者高庸春貞等別受月俸可曰諸生安成重晴稱侍史又此度新參者五人可曰筆吏又春信侍者三人可曰小生安成以下總十人分配官俸清隆以勞事故雖不預書寫事請尙庸分官俸此外傭書十四人定其料從其寫紙之數可有料且與日支料此等皆尙庸受諸老之言所定也。厨所事悉使清隆掌之但傭書者以與日支之故不可入厨所云云祐晴以調護勝澄故辭爲侍史然以其翰墨超尋常在勝澄宅有暇則可預淨書事是亦非余私命之與尙庸議所定也余前日謂尙庸曰不預事諸門生來問則如何答曰渠等爲足下欲服其勞則可如其志不可防其出入而已然官所不命者余亦不顧之邇日將起筆故記預事者於此。

二十四日 自昨日至今日記昌泰元年至慶長十六年之年號一年爲一卷每卷二十葉都七百

十四卷爲撰者草案。使諸生侍史筆吏等考事。隨見因年號付各卷也。侍史筆吏替書之。門生南直來助其事。伯庸來清書條例。此條例頃日所作也。起筆之日爲示滿座也。前錄草案書體不正。爲備書難解。作倭字書式。使庸書之。前錄先考既淨書獻上。在營中罹丁酉之災。其草案遺在。余及勝澄宅。故此度起筆之日。使備者先寫一通。而定書式。而後可淨書。舊本二十五卷。改其表題。記本朝通鑑分爲四十卷。

午後人見正竹來問友元弟也。少焉辭去。庸亦去。高麗永竹來問。暫談去。南直獨留。喫晚炊。歸直者親炙者也。然有故不預編修事。松平信重巡見營作場來書院。暫談而去。信重同僚十人。今度替日來視事。然於此地營作。則信重專掌之。其下吏日日在此指揮工匠及匹夫。余諭信重來月朔日起筆。前營作悉終否。信重諾而領之。

今夜燈下人定。獨坐自謂司馬溫公者。古今傑俊也。今所編修。偶同其名。雖出官裁。亦是一家之大幸也。又謂古者諸侯各有國史。余雖不肖。奉官命修延喜以來七百年來之事。則今所新營長寮。可稱國史館。乃使重晴執筆作記。及亥刻而草成。余未就眠。重晴談曰。先日書賈白水來。謂某曰。今度學士續先考所錄之後。猶漢書成於父子之間。某試問曰。汝何以知之。彼曰。往年刻漢書板而偶知之。又問曰。作漢書之父子之名奈何。彼曰。班彪。某不覺一笑。彼暫思。唯曰。非虎爲堅固之固。某又曰。班固之父名奈何。彼曰。雖唱其音。遂不能言彪字。云云。余胡盧入帳。

今夜雨降及曉而晴

二十五日 早旦友元馳書曰昨日自永伊牧寄書謂某及伯元常祿之外特賜月俸依預編修也。厩橋少將賜使价賜鴨三箇并醢一壺裁報逢使者懇謝之

午前信常隨母携七娘自本宅移於此倩姬路拾遺之匹夫運雜具少焉友元來訊談曰今朝赴永伊牧謝賜月俸云云喫晚炊而歸入夜余徒步訪姬路拾遺拾遺談曰頃日登營忠清曰弘文院移居多年在城下交通者相隔唯以足下在近隣爲依賴乎家內若有疾者則雖夜中可被遣醫正則曰彼富書乏人若近邊有火則使匹夫救之而可也廣之曰官事之暇及暮則定知屢詣以散鬱君亦好談伴也云云既而及通鑑編修事移刻喫頓點心而歸

二十六日陰不雨

永伊牧寄書記編修場之法制於板授之是與諸老所議定也爲貼壁以示衆

俗謂之壁書

一曰出席者辰後至申刻可退去

一曰每月五箇日可休息

一曰官本勿論自他方所呈之舊記不可損不可私寫

一曰滿座雖有不協意事於此席不可口論

一曰諸事可守弘文院指揮

寛文四年十一月朔日

奉行。

今日狛鹿來話喫夕炊而去赴永伊牧。

伊庭玄意來。此春貞兄也。仕久和牧。

友元寄書曰。今旦詣厩橋羽林談及余事。赴士但牧遇大久保忠隆傳語於余。

長谷川德十郎寄音問。此余姻族也。

今日命侍史點檢家藏倭書目錄。分其時世各各記之。其中有付與四人撰者。有使諸生侍史考出之者。又有使筆吏寫之者。其餘類品有差。

二十七日。今曉風迅。

加藤勿齋寄書賀賜本朝通鑑之名。且惠鱸魚一雙。慶移居。又述忍岡芝濱北南道遠相逢可稀。饌陶殊甚。斯人累世士林而好學。有雅趣。余通家之交超尋常。

伯元夙寄書贈鱸魚。少焉自來。暫談去。

野三竹來尋見家藏倭書讀國史館記及條例。且問編修之趣。良久而歸。

門生田中好安。田犀兄弟俱來。二子者。故若狹羽林酒井忠勝書生也。今仕匠作忠直。出入門下超十年。余此度欲使犀預編修事。然官議不許而止。春貞來謝賜月俸而去。赴永伊牧。少焉南直來。與田氏兄弟留談。伴晚食而去。松平信重來。促營作早成。而來書院。暫談而歸。勝庄吉寄書音。

及看於春信傳語於余。彼者有姻族之好者也。

今日春信移六義堂。伯元、三竹及田氏兄弟、南直等皆往問之。直侍坐至黃昏而去。

今日分授月俸官金於侍史筆吏等凡十一人。其中井口三的小出了仙湊金彌、石川堅意、津田清安、新參同列、中村春凡、岸田清次、石井重武者、春信侍坐者同列、加清隆、安成、重晴爲十一人。今般新參筆吏及備書者十餘輩使安成、重晴指揮之。

永伊牧使人寄書。凡書寫若干。是官庫舊物也。其數猶不足。諭矢部氏新調之。

建部織部寄書請加其所知之筆吏一人。余以其數既盈之故不許焉。久保氏寄荻若草一笥賀移居。清隆往問本宅。諭留守事。中村祐晴來。乃命國史館記淨書事。

二十八日。朝陰。辰刻雪終日不止。

黎明出山莊。卯半至概橋羽林宅。主人既出前堂來謁者如堵。余自便所入。隔席時主人顧呼余名。則進相話有所謝。既而喫朝發出赴永伊牧。雖有微恙。出相話件件畢。喫餅菓去。而登城。飛雪霑衣。至營中。春信、友元、伯元皆先列坐。拜台顏之後。近臣松平民部少輔及松平次郎兵衛奉

旨出。官本名畫譜四帖使余書表題事畢。至黑書院側謁四老。忠清曰。卿猶未歸乎。答曰。通鑑編修之支用尙庸示諭之。欲述謝而伺諸君之間暇。正則曰。忍同營搆。既成否。起筆何日哉。答曰。以來月朔日而起筆。縱厨所之營有不足。不可延。忠秋曰。前日所連書籍多多。此間數日。既辨別否。余曰。起

筆之日可用者。漸點檢了。廣之日。邇日可往視之。云云乃出。城乘輿。雪透簾隙。直赴勝澄宅。過本宅。遇留守者。以僕奴漸飢。早歸山莊。時既未半也。白雪滿庭。漸漸高深。工匠歸去。營構有滯。矢部氏寄新儿許多。大久保忠隆贈雉。生野松壽贈鮑魚。

今日無來問者。聊有閑寂意。

肥前嶋原城主高力高長。丹波福地山城主松平主殿頭忠房。寄書信。此二人皆交際年久高長者。藏中華書數千部。裝潢盡美。忠房嗜倭書。與頗路拾遺交義殊厚。

入夜燈下獨坐。乃思。今日營中聞。今晚既橋少將赴伊賀拾遺。榎堂高次第調官。賜放廳所得之鶴羹。平生所知者數輩。伴其食。余若在本宅。或其被誘引乎。以不在城下。無如此之煩勞。而擁爐忘雪中寒。是亦幸也。今日於營中逢保宗雪。彼曰。雖欲訪忍岡。未得寸暇。頃日尙庸所啓群議。置々尙庸盡心能言之故。每事不滯。珍重其所決者。出自既橋羽林意。可能謝之余曰。尙庸粗告其旨。今朝謁羽林。既述謝畢。足下亦時時爲余能謝之。宗雪頗好文字。相識十餘年。且有姻族之好。故其言丁寧也。彼爲羽林被善遇。而與尙庸交通。尙庸以彼與余相親故。營中相遇之時。屢及余事。聞頃日異星現于東方。其青芒指西。長三尺。云云。余在本宅時。既有此風聞。至此事多而忘之。今且忠清席談之者多。又有見之者云。營中待坐之間。亦口口言之。其中或言其出在寅卯刻之間。所謂彗星也。或言月明則無光。月暗則有光。或言兩障子而光透。或曰其光薄不分明。或言填星之側。

非經星者現而有青芒。或言火災之兆。或言不知其分野。當何國乎。余未見此星。則默而不言。

二十九日。雪泮泥路滑滑。

早朝。既橋少將寄書。有尋問之事。姬路拾遺寄雪歌。問余作詩否。余答曰。通鑑起筆在近。點檢舊記。不遑吟詠。云云。春信自六義堂來。書院談曰。昨夜堂前遠望之景。隔池村燈一點。挑於雪林之間。作律詩詠之。重晴。春凡侍側同賦之。不覺至深更。

藤勿齋來尋讀館記及條例。且談曰。頃間赴松平日向守宅。見人麻呂碑。日州殊喜云云。其後携手至國史館。勿齋眺東南歎曰。無雙絕境也。添雪逾奇。友元亦在同席。既而勿齋去。信常與友元俱應。姬路拾遺之招。自去歲信應拾遺求而講。孟子今既至。藤文公篇雖編修事大。以彼此接隣。故不止此講。余亦雖被招。辭不赴。

及晚。松平日向守信之來尋。謝人麻呂碑早成。且問制碑之法。余開三才圖繪示之。日州借其冊而歸。日既薄暮也。日州者。播州明石城主也。其領內有人麻呂祠堂。去月以藤勿齋及官醫良以爲价。招我懇請作人麻呂碑詞。余將移居於此。紛擾多事。然以其懇求。故不日而作之以遣之。未幾余既移居。先是日州寄簡而謝之。今日不辭遙路自來。我與彼人執交日淺。然其懇謝如此。蓋想彼人好倭歌乎。不然。好古興廢之志深切者乎。聞勿齋三竹皆稱余碑文奇也。彼人亦頗知漢字。故喜之餘如此乎。碑詞在家集。

勝庄吉來至。伴晚食而歸。

今日命工新調長板一片。遣勝澄宅使晴力祐時淨書國史館記。

戊刻信。常白姬路拾遺歸。談曰。席上及編修之事。主人新求源義詮貞治年中舊牒。示二子。使常寫之曰。此亦所修之小補乎。自余來忍岡。點檢家藏倭書之外。未有他人一紙之助。此一件雖不爲大事。然爲得舊文之始。既而自思。人生一喜一患相半。余在城下時。士林交通不爲不多。然拾遺以其居相近故。喜余來于此。勿齋所居與本宅相去既遠。至此益遠。故患相逢可稀。今日來訪。談屢及此。余亦頗介於懷。然此度移居。官事惟重編修事大。前日既以死自盟。則他事不足爲屑也。唯憐勝澄幼孤。雖余所居可爲無賴耳。

半夜就寢。一睡之後。寅前出中庭望見。則東南有異星一。光芒青赤如簪。其長數步。指西北。芒本小末大。其分處可百餘筭。可謂變異也。殆是彗星乎。先是見之者曰。今月上旬此星在參宿之間。頃日退座數舍。自丑刻見其光薄。遂刻增光。寅後甚盛。自寅半其光又薄。云云。可怪。可畏。可慎。可戒。

晦日。國史館記淨書成。其板祐晴達之。

午前高庸書國史館三大字。裝之爲扁額。而自持來。先往六義堂。與春信談。友元春貞及新參筆吏二三輩來。祐晴亦至。既余率群生召工。先掛尙庸所寄壁書於西寮中央。東面而掛館額於南寮第一座。南面而掛記於同座傍。東面而貼條例於額之西。而錄醍醐天皇以來紀年。而南寮第二第三

座左右分貼之。其餘示諭條件數牋貼於數座。高唐、神晴、重晴等預其勞。又使重晴等配几案筆硯等於數座。日已向晚。神晴等歸。高唐獨留在六義堂。余歸書院。

今日備書者數輩來問寫書之式。安成面諭之。

永伊牧使來問明日起筆否。余曰：雪後泥滑。營作有滯。然起筆彌期明日。

野卜幽寄尺牘。賀明日之起筆。贈朋樽并肴二種。口諭其使早々入夜。使春常執毫裁回簡投之。此人友元伯父也。我先考老門生也。筮仕水戶二君年久頃歲。投老在忍岡池西畔。雖患眼。然使侍者讀書而聽之。不倦。余至此雖歷旬以無休暇。未相見。有戀之情。今般之事諸門生無不賀焉。然

漢字贈答唯幽丈而已。其趣述國史久絕。而先考中興。然今編修無正史。則難於前錄。且謂溫公修通鑑時。其子康預焉。今信常預事可准之云云。先日三竹來時。謂余曰：此度盡倣朱文公綱目之例。余答曰：綱目者續春秋者。余雖慕之。然不可企及焉。今暫倣溫公之例。則後世又有追文公之跡者乎。呵！余自少好聞本朝之事。故頗諳知大槩。今所修唯記實事。若幸終編進呈。而後猶有餘命。則私修綱目亦未可知焉。國朝之事有難公言者。又有未詳正邪者。又有所忌憚。況夫當時無知春秋綱目書法者。則公言而誰知我卓識哉。是以今般書式唯記實事而可也。

十一月

朔日 快晴

黎明起而拜。聖堂而拜。考妣神主。設小祭。併祭敬古及久娘。而詣墳墓。信常陪從。自是每月朔望。可如此。

辰刻到國史館。高庸先至。而友元、伯元、春貞以下筆吏、儲書者皆至。永伊牧使者村上氏、伊藤氏、片岡氏來。自是三使替日。一人无可來。云云。伊牧賀起筆。而贈朋樽并肴。

余點檢群書。以昌泰延喜以來至近衛院附春信。自保元至文保附友元。自元應至正長附伯元。自

章力

永亨至慶長附春常。而使高庸春貞考管家文章及本朝文粹。續本朝文粹。其餘筆吏或抄延喜格拾芥。及寺社舊證文。或寫宋史。元史日本傳。獻徵錄日本志。使安成重晴指揮儲書者。彼等皆疎文字誤字書。不馴書式。故安成重晴經廻周覽。起坐無暇。余居南寮第一座。其次座春信、友元居之。其次座春常、伯元居焉。高庸春貞侍余側。其餘分侍信常側。西寮隅儲書者分居。凡三座也。西寮內虛座二間。其一間爲便所。其一間爲客座。設之。置白鳴鐘於座隅。以知時刻。至未半。清隆進晚膳。余信常、二元同座。庸貞伴食。伊牧使者侍史、侍生、筆吏等於次座飲食。伊牧使者點檢儲書紙數。每日如此。及申刻皆退散。二元庸貞留談於六義堂。及黃昏而去。余及常亦歸於書院而休。使僕從擊柝戒火災。二日。先妣月忌日。早拜神主。詣墳墓。其儀如去月二十三日。春澤來詣墓。館中之事如昨日。

加藤作牧泰義寄書信。自井忠左衛門贈永戶良若。是余姪也。

永伊牧寄書。村上氏持來。

勝澄來拜神主。詣墓。長谷川德十郎來問。官醫法印意安子岩丸來。逢春信授論語。口誦而去。

松平信重來喫晚炊。余以素食。故隔座。使二元等同席。及晚雨降。

三日。曉風雨。及旦而晴。午後微雨。

館中之事如昨日。

午時永伊牧來。余迎接。伊牧巡見館中。而閱館記條例。信常二元及庸貞等已下皆勞之。暫談而去。

四日。快晴。

館中如例。永伊牧寄書。請借館記條例。即附副本於使者。而遣之。淺野因幡守長治贈書。惠藝

州忍冬酒水沙糖各一壺。當時忍冬酒以紀州所出爲最。然其味辛。藝州所製。甘辛相雜。長治自先

考時。時時寄之。先考以小戶故愛其甘味。今日所贈晚炊後飲之。有懷舊之情。藤勿齋使者來示

千載佳句一部。曰。是後二條帝之宸翰也。云。抑是求之否。余答曰。此書不見日本書目。然見其跋。則

大江惟時所集之唐人句也。余今春借姬路拾遺本而寫之。其元本則今所示之宸翰本也。未知宸

翰真僞。顧其爲書。則公任朗詠者。抄出此書者也。云云。此書始宋家本跋詳記之。

今日書估來館中。其所携之書中有朝鮮估畢齋集。閱見之。則有載我邦事。余心喜以爲是亦今般

編集之一事也。即求得之。此書估者。出入余家既十餘年。與安成有舊交。

倭書估白水來呈兼好法師家集新板本各一部於余及信常是彼所新刻前日余跋其後先考曾作徒然抄號野其時載兼好歌若干首於卷端然其時此家集未出今披之又有懷舊之情其始末見跋文

今日午後稍暖及晚風吹寒嚴

今日伯元不來館中凡每月四日六日十二日十四日二十日二十五日者執政奉行人聽訟之式日也彼預棠陰訴狀事故此六箇日闕館中之勤也高庸者楓山神廟俗人也每月朔日十七日有參廟之勤其餘群輩者不預他事余亦非營中之召執政之招則不他適每月朔日七日十三日十九日二十五日此五箇日館中休日也是此席壁書之趣而其日限者尙庸與余議之而所相定也然有事故則以他日換休日而已

五日 館事如例

永伊牧使來寄書曰來七日者休日也早赴厩橋羽林受其旨登營而演館中之趣於諸老而可乎若羽林他適則來余宅可喫朝飯云云土井能登守利直寄書曰來十一日約招厩橋羽林縱有微障伴食爲幸保宗雪亦寄書其趣同然蓋夫出羽林之意乎余答書曰客云主云所難辭也然館中壁書休日之外不至中刻則不可退去宜與永伊牧議之余不在席則修書有所滯是余所以猶豫也宗雪書中又曰昨遇伊牧於營中聞館中之趣欲往觀之然不得暇隙云云

一柳山城守來問余考書不暇談話，艸々而歸。此人交淺，然有所謝故來。

伯元談曰：昨在棠陰，有一妖僧曰某修光明真言法，頃日彗星見者其瑞也。執政正則爲座首，難曰：汝術有真，則明夜消星災。其翌夜又可出之否？然則余亦信之。僧言屈不答。

申刻館中畢事，入私室湯浴而行冬至之祭。如家例，以官事無鹽，不能朝祭，延至暮夜。

今夕讀春信所艸，昌泰紀及春常所艸永亨紀，聊有所改正。

六日 館事如例

永伊牧使伊藤氏來返館記條例。

岡井碧安來是准門生者也，少焉去。

島春海來巡視館中，曰：盛哉文物，可喜！主人克家繼箕裘之業，讀館記條例再三，同。且與信常及友元相語，喫晚炊而去。是先考以來老門生也，甚嗜聯句。頃歲兼學醫術者也。

申刻畢事，如式信也。以兼約赴姬路拾遺第講孟子友元、春常、伯庸同行。及暮，余亦赴焉講畢，連歌家者流里村仍春預聽講而漢和聯句有之。其間屢及編修事，談笑移刻，設頓點心而逮二更而歸。余與二子、伯庸同途徒步至門下，相別。余不入奧而寢館中，便所信常入奧，謁母信又來余寢所而歸。六義堂余就枕而後一睡覺及申刻起見之，則彗星光芒如前日。

七日 館中休日也

卯刻余出館訪厩橋羽林。他適不逢。直赴伊牧議事。松平信重偶來會。其餘數客在焉。共喫朝飧。信重談國史館備火之器及庭上掃除等事。伊牧曰。宜被調之。信重曰。今日往檢閱之。旣而信重及座客皆去。余獨留談。已刻與伊牧並輿登營。謁四老。伊牧曰。弘文院演起筆之趣。且爲度支辨備之謝。今日雖爲休日。登營云云。四老莞爾領焉。且問編修條條所客件件。忠清正則問彗星之事。而忠清曰。頃日契濶。申刻以後有暇否。余曰。諾。有招則可。詣時伊牧議聚書之事。余退於次座。與井河牧談。伊牧出曰。在府士林蓄書之人。各可出目錄之旨。老中議旣定。使某諭達之。又曰。官庫倭書亦可被許借之。就中二條殿日次記二百餘卷。在官庫者亦可借之。然卿及四人艸者之外。不許縱觀云云。旣而余與矢部氏有談事。而出直赴土井能登守宅。主人有輕服而雖不登府。出遇而談曰。十一日之賓筵。以有輕服故延引。他日羽林來時。幸當休日。則可來會焉。不然可守館中壁書之旨。某亦不可招焉。豈以私會妨官事哉。余乃出過土井牧。而遣使於阿部政重。而到勝力藤澄宅。借其所藏東西洋考。而入本宅。到文庫。携武備志四夷考。鄭思肖心史。出此三部。俱載日本之事故也。而直赴姬路拾遺。述諸老所諭之旨。而留談良久。喫晚炊及暮而歸。

今日他適之際。厩橋羽林寄書曰。邇日音問稍疎。明夜秉燭可來談云云。自筆懇篤也。此狀持來姬路第。拾遺曰。此老待卿之厚。協素聞。余與羽林語時。屢及卿事。宜哉及歸家。春信談曰。今日加藤作牧來訪。導之經廻館中。電覽館記。而請信閱讀條例。嘆賞殊甚。曰。主人胸中本朝通鑑旣成。不然則

何以到此。乃知編修早成。又見館中倭書曰。此等未聞其名。何可觸目哉。以不遇主人爲遺憾。他後休日率諸徒來入浴室。以可散鬱滯云云。松信重亦來諭役吏工匠件々移刻而去云云。

今日加賀中將贈大鱸魚各一於余及信曰。此自其漁所馳使寄之故。不副書云云。此人者加賀能登越中三州之主。諸侯之最大者也。今春在府請余講中庸。請信講朱子感興詩。皆終其編。其講席禮容不變。與信交際殊渥。故今在國亦嘗問如此云云。

八日。曉雨終日。或降或晴。入夜亦然。

館事如例。午前姬路拾遺來臨。携足利季世記等數部。借之周覽。信常二元所草。且見余所考。怡顏含笑。及未刻而歸。其未去之間。長谷川德十郎及卜幽來俱。是拾遺所識也。拾遺去後。卜幽請見館記條例。然患眼不能自誦。請重晴讀之。閉力聞眼而聽焉。晚炊後德十郎歸。卜幽留談申刻館事畢。余

將赴厩橋羽林。時羽林寄片簡曰。今夕有障。他日可招云云。於是留卜幽及諸生。以三冬讀史爲題。又賦梅雪爭奇。探前村深雪裏。昨夜一枝開十字。使二元作小序。余告此趣於姬路拾遺。以促倭歌。及亥刻群作皆成。是館中雅會始也。二題合二十餘首。分爲二卷。使狛庸及重晴吟之。事畢皆去。漸及三更。

今日正竹寄音問。加賀家老奧村因幡書信至。田岸寄書曰。平生所乞歸省之暇。無滯其事成矣。近頃欲歸洛。邇日可詣館下。詳述其趣。且曰。其兄好安加祿云云。

九日 館事如例。野道設來卜幽養子也。少焉去。姬路拾遺贈昨夜二題倭歌。惠蜜柑。今日加點新寫神武紀數葉。狛庸操翰自此逐日可訓點。

入夜永伊牧使者小野氏來。示求倭書於國主等士林之草狀。有所議焉。

今夕信常侍坐。信曰。頃日草昌泰紀了。既及延喜元年。熟考始末。則菅丞相之事。實是時平之所譏也。余曰。時平之譏者。世人尋常話。然竊惟菅公亦自尊大而有侮人之心。故罹災患。當時源光爲宗室懿親。藤定國爲外戚元舅。皆列其下。挾不平之志。遂阿黨時平。而成其邪謀。信曰。菅公上表其詞正直。然有憚時平之心。且宇多法皇請解其罪。自至宮門。不得入者三。善清行上左相書中。皆是當時之處分。在時平不在王室。然則菅公無罪。受譏者必矣。余曰。宇多讓位。菅公暫抑之。是帝之所不喜。以皇弟齊世爲婿。是帝之所疑也。譏言由此而行。信曰。親房記曰。帝與法皇密謀。欲專任右相。或謂此時有關白密詔。菅公固辭之。云云。時平聞之。則有不平之意。是譏波之所漲也。余曰。然熟思之。則此變匪菅公一人之禍。而本朝王政之不振。權輿于此。良房基經。時平三代世權。雖王子元舅。不得比肩。菅公起於微賤。頻登庸途。與時平相並。非器量卓拔。則何以如此哉。乍逢貶謫以來。他家無預世政者。闔國悉歸藤氏。蔑視王室。平清盛傲藤家之所爲。而脅至尊。遽賴朝而天下爲武家之有者。所由來非一朝一夕之故。人皆知王室之衰。因武家之威。而不知其本于藤氏也。信領之。而聞常所草永亨持氏滅亡之趣。而有所諭也。

十日 館事如恒

加訓點於新本自神武至景行二十餘葉庸也執筆

頃日使諸生侍史筆吏抄出者本朝文粹續文粹革命勘文朝野群載類聚三代格拾芥神社考二十一代倭歌集公事根源本朝雜抄寺社舊證文等漸成堆又宋史元史獻徵錄圖書編明政統宗鄭思肖心史東西洋考武備志估畢齋集薛氏日本考學古適用編等也

今日松平日向守書至寄二種

倉橋正信來是信常外舅也

正竹及喜多川春意來

入夜讀信也所草延喜元年紀又見常也所草永享持氏滅亡之段延喜以後雖無正史然其殘編遺稿存者猶有文雅之風且信也頗馴文筆故其所草讀之快然保元以來悉武夫之事然猶有稗說演史之詳永享以後悉是割據紛擾之事也故其所草殊勞考索

十一日 館事如例

加點新本自成務至仁德庸也操筆

三竹來見信所草昌泰紀嘆曰延喜猶近古人才文物雖中華不可耻焉今所載詩文見管家花草本朝文粹者皆既讀之然逐段繫年月則其始末分明特覺意味深切也起筆僅踰旬既爲重寶者

有之他後之盛事可推知焉。只願開板流布于閭閻也。又聞余所訓點而國諺不易解。口授之勞雖大亦是益于世者也。而後巡視二元春常所草而歸。且借館記條例及八日二題詩卷而去。田厚來曰。歸省之暇無所障。四五日之間欲出府歸洛。故告別余暫留之。加點之間相語臨去約發途之前。今一來彼所答未決。彼出入門下既十餘年。余屢赴故羽林之招。彼亦屢侍講席。且頗敏於讀書。故比尋常之門生則稍有親炙之好。今般乞暇。雖由歸養老母之志。然以微祿之難耐也。不能無憐察焉。且遠別再會難期。故約重來。云云。館中之人皆是有舊好。相俱有惜別之情。

十二日 讀耕弟月忌日。早與信常詣墓。友元亦來詣墓。彼沒後四年。每月不怠其志。可嘉焉。勝澄頃日有微恙。今日不拜墓。使祐晴代拜之。

館事如例。口授高庸加點。自仁德至安康二十餘葉。畢第一第二卷。是祐晴所筆也。小嶋道慶來。高麗春澤來。皆詣讀耕墓。慶也門生親炙者也。筆仕雲州羽林。出入門下十六七年。頃間有故障。而來問稍緩云。今晚余信常友元高庸皆素食。庸亦與讀耕親炙而受其顧遇者也。春澤亦然。信也有河魚之疾。然在館中記事如常。友元高庸留談入夜。姬路拾遺使醫玄蘇來診之。彼曰甚輕。可早平復。乃進湯藥。庸也侍坐六義堂。及二更而歸。友元來書院讀其所草保元合戰數段。殆四十葉。聊有所改正。及二更半而歸。今日水戶參議賜書。彼謝前頃問貴恙之事。

十三日 休日也。官吏塗壁於館壁。

午前赴駒籠訪太田攝牧。他適不遇。是備牧家督也。去月代父參府。余以無暇往問。延及今日。云云。歸路過下幽門外。入而暫談而出。直赴姬路拾遺。晤語拾遺前日賜御廳所捕之鶴。是恩榮之異他者也。明後日開賀會。饗諸老故平生候門下者。慶之連綿。今日來客頻繁也。客去後。主人出示一篋。曰。水野石見守自伏見所寄也。開見之。則有小部倭書十冊。其中有可信者。有可疑者。約逐日借之。既而伴晚食而歸。

入夜酒井修理大夫忠直使田中好安來示其所收倭書目錄。曰。可任余意而借之。是其先考入道羽林之時。余所遍見也。其中可惜寫者十餘部抄出之。以附好安。又人道羽林請我先考傳授神道之片紙七十餘通。既而集之爲冊子。故有正本有副本。頃日匠作病中點檢之。留其正本盛副本於小篋。自封印附好安以返贈之。余開見之。則殆如對先考。如見羽林懷舊殊甚。感匠作之志。懇謝之。勸酒於好安。且賀彼加祿而及弟犀歸省之事。一更後好安歸。

十四日 終日暴風

夙興贈紗綾一卷於田犀。以囑其行。以明日發途歸洛也。且告之以今晚可來之趣。

加藤作牧寄其領地土產一壺。

館事如恒。永伊牧寄脇坂中務少輔所藏之書。且告之曰。明夕諸老應姬路拾遺之招。某亦同伴。若諸老過其館否。未可知焉。余贈答書。及晚伊藤氏告歸。點檢脇坂氏書。日返之。

午後出屏來。未刻與預事者共喫晚炊。申刻館中事畢。余送歸省律詩并序以示田屏。序使重晴筆之。詩者余自筆。屏和之。庸也亦同韻送別。信常友元各有送行詩。安成重晴春凡亦作詩送之。既而友元去。庸留談。清隆出席勸酒於屏。與庸等相酬。筆吏湊安者。屏所先容也。故列席末。及戌半。屏告別。有瞻戀之色。余亦不堪分袂而愴然。期再會而入與屏。庸携手到六義堂。少焉歸去。屏袖詩卷而步月歸牛籠。唯一奴從焉。彼勤勞十餘年。賴主君之恩。雖得讀書。然微祿不給。貧苦不堪。託歸省而歸京。其侍老母奉養者。雖爲素意。然薪水之勞。隱淪之乏。可憐可憐。余先察彼有乞歸之志。故勸尙庸使彼預修史之事。然官議不決而止。故乞暇。事決。阮作亦雖欲留之。然有所碍而不能加祿。以有其舊勞。故加懇言而寬恕許其所請而已。其事始末見余詩序。序中有訓戒之言。亦是彼之生質有可抑揚故也。今夜月色晴明。自館中見之。則士卒如畫。白雪堆高。秀出雲間。誠是無雙絕景也。余在本宅聞此地富士夜見。然宿此之時未逢如此之晴。至今夕始得見之。昔設色者畫富士八景。其中有富士夜景。世以爲珍奇。今爲庭前之假山者可謂幸也。唯以館事埤遺。故不爲之長賦者。遺恨々々。然猶待其時興。

十五日。以館事爲要。不及登營。拜神主。謁。借水戶參議東國通鑑抄。出預我國之事。又閱先考

之涉獵集。使筆吏侍生等畧寫之。是先考少壯之間。隨見隨聞。寫之爲堆。大冊四五十帖有焉。其外源藤諸家系圖及禁秘抄。天台座主記仁和寺之入室。園城寺長吏等之次第及反古堆中之舊證。

文分授侍史筆吏等拔抄之。伯元談曰昨於棠陰遇忍拾遺問館中之趣云云南直來侍焉。

未刻晚炊後永伊牧來談曰今晚隨諸老赴姬路拾遺餐畢欲勸諸老過此然皆有故障而直歸故某獨來云云既而逢信常二元見其所草數卷而又在余席見新本前錄且見抄出之案文暫談歸中刻畢事之時淺艸智樂院忠運寄茶菓各喫之而去此僧管紅葉山神廟當時釋門之同田也頃間欲作詩頗並字以與太田備牧保宗雪爲姻族之故因宗雪請與余執交且與高庸有舊交故音問及此者也館衆及暮皆去南直獨留侍坐於六義堂今夕止宿

今日勝澄微恙未全愈故使祐晴來拜墳墓洛陽書信至阿妹及親族平安云云

及暮遣使於姬路拾遺而賀今日之餐

十六日營中右筆飯高七兵衛蚤來有所尋問留之勸朝飧而巡視國史館而去館事如例已刻廐橋羽林贈書日久不相見今夕可來談云云姬路拾遺寄簡曰頃間築塲圃栽野菜作亭於其側欲使高庸書扁額請擇考其文字云云酒井匠作使好安來曰任來意遣倭書二十餘帖共小册其中四部返之其餘十九部留之可逐次而寫之以返之好安留談喫晚炊中村教圓來春凡父也既而皆歸南直亦去

中半出忍岡先過勝澄問其微恙漸平復少焉赴廐橋第羽林歡笑共對爐火相話大澤右近大橋長左衛門等侍坐保宗雪患微瘍不應招主人懇問館事勞之余讀館記條例主人詳聽之設頓點

心而及亥刻歸。

十七日晨詣久娘墓。

館事如例。午時保田若狹守宗雪來問經歷館中。側見信常。二元等之所草。而請閱館記條例。便重晴讀之。讀畢請借之。卽入懷中。而見所抄出。又見備書者所居。而入厨所呼清隆。戒火災。而與余暫談。欲去曰。明朝可赴旣橋羽林詳告館中之趣。旣而出。

二三日來見東國通鑑抄出之。然有脫卷。聞下幽藏畧本。故寄書而儆之。

今日國忌日。館衆皆素食。高庸勸楓山之役。午午至館申刻。館事畢後。姬路拾遺之所求菜畦之額。直做個三大字。使高庸書之。遣之。及晚友元獨留來書院。見其所草保元元年末段及二年。而聊改正之。入夜而去。世俗所翫保元物語。唯記兵亂之事。與續世繼合考之。凡大鏡。榮花物語。續世繼。增鏡等。雖爲倭語。記帝王攝關之事。可採用者多。故分其時代。附信及二元。只水鏡所載在前錄中。春常所草在增鏡後。頃間所抄出。逐日漸漸成堆。逐時代分附四人。

姬路拾遺寄書曰。扁額早成。其末請數行跋。乃記曰。汪信民曰。咬得菜根。百事可做。黃山谷曰。士大夫不可不知此味。今對此圖。豈可不思之乎。拾遺再寄書謝曰。跋語恰好。且告曰。明夕來話否。

一更之後。見春常所草結城戰場。而見嘉吉赤松弑逆之段。有所點竄。有所加補。漸及二更而罷。余在館中。則以抄出之事。分授諸徒。故不遑見其所草。故夜々往往如此。邇日約見伯元所草春信頃。

日所草漸及數年。以其有河魚之疾。故晚來館事畢後。侍坐不久。退養于六義堂。

十八日。館事如例。

武田杏仙來問。時議事紛擾。不能與仙談。忽忽而去。連歌者流里村仍春來見春信。友元所草。乘興不覺移時。與館衆俱喫晚炊。而後余携春常。友元。應姫路拾遺之招。信爲養微恙不往。余勸仍春同行。拾遺在其家。臣舍喜我輩之來。俄催詩歌會。且馳使寄二題於春信。既而詩成。談闌及半夜而歸。

十九日。休日也。夙詣敬吉墓。如例。兼日有春貞詩會之約。午前余與春信俱訪辻聊適其所。居與春貞寓居相近故也。伯元既先到。適者舊門生。昔日與伯元同列者也。臥病既十餘年。然猶不廢文字。暫談而出。與信。伯元徒步。遇路於村上良雲。是先考門人梅雲子也。行程四五町而入春貞舍。貞歡迎之。少焉春常。高庸至。卜幽來會。高春澤亦來。友元末至。於是勸晚膳。貞自幼稚在門下。既十餘年。然設會之始也。故治具稍備。出檐梅索啖。竹林讀書二題。各賦之。或絕句。或四韻。各任其意。且聯句三十。及亥刻而歸。今夜臥國史館。

二十日。大猷先君之月忌日也。夜未明。館外道路參廟之輿馬絡繹。余黎明喫粥。出自裏門參廟。逢大森信濃守之歸於廟。門內立談。曰。聞修本朝通鑑。想近世之草子。真偽相雜。難決是非。唯士林及寺社所藏之舊證文。皆是實事。何不尋求之乎。余曰。官議亦然。既有所示諭。可逐年月而聚也。既

而別去。彼者近侍之人也。此時大澤右近先行。待我而携手同登堂。拜禮而出。至門外相別。余歸館。將喫朝餐。時廐橋羽林使來曰。卽今參廟。館中無他否。余答謝之。少焉羽林來臨。余携信常迎接入館。今朝快晴。士峯咫尺。紅輪白雪相耀于目前。羽林指曰。絕景也。既而入坐。勸昆布聊祝之。見國史館額曰。誰筆。余曰。伯庸墨痕也。坐定。見昌泰延喜之草。使春信讀其初段。羽林問友元何晏。余曰。時辰前也。館衆以辰后爲會期。余出呈保元之草。元應之草曰。此友元所稿也。彼伯元所稿也。次春常呈其所草之永亨記。羽林使常讀其初段。次示庸貞等所抄而頃口所拔之數本。漸漸出之。羽林莞爾曰。非大氣根。則不能當此勞。卿前頃自比諸武人攻城。亦不爲誇言也。次見姬路拾遺酒井匠作之所借之倭書。次新成寫本。其間稍久。顏色愉然。及其促歸。余信常出館送之。羽林曰。他日重來。可拜先聖殿。余曰。惟所希也。到裏門前。指新舊二文庫。而此中藏書可充棟。余曰。新庫土未乾。故未納書。舊庫萬卷盈。云云。到門外乘輿而去。時既辰刻後也。嗚呼。羽林在當時。威望無雙。雖諸國主待其暫時來過。則不顧千金之用。余以微祿。蒙多年之眷遇。故今朝眞幸之會。懇言之厚。亦是稽古之力乎。羽林去後。贈書於永伊牧。告是趣。少焉余與二子喫飯之時。友元至。伯元高庸春貞亦來。余諭曰。二子來遲。雖不逢羽林。然頃間之事業。我悉吐露之。既而館事如例。井上河內守正利來問。見群輩並兒而喜曰。雖學校。不過之。何矣哉。何矣哉。我雖有官事。不忍去。他日有暇。可屢來。稍久而去。藤勿齋誘引板倉內膳頭。小出修理助而來。三竹同至。內膳頭二子及京極主膳頭。石谷五右衛門一

時群來。余以妨編輯。有不平之色。故不迎接。淺野因幡守長治末至。勿齋者交際殊親。長治舊識也。三竹舊友也。其餘皆面友。參廟之次爲見館中之用來者也。余以館記條例示長治。勿齋使重晴讀之。議館事如常。此時元德法印亦來。此間三竹招余耳語曰。頃日謁久世和牧告館中之趣。天下後世之寶不過之。固是太平之盛事也。唯希逼求天下之書。以爲編集之助。而書成則刻梓以行于國也。和牧領之。珍重珍重。既而群輩去。長治勿齋元德留談。稍久而去。脇坂中務少輔使書來示倭書十餘部。余點檢之。其可用者留借焉。其不可用者返焉。午半松平彈正少弼光晟來。此人藝陽世子。平生好本朝故事。頗嗜文字。故自讀昌泰元年紀而有喜色。佐佐又兵衛隨來移刻。而光晟告歸。借館記條例而去。余與永伊牧議館中有客某可挨拶之。其餘不可立座。故今日之群來有貴介有舊知。然信常二元所草自若。不迎不送。不立座。唯國老執政不可以尋常待之。未刻永伊牧來。大草主膳揖斐五左衛門隨來。伊牧談曰。今朝得書逢羽林子營中。而謝其來臨。又曰。諸老愛館中不虞之火災。忍拾遺曰。造穴藏於館庭。有不意之變。則速納座右書於穴中。而可乎。云云。余曰。恰好。少焉伊牧歸。於是喫晚炊。及申刻畢事如例。余往訪。橋拾遺謝今朝來臨。他適不遇。乃問勝澄微恙。入夜歸館。

二十一日。館事如常。

水戶參議借大鏡全部。以中原師光勸本寫之者。有傍書。有陰書。非世上流布之本之比。其原本尾

張故亞相之所藏而今黃門所秘傳也。參議懇望借之。雖不許。示人。然以余知其原本所出故。密被許借之。實是希世之好本也。

口授高庸。加點於雄畧紀。

今日館中無他人之來。無俗書之至。高庸幼弟大松七歲來。携餅饅酒肴。館事畢後。以是爲頓點心。庸也勸好茶。余及友元信。常春貞留焉。伯元早去。侍史等於次席飲食。旣而春貞去。友元庸也留談於六義堂。及黃昏而去。余亦歸書院。

秉燭之時。旣橋少將使來贈朋檉。鶴一隻。串海鼠一箇。曰。昨朝見館中之趣。知其勞之大。且悟成功之著。可以喜焉。故寄酒肴祝之。但是所私賀也。云云。裁答書。遇使者謝之。

二十二日。未明出岡。赴旣橋羽林第。謝昨夜之贈物。裴龜而喫朝飧。啜鶴汁。而分肉。寄勝澄及勝庄吉。

館事如例。加點於清寧紀至宣化。分附春貞及侍史筆吏。拔抄源氏河海抄。花鳥餘情。并顯昭古今抄。袖中抄。仙覺萬葉集註等歌書十餘部。又寫五燈會元。日本僧覺阿傳及續傳。灯錄等。或有寫全文者。或有摘其要者。或有校新寫本者。又一段一件。僅數行者。使重晴寫之於冊子。號片玉抄。每一葉分一年號。隨見筆之。皆逐日漸堆。

晚炊時調鶴羹。以使滿座者啜之。時高麗永竹。岡井碧庵來會。辻高安來。少時而去。是聊適姪也。

館事畢。携二男與友元、高庸徒步赴淺草智樂院而入浴。日已暮。出浴以浴梅爲題。各賦一絕。而喫夜食歸。漸及二更。暫休。見春常所草嘉力喜吉元年。今日松平主殿頭寄書賀起筆之事。

二十三日。先考忌日。其儀如例。

館事如常。加點欽明。敏達二代紀。

小田原拾遺使者松井半平來。贈着二種。以勞編修之事。有懇篤之言。半平者。出入我門數年。頗窺文字者也。回視館中。借館記條例。歸爲示拾遺也。人見正竹。小島道慶來。慶侍信也。傍預校讎之事。竹與伯元談。今日晚炊。館衆皆素食。以先考忌日故也。未刻半郭外麴町失火。風吹焰熾。士林及百工家罹災者數十百家。入夜猶不已。

今日余洛外采地八潮村民十二人與隣村有訴論之事。捧狀來。命清隆曰。明朝携之。可到奉行所。如此之訟者。井上河內守。加々爪甲斐守。沙汰之。故遣書於河內守。

今夜見春信所。艸延喜二年至六年。次見春常所。艸嘉吉二年。三年。

今晚火災。想像城下不靜。然喜此岡地高。無池魚之憂。且聞本宅勝澄宅與火所出相隔。故燈下校書自若。既而想余所識之人。未知罹災否。夜中風吹不歇。不可不懼。

二十四日。館事如常。終日風穩。

未之半。小田原拾遺來臨。回視館中。電覽艸本新本及抄出彙等。勞各預事。且告余曰。想起筆未日。

其事未熟然其式既整唯慮前程久遠精力疲衰身自保養可以察衆心若夫有病而惰則今所勉似無益也又曰今朝使半平讀館記條例聞之宜流行闔國知此趣然則遺書殘編不索而自至云云余曰固其然乎信常二元庸貞操筆不休拾遺出館余獨送之拾遺指視新舊二庫而到聖堂杏壇門窺故尼張亞相所筆先聖殿三大字額而去拾遺今晚有官事赴東叡山而歸路過於此來月二日正當寶樹院大樹御母堂十三同忘自今月二十七日有法會拾遺總裁其事故也今日加點用明崇峻紀至推古初年

申刻官事畢以兼約故携信常二元庸貞赴下幽宅春凡從焉至則主人歡迎正竹來會各就所見賦筆棲白鷺春信作序既而又賦霜松探十二支獸字正竹作序戊刻設饗膳治具備矣主人曰本朝通鑑起筆我輩之喜何物加之故聊寓嘉祝之心某老患眼雖似慈遺見此盛事不亦悅乎云云吟一聯余對之滿座一巡而罷三宅生順侍席此主人門弟而同事水戶君者也今秋蒙君命赴長崎遇華人朱之瑜筆談彼明朝儒生也不仕清國流浪諸國僑居長崎既有年矣水戶君聞其名使保宗雪密告厩橋羽林有招之之志故先使順往遇之頃間順也歸府今夕始逢故粗問其趣友元常慕彼爲人故與順談其事丁寧既而各歸去漸及三更

歸家聞今夕阿倍政重寄書副雉一雙見其書曰連日有障不能來問且曰暴風昨日大火災城下不靜館中無恙否傳語信常二元高庸云云此人本宅東隣累世交渥移居之後未及一面互有

想像之情。

今夕馳書謝小田原拾遺來過。且寄書淺因牧賀。昨日火災。其宅幸免。有答書曰。火及隣家而止。歡喜殊甚。云云。

今日太田備牧書信至。贈其土產濱名納豆。裁答書謝之。

二十五日 休日也。

今朝本宅留守者携八瀨民到棠陰。井河牧諭曰。來春與隣村相訟者共來。則可裁斷之。今般先可歸鄉。云云。

松平甲斐守輝綱使者來議其家譜事。諭告而返之。此前執政信綱子也。

今晚信也赴姫路拾遺講孟子。常也。友元高庸同行。里村仍春來會。余亦未至。講畢喫晚炊。聯漢和句。見倭書數部。而及亥刻歸。

二十六日 早朝人見道設奉水戶君之命寄書曰。欲聞館中之趣。近日一夕可來訪。余答以二十八日夕爲其期。

館事如例。加點於雅古舒明。皇極三代紀。是備人所筆也。使高庸改誤字。

松平甲斐守密借東照神君御年譜等三帖。是本故尾張亞相之所編也。先考代之爲序。雖秘而不出。先考曾寫之。然羅丁酉之災。今尾張黃門嫌令他見。我素知此本輝綱藏之。故傳語昨日之使者。

密借之。

姫路拾遺借示筑波集。新筑波集。又寄古本續世繼。是爲與家本可校合。又示新撰信長記。是世俗流行之信長記所漏也。二十年前。江州安土近邊有一老人。能諳信長事。板倉周防守在洛時。召彼聞其所談。使左右者筆之。以爲冊子。松平主殿頭借寫之。拾遺亦借主殿頭本寫之者也。余欲借主殿頭原本。然參府稍遲。故先借拾遺本。小出勘解由來。館事畢。訪板倉內膳正。高庸同行。他適不逢而歸。內膳正雖交淺。然其父祖與先考有舊交。聞既賜官暇。近日歸大坂。且先日來過。其宅在姫路拾遺隣。以其近故。被高庸誘而乘晚步之興者也。

自明日於東叡山寶樹院有法會。今晚警固之武士來護山下之門。聞奉行井上河內守。加加爪甲斐守。那須遠江守。伊澤隼人正。妻木彥右衛門等來宿山下。總裁小田原拾遺。日日來監。不及止宿。云云。讀經之間。隨例有伶樂。故高庸亦隨其列。自明日至二日。不可來于館中。

二十七日。館中如例。高庸不來。故不加點。終日檢舊記。分附諸徒抄出之。使高安成。繙朝鮮輿地勝覽。校預我國事。使重晴校東國通鑑抄出本。使岸清次置座右。抄出數件寫于片玉集。

先日所借姫路拾遺酒井匠作本。使安成。重晴分附僱者寫之。又有使筆吏寫之。皆逐日葉。積高。官醫河野良以法服寄音問。是舊交二十餘年。准門生。近年爲營中侍醫。小田原拾遺贈其采地蜜柑。

永伊牧寄書求其所藏多々良問答與余本一校使安成重晴對讀之。

館事畢衆皆去伯元留焉見彼所草後醍醐天皇元應元年二年日既暮余入書院元暫休六義堂及秉燭來書院見其所草元享元年二年紀皆有所較改焉亡弟靖弱冠徵朱子綱目而修元應至元弘事元今據其書聊加補之戊午勸夜食而伯元歸去。

二十八日。館事如例。

午時姫路拾遺詣寶樹院歸路來過巡視草本有所談元德法印來會余謂拾遺曰參議三位以上其履歷卒年備矣唯親王不載補任則無事跡者恐夫脫落乎系圖亦記其卒年者亦稀想於各帝崩年下記皇子若干皇女若干可載其名云云拾遺曰固可也拾遺問曰聞二十一代集表出有其年月者筑波集新筑波集亦勅撰其奏覽年月見序中表出之可乎筑波集關白藤良基所撰連歌者流救濟預其事新筑波集亦某大臣與宗祇撰之然未知某大臣爲誰考之可也少焉去元德亦歸松平甲斐守來問春貞其所素識故呼之聞編集之趣所以抄出而與余暫談而歸島春海坂井以仙來供伴晚飯而以仙歸去此亦舊門生仕京極丹後守者也春海留館事畢與友元伯元到六義堂海唱上句余對之時既薄暮也余以兼約故赴水戶參議邸及秉燭詣參議無他客唯道設生順候次座而已參議曰今度通鑑編輯爲國爲家爲後世文物盛時何以加之珍重珍重其編輯之趣如何余具陳之參議曰通鑑之名固重伊賀守頗志文字之効也余曰此非所望執政窺

台命決之。然其發言者伊賀守志也。然世人或以溫公文公之例於我輩爲太過。余於馬朱二公不可企望焉。然元明之間所修稱通鑑者多。且朝鮮亦有通鑑。彼等何必以馬朱二公自比乎。唯是當時相應之才。倣先輩例記實事。則善惡自知。以爲勸懲。則此亦通鑑而已。所謂據事直書其義自見者也。然凡稱通鑑者。文段有議論。此度不有敘命。則不加議論。非無遺恨。然編修功成。則倣胡氏管見之例。聊擬范氏唐鑑之例。表出件件。雖議論之亦不爲難乎。參議曰。然抑安德西狩之後。正統猶在安德乎。然平氏之所立。則以在洛帝爲正統乎。後醍醐不傳位高時立光嚴。尊氏立光明。此等之所孰以爲正統乎。余曰。此是本朝之大事。然非微意。無微乎先父曾於大友天武事亦有所思。然上覽之書。非無遠慮。故以大友不爲帝。唯不準叛臣之例。亦馬子弑逆。既尸不逃其罪。先父想可記既尸弑天皇。其事見文集。然於上覽之書。則不能如意。今於某亦然。曾私修治承以來百餘年之事。於安德未崩之時。繫正統於此。分註記元歷年號。若夫於吉野事。則未決考帝統二流之本。則光嚴光明爲嫡。後醍醐爲庶。然光嚴光明卽位出賊臣之意。則熟思以定之。馬公以曹魏爲正統。其論世儒以爲不正。然今所修妄以當時帝王之祖爲僭。以南朝爲正。則書出之後。未知朝議以爲奈何。是非公命。則所難私議也。若夫國老執政。如君侯知倭漢先例。則余亦可開口。今以如此事。妄與權臣議。則此度編修半塗廢亦不可知也。某自少年好倭朝事。而世人所不知者。非無所發開。今幸承此命。欲使七百年來之治亂興廢。以著于後世。故聊記事實。以倣通鑑之體。於筆誅謹嚴之事。則未能太快。然書

成而如君侯之人見之則或夫知某所有微意乎。參議莞爾。又告曰。近世事者直書則有障。曲筆則有意。者嘲之。不如與伊賀守議而留筆於百餘年以前而可也。余對曰。官議決以後陽成讓位爲限。則今難辭焉。且當時事嫌憚。亦非無先例。唯記實事則必無妨乎。參議默然。既而談本朝古今時勢。又談倭漢文章。參議曰。本朝文粹所載者。雖記於通鑑可也。續文粹以後稍劣。用捨而可也。余曰。固如命也。戊午進餽餽。參議亦對食。嘆曰。春德存時。屢來文論對食。就想今若存則爲足下之大助。余曰。有編集之命以來。無日而不思焉。彼若在則余勞半緩而已。又問曰。勝澄無恙否。余曰。無他微膳之後。參議曰。卜幽老尙勤憐其眼疾。又曰。聊適雖久病。其學不劣。舊時頃日使彼加點於李滄溟集。此難讀之書也。然能讀破之。余曰。二子以君仁慈雖疾安居常謝恩之辱云。參議又曰。我欲修本朝史記。然歷歲未成。請使道設生順等時時往國史館見通鑑編修之趣。時漸二更。余告暇。援止之。談闌及三更。強辭出入。岡則伯元旣去。友元春海與信常俱在六義堂。聯句旣盈百。余亦入堂。少焉携常而歸書院。聞海賦絕句。信和之。二人止宿。

二十九日。小盡。

館事如例。京極丹後守書至。寄土産。藤勿齋使至。寄雁一隻并仙袂餅。返苑玖波集。新苑玖波集於姬路拾遺。曰。新苑玖波集成於明應四年。考其時則藤冬良爲關白。僧周麟贊宗祇像。其詞有關白同撰之趣。則冬良歟。然藤政家。藤尙通皆爲前關白。且內大臣實隆亦

當其時。則此等之人。未決爲誰某云云。

永伊牧寄書曰。明日爲休日。明後日。大樹詣寶樹院。則台駕可過館下。館中多人。則非無憚。宜併兩日休息云云。

及晚。井上河內守使札來。惠餅果。此三四日。監法會。雖在近邊。互以無暇故。不相訪。其紛擾之際。有音問者。舊交之效也。薄暮。加藤美作守來問曰。訪井河牧在法席不逢。故來于此。於館中暫談而去。且曰。來月六日之夕。可設湯浴云云。

及夜。高庸來。先叩六義堂。少馬來書院。談法會事。伴夜食。及亥刻而歸。

十二月

朔日。夜中雪降。今朝高深。夙拜聖堂祭神主。詣墳墓如例。辰刻。出岡登營。入營門。遇保田宗雪。河野良以等。入營中。遇四老。而與姬路拾遺談。述水戶君之言。拾遺曰。記近世事固難。然後來之才亦不可量。則不如今能考筆之。則免後世之妄說。其餘所談件件。少焉出御。余亦若從拜謁。友元在側。人御之後。又與四老暫談。今日永伊牧有微恙。而不登府。請退公來過。故往訪之。有相議。喫午飯。奴僕等亦喫粥。既而出。訪牧野佐渡守。此人者爲京兆尹。頃日偶參府。日既向暮。遣使勝澄直歸。遇路於高麗春澤。澤曰。某宅在此。暫憩則幸。乃入喫茗。而出歸岡。日既申刻後也。聞今日大久保八郎左衛門忠隆。阿部四郎五郎正重來問。遇信。常巡視國史館。清隆勸酒。暫談而去。彼兄弟偶來。以

不遇故。遣書謝之。今日於營中遇大久保和泉守。此忠隆正重兄也。及暮遣書井上河內守寓居。謝昨日之音問。松壽來。

今日永伊牧席示內藤左京亮所藏倭書目錄凡千餘部。携歸燈下一覽。大抵歌書也。余未見未聞之書甚多。此人嗜書之癖。世皆知之。然先考及余未執交面友也。故初見其目錄。

二日。拜神主詣墳墓如例。

已刻台駕詣寶樹院。午刻還御。此際閉館閑居。午後在館中。兼日人所求之朱文公贊并硯銘作之。及暮見常也所草文安元年至五年。入夜見信所草延喜七年至十一年。

聞今夕法會畢。井上河內守等各歸江戶。昨日雪。春常賦一律四韻。春凡清次等各賦之。今日重晴。追和東坡北臺又尖韻。其四韻共不爲鵝腿。可謂奇也。春信和二首示之。共不爲古人糟粕。此詩古來以爲險韻。人皆知之。今不贅焉。

今夜宿國史館。戌後春信歸六義堂。重晴亦退。唯一二侍者在側。一爐一灯相對。四隣隔絕。前池畔聞犬吠而已。寂々默坐。編修之趣萌于方寸。

三日。早起待館衆。信也晨省作食。常也亦來辰刻之後。友元。伯元。高庸。春貞等皆至。其餘筆吏咸集。館事如例。及晚衆皆退去。友元獨留在六義堂。召倭書賈點檢新板本。其中有用於編集者。爲求之也。

井上河內守問芝草事。聞頃日芝草生于品川邊梵宇。人以為奇瑞。故有此問。表出典故數條寄之。薄暮藤勿齋來。今晚應姬路拾遺之招而直過焉。迎接於館中。遙眺士峯映夕陽而欣賞焉。友元信常相共打話。秉燭對讀通鑑綱目。晉穆帝紀數段。是連年所讀之次也。戌後勸餛飩而酒及數巡。清隆安成重晴。春凡皆所素識也。呼出之。宴會漸闌。酒罷而見頃日詩卷。余賦絕句一首。謝其來訊。及亥刻而歸。友元亦去。信常亦退。余宿國史館。勿齋宅在芝濱。距此二里餘。想比至其宅可過三更。四日。館事如例。

昨今加點於皇極孝德齊明天智紀。餘其末段。平井由敬來問。大久保和泉守正朝寄音贈二種。

及暮訪庭橋羽林及其嫡男河內守。賀河內守移新宅。歸路間勝澄微恙漸既平復。

五日。館事如恒。加點於天智末年。至天武初年。佐々又兵衛音問至。金地院五長老寄書。依寺社奉行之旨。求五岳舊記云云。余有諭告之趣。入夜點檢內藤左京亮書目。可借見者。五十餘部表出之。

六日。館事如例。加點於天武紀末了。頃日所抄出漸々數部終。故稍考藥林之詩文集。南直來。

館事了。申午携春信。友元赴加作牧。入浴室。主人同浴。出浴因其求作循環爐銘。香爐在內不動。籠

在外轉環。然爐灰不漏。其機巧可謂奇也。既而打話。差茶飯。及亥刻。歸直也。與春常談止宿。讀通鑑綱目。

七日。休日也。入新舊文庫。點見藏書。中村教圓來談。及晚赴姬路拾遺。因春信講孟子也。今夕終藤文公下篇。及來春又可開筵。云云。主人氣宇少不快。故宵分早歸。

八日。館事如例。

聞頃日兩傳奏飛鳥井亞相雅章。正親町亞相實豐。參府登城禮畢。今日詣東叡山。過館下。云云。三竹來見草本。稍久而不去。松平日向守信之來問。與三竹約期。云云。既而二人去。薄暮携信。常友元及春貞赴高庸舍。重晴。春帆從焉。南直亦來。卜幽正竹會。合主人總十二人。以雪裏聽琴爲題。又詠瓶裏水仙。且標出本朝絕藝十二件。分圖賦之。戌後進膳。談闌不覺刻移。三題總三十六首。三更後又啜餅羹。雞鳴而歸。

九日。早朝永伊牧寄書曰。明日兩傳奏歸洛。今晚諸老赴彼旅館。欲述通鑑編集事。尋舊記。故有可議事。已刻可登營。云云。余辰半出岡。先至厩橋羽林宅相見。同參營中。與伊牧俱出。與四老及京尹牧野佐渡守談事。午後退公。問勝澄過本宅。未刻歸。館勤諸徒勤事如常。加點於持統紀終其編。自神武至此八卷。日本紀既畢。中刻衆皆去。友元獨留。見其所草之保元三年。及平治元年初段。日已暮。

十日。館事如例。加點於文、武、天皇紀。以續日本紀考之。高庸執筆如前。備書所誤筆畫誤字改正之。就想往年編修自文、武至嵯峨亡弟讀耕子所草也。追憶殊甚。加藤作牧寄羅茶雙雉。晚炊與館衆共飲喫之。入夜見友元所草平治合戰有所改正。及亥刻而元去。

十一日。館事如例。加點於元明紀畢。至元正初年。備前少將源光政世子拾遺綱政來臨。見館中之趣。與信常二元初相見而聽口授加點少焉歸。此人頗嗜倭歌。且好翰墨。高庸平生親炙。眷遇殊厚。今日之來亦其所導也。酒井匠作寄惠若州筆二十雙。館事畢而伯元留焉。見其所草元亨三年、正中元年、二年有所改正。及戌刻而歸去。

十二日。朝齋後詣讀耕弟墓。

館事如例。加點于元正紀而至聖武神龜。又及天平二年。正竹、春澤來詣墓。

松平主殿頭忠房有參府之告。

昨今暴風。人皆有懣攸之懼。

書賈白水寫野府記二十冊呈之。是小野宮實資日記也。全書不傳。僅存長元萬壽記。然希世之書。便子編修也。曾聞小右記亦實資記也。未知與此記同否。實資實賴孫。號小野宮右大臣。今夕見常也。所草實德^{享力}亨德紀凡六年。

十三日。休日。館中寂。余獨在館。點檢反古堆殆二十袋。其中可採用者少。安成重晴侍側。

及晚春信往訪勝澄。及秉燭歸。春常有風疾。呼醫立蘇。飲其藥。入夜電覽僧周麟葫蘆集十三冊。其中可抄出者二十餘件。亥半自館歸閨。今日風稍緩。入夜逾靜。自去月朔至今雪降再。微雨半日。其餘晴天。雖無泥滑之艱。然唯厭暴風屢吹。非無不虞火災之慮。頃日彗星不見。

十四日。館中如常。春常微恙。不出席。點自聖武天平三年至十三年。

聞昨日酒井河內守忠明婚禮。娶筑前侍從黑田長之女。今晚携春信。友元赴厩橋羽林第賀之。直往河內守新

宅慶之。路過松平主殿頭宅前。叩其門入見。經二年相逢。互喜其無恙。主人曰。昨日逢姬路拾遺。詳

聞國史館中之趣。察其勞煩。明日登營拜禮畢。則可往見其席。云云。日既暮。談未了而出。出河牧門

與信。元徒步。河邊乘月而行數町。既而與元別去。歸岡則秉燭之後也。余自編修起筆。拋世務了。然

以厩橋羽林父子大禮異他。且平生懇遇不淺。故不辭遠路。如松主殿亦交際不準尋常。故如此。

頃日與永伊牧議。求新板倭書數部。永牧使矢部氏沙汰其價。今日其事決矣。六家倭歌集。源氏明

星抄。萬水一露。後鳥羽院集。長明發心集。頓阿草庵集。及佐々木氏江源武鑒。天正記。加藤清正記

等也。武鑒以下其真偽可擇焉。

十四日。五方大雪積尺許。午後晴。

早朝拜神主。乘輿詣墓。到墓門。步拜上香。雪飄沾衣。又乘輿到國史館。館事如例。訓點自天平十四年。盡二十年。至孝謙終其半。暫休。開戶望見之。則遠近一樣白漫。清景無雙也。

館事畢。黃昏會于六義堂。余及二元。庸貞等也。卜幽。正竹。春海。高澤。南直以雪故背約不來。以雪屋道堯爲題。且標出士峯十詠。戊午勸食。時雪晴月圓也。見士峯映明月。各皆作詩。觀夜景之大也。安成。重晴亦賦之。及丑半。歸國史館而臥。

十六日 友元。伯元。昨日止宿。入館如常。余訓點自孝謙至廢帝之半。

大久保和泉守正朝來巡館中見之。少焉去。此人舊交三十餘年也。

館事畢。各又會六義堂。使伯氏誦昨夜三題詩。而余入浴。二元及伯庸及暮而去。

十七日 館事如例。因高庸不來。不加點。

午前松平主殿頭忠房來尋見草本新本。經歷館中談其所藏之倭書事。移刻而去。

午後永伊牧來問。檢見館中有所談。有所議。事畢而歸。經橋拾遺寄折簡招之。稱有公用。故中前

出館。先過勝澄宅。喜其微恙漸平復。既而赴羽林。有來夏日光法會諮詢之事。吉良少將義冬及其

子侍從義英。及保田苦狹守。大橋長左衛來會。義冬出示上杉家文書。其中文祿朝鮮之役。萬曆天

子有授景勝官職勅書。又有秀吉制法三通。家康公。利家。秀家。輝元。景勝。隆景六人連署。又有秀

吉授景勝狀。有家康公寄謙信狀。又有謙信信玄川中島合戰記。又有家藏書目。皆唐本。朝鮮本也。

余一一點閱之。其中大明勅書附余寫之。可寄一通於羽林。其餘羽林先寫而後可贈館中。云云。喫

著蕎麥及戌刻而出。門外有人永伊牧使也。羽林第事畢則可來談。乃直赴焉。對爐相談。無他客。及

亥半而歸。入岡漸三更。

今日河野良以來訪。長谷川德十郎亦來。田中好安來附。先日所借匠作倭書於好安返之。三人共喫晚炊而去。

十八日。館事如例。加點於廢帝紀二十葉而餘其末。阿部忠右衛門正義寄音問。是亦正朝。忠隆政重昆弟也。此昆弟有故。或稱阿部。或稱大久保。自其父兄存時。與余家交際厚。今日使重晴寫萬曆天子授上杉景勝官職劄付二通。而其一寄甕橋少將。其一爲家藏返本書於吉良少將。及晚返所借于松甲州之書。

入夜見友元所草永曆元年。應保元年紀。今夕友元宿于六義堂。微雨及曉。雨雪交降。

十九日。朝晴。聞友元止宿六義堂。宵分與春信相對讀書。二更之後各探題共賦五言律詩十首。至四更半而臥。

館事如例。點廢帝紀了。至稱德初年。及晚讀友元所草應保二年紀。

館中事以歲暮既逼。以今日爲限。暫休。自來春八日起筆。諭示滿座而去。返所借于姬路拾遺之

倭書數部。今夕信也招其母於六義堂。七娘從之。余獨坐國史館。滴朱於荀悅漢紀。讀高紀一卷。

二十日。早朝加作牧來過。飯後余謁靈廟。遇阿部忠衛門於門外立談。又遇三好能登守。野野

山瀬兵衛於廟門。拜畢。歸時。逢松平若狹守。松平主殿頭。此際稻葉出羽守。小田原拾遺次男毛利左近羽

守弟用外家姓拜聖堂畢。與春信談於館中。問編集之趣。粗見草本。余亦暗語。出羽守頗好文字。少焉主殿頭來。出羽守左近去。主殿頭留談。稍久而歸。少焉藤勿齋來。與信對讀通鑑。朽木權之助。多羅尾權兵衛來。朽木聊有舊緣。多羅尾面友也。不知昨日館事暫止。爲見其樣而來。淺野因幡守來。斯人與勿齋相親。談話移刻。朽木多羅尾去。因牧勿齋留談。喫晚齋中後去。今日永伊牧家人來。與清隆等點檢儲書之簿。

入夜再見春信草本。自昌泰元至延喜七年。及亥半而罷。

二十一日。黎明出岡。卯刻訪厩橋羽林。有障不逢。訪忍拾遺。問編集幾成。諭曰。能戒火災。既出赴小田原拾遺。來客滿座。余與出羽守左近談。與五六輩喫朝飯。卒客去。因拾遺呼入。與談話。或編集事。或神道。或儒家老佛異同之事。其餘件件。及辰半而出。訪久世大和守。他適不遇。乃入永伊牧宅。暫談而出。過阿倍政重宅。暫談。而訪勝澄。入余本宅而歸。

松平主殿頭以其畫工神崎氏寄屏風。是大學寮釋奠都堂合爲一雙者也。去去年余據延喜式新作圖式。示主殿頭。去年今年在國之間。後素新成。頃日參府因厩橋羽林勸而欲獻營中。其書式欲借春信友元手。是亦羽林之所諭也。兼約今日。故余未歸。展屏風於館中。而春信染筆釋奠圖。友元書於都堂講論賦詩圖。又別有同樣屏風一雙。欲贈羽林。倩高庸合筆之。其半書時余歸。藤勿齋昨日聞此趣。今日爲見之又來。阿倍政重來見之事畢。勿齋友元去。政重留高庸等。喫晚餐而申刻歸。

庸也暫在六義堂。今夜節分也。

二十二日立春。祭祖先如例。

午前在館聞春信讀草本。白延喜八年至十三年其間松信重來。少焉去。春海來唱立春上句。余對之。高庸來。聞友元白牛島別墅移神田新宅。贈雁一隻以賀之。口授高庸書五言小絕于短冊。繫雁足遣之。春信及高庸寄七言絕賀之。春海寄一聯。既而使歸曰。友元他適無報。晚炊後使庸點稱德紀畢。此間春信春海聯句及三十句薄暮海歸。戊午高庸歸。昨今使筆吏考禪林集。

二十三日 拜神主謁墓如例。

興山寺雲了上人來。一昨日自高野參府。是方外三世之舊交也。家集所謂文殊院者。興山寺別稱也。伯元道慶來。皆謁墳墓。慶早去。伯元留其所。草有余所未見故也。乃自正中二年至元德二年都六卷及薄暮畢。今日脇坂中務使來。返其所借之倭書數部。五十川三庵來。是亦有舊好者也。午前微雪終日霏霏縱橫。及晚漸積。入夜不歇。伯元侵雪歸。今日水野藤三郎寄茶。此人土屋但牧二男。外祖水野石見守養之。頗好學問。故三四年來通音問。頃間彥根拾遺酒井匠作京極丹後守岡部內膳正永井伊賀守加藤勿齋等寄歲末賀儀如例。松平主殿頭有參府之贈。水戶參議自放鷹場賜所搜之雁。是紀伊參議賜忍冬酒。今日姬路拾遺被贈綿衣二領於春信。昨日加作牧贈蠟燭。是非例也。余采地產午房其味勝尋常人皆知之。昨日贈輕橋羽林。今日贈酒井匠作例也。

又贈姬路拾遺。是有欲試其味之談。故始贈之。

今夜宿國史館。作雪賦。悉以本朝故事形容之。重晴侍座握筆。及三更半而臥。賦在家集。終夜雪降。近則千畝林水戶別莊。加賀廣宅。姬路拾遺園林。隔池皆白。如琪樹瓊枝之連。池水西村灯火。或一點二點幽見。如涵星池。遠則江府千萬戶。玉宇粉壁。或高或低。彼此眺望。富山一色映軒端。可謂無雙絕景也。

廿四日。清書昨夜所作之賦。

見春信草本。自延喜十四年至同二十二年。其中有三善清行意見封事十二條。見之感其忠。奇其才。乃知本朝之古。不可謂無人。故其文雖繁。全載之。今日隨俗例。撞歲初之餅。如例。及晚友元來示。一昨日所贈和章。且見雪賦。爲新奇。借之而歸。

今日肥後國主細川氏寄綿衣五領。彼父祖與先考有舊好。余今秋冬之際。依其求講大學。未終篇。移居於此。然今有此贈者。欲不絕交際乎。今夜讀荀悅漢紀。

二十五日。夜雪至晨未止。一昨日猶未消。併今所降深殆二尺。

興山寺上人寄硯一函。蓋紋雕獅子。作詩謝之。藝陽世子惠其土產西條乾柿。書生野三雪爲使。价此柿先考所嗜也。感懷感懷。午後赴姬路拾遺。兼日阿部政重相約故也。政重依家例。持碾茶呈拾遺。云云。大久保忠隆來會。主人設饗。余與忠隆。政重共對食。既而入茶寮。喫茶二椀。共爲佳品。秉

燭二人去。余留談。及戌刻而歸。入館見漢紀。聞春信。友元會于春常文房。探題賦詩。

廿六日。雪晴黎明出岡赴府。行路白糝糊。家家門外掃雪僅通小路。其左右堆地凍蹶者多。途中口占五言律。卯半到土但牧。赴土能牧面談。而後謁脛橋羽林。屏人暫談。喫飯而出。訪永伊牧。他適不逢。直問京丹牧。酒匠作少休於伯元宅。入細越中第有謝事。而訪渡邊大隅守。暫談過村長州。登營不逢。直訪松平忠房。對話移刻。喫餅酒。及其所藏倭書之事。告曰。先時寄家藏書目。云云。既出訪阿部政重。面話而後入勝澄宅。召本宅留守者。贈采地午房於永伊牧。而訪倉橋三五郎。相語而出。訪友元賀其新居。主人曰。昨夜宿忍岡。午前歸。談未了。春信亦來。共喫餅。奴僕等亦飲酒。既而余先出歸。信留焉。入岡既過申刻。今夜見昨夜詩卷雪月花題各二十合六十首。加批語。春信在側。漸及參半。

廿七日。姬路拾遺有野雞之贈。午前謁水戶參議君。而謝先日賜侍坐清談。移刻而出。訪長谷川德十郎而歸。脛橋羽林有明朝之招。燈下獨坐。讀了漢紀高帝紀。

二十八日。夜未明。出岡赴府。春信同途。信過友元宅。余直到脛橋羽林。來客成群。余在羽林側。接客之間。時時打話。既而信元俱至。羽林入奧。踈者去。親者入。余隨羽林到便所。觀大學寮屏風。是松平主殿頭所贈也。羽林問其趣。大抵演說之。朝餐出。余及信元與群客同喫之。喫了。信元先出。經歷諸老赴永伊牧。余留而隨羽林登營。少焉信元亦入營。已刻大樹出御。歲末賀禮如例。入御後。或叙

四品或叙五位者有焉。永伊牧懷中出紀伊亞相尾張黃門倭書目錄附余曰。來春可點檢之。既而余出。過勝澄宅。入本宅。而直訪姬路拾遺。述歲末之賀。暫談而歸。在館中來賀者二人。伴晚食。及暮。伯元來示東國通鑑抄出一冊至。是會津羽林所寄也。一昨日伯元謁羽林。詳問館中編輯之趣。告曰。今般之盛事。欲有小補於編輯。然不藏倭書。此一冊借水戶參議本抄出之。然彼本多脫落。故借加賀羽林本補之。預我邦事者盡載之。汝持之。可示弘文院。若有小補。則爲幸。云云。此趣今日於營中伯元語伊牧。伊牧曰。羽林之言。詳可達諸老。云云。余先日既借水戶本抄出之。可與此本相考焉。入夜元去。高春澤來賀歲末。

二十九日。雪解。檐溜如雨。道路泥滑。春貞南直來賀歲末。其餘或自來。或寄賀者有焉。聞貞也。直也在六義堂。高庸來會。卽興酬和。及黃昏貞也直也去。友元來秉燭元庸來。國史館有校書事。及亥刻皆去。燈下讀漢紀。

晦日。快晴。檐雪猶滴。

館中閑寂。倚爐讀漢紀。加朱高后紀了。想像城下紛鬧生。

數年以來歲脫乎

暮末逢如今年之靜也。午

後松平主殿頭

使寄脫乎

倭書七部皆小冊也。來春可點檢之。

土井能登守書來曰。春常元日登城。與春信同席。可拜謁。云云。常也。今秋始登營。故歲初拜禮。席未定。故云爾。常風疾亦幸愈。薄暮勝澄來賀歲末。作臘晦詩述景情。

國史館日錄二

寬文五年乙巳

正月大

元日。快晴。

夙起拜神主。試毫作詩。卯刻歲初賀禮如例。卯半登營信常同途。友元待余於元德宅。並輿入城。

殿中御座間。黑書院。白書院。大廣間禮式如例。余拜謁於大廣間。獻劔馬。賜御瀝及御衣一襲。皆如

例。入御時。春信春常友脫乎

元列拜於廊下。各呼其名。事畢余退殿乎

經歷諸老。副執事。及酒匠。作井河

牧加甲牧脫乎

松甲牧等告歲初賀。而過勝澄宅。暫

休赴酒脫乎

河牧。佐牧。姬路拾遺而述賀。皆不拘次第。

隨便路也。未半歸岡。改朝服着儒服。拜聖堂。時伯元來賀。事畢拜墳墓。而後入。與喫晚炊。妻兒同伴。

壽酒獻酬。時勝澄來賀。日既暮。入國史館讀漢紀文帝初年。亥刻入寢。

二日。晨拜先妣神主詣墳墓。辰半友元來賀。携元及春信。拜東照宮大猷院殿。而赴太田攝牧。而

述賀。直到水戶邸尾張邸及榊原刑部大輔留守。各告歲初禮。歸。及未刻。余例年往賀歲初。殆五十

餘家。然今年有官事。且在遠僻。故減少之。昨今而罷。來賀者。或姻族。或舊知。或門生筆吏。不為不多。

其中示詩亦有焉。或以此地遠故。到本宅賀者亦有焉。皆如例年。故不記焉。今日松平主殿頭寄倭歌。入夜和春信。春常勝澄詩韻。戌後雨。及曉雷雨。

三日。晨晴。隨例設饗膳。祭神主。

遣春信於府。携勝澄而經同脫乎諸老副執事。凡幼童歲初賀儀。以今日行脫乎其式。姫路拾遺示倭歌贈

隻鴻鴻俗曰。遣和韻於忠房。又和友元韻。永伊牧來過。暫談而去。阿部政重來。其餘來賀者有

焉。和姫路拾遺倭歌。和伯元韻皆例也。其餘和韻逐日可作焉。

四日。辰前姫路拾遺來儀。早々而去。

終日閑暇。和韻十五首成。入夜六首成。多是居邊之作。雖似無益。先考達才之餘。年年和詩多多。遂爲家例。

五日。興山寺來賀。打話移時。佐道慶等數輩來賀。友元正竹來。喫晚炊而去。使信常分。和

章清書之。其中余自筆亦有之。入夜讀虞書堯典首章。孔傳蔡傳。併疏大全見之。及夜半而臥。

六日。依友元招。往赴其新宅。信常勝澄及卜幽。伯元春海正竹高庸春貞等會者二十餘人。各賦

喜遷鶯。又探字賦。柳塘春水。又舉管相故事十五件。探題賦之。春海唱句。主人對之。夜闌詩悉成。及

四更而歸。姫路拾遺寄折簡。告曰。猪日夜大坂雷火。天守災云云。

七日。電覽朝鮮權陽村集。陽村名近。自高麗末至朝鮮初。以儒學鳴其國者也。此書昔借水戶本。

見之。今書估持來。暫留焉。其中寫二三件。有預於我邦故也。明日以爲館中起筆故。以點檢藏書。以他方舊記未聚故。不召儲書者。及晚高力伊豫守高長寄歲旦歌。和其末字。附其使遣之。白井英信自水戶寄歲旦詩。就春信乞雌黃。乃次韻附便風。凡和詩至是三十首餘。

八日。辰刻館衆咸集。草者起筆。侍史筆吏校書抄出如式。永伊牧使者來。午時藤勿齋來過。聞見館事。加點于光仁紀。自寶龜二年至六年。晚炊了。館事畢。余着深衣幅巾。講堯典首章。館衆之外。正竹道慶。南直春澤兼聞之而來。聽勝澄來。祐清從之。真瀨正球。岡井碧庵偶然來聽。勿齋亦留聽。昏暮講了。勿齋及正球。道慶辭去。秉燭開雅會。以花在中爲題。又賦鷺誦。呂望亥刻勸餅羹。三更之後衆皆去。正月上旬講筵雅席共爲家例。

九日。館事如昨。加點自寶龜七年至十年。晚炊後內藤左京亮使者來。寄倭書五十部。多是小冊也。點檢之而留三十餘冊。其餘附使者返之。且告其趣於永伊牧。又點檢紀伊亞相尾張黃門書目。余所未見者僅五六部。故尾張亞相藏書多多。且編修御當家事年久。今黃門秘而不出。是以不見目錄。

十日。館事如例。寒岩來。與山寺弟。

坂井以仙來。以在遠方故。初來于此。

加點光仁紀了。至桓武延曆二年。

館庭有水桶其口大而圓徑五尺許自舊臘雪積不見頃日雪消然墜水掩口遂日稍解然桶中水猶厚今日使奴曳出之圍如鏡其大圍三尺餘試以細繩揭之掛于檐下晚炊之後館中少壯弄之以暫慰鬱氣入夜水鏡自若露滴洒垂然猶掛未落乃知舊臘嚴寒凝結殊甚而今春餘寒未散

水鏡歷五日而悉消

十一日 館事如恒已刻喫鎧餅是仕幕府者之流例也 春海來

及暮携二男二元春海高庸赴興山寺入浴以爲宿梅爲題各賦一絕聯句少許主人寒設素食與海談昔事夜闌而歸

十二日 館事如例 昨今加點恒武紀至延曆十年續日本紀終于此 勝澄來詣讀耕墓佐慶

正竹亦爲詣墳墓而來春澤亦然友元高庸既詣墓及晚余詣讀耕墓信常今日既詣

今晚奈須元格初來見聞館事格自童稚出入余門殊親炙也頃年專勤家業不得暇故來問遲々格父法印玄竹當時侍醫之老也 今夕友元南直春澤留在六義堂

十三日 休日也 黎明出岡與中顧視雲霞出海曙而行經歷諸老食於久和牧與阿豐牧談逢

厩橋少將且訪永伊牧松尙舍而過勝澄宅入本宅開文庫考閱書史會要宣和書譜廣百川學海

以有用於國史事也午半直赴脫乎姬路拾遺則春信先至既講孟子了友元伯元春尙高庸正竹春澤等在焉晚炊畢賦春生殘雪外又賦早春雲詩歌合四十首及亥刻而歸姬路主人歲初雅會亦例也

今日保田宗重宗雪來與信常談示其歲旦詩又聞天野彌五右衛門來與信談余夙出夜歸故皆不逢。

十四日。館事如例。加點延曆十一年至十三年自此至淳和則日本後紀闕失往歲讀耕子受先考之旨廣攻致力群書所補也。

十五日。朝拜神主供赤粥餅例也祭畢詣詣墳墓。館事如例。午半勝澄來伴晚食。申半被信等誘遊狛庸宅友元春常正竹同行重晴春帆從焉探闕賦一字題及夜半而五十首成月下吟步而歸快晴如晝行程太近逸興猶殘。

十六日。館事如例春貞病而不來。

昨今點延曆十四年至十七年。

入夜信也所草延長紀一見了自元年至八年醍醐帝治世終於此。

十七日。高庸候楓山不來館如例故無加點事點檢頃口抄出之倭漢件件以分爲各帖以附信常二元。源尚舍忠房及嫡子好房詣東叡山神廟歸路來過其別業在淺草明夕約入浴事去此甚近也暫談直赴姬路拾遺聞拾遺微恙故也余亦寄書問之。

昨晚金森範明寄書贈雁書中有相思之意作詩附使遣之今晚寄答歌二首再和而投之此人交際雖淺專好倭歌去年守駿城畢事歸府其居甚遠故不久逢焉。

薄暮到久娘墓。燒香。入夜和保田宗重試筆韻。又和柳原刑部大輔政房倭歌。姬路拾遺錄。時在姬路。又和勢州郡代八木但馬守宗長倭歌。時在治。皆是例也。

十八日。館事如例。點延曆紀。

及晚永伊牧寄書曰。明後二十日。台駕詣東叡山大猷院靈廟。館下多事。可能編輯事。云云。及暮携信常友元。高庸赴源忠房別業。春海偶來同行。主人父子來待。入浴。打話。設飲食。及亥刻歸。

十九日。休日如例。詣東舟敬吉墓。

野三竹來。先入六義堂與春信談。余亦同席。談話移刻。余以兼約赴姬路拾遺。竹未去。

拾遺席源尚舍父子。吉良少將等會集。尚舍與拾遺交際殊睦。尚舍在京。隔二年參府。故設饗。吉良與尚舍交厚。故同來。及秉燭而歸。今夜齋居宿館。雨降寂寥無聊。讀漢紀畢。文帝編子前就枕。

二十日。雨降。台駕不詣東叡山。

午後勿齋來。讀通鑑綱目。及夕而歸。

脛橋少將寄尺簡曰。明朝有公用。卯刻可來。云云。

二十一日。夙興赴羽林第。預聞日光山法會事。已刻歸館。事如例。春信一校頃日所點。使庸也正誤字。凡余點了後。附信再校之。

廿二日。館事如例。

今夕齋居。春信友元侍焉。議來月釋菜之事。以濂溪望花爲題。以宋度正濂溪詩有望花尋柳過溪居句也。友元所草長寬永萬仁安紀一覽之。

廿三日。先考正忌日。夙起。驟衣素服祭。神主其儀如式。既而詣墳墓。畢事入館。館奧掛先考肖像。狩野探幽寫之。上香。館衆之外門生來者皆拜焉。留談者喫晚齋。勝澄獨拜。神主影像墳墓。門生等或肖像及墳墓。或肖像。或墳墓耳。今日點桓武紀了。

卜幽唱懷舊之句。余對之。春海友元伯元信常等巡聯至九十句。及三更而罷。

廿四日。館事如例。點平城紀。申刻後赴勝澄宅。修歲初之賀。信常二元佐慶伯庸高澤等爲伴。食卜幽野篤春海亦來會焉。各賦未開梅花柳陰待燕二題。春信友元爲序者。且鼎聯二十四句。及四更而歸。

今日午前暖和。薄暮暴風。及曉殊甚。

廿五日。休日。暴風未止。

今日依兼約。應永伊牧晚炊之招。午半出岡。信常二元及庸貞相伴到彼宅。既未刻也。饗畢。主人要詩。各賦門柳繫馬。竹裏爲二題。且講孟子。是數年以來時時所講也。伯元以棠陰式日故遲來。黃昏官醫宗悅法印暫來而去。既而悅子宗立來。年未到成童。從伯元學。頗伶俐也。伊牧因悅早去。使人迎之。講畢二題清書畢。設點心。其後因主人之求。高庸書大字及草字。亥後各辭去。歸岡漸參半。主

至力

人雖有湯浴之設。因風吹而止。頗爲遺念。

廿六日。館事如例。加作牧書音到。

昨日他適之際。尾張黃門使者來。寄倭書三部。皆小冊也。今夕見春常所草康正。長祿。寬正紀。此際關東成氏與上杉矛盾。源義政使政知東行。又畠山政長。義就嫡庶相爭等事。舊記僅殘。無所統紀。然彼此取捨。^{捨力}始末稍見。太勞校索。

廿七日。館事如例。點平城紀了。

及晚。既橋少將贈惠西條乾柿乾魚各一箇。繁務之間。懇意之及。謝而有餘。赴生野松壽宅。館衆皆會集。探三十題。及四更而歸。

二十八日。館事如例。點弘仁紀上。

申刻依招赴既橋少將第。保若牧大澤右近等會焉。問神社事件々答之。其餘所談。雅俗相雜。主人快然。自去冬以來。有妖僧空觀者。以邪術誑人。良賤信之者十之八九。雖權門及顯者。陷其邪術。頗知文字。高談道理者。亦揚摧之。然主人不惑其言。今夕及此事。深厭之。若牧嫉此邪人。如寇讎。此僧揚言以光明真言法有所開悟。治舊病。又以咒文。使濁井乍清。使智井涌水。其信之者僉曰。其驗多矣。保牧曰。此妖僧可斬。一變爲耶蘇乎。凡五六十日以來。滿城競求。依憑如市如堵。在權門則既橋少將。姬路拾遺不肯信之。及今茲疑者稍多。二三日以前。邪僧去。府婦鄉。今夕主人談曰。婦女之輩。

置而不論。平生好學自負者。爲彼被迷者可怪焉。余曰。不博學而高上者。其身以爲得工夫。然傍觀之。則如參禪之徒。其所見隘狹。故被彼邪僧驚。而多年之工夫全輸了。云云。亥前各辭去。

二十九日。顯祖理齋正忌日也。祭儀如例。辰刻依招赴大久保出羽守宅。是營中近侍臣也。頃日使狩野永真畫本朝三十六將。是往年依台命余所撰定也。出羽守傳台命使余議其畫樣。余所思件々示諭永真。

午時歸岡。館衆所勤如常。

今夕赴姫路拾遺夜話。及亥而歸。

今夜雨降。

晦日。雨止終日暴風。及夜而靜。

館事如例。內藤左京亮寄示倭書十部。皆小冊也。

申刻館事畢。抄出神社之事。口授重晴草之依經橋少將之求也。

自八日起筆。至今日。余所點光仁紀一卷。桓武紀三卷。平城紀一卷。儲書誤多改正之。猶爲有漏脫。附春信再考之。信之所艸及十卷。二元。春常之所草漸漸而成。其餘所新寫之倭小說殆二十冊。又借酒井匠作所藏諸家系譜舊本。改正家本。其餘筆吏等所考倭漢之書亦多多。春貞一考元亨釋書了。抄出義堂日工集。云云。自去冬以來。所寫之新本加裝演。使高唐標書之。抄出群書者名曰國

史考抄出中華書者曰外考倭事漢事相交者曰雜考此等之類逐月積歲而後可序其次第先考曾纂本朝事之出中華書者號日本考又有朝鮮考俱羅丁酉災余常惜之今以官事之次自補遺書是亦一幸也。

二月大

朔日。雖爲休日。以不登。營故館事如例。夙拜。聖殿。次祭神主。次詣墳墓如恒。

庸也詣紅葉山勤事。午後來館。故加點不多。今夜草釋來論議問答。使安成重晴執筆。信常在側。

二日。祭先妣詣墓如例。

館事如例。友元依伯母之喪不來。

松平尙舍告昨夕姬路拾遺始得孫男太悅。乃是榊原刑部大輔室家所產也。

點了弘仁紀上卷點中卷數葉。

勝澄來拜墳墓。留而喫晚齋。賦五言絕句。和韻授之。及暮而去。信常伯元高庸問友元之喪。余告。

永伊牧曰。友元經幾日而可出于館否。彼伯母在京而死。自其死日計之。則國俗穢忌之除在近日。

也。且此館非營中。近邊則雖出席亦無憚乎。可待來諭云云。遣使問卜。幽元德之遇姊喪。

今夜論議草成。重晴執筆。

三日。館事如例。伯元登。營不來。

午前松平主殿頭來。大久保忠隆來。皆賀姬路拾遺得孫而過于此。長谷川德十郎來。皆早レ而レ去。未刻伯元寄簡曰。今日賜宅地云云。及晚携信常庸。貞而往賀姬路拾遺。秉燭而歸。

四日。館事如例。永伊牧寄書曰。友元出席待俗忌畢而可也。以私意難決云云。

春海來喫晚炊。及暮而歸。

今日太田攝津守資次使家人小川氏巡視聖堂門外。爲釋菜日近爲警衛也。先考在世之時。脇坂氏伊達氏警衛累年。其後太田備牧勤之多年。其間有故障。則永伊牧家僕勤之。今茲備牧雖在遠州菜地采力。依兼約而攝牧可勤之。然聞其妹臥病。故雖辭之。攝牧猶守兼約如此。今夕館事畢後。攜春信往訪攝牧。問其妹之病。薄暮而歸。

入夜見春信所草瀧溪望花詩序。是釋菜詩題也。

五日。館事如例。伯元高庸春貞來。

六日。館事如例。今日雨。寒氣如冬。午時雪。點了弘仁紀中。姬路拾遺使者來。贈肴二種。且有明後夕入浴之招。是釋菜前之例也。

七日。釋菜習禮。依爲休日也。

太田攝牧使者小川氏率匹夫作。先聖殿竹垣。永伊牧寄書曰。昨日告諸老於國史館庭。可作穴倉爲備不虞火災也。諸老皆頷之。乃諭松信重云云。

八日。春分祭如例。館事如例。松信重等來視穴倉之地而去。薄暮携信常伯元、高庸而赴姬路拾遺入洛。戊午歸。

九日。館事如例。但至午半而罷。依明日行釋菜。兼與伊牧議如此。

午前藤勿齋來示華筆大幅。織文字於黑絹。其四緣織畫紋。筆痕殊勝。畫線亦美。其文葉向高賀薛老奏續序。卽向高自筆也。館衆皆見而奇之。余家藏向高集。號蒼霞草。乃開見之。則賀薛老奏續序載續集。併考之。則不違一字。勿齋大悅。借其一冊而歸。

松平主殿頭寄音問。明日有釋菜否。且曰。太田攝牧若有故障。則使其家僕勤明日之番。午後使重晴等調進祭供。雇姬路拾遺匹夫掃除庭上。及晚信常伯元、高庸、春貞、春澤及諸生等入堂點閱。信常等着深衣。獻祭供。安成久在我家。然其釋菜陳設。實依自服機使。重晴代之。

薄暮既橋少將使者上田氏來贈酒四樽。生鯛兩箇。鹽鴨十箇。可備明日厨料。云云。懇謝使者。

今日午前晴。午後曇。及晚微雨。及夜而雨止。天猶陰。

今晚永伊牧寄書曰。明日釋菜珍重。唯期快霽。欲往拜之。然有官事不果。頗爲遺憾。且告曰。紀伊亞相使者來。爲國史編輯。呈其家藏當代記九冊。云云。是爲

東照神君之事跡乎。雖被深秘。不洩。官命云云。定知邇日可達於國史館。至則可禁他見。云云。余答書曰。雖爲何樣書。不遺于他所。若夫寫謄之間。則足下家人并余侍史。暇不離其側。勿勞心。余先

日答阿豐牧亦如此。

十日。快晴。殿力未明重晴等入殿力陳設信常等盥之。春澤風來。伯元高庸等來。伴朝殮辰刻諸徒皆

會自國史館至殿力殿門鋪筵道。廟庭鋪薄緣筵。太田攝牧家來守之。辰半釋菜始至午半而畢。其事別

記之。阿部豐牧京極丹牧藤勿齋寄酒肴賀之。其餘贈菜肴輩猶有之。松平大炊頭主殿板倉隱

岐守吉良上野介高力伊豫守一柳山城守等數輩其餘來視者滿堂微賤者居堂外及晚友元來

賀。伯元春海留談及暮而去遣使賀勝澄今日始勤役又使人勞守番者皆寄酒肴。

十一日。館中如例。北島三立來。

及晚往厩橋羽林忍拾遺謝釋菜贈酒肴與拾遺暫談問釋菜之儀并館中之事。歸路過勝澄宅訪

友元而歸。

十二日。館事如例。使筆吏寫釋菜詩卷以爲冊子。及夕赴太田攝牧問其妹疾。謝釋菜守番

之事。歸路過卜幽叟以問其居姉喪暫談而歸。與山寺上人來與春信談余亦暗語移刻。

今夕友元潛來六義堂既而與信常及春澤到。聖堂後月下鋪吟遊梅邊賦詩入書院談笑余不

知之。亥後就元等三更後歸。

兼口與姬路拾遺約明日赴松忠房別業可開詩歌筵。然拾遺有微恙而延引。

十三日。休日也。寄書問姬路拾遺之恙。答稍得快驗。終日在館裁答遠方書信。俗書高安成執

筆殆二十通。南直頃日有遊洛之志。然待釋菜而延引。今日來六義堂。告明朝發途。及晚來館示其留別詩律一首。絕句一首。信常既和之余。亦走卒和律詩以示之。於是直辭去。信常有惜別之情。送之至門外。今朝天氣好。午前南風頻吹。終日不止。及夜稍靜。薄暮高力伊豫守寄書借釋菜詩卷。乃附其使而遣之。終夜大風。

十四日 午前後風烈。及晚而止。

館事如例。伯元赴棠陰。春貞病發。余父子三人高庸在館而已。侍史筆吏等如恒。

永伊牧來視。少焉歸。點了弘仁紀下卷。

田中好庵來附與諸家系圖返之家本一校。補書畢故也。自正月中旬始借酒井匠作本。命侍史等至今日終功。及晚正竹岡井碧庵來談于六義堂。

十五日 終日陰。朝拜神主詣墳墓。

館事如例。伯元高庸春貞皆來。

點淳和紀。自天長元年至二年初段。

及暮問姬路拾遺風疾。直赴正竹宅。友元及春澤先在焉。信常亦至。安成春帆從焉。戊刻高庸至。伯元有障不來。勒四字爲韻。各賦花庭露。題爲不易韻亦難矣。喫頓點心。而亥刻半詩成。又以讀李白春夜宴桃李園序爲題。各作絕句。子半歸。入館而臥。漸過四更。

今夜薄霧滿庭。微雨淋漓。及曉點滴。遠檣。燈下讀漢紀景帝編。

十六日。雨。

館事如例。無他事。無來客。

燈下讀了漢景紀。又讀武紀一卷。

十七日。館事如例。高唐候楓山不來。故讀伯元所草元弘元年紀。笠置赤坂尊雲熊野之難事。

多文繁。聊刪其繁冗。自己至未半而了。松平忠房及其子好房參拜東叡山神廟。來過于此。少焉

去。及晚。既橋。少將脫乎寄簡曰。明夕可來談。云云。舊冬姬路拾遺與既橋少將約。可寫仁明紀文德實

錄。寄之。頃間寫了。請余傳達之。故寄簡告明夕之行。拾遺報曰。明晝可遣二部於館中。

薄暮詣久娘墓。紅白梅爛熳。曳杖徐步。而到聖堂外邊。杏壇花漸開。佇立徘徊良久。黃昏入館。頃

日使春貞一覽五代史。無預國史事。今晚附與皇明從信錄校之。使寄力重晴抄出元史本紀。至今日而

畢。石川主殿頭昌勝寄年代記數部。使安成檢異同。抄出之。其食寄力生徒或對讀新寫本。或見倭字抄

標出件。且作目錄。或拔朝鮮牧隱集武陵雜稿等數件。或抄出禪徒遺稿。各量其伎倆命之。

信也。筆記之暇。一周覽本朝文粹。加朱句了。匪啻便于記事。論其文章。故邇日駢儷之文。漸進步

可喜。

頃日與信常友元等談曰。今月二十五日。昔相忘日也。爲我國儒宗。且編類聚國史。幸當休日。可會

諸徒拜其畫像以賦詩。僉曰：固可也。今日出二月梅花題。

十八日。館事如例。點淳和紀天長二年浦嶋子歸白蓬萊段。

姬路拾遺寄新寫續日本紀文德實錄。欲達于厩橋少將。佐慶來。

松平霜臺使書生三雪問起居。

中半赴厩橋少將第。吉良少將品川侍從先在焉。談日光法會事。品川奉使于京。頃日歸府。談公家之事。戊刻歸岡。伯庸猶在六義堂。余亦至焉。少時暗語。

今日遣使於官庫。借官本日次記二宮全部十宮。可逐次借之。庫司星合氏三雲氏淺羽氏渡與余使云云。此二宮之內有天曆所平天德日記。又有長寬仁安嘉應承安日記。邇日爲使春信友元校閱之也。日次記者二條殿秘密藏也。官庫及尾張殿亦有之。三部之外無之。自天曆至寬元記之。其間闕

年惟多先考曾雖寫之。羅丁酉之災。今般永伊牧請諸老許借焉。

十九日。休日也。友元來。今日除穢。自明日可出座云云。今日閑暇作祭管相文。且定祭儀次第。重晴執筆。信也侍側。常也灸治在私室。及晚間。姬路拾遺之疾。且告達于二書於厩橋少將云。

云。拾遺氣宇猶不快。招余於寢處。暫談。黃昏歸岡。今朝詣敬吉墓如例。

燈下讀荀悅漢武紀。

十二日。夙拜廟堂。

館事如例點天長紀了。

已刻養安院法印。元德法印來皆自。廟堂歸路也。約養安院借東文選。午刻永伊牧來曰。今晚諸老赴日光門跡之饗。某亦爲伴食。歸路勸諸老過此。視館中之務。既而出。此間京極丹後守惠於書院。不及逢余而歸。黑澤木工助定幸來問少焉去。未刻伊牧亦來曰。勸諸老過此。厩橋少將曰。舊冬既往見之。不及再行。云云。忍拾遺。久和牧來否。未可知焉。小田原拾遺。今晚不在饗席。云云。渡邊大隅守來自饗席。既而久和牧及井上河內守加加爪甲斐守同來。和牧詳問編集之趣。信常二元及庸貞等列坐。謁焉。伊牧詳述勞動之事。余出新本草。抄出本等人一覽。河牧使信讀。延喜元年一段。既而和牧起坐。電覽次座侍史筆吏小生傭人而歸。河牧同歸。甲州隅州窺。聖堂自表門出。和牧河牧出自裏門。伊牧及余送之。時聞忍拾遺直歸。於是伊牧與余入聖堂。甲隅二牧既去。伊牧自表門出。歸。此間倉橋長右衛門遠山彌七郎來。倉橋入與遠山在館。二氏皆有姻族之好。少焉二人去。時速未半。今日藤勿齋詣。廟堂過門外。見輿馬之多而不入而去。館事畢。余逍遙聖堂門外。壇畔杏花盛開。壇有四株。其大株二箇者友元所移栽也。小株二箇者永伊牧所寄植也。信與友元携手赴姬路拾遺。同其恙。移刻而歸。拾遺今日少快。暫談問館中誰人來否。詳演說之。云云。黃昏松平主殿頭寄尺牘曰。明日可來遊于淺草別業。云云。入夜見春常所草自寬正三年至文正元年。其敘事之文稍進步。

今夕附管相祭文於高庸爲使清書之也。又諭告紀納言。管三品紙牌之事。以此二儒爲從祀故也。今晝辻聊適來以宿病稍快始至暫談詣先考及貞毅墓而去。

二十一日 黎明出岡應旣橋少將之招依日光法會之事而吉良少將并上河內守加々爪甲斐守等來會焉。今茲四月十七日正當 東照大神君五十回辰去歲命旣橋少將總裁法會事吉良掌公家之事河內守甲斐守爲寺社奉行岡田豐前守掌雜務之事皆受少將之指揮余及春信亦依舊例從少將可登日光山去歲旣有 官命云云辰半訪久和牧永伊牧而過勝澄宅而歸時旣已半也館衆皆集如例少休點淳和紀中十葉餘 今日風暴故不赴尙舍別業 三竹來問少談而去

及晚伯元春常高庸訪姬路拾遺疾友元談于六義堂余亦晤語及 本朝故事及詩文之事

二十二日 館事如例 加點三十葉

官吏率工匠匹夫掘穴倉於館南庭及西庭二處 及晚問姬路拾遺疾入寢處談一雨日兩力七箇不快

二十三日 拜神主詣墳墓如例

館事如恆 點淳和紀了至天長七年 高庸清書祭管神文及配位紙牌了今日匹夫四五十人掘穴倉工人作大箱器々掩耳滿庭土積成堆

入夜作二月梅花詩信常伯元以下詩成者有之友元序未成庸貞等詩未成勝澄今日參某作梅花詩示之

二十四日 館事如例 點淳和紀下

明日詩題衆作皆成友元序成

松平日向守來訊暫談而去內藤左京亮來巡視館中而歸

二十五日 風烈午後而止 休日也

館中中央懸菅神像南面左貼紀納言長谷雄紙牌右貼菅三品文時紙牌各置案于其前掛帳設香案供玄酒插紅梅於瓶獻祭膳余獻爵於神像春澤司尊祐晴安成春凡配膳以仙掌儀高庸爲祝春貞開帳余盥漱燒香獻酒時正竹爲贊者高庸讀祭文余畢事着座時春信友元左右分獻次春常勝澄左右分獻了着座次正竹以仙並拜高庸唱拜興次高庸再拜春澤春貞以下兩人充再拜以仙唱拜興各畢禮着座次獻二月梅花詩春信爲讀師重晴爲講師先誦友元序而自下輩詩讀之至余詩而畢重晴退於是筆吏小生等徹祭供而閉帳各退脫深衣而飲食配福酒竟宴各賦紅合倚雲詩時卜幽來詩成而漸退去卜幽友元高庸松壽殘留聯句及戌半而歸今日佐道慶至後期故祭畢拜神獻詩野村三雪松壽者來觀其儀而已今日伯元以棠陰式口故不能來于此今夕山妻有風疾故信常侍側不來館中卜幽等歸後余亦入奧少焉歸館菅神者本朝儒

宗祭祀過七百餘年。然爲浮屠被掠。昔先考曾設小祭。余追懷之餘。聊准釋菜之禮。神其歆乎。

二十六日。館事如例。

及晚間。姬路拾遺疾。友元同行。

二十七日。館中如例。點淳和紀下了。自桓武末至天長十年二月。正史闕。先考亡弟遍搜稗說。所補也。傳寫之誤。備書之差。點檢之勞。口授不進。就知當時考索之難。而追懷殊甚。昨夜今夕。口授重晴記。管神祭儀。載祭文及詩。及序於其末。以爲小冊。號管祭一會。

二十八日。早朝。松平日向守使者來。請使高庸書人九碑文於石。又使祐晴寫一通。寄彼寺僧。而贈土產一種。

館事如例。點仁明承和元年。此續日本后紀始也。自此至光孝紀。皆先考因舊史損益之。頃日

使春貞併考皇明通紀。憲章錄抄出之。內藤左京亮所借之書。新瀉漸畢。寫力申刻以後。問姬路拾

遺病。自昨日飲內田玄勝法眼藥。是當時老醫名世者也。聞頃日忍拾遺久世和牧來問。今日上使松平因幡守來。主人被小生扶。而對面奉謝之。上使詳問病證而歸。井上河內守聞。上使到

而來視。云云。余到時聞其進膳。暫待之。時既橋少將來訪。余先出晤語。既而從少將入。奧主人起而倚爐。與少將談。少將歸。主人起坐不能進步。一揖而已。余送少將到玄關而復入。時玄勝來診而去。余暫留談。而及薄暮而歸。彼疾惡寒發熱。飲食減少。顏色瘦衰。然元氣猶壯。病間則談笑如常。

頃聞貴戚國主城主來問不絕就中松平主殿頭父子每日來問云云。今夕讀漢紀盡武帝紀。

二十九日。館事如例。

館事欲畢時大久保和泉守阿部忠右衛門阿部四郎五郎兄弟三人訪姬路拾遺而來過于此。不幾及申刻清隆勸酒於三客高庸爲伴移刻而去余以兼約携二元赴興山寺至則日暮入浴室主人同浴及戌半而出浴談話喫素食及亥半而歸。今夕信常侍母不同行庸也他適不從。讀漢昭

紀了。

頃聞^{問方}彗星又出如舊冬云。

晦日。夜中雨降至朝滂沱午後晴。館事如例。高庸有病不來自巳刻至未半讀春信所草自

承平元年盡七年至天慶四年其間叙將門純友謀叛始末以日本紀畧扶桑略紀爲本併古事談著聞集今昔物語將門記考之加本朝文粹官符其餘小說補足之殆三十葉云云高麗永竹來傍觀傾耳不能歸而嘆感永竹邇日治山妻疾遂日有効。及晚與二元逍遙園中櫻花大小數十株其中二株花開其餘猶未綻桃花數株爛慢杏花半開半落彼此慰目悅心以終日勞事且日既暮故不及吟詠既而與二元攜手出門伯元歸去余及友元直問姬路拾遺疾其侍醫玄蘇談曰昨朝小快午後發熱困勞終夜不平自今晝小安若一兩日之間不得効則殆危乎今日小田原拾遺來問太驚云云余辭陶而歸使春信往訪之及秉燭而歸。

三月小

朔日。夙拜聖堂祭神主詣墳墓如例。

休日雖可登城以上已在近而止。

午前訪姬路拾遺今日少快松平主殿頭父子與余共被招於寢所暫談時拾遺新誕嫡孫其姊來乳母二人抱二兒出進拾遺欣然被扶起愛之少焉共尙含辭而歸。

今日館庭穴藏二箇俱成。勝澄來拜神主墳墓。明日先妣正忌日今日午後閑暇齋居素食讀漢紀宣帝二卷。入夜又讀漢紀二卷宣帝紀畢。戌後雨至亥半未歇。

二日。雨晴。先妣十回忌辰早祭神主。懸衣素服祭畢詣墳墓不脫懸衣。入館訓點如常春澤夙來勝澄午後來皆伴晚炊表食素力隔坐設魚味膳進館衆及晚各出園中觀櫻花每人折枝而歸園中

櫻花有遲速。聖堂背二株樹大而花多。去年名之曰祖鞭曰吳笠者也以其先開與其枝似笠也。

三日。夙興拜神主。隨俗供艾餅其餘儀如例事畢上已家儀如常既而携信常登營友元會途中伯元先在營拜謁畢逢諸老與永伊牧談保若牧晤語既而經回諸老賀上已過永伊牧宅暫休喫餅且議館事來月日光往還中館徒皆休息而可也。今月二十日以後休館事可催旅裝云云。少焉出過勝澄宅攜之直問姬路拾遺疾今日少快來間人多不及對面而歸春海道慶待余歸而在館正竹來竹慶去而海留及晚友元高庸來於是携信常元海庸等遊東叡山觀櫻花滿路松壽

逢于途中。日暮。歸館各賦詩。及亥半而皆去。

四日。館事如例。及晚間拾遺疾入。寢所暫談。侍醫曰。病證迫日而輕。然病本難治。虛熱來往。飲食日減。云云。拾遺手示一紙。開見之。則病中見櫻花所詠也。其辭至悲。既而退去。在次座與侍醫等語。聞邇日厩橋少將再來。忍拾遺久世和州皆再來云云。又聞有台命召刑部大輔。今月中旬可着府云云。

入夜雨降。獨坐思修史事。賦絕句一首。

昨日於營中忍拾遺謂余曰。頃日築射場於淺草別墅。欲掛額。或一字或二字。可示之。今日書恒字。中書。睽卦。及觀德。志毅等字。以寄之。恒者如月之恒之義也。中者發中之義也。睽卦者。孤矢取於睽義也。口授安成草之高庸清書之云云。此別墅往年先考爲記。書板掛之壁。其板羅吳拾遺去年請春信改書之。又作馬場。請余爲之記。且求額字。書馭字。遣之。故今射場額其求之有由乎。

昨日伊牧語曰。此間品川侍從爲上使上洛。歸府在京間。兩傳奏飛鳥井大納言。正親町大納言曰。本朝通鑑編集事奏聞。法皇詔曰。是固好事。書成則可借寫之。諸公家中二條前關白家藏舊記。然秘不出其所秘。皆是有識故實也。可載通鑑者。皆廢興存亡之事也。非可秘之者。一部中所秘所不秘相雜。則遺其書於江戶。朕亦難命。不如除所秘。寫所不秘者。遣抄本而可也。云云。牧野佐渡守近頃歸洛。與諸老議而可示論之。云云。

五日。雨晴。

館事如例。見伯元所草元弘二年紀。是光嚴帝正慶元年也。卷首表出二帝。分書二年號。以先帝新帝別二主也。此年多事。自巳刻至未刻一見了。叟晚炊而後。點了仁明紀上。既及申刻。抑後醍醐。光嚴二帝未詳何爲正統。後醍醐爲武臣被廢。然不讓神器。無傳位之詔。而光嚴者武臣所立也。由是言之。則正統不待辨而明也。宜用元弘年號。書帝在隱岐。分註書光嚴帝正慶元年。然以後嵯峨帝以來皇統兩流而言之。則光嚴爲嫡。後醍醐爲庶。若雖無兵亂。後醍醐後可卽位者光嚴也。且今日之皇統出自光嚴。則不忍除此一帝。故兼示諭伯元而並書二帝及元弘正慶。自此以後南北朝亦准之。

館事畢。詣墳墓。携信常勝澄行墓祭。春澤及侍生等執役。其事在別記。墓祭者。古人寒食日行之。或清明行之。冬至以後一百五日爲寒食。則其日自在清明節中。然朱文公家禮不拘寒食清明。唯曰三月上旬行之。故余家墓祭以今日爲例。自是亦在清明節中。申半後墓祭畢。及暮松平信重來。見穴藏。遊園中折櫻花一枝而歸。

六日。朝起。和姬路拾遺病中見櫻花倭歌末字。乃白筆淨書。添長匏遣之。

館事如例。午後見友元所草自六條院仁安末。盡高倉院嘉應二年。至承安二年。凡五卷。及申刻畢。薄暮訪姬路拾遺。其近習者語曰。今朝和韻手之口之太怡悅。其添長匏祝之。亦被歡喜。既而

拾遺使侍者被謝之。聞其就寢而不逢而歸。侍醫談曰。比前日。則脉能痰減。胸膈開通。潮熱亦輕。然飲食日減。氣色衰疲。齡既六旬餘。彼此併按。則死生之際未決。云云。

今晝小田原拾遺折簡來。明日有公用。已刻可登。營云云。

七日。休日也。辰半登營。諸老有咨詢事。午後出營。以兼約赴藤。勿齋芝濱宅。信與友元先

至。與主人逍遙園中。櫻花數十株爛熳。其餘梨花桃花亦開。列酒肴設宴。應求作春日宴芝園賦。自裁力載館事。以路遠故。不久到此。故主人殊喜。雅談吟哦。夜半歸岡。

八日。天氣快晴。勿齋贈好茶佳肴。

館事如例。午後加藤美作守來問。少時而歸。未刻松平主殿自姬路拾遺來。于此移刻而去。又赴拾遺館。中後携館徒見園中櫻花。友元。伯元。高庸。春貞。或携酒肴。或携行厨。正竹。春海。春澤來會。共提食具。自聖堂西壁並小岡鋪筵連延。又杏壇門廻廊側處處設席。各隨意或遊步。或穩坐。侍史筆吏小生等亦各處處相從。樹下煎茶。筵上開厨。或吟詩。或聯句。或歌闌睢。或吹小管。余與伯元。春海同坐。筆吏湊安隨之。以其齡漸老也。其餘與信常列居。皆以其齡弱壯也。勝澄十二歲在其中。吟遊不倦。殆如成人者。庶徒所詠。或古詩律詩。絕句相雜。如小生侍童等亦駢字。凡二十餘人。春信作記。伯元作序。日既西。而月生。于東。戌前余與伯元。春海等人館。信常。友元等群輩吟嘯樹下。至夜半而各人館。清隆進夜食。調各所寄之魚鳥。飲高庸所携之茶。漸及子之半而各罷去。實是館事之餘樂。

風流之一會也。

九日。館事如例。高庸遲來。曰。今朝有井河牧之招。曰。日光法會以前。登山可習練山中伶人。云云。近日首途云云。午時永伊牧來訊。有所咨詢。高庸勸好茶。伊牧曰。日光發途日迫。館事休而可也。既而伊牧見園中之花而去。晚炊之間。三竹來伴食。其後留談移時。周覽釋菜。管祭及櫻下春遊詩卷。至申半而去。黃昏訪姬路拾遺。

十日。館事如例。終日雨。

加點於仁明紀。至承和九年。而暫閣之。以庸也。明日以來。促旅裝也。高麗永竹來。請余書櫻下春遊篇。然懶筆。長篇縮作八句。授之。依其求信。常二元。庸貞亦書之。及晚庸也。詠雨中惜花。倭歌。伯元亦詠歌。余亦欲詠之。遂不成。而胡盧以爲如此。小技亦無平生之習。則難作。況於博識乎。

今夕燈下。因勿齋固請。自筆宴芝園賦。

今日園中雨滿。窪處落花如魚鱗之浮。然花有遲速。如祖鞭吳笠等。早開者皆落。如遺愛櫻。王家連珠商。結千里。鷺毛瓊樓玉宇白鷺洲等。半落半殘。如玉堂雲。彌添美色。如孟之反者。有欲開之勢。此十名者。皆往年余所新名也。事見家集。此外櫻樹未遑命名也。昨日三竹聞此十名。以爲雅趣。就中遺愛櫻。依史館營作移栽之。今春花如前時。不堪歡悅。

前日加藤作牧寄一硯。求名并銘。傳稱壬生忠岑。硯後世倣其製。云云。今夕閑暇。名之曰花露。作銘。

十六字

十一日。終日雨降。館中無它。

申刻後凌雨訪姬路拾遺自昨飲井關玄說藥今日小快云云。說於當時有良醫之名余至時說來在暫晤語既而拾遺招余於寢處對語聞今日忍拾遺來訊述。台命懇問之趣云云。薄暮歸館及

夜雨歇獨坐寂。讀漢紀

十二日。天晴士卒出

讀耕子忘日素食詣墓作哀詩四韻口授重晴草之彼亦呈絕句其志可喜焉既而館事如例勝澄來拜墳墓有哀詩就春信點鼠之余自筆哀詩以授勝澄使歸家供神主祐晴隨來頃口所寫倭書二十餘冊使彼標書之既而高庸來納新寫本於一箇使彼標書之友元高庸詣讀耕墓正竹好安道慶爲拜墓而來竹早去安慶伴晚齋而歸申刻館事畢與友元高庸等徜徉園中看殘花此間雨暴庭花多落僅存十之三也及墓春澤來拜讀耕墓野道設除母俗忌而來。

燈下寂。有感時之興召侍童田清口授之作雨後感花賦殆四百言始于戌戌成於亥半。

十三日。休日。早見高木正則贈大鯉一隻問起居如何。飯後攜春信訪姬路拾遺。赴太田

攝牧弔其妹喪。

午前歲半左衛門朝茂來是亦有舊好其祖父和泉守屢謁惺窩先生甚敬之今日談其事曰朝茂

幼隨祖父曾見惺窩於洛陽。惺窩着柿染暑衣。手把扇坐。聞和泉守判使童兒開柴扉曰。泉州能來孫携來始遇可喜。和泉跪石上拜謝。朝茂稽首庭上。先生再曰。可升於此。和泉攜某升堂云云。先生在洛北幽居甚貧。陪者唯一奴一童一婢而已。然威重如此云云。其餘所談及惺窩數件。少時而去。先考侍駿府時。與和泉執交。是以朝茂雖不學。至今吾問不絕。

午半。藤勿齋來。所兼約也。入館讀通鑑綱目數段。友元春信對讀。既而進晚炊。高庸來。松壽亦不招。而到食畢飲茶。茶者勿齋所持來。既及申刻。勿齋微行。見東叡山花春信。友元高庸松壽同行。少焉。歸此間。余命清隆安成等鋪席於玉堂雲樓下。滿庭花大半零落。只此一樹花猶爛熳。各坐其下。勿齋一覽八日詩卷了。高庸持行厨而出曰。是勿齋之所齋也。乃進餅菓銀錫一雙盛酒。勿齋又攜一瓢高庸折花一枝。紫瓢使松壽荷之出。席進酒漸數巡。清隆屢調肴進之。勿齋乘興而謠。高庸和之。清隆安成及侍童等亦被呼飲酒。日既暮而酒止。高庸去。以旅裝忙也。勿齋猶坐樹下。待月然天陰晦黑也。秉燭以遊。余唱一絕。勿齋和之。春信友元及松壽同次韻。安成田清亦和呈之。勿齋書生元隆別唱一絕。戊前雨降。勿齋入六義堂而談。清隆請休。國史館於是各又入館。清隆進點心。又飲酒徹膳。勿齋乘醉揮毫授清隆。時吉童清隆二男時十一唐突而出求勿齋翰墨。勿齋奇之。書授之。又筆授田清及童冠者。時既亥半也。雨不止而地震。於是勿齋辭去。友元松壽同出。余就寢。則自鳴鐘鳴九聲也。今日春常侍母少時出客席而人與重晴。他適不待席。自先考開此地以來三十五年。花下設宴。

始於八日。然唯是子弟門生而已。賓主獻酬。下逮家僮等。今日權輿也。一日之餘閑既足。且勿齋風雅士也。他後俗客流連之荒禁之而可也。可戒可戒。就想常也不願遊賞。慰母病後之寂。其志可嘉矣。信也。雖陪席。時時往省之。且地震時。侵雨步問之。其孝志可喜焉。

十四日 館事如例。春海來。及晚海唱上句。余對之信也。友元逐次吟之。乘興滿百。漸及子刻。今夜雲間士案見。

十五日 朝拜神主。詣墳墓如例。

館事如常。頃日使侍史筆吏等。點檢御製文集。劉基集。李文節等明朝諸家集。有所抄出。

及晚依兼約。赴卜幽宅。信常友元及春貞松壽從之。正竹先在彼宅。凡會者十人。以殘花留客爲題。分尤韻四十字。各探四字。賦四韻。治具丁寧。子後歸館。今夜月色快晴。卜幽吟上句。余對之。信常友元逐次至二十餘句而罷。

十六日 館事如例。鍋島侍從使者來。聞日光登山之事。贈信物。

及晚問輦路拾遺。氣宇未快。今朝令副刑部大輔政房來着。八日發。姬路行程八日。途中不及一宿。晝夜馳來。云云。聞余至。而早出對面。春信友元相共談話。移刻薄暮歸館。

永伊牧有折簡之招。有可告議事。明朝可來問。云云。今夕灯下無聊。以明日久娘大祥忌故。追懷殊甚。

十七日 久娘大祥忌祭其神主於奧詣其墓界其乳母銀一錠

余早出赴永伊牧喫素食伊牧談曰來月在山之間編輯之事可關之但考抄等不勞指南事使筆吏等勸之而友元伯元春常替日點閱而可也其出席延辰至已其婦縮巾至未刻可也是諸老所議定也云云既而歸館示諭館徒皆賜月俸如例故留安成指揮筆吏掌書籍出納之事使重晴從日光之行午刻松平主殿頭忠房父子來訊保田若狹守來皆詣神廟歸路過焉既而三人歸去讀春信所草天慶五年至九年朱雀帝紀至是而畢

昨終日今日午後讀伯元所草元弘三年自正月至三年兵革事繁頗覺冗後他日可再見之及晚金地院五長老來頃日自京參府去冬自寺社奉行所示諭之趣傳達五岳粗抄出之邇日可呈之云云余曰日光畢事歸府之日可寄之其後暫談話而歸逮暮返姬路拾遺之書於其近習者且問其疾病至是館事中力無他所之書

今夕獨坐館中追憶久娘

十八日 館事如例 見友元所草承安三年四年紀

及晚携春常訪姬路拾遺與刑部大輔談阿部四郎五郎等數輩在焉拾遺氣宇不異昨夕既橋少將忍拾遺久世大和守來訪呼諸醫告議飲那須玄竹法印藥是當時老醫而近侍營中者也刑部談曰今日有台命而麾下番頭隊頭弓銃頭步卒長悉有加祿之惠

十九日。休日。自夜中雨降。今朝滂沱。午後向晴。詣敬吉墓如例。

連晚又雨。阿部四郎五郎政重寄饅頭芳茗并肴。以問雨中之寂。

今夕作富士圖詩二首并序。此松平備前守隆綱所求也。圖有八樣。其景各別。當時名手狩野探幽所畫也。其餘六樣使信常二元分題之。

二十日。風起拜。大猷院殿。往時逢阿部正義。歸時逢大久保和泉守。立談而去。館事如例。

京極丹後守來。少焉去。良以法眼來。松平日向守。加藤勿齋携手而來。移刻同歸。良以亦去。

午半永伊牧來勞之。告議館事暫閑之。可促日光旅裝。自明日館徒皆休。而來月余發途之後日可會集。其儀如十七日所諭。伊牧去而喫晚炊。各飲芳茗。是昨夕阿部政重所惠也。

申刻之後。各賞六義堂庭牡丹。探寒韻之內四十餘字。賦絕句。薄暮詩成。伯元春貞去。友元及筆吏等留焉。各賦竹間牡丹及戌半而罷。今晚三老寄折簡曰。明朝有咨詢事。可赴輕橋少將宅。又寺社奉行有可議之事。可預聞之。

黃昏神原刑部大輔政房寄書曰。拾遺欲逢足下。明日已刻來問爲幸。云云。余答曰。輕橋少將第畢事而直可赴焉。就思拾遺兼聞明日休館事。而雖病中不肯忘焉。元氣猶不衰。可喜。其平復可待乎。自正月八日至今日七十餘日。除休日之外。不一日怠也。然編集望洋不可測焉。非積小成大之志。則何可成功哉。勉旃。

二十一日。卯刻出岡到腰橋第。吉良少將、井河牧加、甲牧、岡豐前守等皆集。預議日光法會事。今日勅使院使登營少將登營。余赴井河牧。河牧曰：多田院再興，新造一字五間，同堂異室，安滿仲牌於中央，以賴光、賴信、賴義家爲配位。考五人官位并忌日，詳記之。二十四日可登營。是諸老所諭也。云云。抑多田院在攝州，院內有滿仲騎馬像，其背有滿仲墓，其傍有若干墓。賴光、賴信、賴義家墳亦在其中。其石面字半存半滅。云云。秀吉沒收院領以來，堂院破壞，既八十年許。去歲有命再興之，聞二十四日召寺僧可賜院領。云云。河牧談曰：某今日不登營，依諸老之旨，赴姬路拾遺。聞今日紀伊參議光貞卿、水戶參議光國卿、尾張中將綱義卿、水戶少將綱方朝臣，枉駕于姬路第，問其疾。某以有累世之好，故可往待之。爲刑部少輔接遇之助。云云。拾遺病不可起，惜哉。勳蔭人望之高，生質正直之美，在當時兼備者，可以誰代之。余曰：固然。余亦今日應招。河牧曰：卿爲水戶參議，被眷遇故也乎？乃同途赴焉。時已刻也。彼族類及平生出入其門者，皆群來待之。刑部、河牧、松主殿及余相語，移刻午半。紀水尾四卿貴臨，刑部迎于門外，河牧助導之入書院。四卿詳問病證。刑部獻藥斗，少焉四卿回駕。刑部送于門外，既而各勸饌。喫了，河牧等去。主殿頭余留焉。拾遺飲玄竹藥，以來，吞粥加一椀，稍覺快。清云云。既而拾遺招忠房及余于枕頭，暫談而出。拾遺又呼余。屏左右者，遺言曰：某病不可起，儒禮之葬雖欲用之，然不可背時俗。碑銘一件，欲假卿手，以建于采地名山。淚下行。余亦沾袖。其餘一二件示諭之。曰：交睦及三十年，無敢隱焉。余規祝其平復而出。余隔十日見。

拾遺其肉脫體衰倍于前日拭淚不已。然今日比此數日則小快。似有憑焉。歸館少休。申刻赴忠房淺草別業。忠房自姬路第直來于此待余。以兼約也。信常友元及春海相從各入浴室。爬垢而出。到他閣共乘小舟繞池一回。而列坐閣上。及乘燭勸膳。肴款酒肉淋漓。茶果滿盤。餅餽交薦。各賦卽景詩已成。主人唱倭歌各和其末字。談闌不覺夜深。亥半辞去。徒步携手而歸。岡及半夜。

二十二日。考抄滿仲。賴光。賴信。賴義。義家官位忌日。使安成重晴侍席。信也灸治。

昨日藝陽世子綱晨寄布衣烏帽十箇。爲釋菜之用。又贈日光旅資。今日松平阿波守亦寄旅資。午半赴姬路第。問今日安否。皆曰稍好。既而與刑部劉食晤語。未半忍拾遺來問。入寢處而出。喜其小快。而復本座。玄竹來診曰。脉好。云云。忍拾遺曰。珍重而去。竹又談曰。每登營近御前。詳述病體。其小安則被動。喜色不平。則台顏不快。云云。拾遺拭感淚。刑部亦然。竹調樂而去。使其子玄格每夜宿侍焉。余與刑部留談之間。拾遺使侍者示一軸。見之。開之。則陶淵明畫譜也。畫者李龍眠。筆者趙子昂。見其跋。若真則奇品也。近賸物乎。想病間見賣物而慰乎。今日內藤左京亮來尋。與刑部談。余亦遇焉。凡每日來問者。并使者。不論貴賤。及五六百人。云云。刑部參府以後。未還其家。薄暮余亦辞去。余與拾遺識韓至今二十八年。忘富貧之異。前席打話。或詩歌相報。或講談累席。其事粗見家集。抑拾遺祖康政仕大神君。居先鋒職。與井伊直政。本多忠勝稱御當家三將。爲御家人魁。且旣橋少將。忍拾遺者外家族也。久世大和守。井上河內守。其父祖自拾遺家出。而仕麾下。被登庸者。

也。及當御代而拾遺與會津中將並平章國家大政。故諸老亦敬重之。貴戚懿親亦依賴之。況其餘乎。今日忠秋留談時。余顧刑部曰。事務繁多。不遑休息。今般來問數回。刑部被感悅。云云。忠秋曰。某外家之好而已哉。爲公希其平復。日日欲來見之。然同僚群來。則有妨看病。故與厩橋少將。美濃守。大和守。相約。交日而來。何勞之有。其言出自中心。踴躍六句。鬢髮皆白。然禮容甚謹。及其歸。而家長等跪庭上。余從刑部。送到玄關。忠秋下階降庭。揖家長等。不著鞋。跣而出。家長等屈拜過彼等面前。而着鞋。其謙退不奢。可推知之。忠秋少而多病。嗜酒好男寵。及四十自誓。禁酒絕淫事。奉公一日不怠。執權既三十餘年。不拘私恩。不見喜怒之色。每事清平公直而已。其偶在家時。不脫袴。不橫臥。聞營中夜直過城門既閉。脫袴就寢。無親無疎。皆曰。固是真國老。雖曰當世君子。不亦愧焉。

二十三日。先考忌日。夙興拜神主。詣墳墓如例。正竹好安來拜墳墓而去。以仙來爲其邦君京極丹牧使者。贈餅并肴。皆素食之具也。知今日忌辰故也。少焉友元春海伯元來。余唱草韻上句。友元對句成海唱第三。春信對之。其次春常伯元。以仙松壽也。安成重晴侍焉。各喫餅。卜幽來會聯句。勝澄亦來拜墳墓。祐晴從來未刻進齋膳。中刻勝澄以仙婦。入夜戌半草韻百句成。二元。卜幽春海。松壽皆去。松壽執筆。以仙備一句。

今日松忠房寄文德實錄。三代實錄。爲家本一校借之。返日並記于官庫。二十四日。早朝永伊牧寄折簡曰。今朝勅使等詣東叡山。爲警衛來山中。然有同途之人。故不往。

語二十六日携信常二元可來談云云辰半冒雨登城逢井河牧而同謁諸老示滿仲賴光賴信賴義義家之官位并忌日及滿仲贈位合三通豐後守曰數百年之久如聞今日之事河牧曰他人所不能也美濃守曰多出院再興功成可在今年中其間示傳奏達報聞而後決之則傳後世無異論牧野佐渡守上洛之節可議定焉依之附與三通於河牧河牧退謂余曰公家之徒何知如此之詳此是武家之盛舉何必與傳奏議之若夫贈位贈官之時則可達報聞每事如此延引可准知之既而余出營中過勝澄宅及本宅直到姬路第拾遺病昨夜不快今日少安云云刑部談云昨日依召登城近出御前台顏咫尺詳被問拾遺病體云云時及未刻與刑部及柳原越中守數輩喫晚餐玄竹玄格來診脉氣稍好云云水戶參議使者來盛牡丹數品於瓶贈之以慰病牀雨中寂也參議特意拾遺不起其懇誠如此既而拾遺呼余一人於寢所告曰今般來問者甚多然親族外無及卿志者謝而有餘落淚行行余亦滴淚曰玄竹療治以來進粥逾前日珍重珍重拾遺泣曰頃間喫粥非嗜之又非知味然玄竹登營而白下箸則台顏快然白不下箸則台顏不平且曰氣之毒也微身病勞台意不堪恐懼之至故強喫而已然前頃不能透喉二三日來纔透喉者玄竹藥力之驗也其聲稍啞余慮多言之勢而退拾遺顧而默然余出次座與玄竹父子談皆曰邇日雖似小驗然支體日衰不能回生然其元氣猶正雖小事不忘之且病根出自瘡毒是或不死之一證乎況台命特重故不能辭焉若食氣逐日益進則藥力亦可通乎既而竹去格止宿薄暮余歸終日雨入夜不歇

二十五日。天晴。友元來。興山寺來。

及晚訪姬路第。病氣少安。松平忠房、坂部三十郎、大久保和泉守、阿部四郎五郎同席。暫談而歸。二十六日。洛外采地八瀬民今日歸鄉。自去冬所訴裁斷事畢得勝利故也。

井上河內守傳達日光往還人馬官印。曰今日於營中小田原拾遺奉之。附與某而使達之。云云。余所賜馬五匹、步夫八人如例。春信初賜三匹八人。

午半訪姬路第。拾遺自昨夜彌留危急少馬出。到勝澄宅。信常待余于此。乃携信歷過土屋但牧、井河牧、鷹橋羽林、小田原拾遺。謝賜人馬官印。而赴永伊牧。依兼約也。友元先在焉。常亦至焉。伊牧有公用。在城未歸。其家長小嶋氏勸膳進茶。申刻伊牧歸。打話瓶盛牡丹紅紫白三色交枝。依求各賦絕句。入夜又勸點心。今日之會以日光之行在近也。戌刻告歸。亥前歸岡。

今日高力左近大夫高長寄華牋數百葉。此間自西肥參府故也。

二十七日。多田院別當來談曰。二十四日賜社領五百石。云云。此社事自先考時至余。往々有告官事故別當連謝。

携春信訪姬路第。榊原越中守、坂部三十郎自今朝來侍。刑部談曰。一昨日鷹橋羽林、小田原拾遺來問。病父詳述先祖勳功及其履歷。不忘官恩。昨夜久世和牧來問。其所談不異平生。然元氣衰憊。危急既迫。玄竹辟瘴治。昨夜與和牧議。猶用玄竹藥。云云。余使信先歸。與榊越坂十留談。拾遺昨

日呼余名三回。今晚呼余於枕邊。口欲言而不能語。余拭淚而不能退。左右皆泣。既而阿部豐牧來。今日殿中有勅使響應。畢事直來。不脫朝服。無困勞之色。到拾遺枕頭。先曰。營中響應無滯。而後詳問病體。拾遺聲嘆。豐牧執其手曰。可能保養而退。與玄竹議刑部等在側。竹曰。痰嗽漸止。熱亦退。支體枯衰。用獨參湯之外無它。云云。豐牧曰。世用獨參湯而不死者或有之。今明日試而可也。戒刑部曰。足下自保。齋如來問之人。棟越坂十等接待而可也。豐牧去而松平忠房父子。大久保和泉守。阿部忠右衛門。棟原左衛門佐等數輩群來。聞其大漸。無不流淚。刑部曰。即今有勸用蠶藥者。病人掉首。標指曰。依台命。飲玄竹藥。則何用他藥。上聞可畏。云云。薄暮余歸。水戶參議酒井匠作贈日光途中時服。

二十八日。早朝携春信赴厩橋少將第。少將赴姫路拾遺。不能逢。故赴源尚舍喫朝餐。以其本宅近厩橋第。聞少將歸宅。再往見焉。問日光發途。曰。四日早朝可首途。又曰。今日尾張黃門參勤登城。故無總禮。卿等不及登城。來月可登城。云云。乃歸訪阿部四郎五郎。以來月爲御使上洛也。且告日光發途事。暫談歸岡。毛利甲斐守使來。贈長門紙若干。

未刻因往招携春信赴水戶參議邸。賜晚炊。參議對食。祝饌別。辱獻酬之儀。微膳頻痛。姫路拾遺不起。其後或談本朝通鑑事。或談詩文章。及曰。今夏賜官暇。歸水戶。則可建聖堂。中華歷儒配位事。既陳。本朝聖堂以本朝儒者爲配位而可也。然本朝無真儒。唯惺窩。羅山二人而已。以二人神主爲配。

位云云時告尾張黃門來儀故談未了而辞去直赴姬路第今日大漸事急聞今朝既橋羽林來問拾遺開眼惜別未刻土屋但馬守爲上使問病拾遺不能起不能言開眼合掌而拜其後稻葉美濃守井上河內守來不逢而去云云松平主殿頭以下平生受恩顧者十餘輩皆不能去余亦在其列聞譚語之間呼余名再三薄暮尾張黃門來臨逢刑部而還秉燭久世大和守來呼玄竹聞其修術既盡曰卿獻御樂者也不可居臨終傍可早去可使玄格侍宿大和守自探筆告其趣諸老下筆之間落淚行行稍久漸書之滿座皆泣既而和牧婦刑部出口氣宇小安各可被婦臨終可在明日乎骨折坂部三十郎大久保和泉守等數輩皆明曉可來而去主殿頭惜別不忍去呼家醫問皆曰今夜未臨終於是主殿頭留家僕而婦諭曰事急則可速告雖途中可又來云云余與主殿頭同歸櫛原越中守兄弟止宿今日越中守代刑部到上使宅謝之今夕又到尾陽邸謝其來臨經歷又來二十九日納館中之書於文庫以發途在近也午後携友元訪姬路第聞昨夜家醫數輩相議進藥今日小安滿座皆喜午炊對食余少談而婦春海來與信談聯句余灸治聽之入夜而止戊刻海婦今日永伊牧寄書且示毛利甲斐守家藏舊證文三卷披視之則鎌倉京都武將執權與河野氏之狀也毛利氏曾與河野氏通婚故彼家書傳存其家乎

聞今日井上河內守加加爪甲斐守岡田豐前守發途赴日光昨日河內守甲斐守各賜黃金百枚豐前守賜黃金三十枚尋常旅行無如此之重賜三人共平生勞職役故也

今夜姬路拾遺卒。去年六十一爲國爲家可哀。可惜。然以明日。營中有更衣佳儀。故秘之。二日達。台聞。小田原拾遺爲。上使往弔之。賜香資。尾張紀伊。水戶貴介及在府群侯及麾下。濟登營窺。台意奉慰問之。及晚。刑部大輔到諸老門外奉謝。台問。然憚觸穢。不入門內。

四月

朔日。携春信登。營群侯賀朔禮畢。人御時。小田原拾遺啓赴日光山之旨。辱有。

台命。曰。勞事也。拜伏而退。謝忠清及諸老。

二日。貴介達官及門生。贈數品。就中金節添律詩一篇。嗣韻答之。且示古風一篇。

三日。卯刻出忍岡。先以順路赴土屋。但馬守。土井能登守。告登山之暇。而謁厩橋少將。問明曉發途之期。少將曰。寅半可出。卿先待于越谷晝休所。以與小田原拾遺有兼約。早出到忍拾遺久世大和守。各告暇。赴小田原拾遺第。主人不逢。他客招余。及春信於窺。設朝飧。進芳茗。懇遇異于他。

對話移刻辰半。歸岡。

自己至。未諸生等來告別。及晚。勝澄來呈送行一首。和答之。金節亦至。打話移刻。

四日。寅刻出岡。春信同途。已刻到越谷。待厩橋羽林。午前羽林至越谷。晝餉對食。今晚至幸手宿。應羽林夕飧之招。

五日。晝休於古河。晚宿千生。午晚共與羽林伴食。

六日 曉出壬生休于火夾。午後入日光山。以光榮坊爲旅宿。

七日 自今日至十六日。轉經于東照宮內。凡萬部余携信也。每日候法席。每夕訪羽林打話。信也依羽林之旨。逍遙山中。

十六日 例幣使參宮。

十六日 祭儀神遊。

十八日 勅會經供養於本社行之。

十九日 藥師堂 勅會法事。

凡自七日至十九日。每日有法會。其事詳在別記。

今夕携信也。出山宿鹿沼。

二十日 已刻羽林到鹿沼。乃同途宿壬生。

二十一日 出鹿沼。休于眞間田。宿幸手。凡在山之際。路中往還。羽林懇問異他。屢惠肴菓。

二十二日 晝休于越谷。羽林伴食而出。午後歸入忍岡。春信今度初祇公役。平安而還。可喜可喜。

二十三日 早朝携信赴腰橋羽林第。而經歷諸老。復赴羽林第。隨其後登城。午刻登山。諸役人悉被召於御座間。奉拜謁。有恩言曰。各勞事。余及信亦在其列。

二十四日 今晚訪酒井河內守。羽林嫡子。而直赴羽林第。打談而歸。

二十六日 訪柳原刑部大輔哀惜故拾遺今晚松平主殿頭忠房同席

二十九日 公家門跡登城拜禮事在別記

今日故姬路拾遺周月忌也余及信常友元各作挽詞與松平主殿頭約期往喫晚齋及夜深而歸晦日

五月

朔日 登營三日營中猿樂登營

四日 今晚應觀橋羽林之招

五日 端午登營

六日 國史館起筆依日光往還之事閣筆四十五日友元等出席如前高庸依伶人等在府與其父兄在同所且因舞樂上覽習禮而不來館中永伊牧寄水野石見守所藏之書

七日 館事如例

頃聞竹內門跡良尚親王自日光來在府以有先考舊好故被惠信物余不能往謝遣使者呈排律一篇絕句一章今日被寄和韻二篇讀之則聲律不凡句意共奇也在當時僧中未見如此之詩可以嘉之乃再和寄呈之

今日公家門跡賜端京之暇事在別記

八日。館事畢赴松平主殿頭淺草別墅入浴。信也依其求講小學。

九日。十日。十一日。館事如例。

十二日。館事畢申刻之後赴忠清第携信也讀日光法會倭字記。是因忠清之旨今度所新作也。

十三日。休日如例。藤勿齋來問。

十四日。館事如例。

十五日。館事如例。

今日召四辻亞相父子小倉黃門于營中有管絃四辻彈箏并倭琴小倉彈琵琶伶人數輩吹管。

余登城聽之。午刻歸館。

十六日。館中無它。

十七日。高力左近大夫高長來訊見館中之趣而歸。申刻後携信也赴忠清第讀日光日記。

十八日。館事如恒。忠清寄書曰明日召伶人於殿庭有舞樂上覽可携信常登營云云。

及晚赴松忠房淺草別墅入浴。

十九日。早朝携信常出岡。先到忠清第辰半登營。大樹出御白書院甲府館林兩參議及御

譜代御家人依召登營。搆舞臺及左右樂屋於庭上巳刻舞樂始。

振柝三節。

左 蘇合香

右 退走禿

左 迦陵頻

右 胡蝶

左 採桑老

右 敷手

左 青海波輪臺垣代四十二人。

右 小島蘇俄以胡德樂代之。

左 陵王

右 納曾利

退出長慶子

此中青海波、蘇合、退走禿四十年來不舞之。今度再興之。採桑老秘曲也。齋戒七日而舞之。云云。
及午半畢余携二子歸。今日友元、伯元亦登營覽之。

二十日。早朝拜大猷院殿。

館事如例。松忠房來。午後勿齋來。及晚忠清寄折簡曰。今夕在藤堂和泉守第可來會焉。乃

往而與忠清談及酉半而歸。

二十一日。館事如常。

及晚伶長狍近元號_{（註伯者守）}來是高庸父也。余所素知也。今般在日光時。謂余曰。到江戶有暇則可奏舞樂於聖堂。是年來所願也。且高庸幸列國史館。不可不與行之云云。今晚又及此事。曰。營中舞樂既畢。則邇日可催之。余感其志。且喜。聖堂追類宮闕里之風。乃以二十五日爲期。以爲館中休日也。近元許諾。少焉庸也亦來。乃勸盃酒於彼父子。暫談而狍氏父子歸。

聞今日柳原刑部大輔政房登營。以一昨日俗忌五旬已過也。忌中有命相續姬路采地狍氏去後。余往賀之。及黃昏而歸。過辻了的。暫談而歸。

二十二日。

昨日土但牧士能牧寄折簡。有今日可登營之旨。故早朝携信也。先到忠清第。已刻登營。辱賜黃金時服於余及信也。勞日光祇役也。乃經歷諸老述謝而午後歸館。友元等在館如例。寄書於忠房。告二十五日舞樂之事。約借守番者及匹夫。

二十三日。拜神主如例。

高庸初列館席。乃加點於仁明紀。

二十四日。館事如例。

通史館日錄二

忠房家人率匹夫等洒掃堂庭。又運樂器及舞衣數合。高庸及其弟勝秀巡視。又使家僮等洒掃堂內。陳設祭器。及晚應招赴忠清第。打話之間。及舞樂之事。忠清曰。聖堂舞樂固是盛舉也。明朝可贈酒肴於厨所。云云。戌刻退歸。

二十五日。先聖殿舞樂。有別記。營中猿樂有別記。

二十六日。館事如例。聞召伶人等於營中賜樂所料。

二十七日。館事如例。及晚赴忠清第。及聖堂舞樂之事。及婦主人曰。明日召諸大名。有櫻應猿樂。是日光法會事畢之賀儀也。卿亦登營可也。且日來月五日於私第招登山勤役之輩。設猿樂。可携春信來觀。云云。

二十八日。營中猿樂有別記。今日依爲賀儀。猿樂有開口之事。兼日森川下總守承密旨使余新作其詞。今朝進藤權右衛門唱之。

ソレ松ノ色ハカハラス夏ノミトリノカケシケイク下世マテモカキリナキメクミソ
目出度カリケル

二十九日。館事如例。

讀春信所草天曆元年至十年紀。此間自四年至十年舊記殊乏。先日讀春常所草應仁紀文明初年紀。

日光帰後 公私多事暫緩筆記至六月初追記之故多畧脫。

六月

朔日 拜聖殿拜神主參墓等如例 依頭痛不登營信也登城 今晚有約欲赴松忠房本宅然以不登營故不往信也往講小學。

二日 先妣忌日祭儀如例 野爲導廣庭中務來于館中是廳司攝政家司也頗知朝廷故實暫談及國史事既而望請拜聖堂而歸。

永伊牧寄尺牘曰五日既橋少將之招館事一日之滯可無妨不及以休日代之。

三日 館事如例 頃日春信友元春常伯元所草如前高庸所點亦然春貞抄出皇明通紀憲章錄畢侍史筆吏等或抄出松忠房水野石見守倭書水戶參議朝鮮詩文或者石川主殿頭源藤系圖或校榊原刑部大輔陰書大鏡或抄出近代小說年月其中備書亦有焉 今晚太田攝津守資次來訪暫見館中之趣而歸。

四日 館事如例點了仁明紀以續日本后紀考之午半狛近元來此間館衆各賦聖殿觀舞樂詩凡二十餘首集之爲一卷今日幸附與近元大喜曰家珍何以過之在館數刻申時近元高庸父子携手而歸聞明後朝近元歸京彼齡齡六旬太強健雖壯夫不及之其潛心家業世皆知之。

五日 早朝携信赴忠清第日光門主毘沙門堂門跡及東叡山僧徒并日光法會諸役人等皆群

來有猿樂九番。預饗應。飲食者三百人許。及申刻畢。各退去。明日又有猿樂云云。余歸館霍亂。

六日。霍亂小快。館事如例。

未刻榊原刑部大輔政房來訊。初見館中之趣而歸。今夕春信爲諸生講杜律。

前日聞武田道安沒于京師。是當時老醫累世之舊交也。其事粗見先考集。頃聞公私多事。今夕闕暇作挽辭。寄其子泰安。杏仙。仙常侍江府。余在日光之際。賜暇赴京師。

七日。休日也。草故姬路拾遺碑。未成。

八日。館事如例。阿部政重來近頃爲官使赴大坂。阿豐牧使者佐々木萬次郎來。豐牧近頃養病不登營。見古器以慰其心得。一硯雕龜于池面爲之求名。乃揭洞玄洛瑞萬齡三名以遺之。

及晚訪豐牧病。歸路訪厩橋少將。他適不逢。直赴阿部政重宅。打話入夜而歸。

九日。館事如例。及晚往謝榊原刑部大輔。以昨日有贈物也。

十日。館事如例。讀友元所草安元二年三年治承元年記紀力。及晚赴松忠房淺草別莊。入浴。信

也講小學。友元春常同來。榊原刑部及狩野探幽先在焉。及暮狛高庸携其同僚三人來。浮舟池上奏樂。二管相合。琵琶相和。及戌半喫食。子刻歸。

十一日。十二日。館事如例。

十三日。休日也。赴藤勿齋宅。終日遊慰。信常。友元。正竹。高庸等來會讀通鑒。晉紀各賦卽景。

及夜而歸。

十四日。館事如例。申刻携信也赴旣橋羽林第。讀日光倭字記畢。凡三卷。自四月上旬至今月五日。悉記法事始末。今夕吉良少將。神原政房。松平忠房及野三竹同來。及夜而歸。十五日。早朝赴永伊牧宅。伴旣橋少將朝飧。少將今旦巡視西丸而過伊牧宅。昨日有此約。故余俄應伊牧之招。已刻歸岡。則館衆皆既集會。余少休。訓點如恒。

十六日。嘉定會也。余以當顯祖林入忌日。夙祭其神主。喫素食。事畢。辰半登營。見嘉定會群參。余亦循列拜。戴餅餌而歸。時旣已半也。館衆既皆來集。及晚聞松忠房。三竹在神政房別墅。卽是故拾遺所住。與史館接隣。故携常也。往見友元同行。信也有約赴加賀邸。不赴政房墅。余頃日有暇。則草拾遺碑。殆三千字。旣成。唯銘未成。今夕持其草。使常讀之。讀了。三竹先歸。及黃昏。主客共喫頓點。秉燭而歸。戌半信也歸。余再見碑草。有所增減。及已後而休。

十七日。館事如例。高庸詣紅葉山。不來館。讀春信所草。邑上帝天德。應和紀凡八年。午半之後。庸來。訓點如例。

申刻依豫約。携信常。勝澄。友元。詣水戶邸。謁參議君。君動喜色。誘余輩逍遙園中。周回寬廣。有池有林。池上架長橋。橋下有舟。喬木茂草千萬章。攀細徑上山。山有二堂。其一號夷齊堂。在半腹。其一在絕頂。號至德堂。或名達德。祭泰伯云云。君超兄爲嫡。常有遜讓之心。官命不許。故養兄子爲嗣。使其子

爲兄之子互相易以遂素志。故祭泰伯夷齊也。其餘境致暫置不言。遠望絕景不可勝計。旣而君來憇池畔亭子。招余輩探題賦詩。又聯句再巡。日暮月明。園中彌添興趣。君曰。今秋賜官暇赴水戶。則可立學校營。孔廟然制度未詳。云云。其雅談多。余曾望請弘文學士院健筆以爲扁額。今日幸得賜之。欣然殊甚。謝而有餘。君曰。眞其悅之。則還日可再來。余曰。唯命之從。君曰。登時可携伯元。高庸而來。云云。三更漏移。告暇而歸。

十八日。館事如例。點丁文德紀以實錄參考之。

十九日。休日也。早朝高庸來。乃携之赴輕橋第。對話喫素食。而後開彼家譜。加書日光法會總裁事。使庸筆之。畢事而出。赴永伊牧。不逢而歸。今日敬吉忌日祭神主。詣墳墓。此事今日雖可行之。然依輕橋之招。而延至午前。今日彼羽林亦齋日。故素食相伴。午後閑坐史館。柳原刑部大輔使者來。贈倭書二橫。依彼先考遺言。也不堪懷舊。落淚行。一昨夕水戶君曰。姬路拾遺哀惜殊甚。前日作挽詩以述情志。然不示人。云云。今日附政房使傳達君之情。

二十日。早朝小山原拾遺使者來曰。今日拜大猷院殿。而過門。故使人問安否。卯半余拜廟而歸。喫朝齋。藤勿齋來。誦通鑒綱目。與信也對讀。旣而友元高庸春庭至。脇坂中務少輔來。少焉去。伯元亦來。及辰半而勿齋去。館事如例。加點清和紀以實錄校之。巳半松忠房父子來。少時而去。

永伊牧來見信常。二元勞草案曰。苦辛如此。欲使諸老見之。伊牧對話之間。松平日向守來。以歸國在近故欲告別也。日州去而伊牧亦去。

午炊之後喫瓜消暑。是庸弟窪氏所贈也。申刻之後。長門拾遺毛利氏使者來談曰。元就戰功始末畧記之。然猶未成。乃問其記事之趣。余示諭件件。薄暮小嶋道慶來。自去月送其邦君歸國到大坂。而昨之昨歸宅云云。(少)小時相話而歸。今夕信常與友元。高庸納涼于聖堂後庭。

二十一日。館事如例。信常。友元。高庸示昨夜所作詩。點清和紀貞觀元年。小出勘解由來。前橋少將寄書曰。日光記有可改正之事。二十五日之夕可來云云。

今夕七娘嫁勝之昌。是山妻外姪也。七娘幼時相約配偶也。清隆等家僕六七人從行。

廿二日。早朝赴永伊牧吊姊喪。

館事如例。今夕勝氏來修賀儀。

二十三日。祭儀參慕如例。館事如例。

二十四日。館事如例。遣賀璋於官庫。與庫吏三雲氏。星合氏。淺羽氏相見。改葬日次記等官本冊數而盛二概。而使町中匹夫二十人昇之。而歸忍岡。匹夫者町奉行渡邊氏所命之課役之者也。前橋少將片楮來。可縮明晚而明朝携春信。友元而來云云。

二十五日。早朝赴忠清第。信也同行。友元先至。吉若州等群客集會。主人示日光記可改正條件。

喫朝飯而歸。過阿部政重對話。告暇而歸館。政重大坂發途在近日故也。午時出岡赴勝氏宅。山妻信常同途。未刻到彼宅。與七娘相見。修賀儀。與勝氏母子七娘行酒喫饗膳。而黃昏歸岡。

二十六日。館事如例。書賈白水來曰。昨自洛入府。去冬所示倭書新寫來。

二十七日。館事如例。

二十九日。小盡。

七月

朔日。夙起赴忠清第。喫飯登營。退。公之後應小田原拾遺之招。對話晚殮。借倭姬世紀而歸。

二日。館事如例。今晚罹瘧。招正竹而服藥。

三日。因瘧疾而不赴史館。信常。二元以下。座如常。

四日。服正竹藥而瘧勢稍弛。

五日。

六日。久保氏爲執政之使。有諮詢之事。

七日。牧野佐渡守來。余負病出見。告以國史編修之事。且談欲求朝家之遺書。因佐牧近日歸

京。與諸老皆議如此。佐牧歸後。馳片楮而告其趣于永伊牧。

九日。依瘧疾未平。今日招官醫意安法印。飲其藥。

二十二日。今日瘧愈。自二日至廿日。凡一發。

二十三日。使信常等代余祭神主詣墳墓。余雖不赴史館。友元。伯元及庸。貞等日日出席如例。信常更日。一人赴史館。一人侍余病。

頃間賜封戶印章於諸國寺社時。依井河牧之招。春信。友元改正之。其日乃休館事。是亦執政所知。與永伊牧所議也。

余病際。既橋羽林小田原拾遺使者屢來。或贈菓肴。忍拾遺。久世和牧亦時。使人問之。松平主殿頭忠房自來頻繁。鍋島加賀守。藤勿齋等。或自來。或使者來問。其餘相知者。來問多。友元。伯元。每晚自館來問。庸。貞亦然。其餘門生時。來訊。其中日。來瘧發時。侍枕邊者。高春澤而已。

二十九日。午時。永伊牧來訪。至寢所問余病。頃來有姊喪。又有姪喪。故問尋遲怠。云云。且日書估白水於京都所寫來之倭書。移取史館。可使諸生等點閱之。云云。少焉去。至史館巡見而歸。

八月

朔日。早朝信也登營。使常也代余拜聖堂。拜神主詣墳墓。已半信也自營中歸。曰。今朝登營於殿中。俄氣宇不平。幸遇良以法眼。飲其藥。遇針醫山本友仙治之。稍得快氣。云云。既而氣宇平復。今晚余瘧疾再發。寒熱稍輕。入夜汗出漸。而快。又飲意安藥。以自昨日爲入專如此乎。三日。昨今白水運新寫本于史館。凡四百五十冊。命賀璋點閱之。其中往。使安成讀之。而聞焉。

十一日。自朔日至九日。瘧疾隔日而發。至今日而愈。以八專既除故乎。

十五日。信常等館事畢。暫月於國史館。各賦詩。余雖未能往見之。賦詩示諸門生。

十七日。早朝大久保和泉守來問。招寢所。暫談而歸。午時松平主殿頭來訪。招書院對談。昨日賜歸城之暇。發途在近。稍久而去。

十九日。叔父東舟正忌日也。信也赴井河牧。故使常也代祭之。及晚喚高麗永竹喫晚炊。彼東舟之舊門生春澤養父也。

二十日。藤勿齋來問。招于書院。而對談良久。時意安來會。

二十八日。自十一日以來。氣宇逐日快復。然秋霖連日。故畏風雨。未能出寢所。

二十九日。迅風大雨。滿城大厦小屋。或壁倒。屋破。樹木折損。余本宅亦破損。此岡中水滿如川。

晦日。自六月至八月。病後追記之。事多漏脫。

九月

朔日。信也登營。使常也代余而拜聖堂。拜神主。詣墳墓。如例。

二日。永伊牧寄舞樂書十四卷。曰是興福寺所藏之舊記也。頃日有故到寺社奉行宅。執政聞之。曰是雖不與編年之事。可遣國史館寫之。幸高庸在席。可考閱之。云云。故傳遣之。云云。余乃附高庸。三日。已刻永伊牧來訪。於書院對話良久。有所議數件。余曰。頃日氣宇既快。待雨晴。可出史館。伊

牧曰暫養保而可也。厩橋少將及諸執政等屢云爾。云云既而伊牧歸。

四日。快晴。余始浴湯。氣宇無它可喜。今日喚傭書者寫樂書。田中好安爲酒井匠作使來。曰。若

狹國多產紫石。斲之爲硯。衍乎欲欲藏于諸國大社名寺。病氣本復。請爲數十字文。刻之于硯裏。云云。余

曰。諾。若州匠作所領也。

五日。武田杏仙來。余在日光之際。杏仙聞其老父獵德院法印道安疾病歸京。五月上旬道安遂沒。年八十二。喪葬畢而與其兄泰安共頃間東來。今日對話之際及亡父之事。我先考與道安執交五十年余亦相識。且有藥治之驗。故懷舊殊甚。仙請記小石碑陰。余曰。病餘未作文。請暫待焉。道安以醫名于世。且好儒學。其葬依遺言全用家禮之式。不倩浮屠。老友石丈山書其官位姓名于碑面。云云。

午後。余病後始到國史館。少焉歸。

晚來松平主殿頭忠房來問。以重陽前歸城故告別也。今發余官事多。且以臥病故。比前年則會某不多故別離之思不少。此人在士林交際之睦。謝力亞姬路故拾遺者也。

六日。午前赴史館。移時歸寢。遣書於忠房。謝昨晚之來問。且告別離之情。

晚來厩橋羽林片楮來。曰。頃口氣字如何。今晚在藤堂和泉守宅。聊有可談事。可使春信來。云云。申刻館事畢。信也到泉牧宅。泉牧羽林之婿也。去月廿四日既招信於泉牧宅。有諮詢之事。今夕亦可

然乎。春常依兼日之約。遊於伯元宅。高庸同行。正竹。春海可會集。云云。戊後信歸。曰。彼席有本朝舊記之間。云云。常及此刻而歸。賦詩聯句。云云。友元亦來會。高春澤亦至。云云。

七日 史館休日如例。今日快晴。曝書畫軸于書院及史館中。依余病氣延引至今。

華人朱之瑜今晚到元宅。常也往而筆談。云云。是寓長崎有年。依水戶參議之招。去七月來府。余病中不能面談。信也既會於鍋島加牧及友元宅。常也今夕初逢。以彼近日赴水戶也。聞彼明朝學生。不仕縫磨。經歷他邦者也。頗志理學。弄文章。好翰墨。於詩賦爲短也。友元甚慕華風。屢招屢逢。相睦如故人。聞藤勿齋亦會逢。云云。

八日 終日雨。余不能赴史館。

九日 朝雨未晴。已刻晴天。信也。常也登營奉賀重陽。余雖未能出。然氣宇既快。拜神主設小祭如例。午前獨座寂々。作一絕自祝。氣宇漸復本。午後信。常歸談曰。群拜畢後。執政等過信。

常所座而顧問。弘文院氣宇如何。就中忍拾遺丁寧親切。永伊牧在側。助言於信。常云云。

十日 快晴已半。余到史館。遇群輩。見倭姬世記。是前回借小田原拾遺本寫之。然以爲病中一覽遲滯云云。出好安來口授原作。所求紫石硯記以艸之。高春澤來口授曾我伊賀守所求瓦硯

銘。授之。此前頃。份永竹所懇望也。

今日無風。無雨。稍溫暖也。余入浴。始剪手爪。

十一日 朝雨。午晴。晚陰。申刻館事畢。余病後始赴高庸宅。庸先歸。二男二元先行。余遲日將往謝。諸老故以庸宅近而其境僻。聊試病後氣力也。然倚燕几坐蒲團。欹枕擁衾。與余宅不異。二男二元侍側。前席相話。賀璋從來友。元聯菊句。各相次十五韻。戌刻進膳。既而各賦雨後待月詩。及亥半歸。今夕病後之行。滿家皆欣。

十三日 華人朱之瑜。邇日將赴水戶。春信往告別友元同行。信早歸。元留談。館中休日也。余兼言玩月於六義堂。然伯元高庸皆有事故。不來。唯友元隨約申刻來也。信以爲堂主故。掃塵以待之。既而余荏杖徐步而行。常從之。信迎于堂外。今夕斜陽浸前池。五色變態。士峯見於其中。是此堂之常景也。然病來七旬。相隔殊覺壯觀也。薄暮月出。清明標石月十題。余友元二男及侍生六人分闕賦之。余又卒吟一絕。衆皆如之。且聯句五十句。亥前喫食。子後歸。與

十四日 館事如例。余亦往見。

十五日 微雨。半晴。半陰。

十六日 終日快晴。午前入館。未刻歸。寢喫晚炊始出。赴輕橋。少將第。對面謝病。中信問。暫談而出。時申刻也。直赴忍拾遺。小田原拾遺第。而老他適不逢。乃訪久和牧對話。述問病之謝。出過永伊牧。入其休所。暫談時。既薄暮。臨去。主人送到玄關。賀氣宇復本。且曰。專可勸養保。勿勞館事。暫待氣力之增而可也。既而赴土井能牧。告久病不登勞。^{熱力}主人着肩衣袴。於書院對話。頻述病中不通信而今

預來問無面目其誠心形于色余謝而出過井河牧門以頗勞倦馳使告病愈謁諸老而訪土屋但牧主人使其子迎而相逢休所余所告與能牧同主人曰頃聞始聞卿臥病然繁務不馳使時出一視示之曰請爲之銘硯面刻鸚鵡桃實蓋因鸚鵡啄金桃之句乎余諾而出入本宅暫休以使告勝澄及姻家倉橋氏曰今夕始經歷諸老日既暮故不能往逢再出之日可期云云既而過意安法印他適不逢其兒出迎傳語意安謝今般良藥有驗遠方來尋而歸到岡漸及戌刻宜人二男及家僕等勞始出遲歸然見余氣宇無他皆欣欣然病來七十五日而經歷城下然脚力猶弱可經日登營云云凡諸老之中平生之懇遇且余所依賴前橋少將其隨一也小田原拾遺自其先考丹牧與余顯考相好余亦自拾遺未爲執政時交際不淺故今不忘舊交忍拾遺平生音問雖稀常感余勉家業頗知我人也久和牧皆爲先大君侍臣與我顯考日夜同席且余亦相知既三十年彼爲人和柔也故晤語少所憚也能牧但牧者以爲麾下長故余亦在其支配之列然余平生所預事或朝廷之政或異國之事而執政之所掌非麾下之事故諸老懇遇越常人而但能二牧視我如平人余亦往謁稀故不知余久病然能牧先考古河拾遺遇我懇重也故自能牧了角時相見以是相逢則有不忘舊之情如但牧則與我顯考交淺余亦不相馴其遇尋常者非可怪也永伊牧宅在小田原拾遺久和牧間且掌館事諸務況彼人少年以來頗有師資之儀交際特厚故今夕往訪如井河牧交際三十餘年之學友也心情互和今夕不訪亦不爲失禮然以可喜余病愈故馳使而已其餘病中來

問士林之人。謝語雖遲引。不及爲失禮。今暫保養。漸爲之而已。燈下寂寥。寶璋侍焉。漫筆。口授件。不可令外見也。

十七日。土屋但馬守寄硯蓋樣。名之曰鸚鵡洲。作十六字銘。使友元書之。逮伯元歸。自館以其道近故。傳達但牧。今朝小田原拾遺寄折簡。賀昨日始出。且以不遇爲遺念。

十八日。高庸寫了今夏日光法會記。此依前橋少將之求。館事之暇所染筆也。以明日休日故。兼約赴興山寺。入浴室。謝病後之鬱。然主人報有事故。是以俄約赴友元宅。藤勿齋書信至。賀氣宇平復。且寄蒲萄一籠。

十九日。午前赴友元宅。二男伯元。正竹先行下幽。勝澄。高庸。春貞未至。各賦岐陽微雪。江月近人二題。且聯句五十韻。子後婦今夕書。估白水來陪席後。駢江月三十一字。滿座皆以爲奇。

二十日。早朝大久保和泉守來訪。移刻而去。已刻各集會如例。余亦在館。半井驥庵來。少焉去。午。前神原刑部大輔來訊。移刻而歸。午後意安來診脉。喜氣宇平復而去。藤勿齋來談。良久至未刻未去。與館衆同喫晚齋。余亦伴食。病來食于館之始也。申刻館事既休。勿齋亦去。余入寢。高木甚左衛門書信至。寄小兒一隻。此人音問頻繁也。

二十一日。太田備中守資宗使來。寄鴻一隻。問瘡後安否。斯人交際和睦。然今般參府以來未逢。故逢其使。懇謝之。自午至未。在史館。

二十二日。自己半至未刻。在史館點檢今春以來諸生等所筆抄。聚類爲冊子。殆五十帖。集本朝

之事曰國史考集中惟三韓之事曰國史外考是漸爲附四人草者記各年之下也然事畢之後亦是博考之敝帚也莫傲反古堆之看

大久保和泉守寄 本朝半百武將畫圖是彼亡父正之二十餘年前與余輩相議成之傳與和泉守今有所議而寄之其小傳則余 先考及余與亡弟作之皆自筆也對之落淚行且正之亦物故其兩則狩野氏數輩所描也其中今亡者亦有之嗚呼二十餘年之變態豈唯是而已哉云云乃一覽畢返之就想此圖正之深秘不示人故不行于世其後淺野因幡守長治聞羨之一倍其人圖百將又請 先考及余與亡弟作小贊記圖上其圖贊傳寫普流布于世辱入 台覽余曾蒙命作百將倭字傳七卷伯元淨書獻之長治元本羅于西之災然其傳寫逐年不休今既板行士林家有之正之元本雖不行於世見在其子之手信常等弱少未詳始末故記于此以爲話端

二十三日 祭奠參慕如例自巳至午半在史館點檢國史考及晚潮路庵主宗古盛芳茗于小壺添鮭一隻贈之有憶曾遊之趣寄茶于館中各喫之余亦赴館作一絕勸館衆同賦詩就淨書爲一卷寄庵主謝芳惠曾遊潮路庵見家集

燈下寂寥作水月琵琶記是松平忠房所求彼歸城之時懇請所約諾也

二十四日 自巳半出館見春信所草村上康保紀盡四年而見冷泉安和紀盡二年了既及未刻與館衆喫晚飯歸寢 入夜炎治

二十五日。雨降。以館休日故在館保養。終日寂寥。作大公垂釣贊。是稻葉出羽守所求也。又作本朝百將圖序。是松平日向守所請其歸城之時。與藤勿齋促之。百將履歷。余自筆一枚。序使。伯郎代書。其餘九十九枚履歷者。春信友元春常伯元。狛庸各書十一枚。其外勿齋及某三人各書十一枚。其分配春信爲之。余不細識焉。今晚春信應加賀中將招_{之說乎}往講詩經。及晚作春常所藏畫軸贊九首。是備前世子綱政後素也。今晚石川主殿頭昌勝寄紅梯。此人累世通家也。自祖父忠總與余交睦。

二十六日。陰晴兩端。自巳至未。在館中。小田原拾遺音問丁寧寄兩種。

今夜讀了荀悅漢紀全部三十卷。今春以來公私繁務。繼有日光行。且臥病累日。故畢功遲滯。昔先考語此書之事。有教諭之言。因書其趣於卷尾。日授安成草之。戌半至亥。自筆昨日所作九首于圖上。病後把筆之始也。

二十七日。陰雨。自午至未。在館。

申刻赴高麗永竹宅兼使。春澤來請也。信常友元狛庸春貞相伴。伯元微恙不往。竹澤迎接。治具丁寧。以菊有延年術爲題。各賦之。席上有瀟湘八景屏風。六客及亭主父子探闌各賦一景。竹求小序。春信友元爲之把筆。即時乃成。竹又請聯句。吟十六句。丁既過夜半。各欲歸去。亭主又勸點心。喫了而皆歸。入圖漸至北刻。

二十八日 晴 自已半至午半在館

申刻經歷諸老及永伊牧忠清有故障。豐牧、濃牧他適。伊牧亦然。和牧以此月當職不之他。晤語之間有他客早去。歸路過酒井匠作本宅。述病中使价之謝而出。訪阿部政重宅。問其留守安否。政重自初秋爲上使。赴大坂未歸。既而過本宅。欲過勝澄宅。聞其赴忍岡而不往。訪姻家倉橋氏對話間。遣使遠山氏而歸。逢勝澄于門。時既黃昏也。今夕春常爲館中諸徒講中庸。勝澄及春澤等亦與聞焉。云云。春信問七娘以不久逢故也。

二十九日 小盡 晴

自已至未在館。點檢所寫倭歌書。此先日自京師所寫來也。余病中諸徒等考其年月。雖抄出之。猶慮有漏脫也。北村道爲來謁。是舊門生也。三十年前親炙于(邂逅)先考。其後久在大坂。頃年住參州刈屋。筮仕稻垣氏。比日參府解后之遇。及往昔之語。屈指算之。則與彼同遊于門下者半爲鳥有。半分散他方。非無感懷。昔相識之初。我爲童冠。彼爲壯夫。今日我既近半百。彼云六十三歲。移刻而去。今家藏范史。彼寫點數冊云。

寺西將監來。是藝陽家老也。自先考時所通交也。彼頗有好學之志。故不絕交際乎。少焉歸去。

館中諸徒頃間抄出錄力獻微錄爲繼。二十一史而爲載國史外考也。凡外考一考之後。使春貞參校之。以分年與本國年號配當。貞也。自今夏考明朝事。猶未畢。

日本漢文史
籍叢刊

第四輯

傳記

[General Information]

□ □ =14664094

SS□ =14664094